



29

E. xv

18/16

47401
ANTONII DE HAEN

*Consiliarii Aulici, ac Medicinæ Practicæ,
in Alma ac Antiquissima Universitate
Vindobonensi, Professoris
Primarii,*

RATIO MEDENDI

IN

NOSOCOMIO PRACTICO
VINDOBONENSI.

VOLUMEN II.



NEAPOLI MDCCLXVI.
TYPIS DONATI CAMPI.

Expensis Stephani Manfredii.
Superiorum Permissu, ac Privilegio.



ELENCHUS CAPITUM:

- Cap. I. **D**E Tympanitide & hydropes Cystico varia. pag. I
- II. De Coxario Morbo. (*) 45
- III. De Apoplexia , & Nervorum Morbis. 69
- IV. De Sanguine , & Calore Humano. 95
- V. De Singulari Quorundam Medicamentorum Virtute. IIII
- VI. De Virbius Electrinis. 122
- VII. De Febris cum exanthematibus quæ petechiæ & miliaria vocari solent. 132
- VIII. De Hydrope , & Tympani-
- a 3

(*) Animadvertatur quod hoc caput pro II. impressum est, errore Tipi , XXXII.

<i>panitide.</i>	152
IX. <i>De Hydrope Pectoris.</i>	171
X. <i>De Epilepsia, & convul-</i> <i>sionibus.</i>	198
XI. <i>De Calculo, Vva Ur-</i> <i>si, Lithontripticis Di-</i> <i>ctis &c.</i>	212
XII. <i>De Aneurysmate.</i>	237
XIII. <i>De Cardialgia Chroni-</i> <i>ca.</i>	254
XIV. <i>De Vario Hydrope, ac</i> <i>Tumore Abdominis.</i>	274
XV. <i>De Hydrope Pectoris.</i>	297
XVI. <i>Problemata & Difficul-</i> <i>tates.</i>	308
XVII. <i>De Calculo vesicæ U-</i> <i>rinariæ, & Lithoto-</i> <i>mia.</i>	352

INDEX

Præcipuorum in hoc Volumine contentorum
tam Remediorum, & eorum usus, quam
Præceptorum Practicorum ordine
Alphabetico.

A.

- A** Bies commendatur in scorbuto pag. 118
Alcali nota certa non est quum Syr. viola-
rum viridi colore tingitur. 100
Aphorismi cujusdam Hippocratis interpretatio ve-
ra. 8
Apoplexia sub quibus conditionibus sanabilis 79
———— mucosa Electricitate sanata. 128
Asserta a Chirurgis Parisinis supra operationem
Hydropis saccati examinantur 28
Agaricus laudatur contra hæmorrhagiam. 381
Alvus tarda sæpe redditur naturalis carminati-
vis & opio. 258
Aneurisma sæpe fallacissimis latet sub signis. 244
Aneurismatis cura. 250
Aqua calcis non solvit calculum in corpore hu-
mano. 235
Argillacea Diarrhoea, sæpe in suppuratis obser-
vatur. 292
Arthritica materies calculos generare potest. 231
Atresiae bene sublatae per operationem signa. 278
———— tollendae obliqua sectio recta præfer-
tur. 279. seq.
Auxilia ad hæmorrhagiam. 370
Bilis

B.

- B**ilis defectus an sit causa hydropis? 42
 ——— cystica in sua vesicula genera-
 tur. ibid.
 Boerhaavii methodus curandi Ischiadem. 63

C.

- C**alor naturalis in omnium hominum ætate
 æqualis est. 109
 Calx viva cum melle &c. ad Ischiadem. 65
 Castratio feminarum per ovarium repugnat uma-
 nitati, & rationi. 31
 Catalepseos mirum exemplum, & cura. 86
 Chirurgorum Parisiensium conatus ad artis aug-
 mentum certis adstringuntur conditionibus. 22
 Clysmata acria a Dioscoride laudata ubinam. 63
 Clysmatum commendatio Hippocrati in morbo co-
 xario. 64
 commercium mentis cum corpore quomodo fiat igno-
 ratur. 89
 Cucurbitæ in coxæ morbis. 62
 Calcis aqua non solvit calculum in corpore hu-
 mano. 235
 Calculi generari possint a materia arthritica. 231
 ——— in vesicam retropulsio dolores minuit. 378
 Calculosorum urina pallida unde? 387
 ——— gluten calcareum unde? 388
 Cardialgiæ cura quæ felix in multis. 527
 Car.

I N D E X.

<i>Carminans conditum .</i>	seq.
———— <i>mixtura .</i>	257
<i>Carminantia opio juncta tardam alvum sæpe naturalē reddunt .</i>	ibid.
<i>Colcothar Vitrioli in aqua solutum inijcitur in ulcera .</i>	329
<i>Convulsiones fictæ, detectæ, curatæ .</i>	206
<i>Cortex peruvianus in febre continua remittente .</i>	367
———— <i>non remittente ac inflammatoria &c.</i>	138
———— <i>extractum corticis ad unc. semis in mixtura .</i>	286
———— <i>injectio detergens .</i>	374
———— <i>usus corticis cum diætâ lactea in febribus hæcticis .</i>	327
<i>Crisis perfecta non tollit metum recidivæ .</i>	134

D.

D <i>Ecussatio fibrarum nervearum in cerebro non est generalis .</i>	92
<i>Diagnosis in affectionibus femoris , & articulo coxæ incerta est .</i>	492
<i>Diætâ lactea cum cortice ad febres hæcticas .</i>	327
<i>Diatheſis phlogistica sanguinis sola requiritur in annosis excretionibus purulentis .</i>	295

I N D E X.

E.

E lectricitas inter præstantissima artis auxilia referenda.	122
Embroke commendatur in ischiadicis.	65
Emeticorum usus noxius in Apoplexia.	80
Εμματα ulcera Hippocratis.	8
Emplastrum ex mastiche & sp. vini ad coxarium morbum.	65
Efflorescentia ab emplastro quomodo tollenda.	257. seq.
Enema in spasmo deglutitionem per diem impedi- diente.	342
Epilepsiæ curandæ sufficit aliquando ablatio sym- ptomatum proxime ante paroxysmum.	198
_____ a terrore Valerianæ radix prodest seq.	
_____ paroxysmus in somno adoriens cur? seq.	
Exanthematum contagium non nisi prædispositos invadit.	137
_____ frequentia a quibusnam causis.	150
Exemplum insensibilitatis in parte sensilissi- ma.	359

F.

F latus semper iis molesti quibus Paracentesis instituitur.	15
Febres intermittentes possunt generare pus.	287
Fellea, & urinæ vesica crescunt tenuitate pro ratione extensionis.	267
	Fra-

I N D E X.

<i>Fratris Cosmi methodus lithotomica.</i>	355
<i>Fundamenta quatuor Pathologiæ.</i>	312
<i>Fusa omenti, & ventris pinguedo.</i>	154

G.

G <i>Enarum convulsio, & Paralysis chronica</i> <i>integro corpore raro curatur.</i>	129
———— <i>ab Albino curata quomodo.</i>	ibid.
<i>Gossypium pro inustione apud Ægyptios in mor-</i> <i>bo coxario.</i>	61
<i>Gradus caloris omnium maximus in homine mor-</i> <i>iente & nuper mortuo.</i>	101
<i>Gangrænæ præcavendæ lotio.</i>	

H.

H <i>Ydropis subito venascentis modus explica-</i> <i>tur.</i>	39
———— <i>cystici monstrosi exemplum.</i>	17
———— <i>similitudo cum tympanitide & diffe-</i> <i>rentia ab ea.</i>	6
<i>Hepar, & lien in emaciatis sæpe fiunt monstro-</i> <i>sa.</i>	290
<i>Hydrops Pectoris est in classe incertissimorum</i> <i>morborum.</i>	172
———— <i>potest adesse sine subita a primo som-</i> <i>no excitatione.</i>	189
———— <i>a multis non vel vix notatus. seqq.</i>	
———— <i>habet & signa Pathognomonica pro-</i> <i>xime,</i>	ibid.
	cum

I N D E X.

	cum incipit signa .	186
	a nimis hæmorrhoidibus .	298
	urinosus celeriter perimit .	162

I.

I	Niectiones cum aqua , & melle in abdominis suppuratione	38
	Intestini prolapsus a calculo curatur lithotomia .	385
	Intestinorum longitudo non semper eadem est .	348

L.

L	Æsiones quotuplices in morbo coxario .	46
	Linimentum ad morbum coxæ .	64
	Loci affecti in morbo Ischiadico .	seqq.
	Lympha ventriculorum cerebri non est concrescibilis .	93
	Lithonriptici vires raphani hortensis .	372
	———— J. Stephens compositio ; creditur dispositionem calculosam augere .	224
	Lithotomia calculum auferendo non curat partes degeneres .	355

M.

M	Arrubium commendatur in abscessibus maxime autem pulmonum .	118
	Materia ischiadis varia	65
	Morbi cerebri fere ab iisdem causis oriuntur .	81
	Moxa apud Indos usitata pro inustione .	62
		Me.

I N D E X.

- Melancholia sine materie abit in melancholiam cum materie .* 288
- Mellis copiosus , & pertinax usus tollit dispositionem scirrhosam .* 259
- Miliaria , & petechiæ in eodem morbo præsentia symptomatica sunt non Critica .* 133
- Mixtura Hofmanniana summe carminans .* 258
- Monstrosi nonnumquam Natura se accommodat .* 262. seqq.

O.

- Opium datum in stertoroso somno , & morbo inde .* 200
- Ovarii exstirpatio magnis premitur difficultatibus .* 167.

P.

- P***Aracentesis in saccato hydropæ præfertur incisioni .* 36
- Plantaginis aquaticæ latifoliæ elogia .* 121
- Polygala Virginiana in densitate sanguinis inflammatoria .* 117
- Puerperæ aliquando venæ sectionem postulant .* 99
- Purgantia Hippocrati laudata in Ischiade .* 63
- Pericardii absentia quandoque quomodo explicatur .* 191
- Pulsus intermittens cum signis coctionis circa criticum tempus quid præfagiat .* 142. seqq.

I N D E X.

R.

R Emedii formula pro colica Pictonum.	227
Remedium singulare in doloribus Uri- nae.	213
Requisita ad perfectam Crisin.	135

S.

S Anguis non perdit vim plasticam post quar- tum diem.	95
———— arteriosus a venoso differt in eo quod serum non dimittat,	97 seqq.
Schulteto laudatum balneum Thalfengenze Diege- zondbrun.	65
Serosa ventriculorum cerebri colluvies producit morbos cerebri.	82
Somnambulorum alia ratio ac Catalepseos.	87
Spirituosus liquor quomodo noceat corpori.	71
Steatosum corpus intus in corpore haerens	33. lib.
Medicas.	21
Scirrhus ambitum totum Pylori occupans.	262

T.

T Empus necessarium ad definiendum gra- dum caloris.	104
Thermæ ad morbos coxæ.	65
Tumores cystici variis visceribus adhærent.	24
Testis extirpatio, funiculo affecto maligni- ta-	

tatem exasperat.

334

U.

U nguentum ad malum coxæ.	65
Ustio in morbis coxæ apud Hippocratem, & sequentes in usu.	61
———— ad os usque varius commendatur.	62
Urina hydropicorum habet sedimentum lateri- tium.	168
———— Calculosorum pallida unde?	387
Urinæ doloribus remedium singulare.	214
Uterus in graviditate augetur crassitie.	270
Uva ursi & opium dolores calculosos levant.	214
———— non curat quos lithotomia curat.	216
———— pluribus aliis lithontripticis præfer- tur.	ibid.
———— post lithotomiam ad reliquias da- ta.	223

V.

V enæ sectio in coxarum morbo laudata Hip- pocrati.	63
———— instituta undecimo, & duodecimo morbi die.	96
———— in puerperis, & menstruantibus pro necessitate instituenda.	98
Venena multa sunt, tantum venena ob co- piam.	114
Vesicantia in Ischiade apud nostrates in usu.	62
Visce.	

I N D E X.

<i>Visceribus vivis vicissim summa contractio, & summa relaxatio observatur.</i>	219
<i>Vita sine sanguine durans cum signis apparentis plenitudinis.</i>	317
<i>Vomitus causa saepe est intropressio cartilaginis esiformis.</i>	272
<hr style="width: 20%; margin-left: 0;"/> <i>præsentibus omnibus ejus causis saepe non succedit.</i>	262



C A P U T I.

De Tympanitide & Hydrope Cystico Varia.

§. I. *Examen Tympanitidis.* §. II. *Historia Hydropis Cystici, sive saccati, numerosis cadaverum sectionibus suffulta, cum explicatione τῶν Ἑμπεδοκλέους Hippocratis.* §. III. *Examen Doctrinae secundi Tomi Acad. Chir. Paris. circa amplam ventris dilatationem, saccique, in hac specie Hydropis; eaque occasione cunctis emolumentis & nocumentis hinc methodi a Parisiensibus propositae, illinc Paracenteseos, discussis; HÆC demum ILLI, quibusdam exceptis casibus, præferenda forte videtur. Simul eorum sententia de extirpando Ovario examinatur.* §. IV. *Quæstiones Pathologicae circa Hydropis originem & naturam.*

§. I.



Eculari capite XIV. de Tympanitide egi In præsentiarum nonnulla addere juvat, quæ ibidem dicta confirment; huncque morbum, qui debitæ cognitionis defectu frequenter adesse dicitur, dum minime adest, ab omnibus aliis rite distinguant.

Tom. II.

A

Puer

2 DE TYMPANITIDE ET HYDROPE

Puer necdum sextum ætatis annum integre explens, debilis, incedere necdum valens, a matre mihi sistitur. Narrat illa quo momento quondam huic suo infanti mammam præberet, se ex nuncio improvise nec opinatæ mariti mortis vehementer fuisse perterritam; observasseque paulo post flavescentem infantem, ac postliminio indies macriorem reddi: ventrem ipsi quoque intumuisse, idque ea lege, ut nunc plus, nunc minus tumeret, nunquam vero integre detumesceret; jam vero a 30. diebus immanem excrevisse in molem, cum rara, duraque alvo; ita ut quintus denuo dies, ex quo eam non exonerasset, laberetur. Examinavimus tunc puerum. Facie excepta macerrimus, ventrem adeo tumentem gerebat, ut superius vix spatium pro Thorace relinqueret, inferius vero super femora propenderet. Haud æquabiliter tamen extendatur, utpote eminentiis pluribus, iisdemque globosis & oblongis, inæqualis: parte nimirum dextra, eaque superiore, eminentior, inde depressior, in medio denuo elatus; mox inde iterum planior, in sinistra vero regione tum media, tum infima, vehementer extuberans. Percussus nihil undulationis, sed obscurum tympani sonum, unde totus morbus nomen habet, referebat.

Quam verissime igitur *Boerhaave* post veteres docuerat *Inst. Med.* §. 817. ex *Ictero Tympanitidem* facile nasci! Bile intra sanguinem refusa, intestinis deest necessarius, quo & agant & exo-

& exonerent se, stimulus . Ergo expanduntur ;
& perseverante, aut continuo repetente eadem
expansione, fibræ eorum demum fere paralyti-
cæ fiunt, nec nisi duplicata vi respirationis ,
aut validiorum purgantium stimulo, commoven-
tur ad evacuationem. Evacuata autem hæc in-
testina vix concidunt, quum vi contractili amif-
sa, mox aere extendantur, sæcibus dein tem-
pore accumulatis, immanius turgeant, atque ita,
ad exonerandum sese, vi indigeant validiore
quam antea. Cum paralyseos hujus origo an-
nosior esset, tristem prognosin dabat morbus .
Cura tamen tentanda erat, eaque primum eva-
cuando pallians, deinde roborando curans . Sed
sero venimus. Eodem die fatis cessit .

Inciso abdomine, tumoris causam videbamus
nec aeri deberi, nec aquæ, verum unice expan-
sis intestinis crassis, & quemadmodum figura
externa designaverat, hinc plus, illinc minus,
dilatatis & impletis. Aeris porro immensa co-
pia, multumque durarum sæcum, eadem ex-
plebant. Hocque jam tempore & multa, &
profunde tincta Bilis in vesicula fellea aderat,
ut stimulare intestina potuisset; sed dudum na-
ta, & inveterata paralytis, suborto atque agen-
te posthac stimulo, emendari nequivit.

Externa igitur, inæqualis ea, & tortuosa ven-
tris facies, sedem Tympanias ostenderat in in-
testinis esse; sed non in quibusnam proprie es-
set? Hic Anatome crassa intestina, aliis in ca-
daveribus cum crassis & tenuia ostendit nobis

4 DE TYMPANITIDE ET HYDROPE
inflata. Quin & præternaturalis crassorum decursus, & flexura, omnem genuinæ morbi fedis determinationem a priore, ut ajunt, negabat. Quippe in cadavere vidimus faccum cæci vix pollices duos capientem, suo cum appendiculo, non sede consueta, sed aliena, versus medium abdomen, locari. Colon inde assurgens, mox amplissimum, ad Lienem vergebat, indeque retro, versus umbilicum reflexum, & hinc iterum viam ad sinistrum Ileum petens, denuo oblique dextrorsum amplitudine stupenda assurgens, tandem sacci ingentis, potius quam intestini forma, ad anum descendebat.

Si jam vetabamur ab externa ventris forma locum proprie affectum, vivente ægro, determinare; nonne eandem ob causam idem in aliis abdominis morbis, ut puta in colica dicta, vetamur; Etenim pluribus in cadaveribus coli figuram minime naturalem deteximus: ita quidem ut in nonnullis ad Hepar affixum, mox vel ad umbilicum, vel ad imam pelvim descendat, indeque assurgens Lienem petat, postea autem cursum consuetum absolvat. In aliis iterum alio atque alio invenitur hæc forma tortuosa modo. Ita ut dolor versus umbilicum tenuibus inesse creditus, haud raro ipsum colon occupet. Et experimentum capientes, inflando fortiter intestinum animalis, evidenter cernebamus illud & amplitudine & longitudine augeri, si determinato in spatio coarctabatur; nova in omnem modum, omnem in formam,

volumina tunc producens. Qua etiam de causa toties in iis, qui calculo vesicæ perierant, & longissimos, & amplissimos, & maxime tortuosos, ureteres invenimus, & jam in prioribus descripsimus; eo quod urina, secreta renibus, intrare vesicam prohibeatur. Elongat quippe illa, ampliatque ureteres; & cum hi elongati nequeant amplius in longitudinem porrigi, coguntur hinc inde in latus secedere, formare volvulos, elongantes, vel lacerantes, quæ ipsos involverat, cellulositatem. Itaque protruso cum Peritonæo deinceps, in remotiore longe plaga, nova productione cellulosa vicinis affigunt se, ac si perpetuo ibidem hæssissent: quemadmodum plura nobis exhibuere cadavera.

Sed ut ad rem; Prospectus anatomicus hujus tympanitici confirmat eam, quam antea cap. 14. ideam ejus dedi. Sedes mali est in ipso intestinorum cavo; materies, cum copiosis excrementis, aer est. Si in cavo abdomine aqua inest, ea a cacochymia corporis universa producit; si aer, ab eroso intestino. Causam remotam in hoc ægro, Bilis defectum cum *Boerhaavio* agnovimus, in aliis, iteratas Colicas, Ileumque, deteximus. Quippe in Colica clausa dicta, & Ileo, intestina materie chylosa, ac stercorea, tum & aere copioso, amplificantur, & elongantur, ita ut figura, decursuque, mutantur. Repetitis his morbis tandem fit, ut licet homines posthac ab iisdem curentur, intestina tamen pristinam figuram nondum recuperent,

6 DE TYMPANITIDE ET HYDROPE

rent, atque ita causa prædisponens ad Tympaniam maneat. Si intestinorum nervis superfit nonnulla adhuc contractilitas; si etiam diætata talis sit, ut non ingerantur alimenta, quæ multum aeris factitii, aut *Gas Helmontii*, in ventre generent; si nec duri cibi assumantur, nec segnis sit alvus; Tympania non formabitur: sin vero ita perierit vis intestinorum contractilis, ut plane sit iners; si continuo a prava diætata intestina distendantur, distentaque maneant; erit demum, ex proegumena & procatarctica causa combinata, causa proxima nata, nempe ipsa Tympanitis. Ex iisdem simul intelligitur, quod si omnis aer, ac sæculenta materies, expulsa fuerit, curatio tamen mali impossibilis sit, si nervorum Mesentericorum ac Mesocolicorum paralysis sit irreparabilis. Causa enim procatarctica assiduo renascens, dat, cum hac perseverante proegumena, semper novam causam proximam.

§. II. Atque hæc dixisse de Tympanitide sufficiant. Sequitur nunc consideratio morbi, qui multa sæpe habeat cum illa communia; Hydropis scilicet abdominis, ejusque potissimum, quem *Cysticum*, sive *Saccatum*, adpellare solemus. Hic sane Hydrops inæqualitate notabili & miranda ventris fere Tympaniam æmulatur; caretque ille fluctuatione aquarum in multis, ut hinc eo sit Tympaniæ similior. Attamen resonantia non adest: unde hinc hic ab illa internosci potest. Sed si collectores casuum con-

fula-

fulamus, dantur casus rariores, ubi Tympanitidi Hydrops dicitur comitatus esse, aut saltem supervenisse: si id verum, & multis in cystis ille Hydrops colligitur, poterit resonantia aeris suffocari ab aqua utriculis contenta, atque ita tota morbi alioqui clara idea, penitus confundi. Anamnesis bona, & exacta utriusque morbi cognitio, poterit hanc confusionem utcumque emendare. Ut ergo utriusque morbi diagnosi illustretur, juvat casus plures miserandos Hydropis recensere, & practice de eo differere.

Fœmina 30. annorum quartum infantem 21. Nov. 1758. feliciter enixa erat, sed tertio a partu die lecto imprudenter surgens, frigus suscepit: horrore inde atque ardore correpta, mox suppressa sibi lochia percepit, ventrisque deinceps tumorem, atque dolorem. Dolor quidem post aliquot dies remisit multum, tumor vero magna cum ventris gravitate perseveravit. Accessit me mense Aprili 1759. Quo quidem tempore cujuspian liquidæ fluctuationem, tum ipsa corpus sinistrorsum vertens percipiebat, tum nos percutiente ventrem manu evidenter deprehendebamus. Sed, ut decursus morbi docebit, omnis posthac fluctuatio cessavit. Conquerebatur autem dum me primum accederet, molestissimam sibi mansisse dextro in inguine duri-
tiem, quam pugno magnitudine parem deprehendere potui.

Diagnosîs ergo evidenter docuit Uterum a suppressis lochiis inflammatum, suppuratumque

8 DE TYMPANITIDE ET HYDROPE

fuisse; ac forte ipsum, vel Tubam Fallopii, vel Ovarium, pure tumidum, inguini accubuisse. Quam sententiam immobilitas tumoris, quodcumque in latus se scœmina verteret, confirmabat. Prognosis tum ex hac ipsa scœmina, tum ex multis aliis, quas habueramus, mulieribus, multiplex erat: vel puris intra sanguinem timenda resorptio, quo demum sanguis totus corrumpatur, ac serius ocyus scœmina pereat: vel absorpti puris per alia viscera speranda excretio; unde perfectam consequi sanitatem notabilibus videram exemplis: vel etiam exitus puris in ipso accretionis loco peringuen prævidendus, cujus quoque exemplum habueram: vel denique, ut pus introrsum erumpens, in cavum ventrem effunderetur, omniaque ibidem viscera corrumpere.

Hunc ultimum eventum, quod frequens sit, quodque eum tam graphice *Hippocrates* descripserit, paulo attentius hic contemplemur. Ulcera demum hæc sunt, quæ Εμμοτα *Hipp.* appellavit. Ita ut talia interna ulcera intelligenda sint, de quibus ait in *Aphor.* 47. sect. 5. Ἡ ὕσῃρη ἐν τῷδ' ἰχίῳ ἐγκυμένῃ, διαπύση, ἀνάγκη ἐμμοτον γένεσθαι. Quod *Almeloveen*, post plerosque interpretes sic reddidit, si uterus coxæ, incumbens suppuratus fuerit, necesse est medicamentum in linteo carpto adplicari. Hoc sensu *Oedipo* opus est, qui explicet. Nemo ex omnibus interpretibus rectius *Prospero Martiano* verum sensum *Hippocratis* reddidit. Videatur is comm.

comm. pag. 460. Ita ut vera Aphorismi interpretatio hæc sit: „ Si uterus suppuratus ad coxam, vel inguen, accubuerit, necesse est cava ulcera interna fieri.

Ac primo quidem ipse uterus brevi a partu sanguine turgens, magnæque adhuc existens mollis, si inflammatur ac suppuratur, mole adhuc crescit, fitque gravis, ac facile alterutrum in latus cadit, & inguini, ac versus coxam, accumbit, accrescitque. Tuba Fallopiana, ipsumve Ovarium, eadem de causa pure tumens, facile cum inguine, ac margine toto musculi obliqui externi concrescit. Rebus sic se habentibus periculum est, secundum & Hippocratis, & omnium observata, ne hic fiant Έμμοτα, ulcera cava interna. Hinc Hippocr. Libr. de Nat. mul. cap. 6. 284. apud Chart. Ἡν αἱ μήτραι ἀφένται, πρόκεινται καὶ ἢν ἀφῇ, ἔπει σκληρὸν ὑπὸ τὸν κενεῶνα καὶ ὀδύνῃ λαμβάνει τὴν νεαίραν γαστέρα, καὶ τὰς κενεῶνας, καὶ τὰς ἰχύας, καὶ ἐς τόσπερ ὀδύνῃ ἐπίπτει, καὶ ἐκτείνειν οὐ δύνανται πολλάκις καὶ τὸ καὶ κτυποῦνται ἔμμοτοι γενομένοι, καὶ ρεόμενοι ἀποθνήσκουσιν, ἢν μὴ καύσῃς, ἢ τάρμῃς.

„ Si adhæserint uteri, incumbunt. Et si attigeris, durum quid sub ilibus (sub laterum
 „ mollitudine, sub vacuitatibus abdominis)
 „ deprehendes; dolor inum ventrem prehen-
 „ dit, & ilia, & lumbos; & dolor in crus in-
 „ cidit, ut illud extendere nequeat. Sæpius ve-
 „ ro uteri suppurantur, in ulcera cava interna
 „ mutati, & fluentes moriuntur, nisi locum
 „ vel

„ vel ufferis, vel fecueris „; ut nimirum pus ad exteriora alliciatur. Videte hæc omnia confirmata notabili historia *Maliensis* Epid. 5. pag. 1149. libr. de *Artic.* pag. 817. & 822. Edit. *Foes.* Deinde etiam Tom. VII. *Chart. Hipp.* pag. 684. 690. 740. 767. 813. Sed legendus ubique græcus modo textus; nam versiones hic loci nihil valent. Vidi in cadavere puellæ, quæ clam pepererat, neglectaque fuerat, suppuratum uterum cum omento primo coaluisse in dextro latere, omentum hoc mire degenerans & incrassatum coivisse cum ligamento rotundo uteri, cum vasis nervisque cruralibus; ut longa patientia opus esset, antequam partes concretæ probe distinguerentur: fistulis, & ulceribus, massa tota penetrabatur.

Hisce ita consideratis, casum nostræ mulieris incipimus intelligere. *Εμμοτα* quippe, ulcera cava, fistulosa, interna, ipsi aderant, unde pus cavum ventrem occupabat; cujus fortetantillum, a vasis bibulis resorptum, quotidie in Urina adparebat. Attamen solum pus non adesse, sed etiam magnam aquæ copiam, fluctuatio docebat; id quod inde natum facile intelligitur, quod vasis lymphaticis, & Uterus, & Tubæ, & Ovaria, undique scateant; quæ vicino pure erosa ventrem facile colluvie aquarum inundant. Suppurato utero plus simplici vice aquam cum pure in abdomine effusam vidi.

Vires ergo optimæ cum adessent, Paracetesin 24. Aprilis instituimus, eduximusque liquidi

quidi subviridescentis, turbidi, inodori, libr. 27. Venter videbatur jam integre evacuatus. Constringens ventrem machina post meridiem paululum laxanda fuit, cum Respiratio, mox ab operatione liberior, nunc impeditior fieret. Bene se postmodum per omnia habuit; somno, viribus, adpetitu. Eductus porro liquor, in 14. magnis vitris collectus, intra 8. horas cepit floccos oblongos, albosque, a superficie deorsum versus formare, & seq. die pus in fundo exhibere. Liquor tenuior ad ignem coagulabatur. Servavi hanc suis in vasis materiem a 24. Apr. ad 5. Maji, & publico examini denuo subjeci. Nullus aderat foetor, viridis, crassa, flocculenta esse perseverabat, ponens in fundo gelatinam spissam, nonnullis in vitris sanguine, pure in aliis, mistam. 9. Maji, 15. proinde die a paracentesi, phaenomena omnia eadem manebant. Tenuior effusa pars colorem syrupi violarum minime mutavit, iterato licet saepius experimento. Cum aceto non efferbuit, Spiritus nitri affusus nullam effervescentiam, sed infusulam coagulatam, ad quamlibet portionem affusam, producebat. Portio vero alia in cochleari igni imposita, mox abivit in coagulum. Serum ergo, seu Lympha coagulabilis, erosus vasis lymphaticis, maximam partem abdominis explevit, pus reliquam.

Ablatis tandem quæ abdomen per aliquot dies constringerant fasciis; tumor in inguine dextro apparuit, & 18. Maji jam percipiebatur

ab inguine sursum crescere, & versus medium abdomen pergere, tactu durus, & plane immobilis. Simulque adeo tumidus venter, quam ante Paracentesin adparuisset. Augusti autem 10. durities toto fere abdomine, excepta regione iliaca sinistra, percepta est, supra umbilicum jam eminens, immobilis, inæqualis; sed nec fluctuans, nec resonans. Diuretica & purgantia mensibus Junio, Julio, Augusto, data, eo usque profuere, ut res domesticas suas, multorum liberorum mater, sufficienter peragere posset, Septembri vero mense tumor totum ventrem medium, ad cordis scrobem usque implet, ibidem capite adulti hominis major, & in latere sinistro ad inguen usque porrectus; durus ubique, decem forte in locis globosior, & depressior; nec sed fluctuans, nec resonans.

Interim observamus, quod in primo Hydrope non fuit, musculos abdominales adeo molles ac flaccidos, ut supra enormes hos tumores prehendi plicarique possint. An igitur, a prima ventris extensione, musculi, totumque peritonæum, vim contractilem irreparabiliter amiserint, & in perfectam paralyfin degenerarint? Plausibile hoc argumentum destruit sequens observatio. Tumores cysticos femina quæpiam habere a quinque mensibus cepit, prima vice vitæ suæ, ante id tempus perfecte sana; quæ tamen, tumidissimo cum ventre, flaccidissimos habeat Abdominis musculos. An ergo nervi

dor-

dorsales & lumbares ab internis tumoribus ita comprimērentur, ut muscoli abdominales hinc paralytici redderentur? Sed paralyfis ejusmodi adeste nequit, nisi simul & alias partes afficiat, quæ hic non afficiuntur. Ad nodum hunc solvendum plures primo casus observandi erunt, pluresque cadaverum sectiones faciendæ; unde eum nunc in medio relinquam. Id modo addendum habeo, quod in utraque hac fœmina Umbilici regio arcte videatur cum cystico tumore connexa.

Gravem nunc ordimur quæstionem, qua petitur 1^{mo}. An nostra mulier novam subire paracentesin debeat? 2^{do}. An dictis cum remediis sibi sit relinquenda? 3^{tio}. An vero methodum minus palliantem, tutius curantem, qua illi succurri possit, possideamus?

Intricata quæstio responsum suspendit, quum illud totam, qua late patet, quæstionem, coram cernere debeat, cum omni ea varietate, quam varii casus ejusdemmet morbi exhibent. Igitur plures primo recensebo, ut responsio ad omnes adæquate adornetur.

Fœmina 50. ann. rite perpetuo, dolorem ad instantia catamenia si exceperis, valens, anno 1758. finiente Septembri, cecidit ab altitudine 12. pedum; ita quidem ut toto sinistro ventris latere impingeret in ligneum sepimen horti, deinde, gravitante corporis trunco, hinc in terram infiliret. Doluit inde venter, & dolore mitigato, duri quidquam habuit, sensim crescens, immobile, explens demum præcipuam

ven.

14 DE TYMPANITIDE ET HYDROPE

ventris partem , doloremque medio in epigastrio creans. Altero mense post casum circiter elapso, fœmina terrore valido , ac mœrore de incarcerato marito afficiebatur , ex eoque tempore ventrem universum tumere sibi percepit , durum , quod antea , corpus ultra non animadvertens . Toto Aprili 1759. vix horæ spatio somnum oculis videns , nihil appetens , & si forte quid appeteret , illud compresso ventriculo non admittens , ægerrime respirans, ad nostrum Nosocomium ducta est , in eoque suscepta . Examine instituto , nullum deprehendimus durum in abdomine corpus , sed æquabilem distensionem , & manifestam aquæ fluctuationem . Parvus ipsi , & celer , & inæqualis pulsus.

Quærebatur num præsentî in periculo versanti mulieri instituenda Paracentesis foret? Remedia diuretica mox ipsi exhibens , inutilia prorsum vidi , & e contrario vires indies minui , omnemque fere respirationem supprimi . An ergo certo interitui relinquenda? Paracentesis hic damnari solet , meritoque condemnabatur olim , quando ars in debitam abdominis compressionem nondum satis intenta , respirationem , effluentibus , suppressam cerneret , vitamque abeuntem in auras . Jam vero ars pro ratione effluentis lymphæ arctans abdomen , ac vasa non sustentata fulciens , comprimensque , supplet functioni muscutorum abdominalium , qui jam otiantur ; impeditque ne humores per vasa olim compressa ægerrime , jam ab aquis premen-

mentibus libera , impetuose ruentes , haud sufficienter ferantur ad Encephalum . Quo igitur modo jam instituitur Paracentesis , licet parum nonnunquam juvans , tamen vix unquam funesta , & sæpe vitam reddens ad tempus tolerabilem , præferenda certæ perniciæ videbatur : maxime ea si fieret cautione , ut aquæ haud plus una vice demeretur , quam viderentur vires commodè ferre .

Itaque octiduo integro bene apud nos enutrita , ac viribus aucta , operationem subiit 9. Maji , & ingenti suo commodo 35. aquæ libras amisit ; ventre ita detumescente , ut nihil lymphæ superesse videretur ; quantum nempe fasciato ventre deprehendi potuerat . Aqua limpida , sed flava , erat , ad ignem coagulata , syrupum Violarum plane viridem reddens , cum aceto mista minime effervesçens , cum spiritu salis albescens , & in coagulum abeuns . Effectus habuit operatio omnes , quas a palliante cura expectare potueramus ; respirationem sensim expeditiorem , appetitum redivivum , prudentis alimentorum ingestionis tolerantiam , doloris absentiæ , copiosiores urinam naturalem , liquidiores tamen , alvum , placidos , reficientesque somnos , demum auctas indies vires . Flatus modo molestos , ut prior illa , ut omnes quibus unquam Paracentesin institueramus , etiam & hæc est conquesta , idque jam mox ab operatione instituta . Opium hos flatus multum moderabatur compressa olim abaccumbente aqua
vehe.

vehementē compressa, jam eadem educta longe minus a constringente ventrem machina comprimuntur; adeoque ab alimentis, & ab aere potissimum, extenduntur; debilitata vix renituntur. Sanguis autem spiritusque in vasa nervosque commodius influunt. Cum tamen intestina aerem & alimenta, præ debilitate sufficienter propellere nequeant, variis in plagis necessario extendantur, & in locis, ubi illa extensio non adest, spasmodice contrahantur, necesse est. Opium datum spasmos solvit, efficitque ut contenta hæc per universum intestinorum tractum æquabiliter distribuantur.

Attamen debuit ligatura, sensim jam laxata, 18. Maji auferri, cum recrescentes aquæ respirationem fere suffocarent. 21. Maji dimidiam partem antiquæ molis venter jam erat adeptus. Et ipse tumor, quem illa ante hydropem perceperat; quemque, Hydrope formato, nec ipsa, nec nos, ullo modo deprehendere potueramus; laxata prius ligatura, utcumque, ablata eadem manifestus adparuit, superiora mediæ abdominis, dextrumque ejus latus occupans; haud ita tamen deorsum vergens, ut Uterum, aut Ovarium, affectum esse suspicareris. Imobilis plane idem, haud tamen peritonæo accretus; aqua ad digiti lati distantiam inter hoc & illum manifesto, sæpiusque, deprehensa. Atque ita sensim increvit abdomen ad eandem, ad quam olim, molem, imo ea majorem; cum jam ensiformis cartilago extrorsum a tumido

tor-

corpore incurvaretur. Voluit tamen ad maritum, liberisque, redire, atque ibidem, me infcio, mortua est: ut aperiundi, quod doleo, cadaveris facultatem non habuerim.

Vidua 48. annos nata, plurimum infantum mater, abdomine tumere cepit anno 1757. sed 25. Dec. ejusdem anni tota detumuit, enormi lymphæ copia pleno rivo de pudendis profiliiente. Unde Hydrops uteri fuisse videtur, qui sic sponte curatus. Attamen rursum tumuit, tantam demum in molem, ut hujus, quem vivimus, anni Majo mense finiente, distantia a scrobiculo cordis ad umbilicum 4. pedum esset, ab umbilico vero ad pudeuda 2. pedum. Umbilicus in genu altitudine inveniebatur. Ut longitudo, ita monstrosa plane ventris amplitudo fuit. Unde nec ipsa movere sese, nec ultra fere a suo famulatio verti, attollique, posset. Consilio indicto Medicorum, & ego rogabar. Fluctuationem manifestam immensæ aquarum molis percipiebamus omnes. Quærebatur modo, qua illam methodo juvaremus. An medicamento evacuante? Sed & moles major erat, quam ut hinc sufficiens evacuatio speranda foret; & Medici hisce dudum oleum luserant operamque. Quin imo ab aliquot diebus respiratio suffocationis metum incutiebat, ut celeri auxilio opus esset. Num ergo paracentesis instituenda? certe permittebant eam ætas, viresque; suadebat suffocationis periculum; nec scirrhi forte præsentis suspicio dehortabatur, cum

aquarum evacuationem palliantem, ut ajunt, tantum intenderemus: eductis nimirum aquis homines suos scirrhus tolerabilius gerere, toties experti. Voce una ergo Paracentesin, qua unice imminens suffocatio averruncaretur, suavisimus, laudavimus. Sed vero in Paracentesi ligandus venter est, & pro ratione effluentis laticis constringendus. Qualisnam machina, loris ac fibulis instructa, ad id apta erit? Et si apta, nonne flaccido jam tantæ molis ventre, inepta erit, quæ sufficienter adducatur? Itaque unam communem ejusmodi machinam primo apponendam esse; & monstroso corpori aliam etiam monstruosam machinam, quæ ilico parari posset, circumdandam esse; ea quidem intentione, ut si flaccido ventre major machina inepta, quæ sufficienter adduceretur, foret, minor supposita ventrem constringeret. Quod si commode liberaliorem aquæ educationem non ferret, parcioze desistendum esse conclusum fuit.

Igitur in inferiore parte, eaque dextra, ventris, facta apertura, 37. aut 38. libræ effluxere liquoris non foetidi, sed fusci, turbidi, amurcam plane referentis. Substitit tunc fluxus omnis. Percipiebaturque cannula in corpus durum impingere. Penetrandumne per illud esset? Negabatur: ignorabamus enim an id non foret quodpiam scirrhosum viscus, quod pertusione malignum fieret. Sed quid si faccus durus, ac semiscirrhosus ingentem liquidi seu boni, seu cor-

corrupti, copiam contineret? Nonne pertusus evacuaretur? Evacuaretur quidem, sed primum in abdominis cavum; remotus enim ille a peritonæo erat, cum inter hoc & illum totlibræ amurcarum jam effluxissent. Ponamus ergo sacco pertuso liquorem effluere putidum, ichorosum, saniosum, cancrum: nonne ille, alluens ad intestina, cæteraque viscera abdominis, corrumpere eadem, mortemque, quam procrastinare animus erat, acceleraret? Sed contra: Instrumento trifulco in saccum adaucto, an cannula non clauderet foramen; ita ut, quemadmodum ex externo abdomine liquor copiosus cannula effluxisset, ita etiam ex sacco efflueret? Ita; sed considerabamus, amurcam quæ effluerat intuiti, improbable non esse, quod spissus, si quem durum hoc corpus gereret, amurcosusque humor foret, per cannulam minime profiliturus, & eadem ideo extracta, in cavum ventrem effluxurus. Saltem maturius super hoc deliberandum esse, & jam corpus refocillandum, ac quieti tradendum fore. Levamen ab operatione nullum percepit, nisi 12. postea horis; jam, inquebat, me bene habeo, simulque expirabat. Mole cadaver vix imminutum, terribili mephiti totas explevit ædes: ita ut veniam ejus aperiundi $2\frac{1}{2}$ a morte diebus nacti, re infecta aufugerimus, ne curiositatis poenas, ut olim egregius Anatomicus *Cantsius*, infantes lueremus.

Homo 49. ann. Hydrope ascite, ac simul

anafarka laborans, in Nosocomio dicto *Beckenhausel*, mense Octobri 1758. ab optimo ibidem Physico *Storck*, vino squillitico curabatur, ut suos denuo labores perficere posset: superstitie tamen tumore duro, immobili, in epigastrio. Curando illi varia quidem moliebatur Medicus, sed æger victus prolibus quæritandi desiderio actus, curam sui neglexit. Unde denuo eundem in morbum relapsus, idem repetiit Nosocomium. Cum jam incassum quævis remedia adhibita essent, Paracentesis instituta est, & centum aquæ turbidæ, ac rubræ, libras eduxit.

Evacuato ventre, qui olim in epigastrio perceptus tumor, is jam longe extensior deprehendebatur. Dabantur selecta remedia, sed incassum. Crevit enim ita Hydrops, ut exacto a prima Paracentesi mense, altera institueretur, ne suffocaretur, similemque & natura, & copia, materiem educeret. Id quod deinceps quovis mense septies repetitum. Post septimam Paracentesin videbatur 14. diebus belle se habere, postquam iterum, immane quantum! intumuerit. Virium projectio, appetitus prostratio, febres, ac sudores, octavam dissuadebant: sed veritus homo, ne aut venter sibi funderetur, aut respiratio plane deficeret, octavam voluit subire: eductisque iterum 100. propemodum aquæ libris, multum levaminis percepisse sibi visus est. Attamen collabascens pedetentim viribus undecimo ab illinc die periit.

Cadaver exhibuit omentum in pelvim usque propendens, mutatum in crassum atque membranaceum marsupium, anteriore facie peritonæo, posteriore hinc inde intestinis accretum. Nulla in cavo abdomine aqua, in sacco vero Omenti copiosissima, rubraque eadem, & fœtida. Ipse porro sacculus ille crassus, steatomatosum tumorem gerebat, massæ informis, 33. libras medicas pondere æquantem. Nonnihil aquæ & Thorax habebat. Similem fere casum *Horstius* habet, Op. Med. Lib. 2. Tom. 2. obs. 4.

In eodem Nosocomio fœmina circiter quadragenaria, enorme gerens, mole aquarum, abdomen, atque ob eam fere suffocata, amisit paracentesi 60. circiter libr. medicas aquæ subrubellæ ac glutinosæ. Sublevabatur inde. Sed quod antea nunquam experta, erat, jam in pectoris sinistrum latus, citra intentatas suffocationis minas, ultra decumbere non potuit. Signa præsentis fors hydropis pectoris ejus paracentesi postulassent, ni & ipsa eandem formidasset, & vires dissuasissent exiguæ. Porro a Ventris paracentesi primis 14. diebus venter haud multum crevit, sed duos modo in toto epigastrio tumores exhibuit: elapsis vero hisce diebus tumor ventris universi denuo crevit, viresque ita projectæ sunt, ut ægra bimestri posthac spatio elapso interiret.

In cadavere plurima aqua explebat abdomen, Hepar omnino scirrhum, ac sinistro lobo suo

farciminis instar productum, Splenique accretum. Ovarium dextrum, ut publica demonstratione Auditoribus exhibui, in duo magna, eademque rotunda fere, corpora formatum, puriformi materia plena. Cavum dextrum thoracis admodum Hydropicum.

§. III. His variis historiis relatis ad quaestionem paulo ante pag. 280. propositam; utrum nempe Paracentesis nostra in foemina sit repetenda, an vero ars nostra aliquid possideat, quo vel constantius solamen, vel integram conferat sanitatem? ad hanc, inquam, quaestionem responsum nunc adornare convenit.

Si *Tomum alterum Acad. Chir. Reg. Par.* consulamus, viderentur efficaciora iis, quae nos adhibuimus, auxilia modernis innotuisse Chirurgis, ac pulchris confirmata exemplis fuisse. Referunt haec *Acta VII.* historias Hydropis, ut ajunt saccati, nec non scirrhusi Ovarii. Habetur deinde erudita epicrisis clari in arte chirurgica *Morandi*, qua impense laudat chirurgorum conamina, qui Paracentesi minime contenti, Abdomen lata plaga vulnerarent, facique, tum membranosi, tum etiam jam scirrhusi facti, in quo inclusum liquidum, integram hoc modo evacuationem, collapsum, consumptionem, efficere annisi essent; imo qui in posterum scirrhusum ovarium, quod cystici hydropis frequens sedes, veluti castrando essent exemturi. Tandemque finiens in haec verba erumpit „ La Chirurgie moderne est capable de
„ gran-

„ grandes entreprises; on ne sauroit lui ouvrir
 „ trop de vues pour guerir .

Sane si omnes saccati Hydropes in ovario essent, iidemque perpetuo, lateque, peritonæo accreti; vel si essent. inter Peritonæum & musculos abdominales; si præterea ipsi sacci membranosi tantummodo, non vero crassissimi & valde scirrholi essent; si denique in eodem homine sacculus duntaxat unicus, & non, ut sæpe fit, multiplices essent; laudaremus cum *Morandus* hæc molimina: sed haud videmur certi semper esse de parte affecta, de natura affectionis, de numero loculorum, qui humores includunt. Si enim propriam meam experientiam mente recogito; si ingentem illam observationum sylvam apud collectores casuum revolveo; si denique ipsa Academiæ chirurgicæ exempla examino: jure videor dubitare an cura ibidem commendata sæpius non frustranea, imo & periculosa foret? Unde juvat accurate rem totam examinare.

Imo. Sacci hi peritonæum inter, musculosque abdominales, reperiuntur. Ita in iisdem Actis casus Chirurgi *le Dran*, num. 1. ille domini *Mouton* num. 3. & domini *la Chaud* num. 4. Quod enim ultimus sacculum inter Peritonæi duplicaturam formatum dixerit, id, inquit, *Morandus*, ex veterum opinione, postmodum correctâ, proficiscitur: unde idem sic concludit: „ Ce n'est pas la première fois qu' on a
 „ tenu ce langage; mais les Anatomistes ne

„ l'admettent point : & je crois que cette Hy-
 „ dropisie pretendue entre les deux lames du
 „ Peritoine , n'est autre que celle , de l'espèce
 „ raportée par Mr. *Mouton* „ nempe inter ab-
 dominis musculos & peritonæum . Eratque ea-
 dem de sede hujus Hydropis sententia magni
Ruischii Obs. anat. chir. num. 45. Videantur hic
Douglas & *Winslow* de Peritonæo .

2. Saccati Hydropes fluctuant nonnunquam
 in abdomine , nullibi accreti . Ipse *Morandus*
 talem communicavit cum *Acad. Reg. Sc. Par.*
 ann. 1718. Cujus sacci particula , in ipsa pa-
 racentesi lacerati , claudebatur cannulam , extra-
 ctæque cannula , vulnere prodibat , & ad duas
 ulnas extrahebatur , postquam demum abundan-
 tissima aqua effluxit . Addit oblongas has laci-
 nias laceratam membranam vere retulisse . At-
 tamen aquas , cito renatas , alteram , & tertiam
 paracentesin , unius mensis spatio singulis inter-
 posito , postulasse . Jam vero in *Act. Acad.*
Chir. addit in ejusdem hominis denati cada-
 vere detexisse se hujus sacci reliquias , libe-
 re in abdomine , nulla facta adhæsione , hæ-
 rentes .

3. Tumores hydropicis in corporibus reperi-
 re est , qui Peritonæo non accreti , imo ab eo-
 dem remoti sunt , & suo nihilominus loco fixi ,
 immobilesque . Fæmina in Nosocomio nostro ,
 cujus historia alibi relata , gerebat tumo-
 rem maximum , durissimum , ad digiti lati di-
 stantiam a Peritonæo remotum ; ut interposita
 aqua

aqua manifesto docebat. Tumida ejusmodi corpora, a peritonæo multum remota, variis visceribus, seu radicibus inhaerere, sequentia probabunt.

4. Nonnunquam sacci Hydropici, tumoresve purulenti, steatomatosi, scirrhusi, a scirrhuso Hepate, Liene, Mesenterio, Omento, Utero, Ovario &c. proficiscuntur, tenuiore, ampliore, pedunculo inde penduli; iidemque aut libere fluctuantes, aut lapsu temporis demum tum vicinis partibus, tum peritonæo, affixi.

A. Ita inveni in septuagenaria Ovarium stupendæ molis, totum fere abdomen explens; aqua, ichore, pure, infarctum, undique liberum; simulque veram præterea Asciten.

B. Marsupialis figuræ ingens Omentum, saccum Hydropicum fecit ipsum, tota facie anteriore cum Peritonæo, posteriore multis in locis cum intestinis connatum, in viro cujus historia habetur alibi.

C. Tumores universi abdominis, inæquales, compositi ex meris Hydatidibus, integrum ventrem replentibus, extendentibusque, in saccis quamplurimis Lympham continentibus, *Ruyschii* comparebant *Obs. anat. ch. num. 46.*

D. Hydrops abdominis datur cum tumentissimo, & inæquali Hepate, in Hydatidas toto converso. *Ruysch. ibid. num. 45.* Et iterum *num. 65.* ubi pertusio ejus lethalis fuit.

E. Venter in Hydropico inæqualis, inventus a morte fuit pluribus, iisdem mole prægrandibus,

26. DE TYMPANITIDE ET HYDROPE
bus, in Mesenterio deberi tumoribus. *Blanckard.*
Cent. 2. num. 30.

F. Idem num. 25. detexit, præter casum
Ruischii ad lit. C. simul veram Asciten. Hæc
ipsa scemina initio ab Hydrope curata videba-
tur, remanente duritie lapidea in abdomine;
recrevit postea malum.

G. Geminum ventris tumorem virgo gerens,
falso creditur ab obstetricibus paritura gemellos,
moritur. Mesenterium exhibet duo ingentia stea-
tomata, quorum alterum pus, ac faniem, in
cavum ventrem effuderat, ipsum uterum ero-
derat. *Tulp. Lib. 2. num. 33.*

H. In Mesenterio tumor reperitur 20. libr.
pondere, extrinsecus membranaceus, intus hy-
datidibus refertus; sed præterea & hydatides
aderant Ascitin facientes. *id. ibid. num. 34.*

I. Tumor Pancreatis ac Mesenterii 10 $\frac{1}{2}$ li-
bras ponderans, invenitur cum enormi Ascite
Blanck. Cent. 1. num. 37.

5^{to}. Ipse uterus immane quantum aquis pos-
sit extendi! Fluctuationis perceptionem percus-
so abdomine exhibet, mentiturque Asciten *Blan-*
ckard. Cent. 2. num. 29. Uterus hic continebat
ichoris, ac materiæ oleaginosæ, 85. libras mer-
catorias.

6. Ventriculus in Hydropici cadavere inve-
nitur sedes esse Hydropis, ulnæ magnitudinem
habens, peritonæo firmiter accretus: ita ut se-
ctio, quæ puncto abdomine aquæ 90. libras
eduxerat, reperiretur eam ex cavo eduxisse ven-
tri.

triculo. *Idem Cent. I. num. 84.*

7. Hydatidas multas in cavo abdominis extendi posse, in punctis contactuum mutuo inter se agglutinari, alia sui parte cum peritonæo coalescere, in cadavere quinquagenariæ inveni: ita quidem ut clarus apud Haganos *Velsius*, egoque, pertundentes abdomen, inveniremus forte 20. & plura conceptacula aquæ, singula mediam, integram nonnulla libram aquæ continentia, concreta tum inter se in punctis contactuum, tum cum peritonæo. Ovarium sinistrum caput infantis recens nati referebat; dextrum, biennis: hydatidibus utrumque cinctum.

8. Actis *Edimburg.* part. 2. num. 30. referatur mira prorsum historia juvenis hydropici, ei, quæ pag. 280. ex Nosocomio nostro recensebatur, simillima, ortu, progressu, figura, symptomatibus. Paracentesi 12. libris viridescentis lymphæ eductis, æger postridie moriebatur. Triplici causæ hic fuit ventris adscribenda moles. Primo Asciti. Secundo Hydropi Lienis, qui supernumerariam tunicam a Peritonæo, qua parte Diaphragma succingit, accipiens, inter hanc, & propriam suam tunicam, aquæ limpidæ, inodoræ, non coagulabilis, sed admodum muriatricæ, sex libras continebat. Tercio, immani vesiculæ felleæ amplitudini, quæ in concentricos loculos, singulos bilem continentes, divisa, octo libras bilis spissioris gerebat. Porro neque vesica fellea, neque lien, deprehendebantur peritonæo connati.

9. Da-

9. Datur ventris tumor enormis, durus, æqualis, in corpore summe cachectico, ubi omnis suspicio enormis hydropis faccati adest, maxime cum abdomen totum expleat, excepta infima hypogastrica regione; ubi tamen monstrola abdominis moles unice debebatur sanissimis, & citra notatum Anatomicis exemplum, mole immensis, Hepati, & Lienī; ut 2. Jan. 1759. publice demonstravi in cadavere adolescentis 14. annorum, spina ventosa, omnes dorſi ac lumborum vertebraſ, etiam os ſacrum, exedente, enecti.

Sufficiunt, ni fallor, hæc, tam claris deſcripta autoribus, quam obſervata nobis, exempla, ut varietas pateſcat cauſæ, ſedis, phænomenon, in Hydrope abdominis. Quærebatur modo num certius, tutiusque, adplicatis hucusque, auxilium noſſet Ars noſtra, ad curandum hunc morbum?

Intentio expertorum *Acad. Gall. Chirurgorum* ea demum eſt, ut in Hydrope faccato foramine Paracenteſeos non contenti, idem inſigniter dilatent, latamque aperturam diutiſſime apertam ſervent; ut haud modo is, qui in ſacco cavo eſt, effluat humor, ſed etiam ille qui poſt hac aliunde in eundem influit. Quippe ſaccum, foramine paracenteſeos clauſo, a vaſis in illum hiantibus denuo impleri, idque citius quam prius, tertia citius, quam altera vice, & ſic porro: lata vero apertura facta, quod in ſaccum de integro perpluat, tranſſudetve, exſit.

Stillare id foras: facci latera, haud extensa amplius, concidere, corrugari, condensari: hinc exhalantia in illum vasa sensim arctari, minui, deleri, in fibras fere abire: hac lege demum tam parum in sacco colligi debere, ut totum facile apertura effluat, & saccus concidat totus. Id vero totum quo rite fiat, artificem oportere maturius advocari, quam ut ingens jam factus sit saccus. Opus hoc facilius promoveri continuis injectionibus, v. g. decocti hordei, mellis &c. Imo eo pervenerunt, ut statuant quamprimum percepto Ovarii Scirrhi, & nondum prodigioso sacco inde producto, Ovarii ipsius extirpationem indicari: quod illibata vita, illibata sanitate, effici posse quibusdam alatis testimoniis statuminare satagunt. Finemque demum his omnibus *Morandus* imponit exclamatione superius citata. „ Esse ita cum „ moderna Chirurgia comparatum, magna tentare ut ausit, nimium fore nunquam, qui „ ipsi proponatur, curandi scopum.

Nequeo non laudare, summisque celebrare encomiis, qui artem promoveri nostram generose annitantur. Plurimis enim adminiculis jam gaudemus, quæ difficilia, imo quæ impossibilia ætas remotior crediderit. Industria humana nullis addicta hypothefibus, solis innixa observationibus, artis nostræ pomeria indies extendit, eorumque, qui id perfecerint, nomen æternum cluet. Hinc cum reliquis publicis Actis, quibus numerosæ eruditorum Sodalitates, ut cæteras

teras artes, ita & nostram, perpoliant, illustrent, extendant, hæc chirurgiæ *Parisiæ* Acta per omne ævum clarebunt. Sed antequam egregia hæc conamina, quæ theoria formavit, unum quoque alterumve experimentum suggessit, stabilem praxeos legem forment, perpendendæ primum erunt, quæ in eadem exsequenda occurrant, difficultates.

Primum itaque, ut a Castratione exordiar, si eam in avibus, pecudibusque, homines instituant, non inde datur ad castrandas mulieres argumentum. Nam primo in brutis nihil periclitamur si inde pereant, ut quædam inde perire certum est; in homine homicidium, si inde periret, foret. Secundo, non habemus, qui affirmant, scriptores, inter humanas femellas inculpate id tentatum esse. Videtur equidem a *Morando* autoritas *F. Plateri* ac *Diemerbroeckii* laudari; verum, ut mihi saltem videtur, minus convenienter. *Plateri* locus est *Libr. I. Obs. pag. 261. 262.* Totum quod dixit, meræ speculationis est: imo quo sermone ad finem utitur, eo aperte testatur & sine vitæ periculo aliquo institui non posse, & nondum se legisse quod a quopiam id tentatum fuerit. Et quid hic *Diemerbroeckii* autoritas? Diserte condemnat ille *Plateri* speculationem, statuitque citra summum vitæ discrimen, & citra summum Christianorum dedecus, id nunquam posse fieri, *Anat. Libr. I. cap. 24.* Igitur haud oportuisset, ut mihi videtur, hos binos laudare autores, qui
nihil

nihil minus, quam quod egregius Vir velit, statuerint. Quod *Hesychius*, & *Athenæus*, & *Alexander ab Alexandro*, de barbararum gentium nefando, aliumque in scopum intento, ausu meminerint, etiam nullius esse ponderis mihi adparet. Quid enim nobis, cum gentibus efferis, qui mancipiorum vitæ se arbitros crederent? Et si *Franckenau* casu semel viderit in vivis mansisse scēminam, cui in vulnerato abdomine simul ovarium periret, quid inde ad praxin? si per momentum supponeremus sani ovarii exsectionem nefandam salva vita fieri nonnunquam posse, an ideo concludemus Ovarii degenerascentis, vasaque diametri ingentis habentis, exsectionem etiam sine periculo fieri? Id mox patebit.

Sed secundo dico & rationi adversari. 1. Scirrhum Ovarium est, quod integrum excindere est animus. Scirrhum porro Ovarium & ego, & mecum plures, multoties in cadaveribus deteximus undiquaque connatum, scirrhisque annexum productionibus. Ut periculum ingens tunc esset, ne vel Tuba Fallopii, vel fimbria ejus, imo ne vel ipsa læderentur intestina, aliæve nobiles, quibuscum connatum sit, partes. 2. Scirrhusa pars, ut mole crescit, ita & vasorum diametro: abscindendo igitur Ovarium, poterit Chirurgus hæmorrhagiam, cui sedandæ impar sit, producere; modo v. 3. spermatica arteria ad suum, in Ovarium, ingressum, diametro multum amplificata sit. 3. Non sem-

semper ovarium est, quod durum extensumque in laterali Hypogastrio detegimus, verum aliquando tuba degenerans, ipseque uterus, ut jam advertimus ex *Hippocrate*. 4. Ipsa vulneris consideratio in corpore cachectico, ut passim hæ mulieres id habent, quod hic latum esse oportet, hanc operationem condemnare videtur, ratione eorum quæ sub ipsa, postque ipsam, generalis vulnerum historia docet. Consultum igitur mihi videtur, hanc operationem haud ita promovere, ne forte temerarii nonnulli chirurgi eadem in humanam perniciem abutantur.

Jam ipsam sacci hydropici dilatationem examinemus.

I. Sacci hi habentur tantæ sæpe molis, ut integrum ferme expleant abdomen, cohæreantque cum Peritonæo, & visceribus abdominalibus. Apertura igitur lata, diuque servata aperta, poterit sacci quidem minuere profunditatem, vix vero ejus aut latitudinem, aut altitudinem. Ergo vasa liquorem in cavum saccum instillantia vix contrahentur; & quia prementis liquoris resistantia ablata est, copiosius jam fundent humores suos: quæ ratio primaria est cur etiam post paracentesin Hydrops longe citius quam antea recrescat. Etenim incipiente primum Hydrope, vasa in initio minima sunt, parumque transmittunt. Extendente se sacco, amplificantur & vasa illius. Quandiu magna est resistantia a liquidis sacco contentis, vasa lente,

lente, quanvis sensim jam amplificata, novum liquidum stillant, adeoque primum Hydropem lente producant. Dum vero distentissimus sacculus, humoribus evacuatis nullam in sua cavitate resistantiam habet, vasa amplissima vacuata, aliunde valide implentur, & intra mensem forte plus liquidi suum in sacculum effundunt, quam trienni olim spatio. Igitur in dato hic casu corpus totum extenuetur oportet, derivatione humorum undique facta in cavum sacculum. Sed & aer, vulneribus adeo perniciosus, latissima superficie vulnus, totumque hunc, sacculum alluens, idque in Cacochymico corpore, putredinem brevi inducere potest.

2. Sacculi hi & a me, & a claris, quos citavi, autoribus, & a plurimis aliis, aliquando inveniuntur digitum, duosve digitos crassi: ita ut licet humor lato vulnere assiduo effluat, iidem tamen contrahere se nequeant. Unde vasa in sacculum se evacuantia, si jam intus nullam resistantiam offendant, copiam certe longe maiorem aquæ dabunt, cum diametro aucta maneant.

3. Iidem sacculi sæpius reperiuntur postica facie cohærere cum intestinis. In his hominibus sensim ac lente comprimuntur intestina, & tandem difficulter, & cum dolore, exonerant sese. Hinc male habent. Ubi vero sacculus evacuatus est, idemque durus ac crassus est, intestina illi nonnullis in plagis connata, vehementer dolere atque inflammari possunt, cum aquis

sublatis minus pressa, liberius agant, moveantque sese, connata sacco duro tamen. Et hinc forte pro parte dolores illi, ac spasmi, quos primo a paracentesi tempore conqueri homines solent.

4. Neque crassæ duntaxat substantiæ nonnunquam hi sacci sunt, verum etiam ingentibus obfita scirrhis; ut iidem illi, quibuscum nunc agitur, fatentur autores. Scirrhii hi, præsentē aqua sustinebantur, fulciebantur: jam vero iisdem elapsis, saccoque concidente, se mutuo fricant, dirosque minitantur Cancros.

Oggeret forsitan quispiam tum hanc, tum num. 3. allatam difficultatem, æque in paracentesi obtinere, quam in dilatato vulnere sacci; adeoque si ratiocinium hoc quid valeret, etiam paracentesin ultra instituendam non esse. Sed huic respondeo primo, paracentesin in his desperatis casibus modo institui, ut certa aliqui perniciēs procrastinetur. Secundo subitum aquarum a paracentesi reditum hunc motum, hunc impedire affricum. Unde nullius vis hæc objectio est.

5. In ipsa hac dilatatione, quæ ad 3. 4. 5. digitos lata sæpe fieri debeat, oportebit sæpe ipsos transcendere saccos. Præterquam quod scirrhus sic vehementer irritetur, vasa sanguinea in scirrho magna, nec duris in his massis facultate se retrahendi gaudentia, hæmorrhagiam lethalem producere poterunt; quemadmodum Scirrhii & Cancri Mammarum toties ostendunt.

dunt . Video equidem sapientem *Morandun* num. 8. testari: „ Il m' est arrivé plusieurs fois „ de porter le Trois-quarts dans ces masses „ (Skirreuses) il en sortoit du sang ; je re- „ portois le Trois-quarts en d' autres points, „ l'eau sortit, & il ne résultoit de la fausse „ se ponction d' autre accident , que la douleur „ passagere d' une piquure “. Verum primo, lata sectione longæ plures arteriæ perscinduntur , quam in punctura *Morandi*. Secundo, ipsa scirrhi natura docet ejusmodi puncturam haud semper impune patrari. Tertio in relatione hujus auctoris non notatur eas , quibus punctura talis inutilis facta esset, ad sanitatem rediisse.

6. Sæpius tumores reperire est in Mesenterio, in Hepate, in Ovario, in saccis ab ovario, aliisque visceribus, productis; qui, ut exemplæ allata docuere, peritonæo nullibi accreti sunt. Ita in binis nostris in Nosocomio fœminis, hydropico maxime abdomine nullus tumor percipiebatur, quia tumorem inter peritonæumque moles aquarum. Vacuo autem abdomine, est maxime recrescere ceptis aquis, digiti aut pollicis distantia interesse clare deprehendebatur. Si hoc in casu lata plaga abdomen, saccumque perscindam, effluent quidem ex utroque aquæ, ichor, sanies, pus, quodcumque demum in eodem continetur; sed ex sacco simul aliquid in cavum ventrem effluet, ubi ille evacuatus fuerit: & quandiu illa lata apertura patebit, semper plus in cavitatem peritonæi stil-

labit, quam extra illud, cum nulla hic adhæ-
sio sit. Porro si aqua pura exstillat, erit Hy-
drops perpetuus ventris; si liquor putridus, bre-
vi abdominis ac pelvis viscera pefundabuntur,
mortemque accelerabunt.

7. Nonne latum hoc abdominis vulnus inu-
tile videtur, imo noxium, in Casibus num. 4.
Lit. G. & I. num. 5. 6. 7. 8.?

8. Quod jam supra innui, si quis velit vul-
nus 3. 5. 6. & ultra, digitos latum, abdomen-
que penetrans, semper omni prorsum periculo
carere; eique hoc per momentum concedamus;
haud tamen illi concedemus vulnus tantum, in
corpore cacochymico & cachectico, ut ejusmo-
di homines passim sunt, vacare periculo. Vul-
nera in sanis periculo vacua, solent haud raro
in morbofis, periculum inferre; ut toties in re-
lationibus ad Judices Medici ac Chirurgi te-
stantur.

Has utique nunc enarratas difficultates lu-
bens fateor me hucusque impedivisse, quo mi-
nus optimorum virorum *Acad. Reg. Par.* tum
amplexus sententiam fuerim, tum exsecutus:
certiora prius observata, numerosioraque experi-
menta, in subsequen- tibus *Acad.* tomis, ante-
quam imitari aulam, expectaturus.

Paracentesin interim præfero hucusque, quia
in faccato Hydrope vitam alioqui suffocandam
protrahit, & intolerabiles minuit anxietates.
Si pluribus utriculis liquor contineatur, vix ju-
vabit; sed neque tunc utilis incidendi metho-
dus

duſ erit. Si Scirrhi adſunt viſcerum, neutra methodo curabuntur, ſed eduſtio aquarum per paracentefin Scirrhis minus nocebit, quam incidendi methodus, ut ad num. 4. offendi. Si vero unus alterve caſus extat, in quo Paracentefin mors brevi ſequatur, ut erat monſtruoſus ille hydrops oportet hoſce deſperatos cæteroqui exiſtimare, ita ut etiam citra paracentefin mors ſubſecuta fuiſſet. Porro agitur hic tantum de paracentefi in cyſtico hydrope inſtituenda; ſi enim vera aſcites eſt, eaque recens, & corpus cæterum bene habet, paracentefis ſimul & ſemel Hydropem non raro curat integre.

Eſt nihilominus, ubi Natura ipſa exceptionem faciat, & abdominis latam aperturam indicet. Aug. 22. nos ſcœmina acceſſit, quæ 5. Junii pepererat. Hæc a dextro umbilici latere dolorem tempore graviditatis perceperat, a partu vero tuberculum; quod ſenſim creſcens tandem in tumorem durum abivit, qui pluſquam 5. pollices utraque diametro referebat, eo dolentioſiorem, quo mole majorem. Utrumvis in latus illa decumbebat, hic tumor plane immobilis erat, peritonæo proximus, & vero ſimiliter eidem accretus. Menſibus a partu carebat, Appoſui emolliens atque diſcutiens cataplaſma, remediaque ſolventia interna præſcripſi; attentus in eventum, quem tumor hic dolens, nullam febrim comitem habens, eſſet habiturus. 29. Aug. dolor, tumor, rubor, externo jam

abdomine observabantur; quare emolliens, & maturans cataplasma adhibitum est. Postera die, copioso pure fluctuante, apertura lanceola facta est; exivit puris dimidia libra, ut & die sequenti, reliquis quidem diebus minus, quo tempore deligabatur vulnus, sed continuo tamen hucusque pure locus totus madet. Injections cum aqua hordei & melle bis die fiunt, & aperturam, sat latam, diutissime apertam servare animus est. Tumor minuitur, totusque emollescit. Dolor vix observatur. Stylus ductilis reperit saccum undique clausum, sed sensibilissimum. Hic nunc casus est, Natura monstrante viam, in quo *Parisina* methodus juxta perpetuas Naturæ leges usui veniat; alias ineluctabilibus difficultatibus, ut mihi saltem videtur, plena.

§. IV. Superfunt quædam Problemata solvenda. I. Quid causæ, quod facta paracentesi sæpe longe citius renascatur Hydrops, quam primum natus esset? Respondi jam alibi ad hanc quæstionem. Ponamus Hydropem cysticum primum nasci in parva cujusquam visceris Hydatide. Lente admodum membrana continens a mole minima in majorem extenditur, ut semianno, biennio, quadriennio, decennio, & quod plus est, indigeat, antequam verum referat Asciten. Facta jam paracentesi membrana maxima, intus cava, lymphaticis osculis pertusa millenis, mox denuo repleatur necesse est; cum nulla intus resistentia sit, & in

in inania spatia humores undique veluti attrahantur.

II. Undenam Hydropici aquam nonnunquam citissime colligunt? Ita ut a Paracentesi elapso vix octiduo nonnulli 50. libras aquæ recolligant, interea temporis vix potantes? Idque ad singulas paracenteses? Cur in relatis historiis vix poti homines, singulo mense 100. libras paracentesi evacuarint?

Cum neque ore liquor corpus intraverit, neque ipso corpore suppeditari potuerit, necesse est ipso in aere causam queri. Adverterat sua in Chemia clarissimus *Boerhaave* aëra, etiam ficcum, aqua saturum esse, inde corpora humescere, & si apta, quæ veluti attrahant, corpora inveniat, aquam inibi deponere suam. Ita cap. de theoria Acris, explicans quomodo uncia una salis tartari siccissimi tandem uncias quatuor olei tartari per deliquium, aeri tantummodo exposita, exhibeat; credit 1. hoc fieri vi, ut dictum est, attractrice inter aquam aeris, & alcalinum salem. Vel 2. ex eo quod in loco quieto, clauso, subterraneo, ubi hoc experimentum fiebat, aer perpetuo moveatur, & sic suam aquam successive ad salem adplicet. Vel 3. ex eo, quod aquæ partes ita moveantur per aeream molem, ut jam in hac, jam in alia parte spatii aerei sint, atque ita tandem omnes concurrant cum illo sale, qui intra hunc aëra est positus. Addit demum:

„ Verum credibile est omni de genere experi-

40 DE TYMPANITIDE ET HYDROPE

„ mentorum , quod omnes illæ causæ simul
 „ concurrant ad eundem effectum producen-
 „ dum „. Ne quis autem credat experimentum
 in humido subterraneo aere modo succedere ,
 haud vero in siccissimo , addidit *Boerhaave* ex-
 perimenta siccissimo hyemali aere facta , quibus
 evicit etiam ultra tertiam ponderis salis accre-
 visse spatio 14. dierum.

Quæ cum ita se habeant , credibile admo-
 dum Hydropicis corporibus latentem dispositio-
 nem inesse , qua aeris aquam continuo imbi-
 bant . Et si intra paucos dies ex siccissimo sale
 tartari nascatur oleum tartari per deliquium ,
 id est , si sal tartari ex aqua aeris tribus quar-
 tis partis pondere intra paucos dies crescat ;
 haud ita mirabimur hominem 150. librarum ,
 paucos intra dies , libris 50. & pluribus gra-
 viorem fieri , & nova paracentesi totidem aquæ
 libras emittere , licet toto eo tempore vix li-
 quidi quidquam hauserit . An facci hydropici
 post paracentesin vacuitas in omnibus aquam
 aeris attrahat , & sic una cum data antea causa
 hydropem renovet actutum ? Intelligitur hinc
 humida Athmosphæra , humidis ædibus , Hy-
 dropem in prædispositis nasci facilius , rena-
 scique .

III. An credendum cum doctissimo *Bianchi*
 quod Bilis defectus causa Hydropis sit , aut
 ejusdem saltem effectus ? Ita nempe egregius vir
 scribit hist. Hep. pag. 147. „ Pallida igitur oc-
 „ currit ordinario ad cystin suam Bilis in deli-

„ ca-

„ catulis , in Chlorosi , pallidior in cachexia ,
 „ fluxibusque Cæliacis , *pallidissima* , & fere
 „ *absque ulla flavædinis tinctura* , ac tantum
 „ *non aquea* , in Hydrope , aliisque morbis diu-
 „ turnis , in quibus sensim deperierit emicatio
 „ in sanguine : in hisce interdum affectionibus
 „ albescent observatur , & candida ; ut vidit
 „ *Diemerbroeck* „ . Quantum ad bilem insipi-
 „ dam . „ In Cachecticis , ait pag. 170. præci-
 „ pue mulieribus , aliisque lente ægrotantibus ,
 „ delinquentem hoc ritu bilem ordinario vi-
 „ demus .

Antequam respondeam , examinandus est ,
 qui ex *Diemerbroeckio* hic laudatur textus . Est
 ex ejus Anatome , ubi de bile agit . Invenit
 bilem vesicæ post diuturnum Hydropem candi-
 dam , & utcumque viscidam . Hucusque res con-
 venit cum observatis Cl. *Bianchi* : sequitur vero
 aliquid quod non convenit ; nam ex ductu cho-
 ledocho , & ex poro biliario , Bilem flavam ver-
 sus intestinum fluentem vidit .

Ergo 1^{mo} . *Diemerbroeckii* experimentum in
 Hydropico factum id quidem confirmat , quod
 de cystica bile *Bianchi* refert , non vero de-
 monstrat idem , quoad hepaticam bilem : Bi-
 lis vere flava Hepate secreta , ad intestina
 fluxit . Potuisset hic homo ictericus fieri ,
 sine ulla vel minima flavæ bilis guttula in
 vesicula .

2^{do} . Hoc ipso experimento intelligitur ho-
 minem & ictericotatum posse fieri , & simul
 flava

flava reddere alvi excrementa. Si enim ponamus hominem sanum quacumque causa obstructione in ductu cystico nata reddi ictericum, bilis flava ex poro hepatico ad duodenum fluens tingere excrementa debet.

3^{io}. Hoc eodem experimento concludimus in ictero, dum albæ fæces sunt, vel nullam bilem secerni hepate, & vesicula, vel obstructionem esse in ductu communi, aut ad Duodenum.

4^{to}. Itidem inde apparet Hepaticam bilem in cystim non influere, ut communiter creditur, sed totam in Duodenum abire. Neque suspicio hic haberi potest angustioris forte cystici ductus; cum autor dicat miratum se illius amplitudinem fuisse. Unde recte judicat cysticam bilem peculiari fabrica tunicæ internæ vesiculæ generari, stagnatione perfici; defectu tamen ejus flavam bilem intestina subire, excrementaque tingere posse. Certe si pulcherrima *Liberkubniana* Præparata, microscopiis inserta, quæ Ill. *Baro van Swieten* Academiæ nostræ dono dedit, attente contemplemur, convincimur mirabilem hujus tunicæ structuram magnis usibus necessario destinata esse. Unde cum eodem Ill. Viro, *Cap. de Hepat.* fatemur, quod

„artificio summo, & penitus peculiari reptatu,
 „arteriæ numerosissimæ decurrunt, per membranas vesicæ felleæ, uti injectiones anatomicæ docuerunt; unde admodum verosimile videtur peculiarem adeo vasorum apparatus fer-

„vire

, vire hic singularis liquidi præparationi & secretioni.

Hæc nunc de *Diemerbroeckii* testimonio in quantum firmet, & non firmet *Cl. Bianchi* sententiam.

Probatur etiam *Ruischii* observatione, num. 87. inveniētis in cadavere Hydropici Hepar induratum, vesicam felleam sextuplo majorem naturali, sed aquosa plenam, insipidaque lymphæ; in ductu vero Choledochō calculum ciceris majoris magnitudine, omnino obturantem hunc meatum.

Convenit etiam *Bianchi* sententia cum nonnullis meis observatis.

Anno 1544. Junii 30. cum doctissimo *Velfe* bimestris infantis cadaver lustrans, vesiculam felleam inveni turgidam valde, sed humore plane aquoso plenam, gustu amaritiem vix ullam referente. Post hydropem pectoris, acidum terribile, copiosamque pituitam vitream, perierat infans.

21. Dec. 1758. idem in Nofocomio publice demonstravi in cadavere Hydropici, cujus Hepar granulosum totum. Ter ego, pluresque adstantium, aquosum vesiculæ liquorem gustantes, ne minimum quidem percepimus amarorem. Nec pellucidus insipidusque modo liquor, sed gelati instar tremulus fuit, & cohærens. Portio ejus igni in cochleari exposita nihil coagulabatur, sed avolabat in auras, tenui pellicula relicta: portio alia syrupum violarum viridem fecit.

Igi-

44 DE TYMPANITIDE ET HYDROPE &c.

Igitur plures casus dantur quæ idem, quod *Bianchi* voluit, posuitque, confirmant; at vero sæpe contrarium obtinet. Dedita opera rem examinans bilem flavam, amaram, pluries in Hydropicorum cadaveribus inveni, demonstravi. In Tympanitico puero, cujus morbum a defectu bilis p. 272. deduxi, demonstravi tamen bilem vesicæ flavam, amaram, postea recrevisse ipso cachectico ejus statu. Et in *Diemberoeckii* enarrato casu, licet cystica bilis pallida esset, aderat tamen hepatica flava. Equidem Anonymus autor in *Act. Edimb. Tom. 1. Diff. 33.* statuit Hepaticam bilem blandum humorem esse, qui parvam biliosarum particularum copiam modo haberet: ita quidem, ut dubitet num, a bile hepatica retropressa, tum profunda flavedo, tum penetrantissima amarities, tum quævis alia, quæ subito in Ictero adparent, symptomata, proficisci queant? At tamen plus simplici vice bilem pori hepatici demonstravi flavam admodum, gustuque perquam amaram: licet cysticæ flavedine, amaroreque, cedentem. Quis noverit an, bile cystica pallida, non frequentior contingat *Diemberoeckii* observatio? Saltem meam ejus examinandæ negligentiam in posterum emendabo.

C A P U T II.

De Coxario Morbo .

- §. I. *Varia. de Coxarum morbis . Cur nati hī externis de causis dubiam haud raro Diagnostin habent ; imo cur eodem in morbo iuste data Diagnostis , postmodum falsa reperitur . Insignis morbi varietas demonstratur exemplis .*
- §. II. *Nec certior sæpe , constantiorque , ejus Natura adparet , dum internis solis , vel mistis simul internis externisque de causis , proficiscitur .*
- §. III. *Notabilis casus juvenis fœminæ id demonstrans .*
- §. IV. *Examen questionis , num Coxendice affecta , tumida , præsentem testata materiem , ampla apertura facienda sit ? Negatur in genere , & in specie .*
- §. V. *Examen Doctrinæ Hippocratis de Coxarū morbi natura , eventu , cura ; eaque occasione multorum ejus textuum expositio .*
- §. VI. *Curatio sequentibus Hippocraticum ævis celebrata , enarratur , discutitur .*
- §. VII. *Ratio cur articulo Coxæ affecto multi non curentur ? Imo cur plures inde pereant ? Phthisis ischiadica .*
- §. VIII. *Laus Corticis peruviani cum lactea dieta , desperatis aliquando in rebus vitam , sanitatemque , restituentis , conservantis .*

§. I. **P**ermultæ sese obtulerunt in Nosocomio occasiones Coxarum morbos cognos-

gnoscendi, quarum rationem jam dedi in quibusdam capitibus hujus operis. Cum vero frequens admodum morbus sit, novas observationes addam, quibus latens sæpe obscurusque morbus clariorem sui diagnosin postmodum præbere, tutiusque curari possit.

Multum sæpe & acriter utrinque disputari solet, quando femur post casum laborat, sitne os femoris luxatum tantummodo, an fractum? Et si fractum, utrum ad Epiphysin, an in cervice? Vel an in luxatione frangatur ligamentum teres, an vero possit sufficienter extendi, ut os aberrans sequatur? &c. Non est hujus loci ea enarrare quæ *Petit*, *La Motte*, *Heyster*, alique, ad varios hos defectus inter-noscendos pulchra scripserint. Tractatum Chirurgicum non scribo, sed casus medico-chirurgos in Nosocomio, & alibi, mihi observatos, duntaxat communico. Hinc dixisse sufficiat vario admodum modo hæc se habere: ita ut 1^{mo}. Cervix frangatur, ossis capite in acetabulo manente. 2^{do}. ut frangatur Epiphysis, & ab osse solvatur; maxime in junioribus: non tamen ita semper. 3^{tio}. ut os femoris integrum luxetur, fracto ligamento tereti. 4^{to}. ut illud luxetur, hoc elongato, sed integro. 5. ut ipsum caput ossis cum acetabulo morbose uniatur, & perfecta fiat, eaque immedicabilis, Anchylosis.

In puero decenni, robusto, luxationem introrsum, deorsum, factam, perfectissime restitui-

tuimus ; sed quo nobis curæ integritas patefceret , diuturno eum tempore in Nosocomio servavimus . Licet forte rariore casu ligamentum fractum uniri denuo , elongatis utrinque fibris ligamentosis , possit , probabilius tamen est huic puero luxationem integro osse , integroque sed elongato , ligamento tereti , contigisse , cum debitus , ac constans articuli motus tam cito adfuerit .

Puer sex cum dimidio annorum sub ludibundo pedum exercitio dolorem percepit ad coxam dextram , cui brevi post tumor accessit . Trium aut forte quatuor mensium spatio hæc ita perseverarunt , absque eo , quod crus longius , breviusque , adparuerit . Deinde vero ad duos circiter digitos latos brevius redditum est . Vix septem mensibus ab origine morbi elapsis , diarrhæa , febre , convulsione , periit . In cadavere vidimus caput ossis femoris ad crepidinem superiorem acetabuli locatum . Ligamentum teres omnino desiderabatur . Tumida admodum glandula in cavo acetabuli , ut caput ossis femoris intra illud excipi ultra non posset . Mira igitur contorsio , & inde nata inflammatio primum adfuisse videtur , cum subsequente degeneratione *Haversiani* smegmatis , cum erosionne atque consumptione tum ligamenti teretis , tum ligamenti dicti ad teretem accessorii , ex cavo acetabulo enati . (vide *Schwencke* Obs. de Lig. c. os. fem. connectente interno , ad finem *Hist. Sang.*) Unde demum caput ossis femoris

moris ex cotula trudi ceptum, crus sensim brevius redditum, & integra, sed extensa adhuc capsula, idem caput ossis ad superiorem cavi acetabuli marginem applicatum.

Similem historiam in Nosocomio vidimus puellæ 16. annorum, quæ quatuor annis dolorum in coxa prægressis, utroque cum crure æquali, tandem incepit crus brevius habere, ita ut nunc ad tres digitos latos altero brevius sit.

Meritissimo ergo jure egregius *Petit*, postquam semel hinc deceptus fuisset, scripsit *part. 1. morb. oss. cap. 12.* integram luxationem natam se invenisse, ubi bimestri ante spatio signa evidentissima articuli duntaxat læsi, haud vero luxati, affuissent. Videtur eodem præcise modo id *Petito* contigisse, quo nobis nostris in casibus visum fuit.

Sed & aliud in Nosocomio observavimus. Puer duodecennis, a teneris claudicans, alio morbo mortuus, exhibuit nobis caput ossis femoris suo cum acetabulo firmissime unitum; ita ut videatur a casu, aliave violenta causa, semel nata contusio, inflammatio, suppuratio, erosisse tam caput ossis, quam cavum acetabulum: unde demum effectum, ut ambo hæc in unum corpus penitissime coaluerint. Genus igitur peculiare claudicationis, ab Anchylosi ortum, quale quid etiam *Petito*, ad finem mox laudati capitis, contigit. Simul aderat ossis Ischii versus interiora degeneratio; multum enim
ibi

ibi eminebat in loco acetabuli .

Concludimus ergo in affectionibus ossis femoris, & articuli coxæ, a causis externis ortis, diagnosin sæpe plurimum difficultatis, incertitudinisque habere; tum & inconstantem eandem ideo esse, quod lapsu temporis affectionum harum tota natura mutetur.

§. II. Verum non minorem ambiguitatem sæpe infert hujus articuli affectio, quam vel causæ mere internæ, vel internæ cum externis combinatæ, produxerint. Mala nempe plurima hunc articulum occupant. Levior contusio, quæ fortè sine accedentibus internis causis non nocuisset; Communis inflammatio; Diathesis arthritica, rheumatica, scorbutica, venerea; Metastases denique, morbos varios, teterrimosque, circa hunc locum frequenter generant. Multa exempla dedi hujus operis capite 7. cap. 11. cap. 17. & toto cap. 27. Hisce novam observationem adjungam, totum morbum deinceps dogmatice tractaturus.

§. III. Puella 14. annos nata, spatio 7. septimanarum laborans febre intermittente, aut continua remittente (id enim ex ejus enarratione ambiguum manet.) emetico tandem dato, febre liberatur; toto interea corpore intumescens, & pellucidis, ad supernos infernosque artus, vesiculis plena. Quibus citra aperturam evanidis, mansit tumidissima. Diureticis tamen & purgantibus inde ita curabatur, ut domesticos repetere quidem labores posset, sed tamen

difficultate, ac lassitudine perpetua, utque testetur bona valetudine nunquam deinceps usam fuisse. Transegit sic triennium. Postquam tumorem observare cepit ad externum latus femoris dextri, digiti circiter longitudine a crista ossis Ilei, versus os sacrum, & lesqui digiti longitudine exinde deorsum versus, supra Glutæum magnum. Dimissus sibi tumor sex integris mensibus, cataplasmate dein fatus, emollitur, sponte aperitur, funditque puris serique multum, trimestri spatio; tandem adperso ignoto sibi pulvere coaluit: sic tamen, ut perpetuo doluerit locus, ipsaque postliminio in eundem incumbere non potuerit.

Catamenia ipsi, 17. annum ætatis agenti, observari cepta, continuarunt quidem, sed & parce, & quovis alterno, tertiove mense, tantum.

Notandum porro est quod, ante tumorem primo perceptum, iratus pater, magna vi, grave magnumque ligni frustum in illam, ab eo fugientem, projecit, femurque dextrum percussit, contuderitque. Quod equidem utrum immediate ante perceptum dolentis loci tumorem, an dudum antea, contigerit, haud bene meminit. Ita ut dubium supersit, sitne tumor ex relicta cacochymia natus, an contusione? Alteram forte causam altera promovit.

Annos 19. nata, novum percepit antiquo loco dolorem, qui ignoto emplastro adposito ruptus, similem, ut olim, materiem dedit.

Novembri mense 1758. ann. 20. attingens, tumorem deprehendit in medio postico femore sibi nasci, findi, purisque copiam magnam ad medium Decembrim usque effundere,

Anno 1759. Jan. 5. primum me convenit, exhibens ulcera duo; unum loco superiore antea descripto, alterum in medio postico femore. In hoc stylus ultra pollicis geometrici profunditatem fere perpendiculariter intrabat; in illud, pollicis medii. Os utriusque angustissimum, ut vix stylum admitteret: decursum totus fistulosum in profundioribus ulcus testabatur. Vagæ febres aderant.

Diagnosis incerta. Probabile erat cacochymiam antiquam, contusione externa ad femur determinatam, tumorem produxisse; vel si tumor dudum præstitisset, eum contusione augmentum fuisse. Quid autem proprie, quave ratione, læsum hic esset, signa non indicabant. Attamen cum omnibus suis ærumnis recta adhuc incedebat.

Ut Diagnosis incerta, ita ambigua prognosis. Ut enim cap. hujus operis anterioribus demonstratum est, dum ad profunda Coxæ, Femorisque, ejusmodi dolores, ac tumores, dudum hæserunt, interiora passim destructa sunt, aut vehementer saltem læsa, antequam materies prorumpat foras. Ex quo id contingere ibidem constitit, ut arte postmodum aperturam faciente, aer accedat, & homo pereat. Attamen rem se non tam desperate habere semper, imo consequi

salutem posse, etiam interna jam pro parte erosafacta essent, felicia quædam exempla *cap. 27.* enarrata demonstraverant.

§. IV. Indicatio in hujusmodi calamitatibus parvam facere aperturam jubet: *aperturam* quidem, ut materies interiora pessumdans foras alliciatur, expurgarique locus possit; *parvam* vero, quia aer multum accedens, citiore corruptione accelerare mortem solet. Unde aperturæ hæ & raro, & caute deligandæ sunt; hic porro cum parvam aperturam Natura fecisset, de alia facienda, eademve dilatanda, cogitandum non erat.

An tamen latior apertura, arte facta, non præstitisset, præ fistulis hisce binis, quæ sponte natæ tantillum modo de mali scaturigine auferrent?

Neutiquam. Primo repetita toties experientia nos, aliosque, nocumenta latioris aperturæ sæpe docuerat. Secundo styli sensim profundior, atque ad os demum fere penetrans ingressus, vetabat certe omnia hic perscindere; Vaginam femoris, Glutæum maximum, Bicipitis Cruris caput longum, sub eoque nervum Ischiadicum, tum arteriam venamque insignes, quæ ex magno trunco arteriæ ac venæ Cruralium mox antèrius, in inguinibus, oriuntur, deinde ad posteriora femoris penetrant; tandem & Semitendinosum. Præterquam quod vasa insignia ex Cruralibus sese per Adductores magnos femorum penetrantes, supraque eosdem decurrentes, hic

hic lædi possent. Anno 1756. Vexillifer in Nosocomio, suppurato femore, & crure, indigebat ad medium femur posticum apertura. Ramus autem adeo notabilis ibi decurrebat, ut sistendæ hæmorrhagiæ vix pares essemus. Metus igitur hæmorrhagiæ, convulsionis, claudicationis, dilatare hic late profundeque, omnino vetuit.

§. V. Quid ergo in ejusmodi malis, ubi a causis sive internis, sive externis, coxa, viciniaque ejus, afficiuntur, agendum?

Lex Nosocomii nostri immutabilis est medicinam Hippocraticam facere, *Hippocratem* in omnibus, maxime autem in difficilioribus, consulere, consultum sequi; nisi posteriora observata, quod tamen rarius, illum jam correxerint, & emendarint. Erat igitur denuo specimen juventuti Medicæ dandum, quo caperet, qua lege *Hippocratis* mentem investigare, vestigia premere, deberent.

Occurrebat 1^{mo}. Aphorismus 31. sect. 4. τοῖσιν κοπώδεις ἐν τοῖσι πυρετοῖσιν „ Lassitudines per febres abscessus maxime fiunt ad artus & circa maxillas. „ Quotidiana quippe observata docent his, qui a morbo febrili, aut acuto, haud rite judicantur, lassitudines manere, sensumque gravitatis; a materia, quæ vel admodum morbosa, vel saltem a sanitate aliena in corpore oberrat, cum reliquis circumfertur humoribus, & per multa vasa minima penetrare se nequit. Hæc ipsa materies, quan-

vis nonnunquam febres, sive inflammatorias, sive hecticas, lethalesque, producat, sæpe tamen ad Parotidas, Coxasve, aut ad alias partes, metastatice defertur. Incertum porro, quandiu hæc sit oberratura in corpore materies, antequam ad loca certa deponat sese. Incertum an non eos affectura sit locos, qui affecti, vel partium quæ afficiuntur, vel totius corporis, inferant perniciem. Posse nonnunquam diu humoribus mistam manere, cumque iisdem circumduci, & experientia pluries in Nosocomio docuit, & peculiariter de Metastasi ad Coxam observasse *Celsus* videtur *Lib. 4. cap. 22. de Coxarum Morbis*: „Eoque id genus, inquit, „difficillime curatur, quod fere post longos „morbos vi pestifera huc se inclinat: quod ut „alias partes liberat, sic hanc ipsam quoque affectamprehendit.

Attamen in hac incertitudine *Hippocrates* indefatigata sua observandi industria eo pervenerat, ut præsciret an non brevi tempore oberrans hæc materia ad certo determinatam partem adpelleret? *Aph. 32. Sect. 4.* „Quibus „ex morbo resurgentibus aliquid dolet, ibi abscessus fiunt. „Materies quippe ad certam corporis regionem deferri cepta, quæque per minima ibidem vasa se penetret inepta, extendit eadem, nervos subiectos, interpositosque premit; hinc tunc perceptio doloris. Porro dolor ille, descripto rerum in statu, innuit hujus impulsionis primordia poni, adeoque futurum monet ibidem abscessum.

Imo

Imo in his lassitudinibus post febres relictis, locum ipsum prædefinire, etiam ante natos dolores, audebat *Hippocrates*, Aphor. 33. sect. 4. „ Sed etiam si quid doluerit ante morbum, „ ibi se figit morbus „. Etenim si homini pars quæpiam ante morbum doluerat, bona crisi ea quoque sanescebat: Crisi vero imperfecta prægressa, timendum nunc erat, ne heterogenea materies, lassitudines post febres efficiens, eum peteret locum, qui ex antiquiore dolore jam obstructus, hincque debilitatus, crassiori morboſæ materiæ transitum necessario denegaret.

Sic. *Epid.* 7. Sect. 7. apud *Foes* pag. 1193. morbos circa brumam ortos describens, Tusses nimirum, Peripneumoniam, Anginas variæ speciei, & Paraplexias „ Anginæ autem, inquit, & Paraplectica mala, aut dura & sicca erant; aut parva, & raro maturum eductia. Nonnullis vero etiam multum educebatur. Qui ergo plus voce male habebant, aut rigore corripiebantur, iis tusses in Anginas potissimum desinebant. Qui vero manu ægre habebant, manibus tantum resoluti fuerunt. Qui autem equitarunt, aut plurimum viæ confecerunt, α ἡλλοτι τοῖσι σκέλεσι τὰ λαιπωρήσαντες, τὰ τέοισιν ἐς ὄσφυν, ἢ σκέλεα, ἀκρασίαι παραπληγικαὶ aut alioqui cruribus male habuerunt, iis Lumborum, aut Crurum impotentia ex resolutione obortæ sunt, & ad femora tibiaſque lassitudo ac dolor.

Epid. 4. pag. 1132. „ *Απενάντι* sororis fi-

„ lius tumida præcordia , & Lienem habuit .
 „ Crebra spiratio erat , alvi egestio glutinosa ,
 „ & biliosa , quibusdam excrementis permi-
 „ stis . Κοπιῶδης ἐξ ἔργων , cum ex opere de-
 „ fatigatus esset , 20. die abscessus in pedes de-
 „ cubuit , idque ex judicatione , qua delassatis
 „ ejusmodi , non ad oculum verbi gratia , sed
 „ ad articulos , abscessus decumbat .

Idem observaverat in alius generis metastasi-
 bus , v. g. iis , quæ , post immanem tussim ces-
 santem , partes paralyticas redderent , Epid. 4.
 pag. 1138. „ In tussientibus iis quidem , qui
 „ manibus laborabant (male habebant) velut
 „ puero , qui sarmenta contorquebat , & *Amynthæ*
 „ filio , ubi utrisque solius dextræ resolutio
 „ contigisset , cessabat tussis : postquam enim
 „ tussiverant , hac affecti sunt . Qui vero aut
 „ equitarunt , aut pedibus iter fecerunt , in Lum-
 „ bis & Femoribus eam senserunt .

Itaque , secundum *Hippocratem* , Juvenulæ
 nostræ ideo ad Coxam materies decubuit , quod
 suo in famulatu pedibus , una cum toto corpo-
 re delassatis , multum uteretur ; quodque etiam
 contusio ad eundem locum contigisset . Atque
 hæc de Hippocratica diagnosi ac prognosi : exa-
 minanda jam ejus curatio est .

Epid. 4. pag. 1127. „ *Moscho* nono die lar-
 „ gus ex nare sinistra , paucus autem ex dextra ,
 „ sanguis effluxit . In 14. diem , prout debebat ,
 „ judicatio ab initio commovebatur . 17. die
 „ errata in ciborum ratione contingebant . 19.

„ noctu

noctu enatum est ad aurem dextram tuber-
culum parvum, intus durum, foris paulum
molle, dolorem inferens, nec remittens. Pur-
gatione rejecta sunt admodum biliosa, puru-
lenta, sepiæ atramento maximè similia. Ne-
que secus, ac is, cui admota cucurbitula,
cum dolor ad Coxendicem esset, in crus de-
scendit, allevatus est.

Nimirum *Moschus* acuto morbo communi la-
borabat, quem dies 14. pro parte judicaturus
videbatur, atque dies 17. integre forte judica-
set, nisi diætæ errores hanc Naturæ intentio-
nem & conatum interturbassent. Hinc die 19.
forte finiente, aut 20. inchoante, Metastasis
pone aurem contingebat; haud tamen cum to-
tius morbosæ massæ eo versus determinatione,
siquidem constet ejusdemmet portionem intesti-
na petivisse. Attamen *Hippocrates* curam hujus
Metastaseos eodem modo perfecit, quo ejus,
qui metastasin patiebatur ad Coxam; nempe
cucurbitulis.

Et pag. 1128. " *Qui ex figulino equo deci-*
dit, cui nec ilico admota est cucurbita,
ἐκ τοῦ θυγατροῦ, intus ustus est, ac die 20. ma-
lum recrudit: sanguinis profluvia, feculenta,
& erodentia, prodierunt.

Epid. 5. pag. 1143. " In Oeniadis *Eupole-*
mus Coxendicis & Inguinis dolore conflicta-
batur, ut & in toto loco propinquo Coxæ
juncturæ, ab inguine, & anteriore coxendi-
cis parte. Hinc sanguis ex malleolo detractus
est,

„ est, admodum multus, nigerque idem, &
 „ crassus: epoto autem medicamento alvum de-
 „ orsum purgante, multum purgatus est, &
 „ melius quidem ei aliqua ex parte fuit. Do-
 „ lores vero non cessabant, sed tum Coxendi-
 „ cem, tum illius juncturam, tum Cocho-
 „ nam ” (Cochone est illa pars tota superio-
 „ ris femoris anterior, posteriorque, quæ est a
 „ crista Ilei & Pube, usque ad extremum Tuber
 „ ossis Ischii, cui insidemus. Vid. *Goræum in*
 „ *Def. & Foef. in Oecon.*) ” tum etiam inguinis
 „ loca, suppuratio occupabat, ibique dolor erat
 „ intensior. Pus autem os, potius quam car-
 „ nem, pervadebat, & aliquamdiu sic se ha-
 „ bere ignorabatur, donec admodum debilis
 „ extiterit.

„ Tandem crustis valde multis, iisque ma-
 „ gnis ac densis, inustus est, pusque multum &
 „ crassum effluxit, ac paucis post diebus inte-
 „ riit; tum ex ulcerum magnitudine & mul-
 „ titudine, tum ex corporis debilitate. Hic
 „ videbatur sanari potuisse, si unica ampla se-
 „ ctione sectus fuisset, & si per eam sectionem
 „ pus effluxisset: aut si altera sectione opus fuisset, amplam eam facere, & hæc omnia ἐν
 „ τῇ ὥρῃ, idoneo suo tempore, instituere oportuisset.

„ *Lyconi* in *Oeniadis* in reliquis quidem ea-
 „ dem contingere, dolores tamen ad crus non
 „ admodum pervadebant, neque purulentus ex-
 „ titit, verum sanus longo intervallo. Medica-

„ menti

„ menta autem ebibebat (φάρμακα , medica-
 „ menta purgantia) & cucurbitulas admovebat ,
 „ sanguis mittebatur , atque interea melius ha-
 „ bere videbatur .

„ Larissæ *Scamander* Coxendicem syderatam
 „ habuit, σχίον ἐσφακέλισε, coxendicem spha-
 „ celatam habuit, & os diu disparatum . Hic
 „ post magnam sectionem, etiam usque ad os
 „ ipsum factam, denique inustus est, ac tum
 „ 12^{mo}. post sectionem die convulsio cepit, ac
 „ magis detinuit. Convulsione autem tentaba-
 „ tur crus ipsum ad latera usque, quæ ad al-
 „ teram etiam partem perveniebat. Crus au-
 „ tem contrahebatur & extendebatur, cætera-
 „ que membra movebat, & maxillæ riguerunt.
 „ Hic octavo post convulsione insultum die
 „ convulsione periit. Utriculis vero concalefa-
 „ ctis, ex orobis, ervis, ad curationem totum
 „ corpus fovebatur, & ab enemate paucum ster-
 „ cus tandem prodiit. Medicamentum sinceram
 „ bilem affatim deturbans, φάρμακον κατὰ κορὴν,
 „ bibit, & repetivit. Ac secessit quidem al-
 „ vus, nihil autem opis inde tulit. Somnus
 „ parvus venit. Rursusque epoto sub vesperam
 „ valido medicamento, sinceram bilem affa-
 „ tim deturbante, sub ortum solis mortuus
 „ est. Εδόκει καὶ τὸν πλείονα χρόνον διενε-
 „ γχειν, εἰ μὴ κατὰ τὰ φάρμακα τὴν ἰχθύν.
 „ Videbatur autem longiore tempore morbum
 „ laturus fuisse, nisi propter violentiam remedii
 „ periisset .

§. VI. Ex his cunctis liquet summam horum malorum curam Priscis in eo positam fuisse, ut internis externisque auxiliis materiem a coxa revellerent. Ac primo quidem sectio & ultio frequenter adhibebantur, spemque curæ ipsis semper magnam videntur fecisse. Ita ut quemadmodum pag. præced. animadvertebamus, mortem *Eupolemi* adscripserit *Hippocrates* debilitæ, ac tempestivæ, simulque profundæ sectioni, neglectæ. Itidem legimus pag. 1151. Edit. Foef. *Hippocratem Cyrenii*, & *Hecasonis* mortem, tardius factæ inustioni adscripsisse. Imo utrumque hoc extremum remedium simul adhibitum fuisse docuit *Scamandri* mox data historia. Sectionem unam, latam, amplam, quandoque pluribus parvis prætulisse magnum virum, casus *Eupolemi* manifestat. Sed simul partibus jam sphacelatis hanc methodum non profuisse, nimia jam facta internorum destructione, antequam malum foras se verteret, *Scamandri*, aliorumque exempla, luculenter demonstrant.

Sectiones itidem hæ, atque inustiones, leguntur quidem ad os usque factæ, at in sphacelo tantum, ubi vel nihil, vel profundissime secandum esset, & ubi mors cæteroqui certissima instaret. Cæterum amplæ ac latæ, haud vero nimis profundæ, instituebantur, & a subsequentiæ sæculorum Medicis institutæ leguntur.

Hinc *Celsus Lib. 4. cap. 22.* inustionem duntaxat superficiariam commendare videtur: „Ultimum est, inquit, (& in uteri morbis quo-

„ que

„ que efficacissimum) tribus aut quatuor locis
 „ super Coxam cutem candentibus ferramentis
 „ exulcerare.

Equidem legitur *Hippocrates Lib. de int. aff.*
cap. 53. apud Chart. tom. 7. pag. 677. jubere
 Ischiadicis „ πολλὰς ἐχάρας, καὶ βαθείας καῦσαι,
 „ escharas & multas, & profundas, inurere “;
 sed ideo profunditatem ad os usque intelligere
 non videtur. In obesis certe potest profunda
 ustio esse, quæ tamen adipem vix omnem pe-
 netret. Imo os ipsum vitari oportere laudato
 mox loco innuit *Hippocrates*, jubens „ Escha-
 „ ras multas profundasque inurere in offeis qui-
 „ dem partibus fungis, μύκησι; in carnosis ve-
 „ ro, ferramentis „. Et alio hujus libri loco
 jubet inuri modo Lino crudo.

Prosper Alpinus Libr. 3. de Med. Aegyp.
cap. 12. innumeras Ægyptiorum curas, caute-
 rio plurimis in morbis peractas, enarrans „ Hinc
 „ mirum, inquit, non est, si prospere hoc re-
 „ medium in omnibus articulorum doloribus,
 „ curatu difficilioribus, experiuntur; potissimum-
 „ que in Coxendico dolore multas ustiones,
 „ non modo supra articulum, sed etiam supra
 „ femur, facientes “. Gens porro illa, ut idem
 refert, inustiones facit Gossypio, linteo invo-
 luto, filis sericis compresso, in conum forma-
 to, perpendiculariter perforato, cujus coni per-
 forati basin loco inurendo apponunt, interea
 dum incendunt apicem. Unde etiam superficia-
 ria videtur eorum ustio esse. *Paræus Lib. 18.*

cap. 28. ad digiti (lati procul dubio) profunditatem locum hunc inuri jubet, idque tribus, quatuorve, diversis per ambitum articuli plagis; cavendo, inquit, ne nervi lædantur. Cæterum raros invenimus, qui ad os usque inuri locum jubeant, *Tulpium Lib. 3. cap. 26. De ckers Exerc. pract. pag. 34.* aliosque paucos, si exceperis.

Referenda huc famosa *Moxa*, sive *Artemisiæ Lanugo*, quam Indi parant. Agit nempe, quo priora, modo. Vim enim *Artemisiæ* peculiarem hic non agnoscimus, *Olaus Borrichius* dum adverterat majorum virium in *Ischiade* curanda hanc cum *Artemisia* factam inustionem non esse, ipsis vesicantibus. Et si, quæ pro & contra scriptitata fuerint superiore sæculo, apud *Bonetum Med. Sept. Tom. 2. Lib. 6. Sect. 5. cap. de Arthrit.* attente pervolvimus, abunde convincimur hoc auxilium, adeo olim decantatum, tam caro pretio solutum, præ reliquis inustionibus nihil singulare habere.

2. *Cucurbitas Hippocrates* hic impense laudat; laudarunt omnes post illum autores. Iterata harum actione revulsio necesse est ab interioribus versus exteriora fiat. Continuo enim magnam in molem elata integumenta, humores huc undique alliciunt; spesque sic fit, fore ut hac lege & moveatur, & attrahatur, quæ profunda in sede locabatur, morbi materies. Idque revera fieri, innumera testantur exempla.

Ad inustiones & *Cucurbitas*, merito referimus

mus lata *Vesicantia* nostra. Clarissimus *Boerhaave* aiebat sæpius nobis, si vellet arcanum quoddam vendere, id fore testas, & sub alia specie occultatas *Cantharidas*, in *Ischiadicis*. Hoc remedium emplastri forma, palma manus majus, adplicabat *Coxa*, & dein, post ingentem vesicam contractam auferabat, vulnusque percurabat: dolore non abeunte, repetebat idem octiduo post; idque aliquoties ad tertiam, quartamve, vicem: quanvis raro id sibi contigisse testaretur, ut quarto emplastro indigeret. Innumeri sunt, quos in *Nosocomio* hac methodo ab annosioribus hisce ærumnis percuraverimus. Hæc autem cura vix obtinet ubi locus sponte exulceratur; ut in casu *Juvenulæ nostræ*; quanvis etiam in ambitu ulcerum semel iterumque explorata fuerit.

Tertio laudavit hic *Hipp. Venæ Sectiones*. Nec datur fere autor, qui eandem haud commendaverit revellendi animo, si indicatio utcumque vel juberet, vel permetteret. In initio tamen proficua magis futura, quam progressu malo, videtur.

Quarto, *Purgantia* & *Clysmata* adhibuit, postque ipsum omnes. Præter revulsionis intentionem generalem, veteres videbantur quid peculiare ab his remediis expectare; saltem ab enematis. *Dioscorides* clysmata hic adplicabat ex acerrimis omnium purgantibus. An anatomicæ hanc Veterum experientiam forsan confirmat? Arteria *Natium Winslowæ* dicta, producit

cit Hæmorrhoidalem internam, aliam omnino ab iis arteriis, quas vulgo Hæmorrhoidales internas appellare consuevimus; simulque dat ramum ad articulum femoris; imo dat ramulos qui interiorem substantiam perreptent nervi Ischiadici. Præterea ramus primus arteriæ pudendæ internæ dat ramos Hæmorrhoidales internos, & ramum anteriorem, posteriusque decurrentem supra cervicem ossis femoris. Atque hæc de communibus arteriis; si autem nervos contemplemur, a nervo Ischiadico, pelvi egresso, ramus proficiscitur, qui Anum petat.

Quinto, *Clismata*, sive *Fomenta tepida*, egregii usus deprehendere, cum *Hippocrate*, Medici omnes; maxime si cum farinosis in cataplasma redigerentur. Conabantur hinc omnia laxare, & per laxatos poros acres adigere stimulos. *Dioscorides* in Ischiadicis miscuit cataplasmati radicem scammonii, ipsamque Colocynthidem. Nullus fere autor est, qui peculiare quoddam acre hic non commendaverit. Videte *Prosp. Alp. Med. Meth. Lib. 9. cap. 5. Forest. Lib. 29. Obs. 22. in scholio*. Ischiadis subita admodum curatio describitur a *Boneto Med. sept. Tom. 2. pag. 575.* pariem affectam primo probe fricatam, igni dein expositam, fovendo hoc linimento. *Rx. Sapon. ven. rasi unc. i. Aq. Reg. Hung. q. s. Deinde fricando unguento, quod ex ung. Alth. Thereb. & Ol. Lumbr. pararetur.* Egregium belli ducem *Hagæ Batavorum* iteratis venicantibus frustra fere vexaveram. Semicuratus iter

iter suscipere debuit. Loco, quo perrexerat, quietus, ferendo dolori non erat. Matrona consulit totum quantum femur involveret emplastro quod ex pulvere Mastiches cum spiritus vini s. q. pararetur. Adplicuit, dolore immunis Hagam rediit, rem mihi patefecit totam. Desperatis pluribus hoc consilio profui. *Calx viva cum melle*, vel cum unguentis quibusdam mista, plures egregias curas mihi edidit.

Sexto, *Frictiones tum siccae, tum humidae*, rebus penetrantissimis institutæ, pertinaciter continuatæ, sæpius utilissimæ inventæ sunt; ut jam exemplis ad num. 5. patuit.

Septimo *Thermas* commendant, laudantque plures. His curari multos, multos minime, compertum est. Plures vidi qui Aquisgranensibus, qui Badensibus, &c. usi, vel nihil lucrati essent, vel in pejus versi. Laudat tamen *Schultetus* proprio exemplo suo virtutes balnei *Thalsfengensis*, vulgo *Gesundbrun*, in agro *Ulmensi*; cujus usu Ischiadico dolore, aliisquidem remediis olim cedente, sed tamen iterum redeunte, jam a novennio carebat. *Embroche* in desperatis semper tentanda est, licet habeamus; quibus non profuerit; prodest tamen aliquando.

Octavo *Fonticulos* & Veterum multi, & usus hodiernus, sæpe salutares invenere. Irritatio est perpetua, perpetuusque revellens effluxus.

§. VII. Veruntamen in cunctis hisce tum Veterum, tum Modernorum methodis adhibendis, Prognosis fere semper incerta est: cum na-

tura mali nos prorsum lateat ; nec nisi ex effectibus ; & , ut ajunt , a posteriore , nobis sæpe manifestetur . Considerentur varii tantummodo , qui afficiuntur , loci ! Prava materies hæret fortassis in cutè modo , vel in panniculo adiposo , vel in Fascia lata , vel in involucris musculorum superiorum , inferiorumve , vel in involucris Ischiadici nervi , vel in Periosteis superioris partis ossis femoris , vel in Periosteis ossis Ischii , vel in ossea parte Acetabuli , vel in capsula ligamentosa articuli , vel in cartilaginibus seu os , seu cavum acetabuli , incrustantibus , vel in glandula magna , vel in ligamento tereti , ejusve sive alterutra , sive utraque origine , vel denique in pluribus harum partium simul . Deinde ad loca tam varia etiam multiplex adpellit materia . Est enim serum acre Podagricum , Rheumaticum , Scorbuticum , Venereum ; si locus primario afficiatur : vel est ichor , sanies , pus , acrimonia jam exposita , metastatice huc aliunde delata : vel est materies genita ex prægressa loci hujus communi inflammatione . Quæcumque jam materies sit , si non corrumpatur , si eliciatur extrorsum , si nova non succedat , si nihil intus destruxerit , integram potest admittere curam . Si vero expulsam priorem nova subsequatur , recidivas facit , curasque inconstantes . Sed enim vero si corrumpatur , diuque ibidem hæreat , cunctas hic partes pessumdet necesse est . Ita vidimus in Nosocomio nunc ipsos musculos nervosque , putredine liquatos ; nunc os femoris

ca.

cariosum; nunc laceram articulare capsulam; alio tempore acetabulum cariosum factum; alia vice caput ossis totum, eroso ligamento, extra Acetabulum; iterum Acetabulum destructum totum, ita ut vel illud solum, vel & os Ischii, & os Sacrum, & vertebræ lumborum, carie consumerentur; nunc iterum perfectam ossis femoris cum acetabulo Anchylosin &c.

His ergo omnibus, quæ ad variam morbi sedem, variamque materiæ naturam spectent, consideratis, minus mirabimur tam curas inconstantes, quam casus desperatos. Erimusque in prognosi cautiores cum morbus toties fallat nos; quid dicam! cum ipsum τὸ πᾶν fefellerit *Hippocratem*. Juvat textum adducere ex Epid. 5. pag. 1151. „ *Hecasoni* in Omilo, ex corporis „ impuritate, & prava (seu intempestive data) „ purgatione, gravis in Coxendicem dolor incubuit. Quo quidem demittente, febribus „ correptus est, diuque lectulo decumbens, neque bibebat quidem, neque sitiebat. Debilis „ quidem erat, & crebro inhorruit. Huic probe quidem, ut conveniebat, morbus sublatus „ est; corpus autem ex oblatis opem percipiebat ”. Igitur videbatur laborasse *Hecason* Phthisi vere coxaria, Hecticas febres, cum frequenti horrore, & magna debilitate, inducente. Morbo liberari visus est, viresque deperditas belle recuperare, ut jam sanescere videretur. Sed an sanus factus est? „ Tandem, ait, „ morbus per inferiora erupit, ac totus cum

„ multa bile secessit, & mente motus, interiit „
 Ergo morbus lucido quodam intervallo latuerat,
 & veluti curatus habebatur, & quidem ita, ut
Hippocrates subjungat, ἐδόκει καὶ ἂν ἐνθυγῆν
 τὸ νόσημα, *Hecason* videbatur morbo emer-
 „ gere, e morbo evadere ”. Sed inte-
 rea tandem morbus per inferiora secessit, oc-
 ciditque *Hecasonem*. Id quod *Phthificis* solenne
 est, ut *Diarrhæa* colliquante pereant. Hujus
Phthiseos Ischiadicæ exempla plura præcedentibus
 capitibus huj. op. dedi, morte passim termina-
 ta. *Diarrhœa* hæc colliquans latenter promota
Eupolemon occiderat, p. 314.

§. VIII. Haud omnium tamen in hac *Pht-*
hisi ischiadica sortem æque desperatam esse, bi-
 nis exemplis luculentis hujus operis cap. 27.
 clare vidimus. Ipsissimæque juvencula, cujus casus
 totum hoc caput genuit, eadem, qua illæ binæ,
 methodo; lactea scilicet diætâ, cum largo cor-
 tici peruviani usu; huc usque bene se habet,
 ulcere lympham modicam exsudante. Lymphæ
 autem hujus inde revellendæ causâ, fonticulus
 incisus est. Hoc tempore torosa, robusta, du-
 ros suos labores indefatigata perficit, idque
 jam trimestri spatio. Cæterum saponēs her-
 bæque saponacæ atque antiscorbuticæ di-
 ætæ, si largissime fumantur, egregium usum
 habent, ubicumque spes resolutionis aliqua su-
 perest.

C A P U T III.

De Apoplexia & Nervorum Morbis.

§. I. *Variae causæ remotæ Apoplexiæ unam modo eandemque causam proximam facientes, cadaveribus sectis demonstrantur; simulque practice differitur circa Apoplexiam, sive desperatam, sive sanabilem, ex causarum expositarum contemplatione.* §. II. *Examen causæ cur toties Apoplexia aut generet paralytin, aut ipsam sequatur? Ea occasione ostenditur causam eandem proximam in decem v. g. hominibus, decem varios cerebri, nervorumque, gignere morbos. Ideoque quid iidem hi morbi commune inter se, quid diversum habeant, & quinam demum ex illa diversitate effectus diversi producantur, examinatur.* §. III. *Reperitur tamen ab omnibus hisce Catalepsis maxime abluere; cujus miræ historiæ enarrantur, examinantur, magnamque partem inexplicabiles declarantur: qua occasione etiam aliquid de somnambulis.* §. IV. *Examen quæstionis, cur Cerebra uno in latere affecto, oppositum latus Paralysis prehendam? Assertio hæc justos intraterminos limitatur contrariis observationibus. De lymphæ Cerebri non concrescibili.*

§. I. **N**onnullos morbos reperire est, qui sæpius licet visi, inspectisque de-

E 3

mon.

monstrati cadaveribus, repetito tamen frequentius examine, Medicinam magis illustrent magisque: quos inter Apoplexiam eique affines morbos merito recensemus; de qua porro, ut quid digne proferamus, primo historias morborum varias, cadaverumque sectiones premittemus.

Anni currentis 15. Aprilis, fœmina 102. annorum habitâ, in Nosocomio *civico* exstinguebatur. Cadaver petieram, fati senilis prospectum auditoribus daturus. Exp. Nosocomii illius Physicus dominus *Erndl* sequentem primo dabat anamnesin: Autumno elapso febrim continuam passa erat, hyeme Diarrhœam. Aptis restituta medelis, viribus tamen sensim defecit; ut lectulo perpetuo affixa, cardiacis semper fovenda esset. Brevi ante mortem, en, inquit, morior; sumto autem cardiaco, gaudeo, ait, denovo me recolligo; simulque desiit vivere. En jam quæ dabat Anatome!

Musculi abdominales soli quidem tenuatissimi, cæteri vero musculi omnes, tendinesque, femorum, surarum, colli, dorfi, omnino carnosissimi, torosi, pinguedinosi, ut in ætate media. Egregia omnia viscera ventris. In thorace itidem boni Pulmones; Cor, vasa majora, ut in homine sano 30. annorum se habebant. Haud igitur quod expectaveram, & demonstrare gestiveram, inveni: inveni autem quod non cogitaveram. Intra cranium nempe, ubi cerebrum totum minime siccum, sed maxime naturale erat,

erat, cruor ater, spissus, effusus erat sub Pia Matre, ad lobum posteriorem sinistram ita quidem, ut cavum, pollicem capiens, in hoc lobo expleret.

Est Apoplexiæ species, solo spirituum defectu oriunda, quæ huic sceminæ jam pluries intentaverat mortis minas. Cum pauca tamen quantitate spirituum, ope cardiacorum, tum repletum, tum excitantium, resecta, vitam protraxit. Jam vero effusus cruor subjecta preffit. Cranio enim semper exacte pleno, pressio grumosi sanguinis in lobo posteriore Cerebri removebat a se per ambitum lobi substantiam; ea remota substantia premebat vicina sibi, atque ita compressio progressa videtur ad ipsam usque medullam oblongatam: quo demum factum, ut pauca illa spirituum copia, qua debilis hæc vita eousque sustentata, protractaque fuerat, interciperetur, eaque intercepta mors adesset. Utrum nunc sanguis sensim ibidem colligi ceperit, an effusus recenter fuerit, incertum: posse tamen subito ante mortem effundi sequentibus demonstrabitur.

2. Die 29. Febr. ex eodem Nosocomio adferebatur mihi cadaver senis, qui, strenuus semper helluo vini, eodem sese triduo ante mortem ita impleverat, ut in ipsa ebrietate Apoplexia *ἰχθυή* tactus, bidui spatii extingueretur.

Dura Mater bona, tota vero Pia dicta aneurysmatica, & varicosa omnino fuit, idque non

in superficie modo, sed inter omnes cerebri anfractus seu volvulos, & inter utrumque hemisphaerium, potissimum vero ad Tempora. Ventrículus anterior cerebri sinister grumosi sanguinis eam habebat copiam, ut commune cochleare expleret, dexter dimidium paulo fluidioris. Cerebelli Pia Mater, maxime sinistri, ut ea cerebri se habebat.

Alcoholis est, dum sanguine susceptum circumducitur, illum rarefacere. Spatium igitur majus occupantes humores, vasa extendunt, dilatant, simulque eadem dilatata, quod vehementem stimulum circumferant, in validiorem adigunt actionem. Repetita multoties hac actione, debilitantur sic vasa, ut communi & tranquilla humorum circulatione languide tantum reagant, nec nisi stimulo repetito debite suos propellant humores. Sed demonstratum est repetita rarefactione humorum vasa debilitari. Ergo quo sæpius necessarius est stimulus, ut torpor vasorum excitetur, eo frequentius eadem rarefactio, vasa extendens, causam debilitatis adauget. Et hinc demum tristis illa necessitas vini, spirituumve, copiam sensim augendi, cum vasa de die in diem debiliora, a consuetis ultra non afficiantur. Hinc sensim homo ita flaccidus adparet, ut, qui DEI est imago, jam referat Bacchi simulacrum. Hinc igitur capimus cur arteriæ venæque Piæ Matris aneurysmaticæ ac varicosæ fiant: id quod videtur tolerari utcumque posse, absque eo quod vasa dehiscant,

hiscant, quia æquabiliter sustinentur; at in ventriculis cerebri alia res est. Vasa innumera plexus Choroidei possunt pro momento sine resistentia esse, si plus lymphæ ex iisdem resorbeatur, quam in illos influit. Vel si id non fit, saltem vasa in rore, vel liquore, perpetuo sita, debilitari, ac dilatari, prædictis internis de causis ita queunt, ut facile dehiscant: præterquam quod acrimonia in his corporibus nata, aerem ventriculis lympham instillet, quæ eadem vasa corrodat, facileque dissolvat. Hinc demum effusio sanguinis. Hinc ventriculi sanguine turgidi totum cerebrum ac Medullam Oblongatam comprimunt. Hinc capimus uncam unciam sanguinis, intra cranium effusam, inter Apoplexiæ causas ab autoribus jure referri.

3. Sartor 55. ann. 9. Aug. 1757. terrore, mœrore, gravique ira correptus, cubitum sanus petit. 10. Aug. evigilans deprehendit se toto latere dextro tumidum, ac paralyticum; idque haud in crure, brachioque, solis, verum etiam in gena, & lingua; ita ut loquens non intelligeretur. Vena ipsi mox secta est, & quæ reliqua artis erant adhibita, tandem trigesies balneo Badensi usus est. Quibus omnibus id effectum, ut tumor partium demitteret quidem, & cruri quisquam rediret motus; paralysis vero eodem perseveraret cæteris in partibus modo.

Prima vice illum vidi 9. Junii 1758. eum-

que ab illo die ad Machinam electream adhibere cepi. Est idem ille, de quo cap. 28. pag. 232. num. 11. Mense Januario 1759. in lecto jacens, expedite poterat brachium, digitosque, movere; extra lectum vero minus. Habent id plures Paralytici, dum incipiunt emendari. Sustentatis partibus, obscurus qui redierit musculis motus, eosdem facilius movet, quam si pendente brachio musculi totum brachii pondus simul sustinere attollereque debeant. Junio mense vox distinctior, tantusque jam pedis motus, ut solus, sine scipione, magnam circumambulet aulam.

Nona autem Junii ad secundam pomeridianam Machinæ accedens, dixerat famulo Nosocomii quidem sibi bene non esse, nobis vero nihil, nisi ad 10. forte ictum. Ducebatur ilico in lectum, ut parum quiesceret, utque quid ipsi deesset examinarem. Illico magnam præcordiorum anxietatem conquerebatur, & intra dimidiæ horæ spatium mentis compos ultra non fuit. Frustra vena lecta est; frustra injectum enema, adhibitaque vesicantia. Deglutitio sublata prohibuit usum medicamentorum. Intra quadrihorium expiravit.

In cadavere Dura Mater a latere sinistro sinus Falciformis cum cranio concreverat, ibidemque crassa ac dura erat. In sinistro cerebri hemisphærio, potissimum ad latus, varicosissima eadem erat, in dextro autem parum tantum. Eademque in plaga, qua Dura Mater cum cranio

nio cohærebat, etiam arcte coibat cum Arachnoidæa ac Pia membranis. Sub Arachnoidæa in posterioris lobi cerebri parte priore & læva, lymphæ multa splendens, hinc inde subrubella, adparuit. Eadem lymphæ coagulata, tremula, conspiciebatur in lobi hujus posteriore plaga, maxime inter medullæ volvulos, supra Piam Matrem. Cæterum, niger sanguis videbatur omnes medullæ gyros, volvulosve, per totum Encephalon sejungere; id quod adhuc adparebat profundioribus sectionibus jam Medullæ bona parte ablata. Ventriculus sinister anterior, sive superior dictus, & amplissimus omnino erat, & tum copiosissima rubella aqua, tum grumoso sanguine plenus fuit; dexter vero eius compar suam & amplitudinem, & lympham, naturalem habuit. Ventriculus quartus, amplius, copiosius, ac coagulato sanguine, distentus erat, usque ad foramen magnum ossis occipitis.

In sinistro cerebri hemisphærio quæ enarrata vitia sunt, ad Paralyfin dextri lateris explicandam sufficiunt. Vitia ventriculi quarti ad Apoplexiam, eamque tam cito lethalem, intelligendam sufficienter quoque facere videntur. Exposueram ad ægrum II. quo pacto in plexu choroideæo vasa rodî, rumpique possint, ac sanguinem suum intra ventriculos cerebri anteriores effundere. Eadem explicatio valet ad ventriculum quartum, cum & speciem quandam plexus choroidei habeat. Cæterum ex historia morbi patet hanc effusionem lethalem subito contigisse;

se: an forsitan nimium repleverit ventriculum in prægresso mox prandio? Hacque lege Aorta, tumente ventriculo compressa, impetum majorem in tenera plexus hujus vasa excitasset?

4. Die Julii 6. 1759. anatomem puellæ feci, quæ jugi cephalæa laboraverat. *Jugi* dico; cum ex quo loqui potuit, eandem sit perpetuo con-
 quæsta. Præcipuam vero ejus sedem ad postica oculi sinistri potissimum indicaverat. Cætera hilaris, agilis, cursu, saltu, lusu, indefinenter se exercens, nunquam tussire, aut anhelare, nunquam defatigari, a digno parente, Viennensi Medico, observata est. Sex cum dimidio annos nata interiit. Octiduo ante mortem stupida nonnihil, & obliviosa, nonnunquam deprehendebatur, in reliquis tamen omnibus sana. Quatriduo ante mortem & ipsam prehendit apoplexia, & dextrum brachium convulsio. Ultimo vitæ biduo convulsio cessavit, Apoplexia autem sine notabili febre placidum vitæ finem fecit.

Dura Mater bona, Pia tota quanta varicosissima utroque in cerebri hemisphærio. In sinu longitudinali, ab ipso fronte, usque dum ille in sinus laterales abit, corpus album reperiēbatur, instar oblongi vermis. Sinus idem binis in locis habebat membranaceam expansionem, ab uno ejus pariete in alium porrectam, tensam. Ad primam harum oblongum hoc corpus album duas in partes findebatur, quarum altera sub hac expansione, altera supra eandem per-
 ge-

gebat: cœmentæ autem hæ binæ partes expansio-
nis latitudinem, quatuor propemodum lineas
habentem, denuo coibant; ita ut posthac Soli-
tarius veluti vermis supra posteriorem expansio-
nem, sine ulla divisione, transcurreret, sinusque
laterales utrinque subiret. Ex ventriculo supe-
riore cerebri dextro uncias duas aquæ eduxi-
mus. Limpidissima hæc erat, inodora, igni
imposita non coagulabilis, syrupi violarum co-
lorem minime mutans. Aderat & aqua in fun-
do cerebri, ad usque foramen magnum ossis oc-
cipitis; sed eandem ibi in vita hæsisse affir-
mare non ausim. Forte enim, dum sectionem
planam juxta lacunar sinusfacientes, simul hunc
sinum leviter læderemus, exsiliens inde lymphæ
undique deorsum, adeoque inter Duram Ma-
trem cerebrumque, insinuare se potuit. Unde
certe longe copiosior lymphæ in ventriculo fue-
rit oportet, quam quæ inde collecta fuerit.
Pulmo totus quantus accretus fuit Pleuræ, Pe-
ricardio, Diaphragmati; ipsique inter sese con-
nati mutuo lobi. Modus autem hujus mutux
concretionis non erat illi similis, qui in pe-
toris morbis, vel alias ad luctamina mortis,
a crasso sero transsudante ortus, digitis com-
mode solvi possit, neque similis etiam illi, qui
cellulosa productione, haud omnino difficulter
solvenda, sæpe observatur: sed erat omni in
puncto thoracis coalitio firmissima, solidissima,
cultello tantum, magnaque cum patientia, de-
mum solvenda; ita tamen ut nonnullis in lo-
cis

cis pulmo facilius percinderetur, ac laceraretur, quam a nexu sine læsione solveretur: nulli autem id difficilius quam toto pectoris sinistro cavo.

Hæc ergo puella post perennem Cephalæan demum Apoplexia quatuor dierum moritur. Non morabor hic pessime affecti pectoris in casu quo, a longa die, ejusmodi causæ hic natæ erant, a quibus respiratio longe vitiosissima oriri debuisset; cum de simili casu egerim, cap. 17. Adeoque ad Apoplexiam me modo converto. Oblongus veluti vermis sinus longitudinalis merus polypus fuit: Patebat id maxime, ubi crura ejus utrinque ex finibus occipitalibus extrahebantur: alba polypi materies incipiebat hic rubro sanguine tingi, & sanguineas fibras a se se dimittere. Confirmabat merum modo polypum esse ejusdem in aqua dissolutio, & interitus. Nam, quo post aliquot dies eum maturiori examini subjicerem, jussiram non in spiritu, ne contraheretur, sed in aqua, fervari: quarto autem ex illinc die examinaturus, fere periisse dolebam. Porro de natura polyporum, in humano corpore genitorum, id esse, cap. 16. demonstravi, quod in spiritu subsisterent, in aqua vero evanescerent. An a pressione intra sinum genitus polypus, ut variis exemplis ostendi capite citato 16.? Forte; sed compressione sanguinis absente etiam polypos copiosos generari posthac 2. Octobris propediem elapsi in cadavere didici. Homo quinquagenarius

rius anomala Arthritide a 13. annis in calcem ad articulos conversus, & dirissimis paroxysmis fere consumtus; a triennio frequentibus paroxysmis Colicæ Pictonum excruciat; pus grave, copiosum a quatuor mensibus in omni Urina deponens; lenta demum tabe in Nosocomio periit. In dilatatissimis Aorta, & Vena cava, in peramplis arteriis venisque Iliacis, arteria carotide, ac subclavia, in vena jugulari, tenuem chordam polyposam invenimus, cujus chordæ diameter in maxima arteria vix ultra lineam, in magna vena vix duas excederet lineas; quemadmodum etiam sinus falciformis exhibebat. Hic certe pressio nulla, sed vacuitas maximâ ubique erat, cum polypo universo. Nec in capite pressio sanguinis fuerat, cum ibi nihil fere sanguinis in valis, Dura Matre in sinistro latere excepta, cumque etiam ventriculi anteriores cerebri ita vacui essent, licet magni, ut vix dragmam aquæ ad ignem minime coagulabilis, educere potuerim.

Hinc vel a pressione, vel a stagnatione Polypus huic de qua agimus puellæ, productus est. Cephalææ antiquæ causa venis forte tribuenda varicosis est: qualia exempla ut cephalææ causas, collectores casuum nobis alibi demonstrant.

Intelligimus porro cur Apoplexia tam frequenter lethalis sit. Si compressio ab aqua, vel a sanguine, producta, causam proximam produxerit, opus est, si morbus curabitur, ut tum
copio-

copiosum serum resorbeatur, tum sanguis effusus fotu, ac veluti coctione, aptus reddatur, qui resorberi possit. Sed ad talem resorptionem, coctionemque, certum quoddam tempus natura requirit. Si sufficiens circulatio per minus compressas partes interea temporis detur, si partes minus pressæ nimia humorum copia non obruantur, dum per compressiores transire vetantur, spes est ut homo vel sanescat integre, vel saltem necdum moriatur. Sin vero contrarium, ut pereat necesse est. Imo forte resorbetur materies, sed eroso de vase novus extillans liquor causam proximam redintegrat. Unde intelligitur cur nonnunquam per paroxysmos adoriatur, lethalis demum Apoplexia.

Si his jungamus causas Apoplexiæ proximas, aliunde natas, v. g. a Plethora, a serosa coluvie, a contusione, &c. patet evidenter revelentem dictam methodum a magno *Boerhaavio* commendatam, unicum fere id esse, quod in Apoplexia ejusmodi prodesse possit: sed simul ex contemplatione causarum proximarum nihil perniciosius Emeticis, (quæ utinam *Sydenhami* autoritate minus fulcirentur!) in eadem dari posse, vel inde concludimus, quod vis humorum actione Emetici versus caput aucta, causam morbi proximam augeat, ac sæpe reddat insuperabilem.

Sed hæc methodus si integra adplicetur, bonam ægri deglutitionem supponit, quod in Apoplecticis sæpe fit; quo nempe ægri hæc revellen-

vellentia affatim hauriant. Cum vero dentur, quibus omnis omnino deglutiendi sit ablata facultas, ratio alia adparet cur fors hominis insuperabilis sit. Est malum hoc ratione causæ, & ratione effectus.

Tandem ea Apoplexiæ species, quæ oriunda ex defectu non quidem sanguinis, sed materiæ ultimo elaboratæ, unde subtilis ille liquor, spiritus dictus, parandus; tum & illa, quæ a frigido glutinoso sanguine proficiscitur; longiore tempore egent, quam ut sufficienter suis in causis emendari possint. Unde hæ species hominem e medio tollunt, antequam vel restituti spiritus, vel iners pituita soluta, mobilisque reddita fuerit.

§. II. Cur Apoplexia toties Paralyfin sive sequatur, sive generet? Resp. Paralyseos, Epilepsiæ, Apoplexiæ, Lethargi, Cataphoræ, Convulsionis, aliorumque Cerebri morborum, causæ reperiuntur eadem. Quod ita intellectum velim, ut licet frequenter inveniantur distinctæ variorum horum morborum causæ proximæ, sæpe tamen quoque confundantur: ita quidem ut serum abundans ventriculorum anteriorum cerebri, in uno Apoplexiam creaverit, in alio Epilepsiam, in tertio Paralyfin. Obstructione, seu potius symphyssi vasorum, vehementium sanguinem ab Encephalo in sinum longitudinalem reducem, tumque spissa lymphæ sub Pia Matre effusa, vidi in jureconsulto dirissimam ortam Epilepsiam chronicam, tandem acutam, lethalem:

quæ causæ tamen leguntur alibi inemendabilem induxisse Apoplexiam. Legite *Boerhaavii caput de Apoplexia*, cum *Ill. Præsidis Comm.* Videte dein *Hildanum*, *Borellum*, *Tulpium*, *Schenckium*, *Bonetum*, *Mangetum*; quotiesne docti hi viri describunt eandem inventam in cadaveribus causam, quæ hos diversissimos effectus produxerit?

Quod si ita se habet, consequitur id, ut concludamus eandem causam, v. g. ferociam ventriculorum cerebri colluviem, ipsa pressiois differentia, vi etiam compressionis in hanc, magis quam in illam cerebri, cerebellive plagam determinatæ, tum & majore aut minore resistentia compressæ partis ad vim pressiois, magnam varietatem habere in effectibus inde producendis.

2^{do}. Comprehendimus quoque causam eandem suis in effectibus mutabilem reddi, omninoque variam; tum pro effusi liquidi copia aucta vel imminuta, tum pro leviori aut graviore mutatione, ac labefactione, partium compressarum, tum etiam varietate pressiois, viam sibi novam ad alias cerebri plagas molientis, tum denique variante hominis regimine & diætâ. Quibus rite pensatis non est sana, cur valdopere miremur, quod a causa, quæ nobis eadem esse videtur, diversos effectus; & quod a diversissimis naturæ causis, eundem plane contemplemur effectum.

3^{tio}. Intelligimus utcumque quamnam ob
cau-

causam omnes hi morbi, humoribus geniti, etiam queant defectu oriri humorum. Dum enim ita collabitur cerebrum, ut transeat nihil, est Apoplexia ab inopia humorum. Dum plagæ quædam collabuntur, his tamen vicinæ nonnullæ sat perviæ manent, ut excipiant, transmittantque, qui circulum continuet, humorem; minæ ad Apoplexiam, vel Paralyfes, subsequuntur plus minus completæ. Denique dum uno momento vasa hæc tenera vi superstitute sanguinis penetrantur, altero momento præ nimio collapsu penetrari nequeunt, convulsiones subsequantur necesse est.

4^{to}. Capitur quoque cur omnium horum morborum sive affinitas, sive disparitas, rite inter se collatæ, ideam eorundem Medicorum menti vividissimam imprimant: ita quidem, ut Apoplexia compressione nata universum Encephalum æquabiliter premat; deinde ut causa Paralyfin generans nonnullas modo fibras premat, quorundam nervorum futuras origines; tandem ut causa Epilepsiam, aut Convulsionem, efficiens, uno momento vi irruens, terribiles producat contractiones, altero momento, repleto quasi nimium cerebro, vi repellatur: unde Epilepsia vera est veluti alternans Apoplexia, & nimius motus; & cessante demum illo motu, somnus Apoplecticus fit, quo morbus veluti coquitur, si paroxysmus est curabilis: sin minus, in lethalem abit Apoplexiam.

§. III. Ab his regulis sola Catalepsis ablu-

dit. Ut ejus legitima idea habeatur, omnino totus casus legendus est, quem *Ill. Præses* refert ad §. 1086. *Aph. Boerb. ex Act. Reg. Scient. Par. ann. 1742.* Primo enim describitur Catalepsis perfecta, cum omnibus suis stupendis apparitionibus. Id tamen hic notandum, quod id omnibus Catalepticorum historiis, quivis diversi Observatores distinctum quid, alii præ aliis, notent; quodque hinc Catalepticos tam varia facies describi soleat: quanvis fateamur in omni vera Catalepsi, ipsis descripta, illud Catalepticum, *καταληψις* ita dictum, certo morbi tempore in singulis adesse. Tum & mire mutantur ipsi hi morbi. Cataleptica, de qua textu citato, elapso aliquo tempore simul fiebat somnambula: deinde in eo etiam mutabatur morbus, quod deinceps multa garriret, inordinate loqueretur, cantaret, videret, & post deambulationes peractas iterum lectum peteret, tegeret corpus stragulis, cataleptica fieret, & post $\frac{1}{4}$ horæ catalepticos paroxysmum totum absolveret. Ut melius autem capiatur qui morbus hic se habeat, en quæ viderim!

Puella 12. annorum frigida, mucosa, tota catalepsi bis ter nycthemeri spatio repetente, corripitur; idque integro ferme mensis spatio. Catalepsis quacumque corporis positione eam prehenderet, jacentem, stantem, incedentem, in manducatione cibos potusve ad os ducentem, semper illam in eadem positione servabat; nisi forte quis alius mutaret. Vix per octiduum hic fue-

fuerat morbi status, quin ingentem subiret mutationem. Quæ enim taciturna olim in paroxysmis, jam fit garrula, tantaque cum rapiditate loquax, ut sana nunquam tam præcipitanter loqueretur; sed distincte tamen, & ad rem. In pluribus paroxysmis præsens audivi eam *Psalmos Davidicos* cantantem ritu Protestantium, quorum fide a teneris imbuta erat. Cantus autem ille notas musicas exacte observabat, ut asseverabant adstantes. Tum audivi recitantem Catechismum, quem tenuerat memoriter, una cum plurimis textibus ex sacris Bibliis, ad quæstionem catechismi quamlibet adpositis. Cum ad textus hos librum adjungeret sacri autoris, & caput, & versiculum, ilico ego in catechismo id examinans ad literam omnia prolata esse stupebam. Sed neque hic finis. In vitia hominum acriter inferebatur, & occasione textuum laudatorum invehebatur in Adulteros & Impudicos homines, præprimis autem in hominem viduum, in vicinia habitantem, quod pellicem domi aleret; qui tamen ipse, paroxysmum visurus advolaverat, atque ita præsens præsentem audiebat has diras imprecationes in sese proferentem, quanquam ipse nullatenus puellæ sub conspectum caderet. Sæpius contigit, ut tum familia, tum ego maxime, quid doli subesse suspicati, varia, explorandi gratia, tentaverimus; sed nihil simile. Nunc unguibus teneram cutim ita vellicabam, ut multis post diebus impressa vestigia gereret;

nunc lumen ipsis fere pupillis admovi, visurus an se contraherent; acicula varias corporis plagas pupigi, ita ut sanguis inde exfiliret: verum omnia incassum. Interim per totum paroxysmi tempus quotiescumque ego brachium, crus, manum, digitum, caput, situ mutabam, perfecte sic, ut posueram mansit, idque tam longo temporis spatio, quo ego sanus, partes extensas eodem in situ nequiquam servarem. Perfecite curata est iis, quæ mucosam ac flaccidam temperiem emendarent.

In hoc igitur morbo τὸ ἀγνῶστον adest. Ab una parte commercium corpus inter mentemque deletum adparebat, quod nervi sentientes nullatenus viderentur affici; ab altera parte commercium id non deletum adparebat, quod sapienter ratiocinata, & memoriter multa aptissime recitans, organa vocis, (& quotuplicia hæc!) expeditissime moderaret. Sed est præterea aliud adhuc notandum hic. Nervi ad motum destinati se non ita habent, atque in Paralyticis, quando commercium nervi cum sensorio communi interceptum est. In Paralyfi enim affecta pars mox flaccescit, fitque immobilis, atque haud raro etiam insensibilis: in catalepsi vero corpus manet ut antea, sedentis, gradientis, stantis, comedentis, bibentis, figura. Haud ergo Paralyfis est, sed etiam non est motus. Quid ergo est? Est continuatio ejus, quod ultimo sanitatis momento ad motum bonum requisitum aderat: id nempe in ea, quæ olim

olim movebatur, se sustinet parte. Imo si adstantium quis situm hunc permutaverit, & in alium direxerit, ut jam cogat alios prorsum musculos ut agant, est fere idem, ac si sensorium commune novis his musculis novas vires largiretur, ad hunc situm, idque pertinacissime, conservandum.

Porro quod in corpore observamus, idem de mente cogitemus. Quoties enim observatum non est ideam ultimam verbis expressam, ante, paroxysmum, ita eandem manere; ita esse immutabilem, ut denuo prima sit, quam homo habeat, verbisque enuntiet, catalepsi, quantumvis diuturna; soluta? Ut profecto, quemadmodum muscoli, si ab aliis non mutantur, ita soluto paroxysmo se habent, quam immediate ante illum habebant; ita quoque maneat impressio idearum, & consequens inderatiocinium. Igitur totum illud intermedium tempus inscia, ut videtur, mente transigitur; ita ut cogitationes mentis, loquela eas enuntians, novus ab adstante homine musculis conciliatus motus, a mente non videantur adverti, a memoria non notari. Intermedium illud spatium tam perfecte de vita humana abscinditur, ut prima post paroxysmum idea, primusque motus, eo modo cohæreant cum prioribus ultimis, ac si integrum quid, & nunquam interruptum componerent.

Somnambuli forte quid simile habentes, in nonnullis iterum differunt. His corporis cum

anima commercium fileat, sed non inter animam, & gradatorios musculos. Imo cum quidam studiose evitent menfas, sedes, obstacula, in via posita, idque in tenebris, videntur tactu valere, & mentis commercio eo usque uti, ut ad latus declinantes evitent obstacula.

Substitit hic examen physiologicum: haud enim datum est nobis miri animi nostri cum corpore commercii capere leges. Ignoramus prorsum eas, quarum ope commercium hoc peragatur, partes; ignoramus qua se lege & tangent, & moveant, & iterum sistant. In genere novimus necessariam musculi suis cum vasis integritatem; boni nervi toto itinere suo aptitudinem; integrum, quem pro sensorio communi habemus, locum: verum plures in sententias scissi, mutuam harum omnium harmoniam, agendique facultatem, minime capimus. Nervorum cavitatem, fluidi per eam transfluentis praesentiam, scholae crepant, sed alterutrum existere nullus mortalium, optimis licet armatus microscopiis unquam demonstrare potuit: etiam videntur actiones musculosae in corpore existere, quibus communi lege explicandis haud sufficimus. Unde ad haec omnia sapienter Eminentissimus *De Polignac*, *Anti-lucretii sui* pag. 158.

Nos vero plerumque latet quænam organa motus

In nobis vigeant; & qua sint arte regenda:

Nec rescire juvat: satis est nam velle moveri,
Qui.

Quilibet ut sese moveat, rudis atque peritus.

& pag. 187.

Scilicet ignorat mihi mens, sibi credita qualis
Machina sit ; quanta momentorum arte regatur ;

Quam varie compacta , & miro condita textu.
Attamen impellit cum vult, agitatque movendo
Compagem ; ac subito flectit , prout imperat ,
artus .

Quod moveat, planum est causam prodire movendi

Mentis ab imperio : verum id , quod nescia
præstet ,

(Nescia non motus, quem præcipit ipsa , sed
Artis ,

Qua fit, & elicitur, liquido demonstrat adesse
Causam, quæ regit effectrix &c.

& pag. 358.

Denique nec per se Mens ullo corpore tangi,
Nec quocumque modo connexum impellere corpus

Nostra potest. Unde est igitur , quod mutua
sese

Commoveant? Certisque in corpore motibus
ortis ,

Notities menti adveniat, tum certa cupido?

Atque ex notitia, certa que cupidine mentis,

Quidam enascantur motus, & corpore gliscant?

Naturas adeo duplices quæ fibula nectit?

Quidquid enim nectit partes , ad utramque necessesse est

Per-

Pertineat: Sic vitta manus, sic lora jugales,
Vincula sic ulmo vitem, sic stamina pannos:
At vinclum si corpus erit, qui prendere Men-
tem?

Et si incorporeum, qui prendere membra va-
lebit?

Ergo INFINITI conjunxit sola VOLUNTAS.

§. IV. Sed antequam hanc materiem missam
faciam, quæstionem circa nervos gravem mo-
vere necesse est. Cur nempe vitia in sinistro
cerebri hemisphærio factoris, ut causæ paraly-
seos dextri lateris, assignentur?

Est profecto antiquissima *Hippocratis* obser-
vatio, ab aliis deinceps, præcipue ab *Hildano*
confirmata, quod læso, pressove, uno cerebri
hemisphærio, oppositum corporis latus paralyti-
cum fiat. Frequentissimæ ejusmodi observatio-
nes effecere, ut jam ante 60. annos egregius
Poupartius in *Act. Acad. Reg. Sc. Par.* statue-
ret medullares fibras se decussare; ita ut cra-
nio egressæ, oppositas peterent corporis plagas.
Ita quoque *Petitus* in scripto dicto *Lettres d'un*
Medecin, *Valsalva*, aliique: sed instar omnium
magnus Venetorum Anatomicus *Sanctorini* *Obs.*
an. cap. 3. §. 12. pag. 61. edit. Leyd. qui apta
ad id cerebra nactus, tribus potissimum in lo-
cis hanc decussationem demonstrare solebat: Sci-
licet in priore & in posteriore protuberantiæ
annularis crepidine, atque maxime in imo cau-
dicis medullaris, qua in spinalem abit. Vide
etiam *Hist. Acad. Reg. Sc. Par. an. 1742. pag.*

53. *in* 8. Siccius cerebrum hisce diebus natus, idem observasse mihi videor.

Sane si morbi cerebri læsi oppositam corporis plagam perpetua lege afficerent, omnia quæ ad hanc quæstionem spectent, exposita decussatione jam explicuissimus: verum res ita non est, unde multæ difficultates hinc exsurgunt.

1. Apud collectores casuum sæpius jam memoratos, historias reperimus innumeras vitiosi, v. g. cerebri, cum Paralyfi lateris corporis sinistri, & cum convulsione dextri.

2. Cum Paralyfi ejusdem lateris, convulsione oppositi.

3. Cum Paralyfi lateris ejusdem, sine ullius partis convulsione.

4. Cum convulsione ejusdem lateris, sine ulla ullibi Paralyfi, ut puella jam dicta.

5. Cum Paralyfi & convulsione ejusdem lateris.

6. Cum convulsione universali, & Paralyfi dextri lateris, ubi tamen causa videbatur cerebrum integrum occupare.

Hac occasione nuperam addam anatomen. In pueri, cujus historia jam habetur, cadavere, Pia Mater universa varicosa, vix ullibi cum subiecto cerebro tam in superficie, quam intra ejusdem gyros, cohærens, lympham pellucidam gelatinosam supra se gerebat. Hæc porro omnia in utroque Cerebri Hemisphærio ex æquo obtinebant. Equidem ventriculus dexter superior
lym-

lymphæ, ad ignem non concrefcentis unciam continebat; verum incerti sumus an contrectatio & compressio alterius hemisphærii nondum perficiffi, aquam ex sinistro ventriculo in dextrum, quem examinabamus, non duxerit. Flatus enim in unum ventriculum immiffus, in alterum sæpe transit; ita ut quo loco sese ambo contingunt, in medio nempe, & iterum ante thalamos Opticorum, mutuo secum communicare videantur. Imo hac occasione ablata resistentia in ventriculo, quem examinamus, pondus relictæ supra alterum ventriculum Cerebri, potest subjectum ventriculum comprimere, premente Anatomici manu adjuvante, sicque subjectum ventriculum evacuare, dum lymphæ vel ros, utrumque ventriculum explens, ultra non æquilibratur. Si quisquam hic forte regerat tunc nunquam posse de copia lymphæ, unum ventriculum præ alio explente, iudicium formari, & ad morbi referri causas; huic respondeo: casus manifestos dari, qui iustum relinquant post sese, certumque iudicium. Quippe ad casum jam dictum vidimus ventriculum hydropicum duplo triplo ampliorem suo compare redditum fuisse: unde certe nulla ibidem adfuisse communicatio videtur, & ratiocinium de hydropico hoc ventriculo iustum est. Deinde si lymphæ tenax valde, etiam communicatio ventriculorum obtinere non videtur. Hinc casus existunt unde nihil, casus unde multum, concludi licet.

Puer porro hicce pridie ante mortem convulsiones universales habuit, & perfectam Paralyfin totius dextri lateris. Si nunc in eodem dicamus ventriculum dextrum præprimis hydropticum fuisse, sui que lateris pressisse cerebrum, tunc paralyfin offendimus in eodem affecto latere: si vero negamus hoc inde posse concludi, probatur saltem id, quod mox ad num. 6. dixeram.

Ex omnibus autem hucusque dictis concluditur dari quidem, quæ sese decussent, fibras; huiusque decussationis effectum oppositi lateris morbos exponi: haud tamen omnes se decussare; sed esse quæ se minime decussent, adeoque proprii lateris nervos formare videantur: unde tunc simul phænomena, quæ eodem in latere contingunt, explicata habentur. Sed ex omnibus his minime explicamus cur causa, eadem nobis visa, potius convulsionem, quam paralyfin excitet; aut vice versa? vel cur a causa iterum eadem in uno homine oppositum latus paralyfi; latus affectum convulsione prehendatur, aut iterum in alio præcise contrario modo?

Obiter monitos lectores volo me jam pluries deprehendisse, quod lymphæ ventriculorum Cerebri ad ignem non coaguletur, ut jam quatuor experimentis patuit. Confirmant hæc *Boerhaavii* sententiam de lymphæ Cerebri id jam olim statuentis: ad quam sententiam corroborandam laudare solebat totam octavam propositionem *L. Bellini* de motu cordis; qui &
clari

clari *Lambeckari* experimentis, id evicerat. At-
tamen egregius *Hallerus* ad §. 274. *Inst. Boerb.*
lympham hanc concrefcibilem ftatuit, inter alia
etiam *Fracaffati*, cujus de Cerebro Tractatus
inter *Malpighiana* habetur, autoritate fretus.
Respondere tamen poffumus *Fracaffatum* de mor-
bosis agere, *Bellini* vero & *Boerhaave* vel de
fanis, vel de hac faltem parte non morbofis.
Experimenta faltem mea idem quod *Boerhaave*,
idem quod *Bellini*, evincunt, clamant.



C A P U T IV.

De Sanguine & Calore Humano.

- §. I. Regula, ponentis in acutis morbis venæ sectionem post 4. diem licitam non esse, sanguinemque in acutis malignis dissolvi, incertitudo ac fallacia experimentis demonstrantur.
- §. II. Ad problema, utrum oporteat foemina, menstrua, aut lochia, habenti, venam tundere, necne? ratiocinio, experientia, & auctoritate, respondetur.
- §. III. Arteriosus sanguis nec colore mutatur ut venosus, nec suum ita a sese serum dimittit.
- §. IV. Constanti lege Syrupus Violarum viridescit a sero sanguinis recentissimo, ab ovi recentissimi albumine: ita ut alcali præsentia hoc solo experimento non notetur.
- §. V. Calor non a solo attritu.
- §. VI. Defectus est in methodo mensurandi calorem humanum, quod tempus thermometron adplicandi non definiatur: probatur experimentis quibus simul evincitur latitudinem caloris in sanis hominibus esse inter 94. & 98. gradum.
- §. VII. Sententia communis de differentia caloris inter homines adultos, vegetosque, pueros, ac senes, multiplici experimento exploratur.

- §. I. **S**anguis acutis in morbis, inflammato-
riisque, vulgo scribitur phlogisticam
suam

suam naturam deponere post horum morborum diem quartum: in malignis vero dictis morbis loco vi plasticæ ac phlogisticæ dissolutionem præseferre. Quam opinionem refellere, ut *cap. 23. de morb. mal.* conatus sum, ita novo, luculentoque, refellam experimento.

Juvenula in febre continua putrida, neglecta prorsum, nullam omnino artis opem experta, die undecimo morbi ad nos deferitur, toto pectore, colloque anteriore, plurimis petechiis scatens: morbo, ut illa retulit, quotidie aucto nullamque, ut nos judicare debuimus sui coctionem præbente. Sanguis ipsi tunc missus, in vasculo primo & tertio crusta phlogistica tectus erat, universaque in rubra parte compactissimus. Duodecimo morbi die repetita venæ sectio crustam dedit hesternam densiorem. Ergo nec 12. dierum diuturnitate, nec centenarum petechiarum eruptione, sanguis inflammatoriam suam spissitudinem, sive cruditatem amiserat. Unde nemo miretur venæ sectionem, eandemque iteratam, provecto adeo morbo, institutam esse. Ut enim antea *Hippocratis*, in Pleuritide *Anaxionis*, exemplo, & experientia medica evici, Cruditas morborum non tempore duntaxat, sed conditione, cognoscitur: id quod Auditores mei centies in Nosocomio observaverunt. Quam ob causam varii textus *Boerhaaviani*, post quartum diem sanguinem mittere vetantes, ad mentem tum *Boerhaavii*, tum *Hippocratis*, intelligendi sunt: tunc nempe venam tundere post 4. diem haud
opor-

oportere, quando stadium inflammatorium circa id tempus, ut sæpius fit, mutatur; cæterum vero tundere oportere.

§. II. Problema sæpius coram Auditoribus agitavi, num nimirum seu Catameniis, seu Lochiis, bene fluentibus, liceret venam secare, si interea temporis ejusmodi morbus oriretur, quem alioqui, si alio tempore contigisset, venæ pertusione confodere debuissimus? Contrarias in sententias Medici abeunt; aliis id præfractene-gantibus, aliis vero in summa necessitate, cum prudentia, ac parcimonia id concedentibus. Bonam problematis solutionem experimenta sola dare poterant.

Hinc primo conabar quantitatem sanguinis, quibus linteamina commaculantur, satis certo æstimare. Eo scopo in sanguine, determinata præcise copia misso, & adhuc calente, linteamina submersi, magnitudinem oriundarum inde macularum examinaturus, notaturus. Iteratis hisce experimentis eo devenimus, ut sanguinis, linteaminibus excepti quantitatem, quovis deposito pretio, exacte calcularemus. Et quia plebejæ, tempore mensium, lochiorumve, mutatoriiis carentes, unico linteamine toto tempore utuntur; quod, quia nunc multum, nunc parum, & iterum sæpius, postquam, silente per horas fluxu, siccatum est, dein eodem redeunte, plurimum in siccatis imbibit locis; eadem arte in tingendis linteaminibus nostris usi sumus. Justi ergo existimatores sic facti, lintea-

mina, tum Menstruantium variarum, tum Puerperarum, exacte conservavimus, ut demum quantum singulæ toto illo temporis spatio evacuant, iuste determinaremus.

Sic didicimus nonnullas fœminas menstruo tempore tres uncias sanguinis demittere, alias quatuor, quinque; pauciores esse, quæ semilibram; raras admodum quæ uncias decem evacuant, nisi uteri quopiam defectu laborarent. Quantum autem ad Puerperas; si prolem mox lactarent, his deprehendimus lochia passim parviora cæteris esse, adeoque libram nonnullas, alias sesquilibram, evacuare. Casus fuere abortuum, in quibus mihi jurarent Obstetrices plus 8. 10. libris evacuatum fuisse, cum tamen totum sordidarum mapparum acervum examinans, vix sesquilibram evacuatam esse existimare debuerim. Cui hæc creditu difficilia videntur, hunc de veritate dictorum iterata experimenta convincere poterunt.

Si itaque Menstruantes 3. 5. 6. 8. uncias evacuant cruoris, eodemque tempore morbo occupantur, cui sedando vix quatuor libræ sufficerent, nonne evidentissimum est venæ sectionibus jam parcendum non esse? An circa Puerperas acute laborantes non idem concludendum? Eoque magis, quo citiore revulsione requisita, fluxus ordinarius passim non nisi guttatim prodeat?

Jure ergo meritissimo Ill. Baro *van Swieten* Tom. 3. Comm. C. de Pleur. pag. 38. *Sydenhami*,

mi, *Tulpii*, *La Motte*, exempla laudans, simul vituperat omnem in mittendo sanguine; dum casus urget, parcimoniam. Laudatus ibidem *La Motte Lib. 2. pag. 224.* pronuntiare ausus est venæ sectiones iteratas in puerperâ unius diei, unicum fuisse, quo servari potuisset; auxilium. „ Licet enim, inquit, lochia abunde fluerent, „ multumque Natura ageret ipsa, haud sufficienter tamen agere videbatur; cum sine iteratis venæ sectionibus, brevi suffocata fuisset „. Et quid ita? Morbus ejusmodi erat, ut duplo copiosiores sanguinis evacuationem paucarum horarum spatium posceret, quam Uterus sponte sua integro stillasset octiduo. Addit idem *La Motte* plures similes Puerperarum historias, quas inter notanda cujusquam puerperæ, continuante debito Lochiorum fluxu pleuriticæ, cui novem venæ sectionibus succurrere debuerit. Equidem scæminarum temperies, idiosyncrasia, ætas, anni tempus, regionum varietas, mutare utcumque, quem dedi, calculum possunt; ipsam tamen rem sic se habere, constanter evincunt.

Hinc didicere Medicinæ studiosi in Nosocomio venæ sectiones in his casibus nunquam reformidare, si alias indicarentur; ita vero eas esse instituendas, ut si nihil referret, qua vena sanguis efflueret, is semper, quo naturalis uteri evacuatio minus turbaretur, ex pede duceretur: sin vero morbus ipse per se eum brachio educi postularet, ut v. g. in ea Pleuritide, quæ ab arteriarum intercostalium Aorta di-

Et descendente oriundarum, inflammatione proficisceretur, audacter is feliciterque, ex brachio mitteretur.

§. III. Indoles arteriosi sanguinis quam ab ea venosi differat! Toties repetitum experimentum docuit naribus profluum cum impetu sanguinem, colore vix mutari, dum conservatur, nisi demum quando putret. Late rubicundus ipsi color, & in superficie aeri contigua est, & in averfa, & omni denique parte, quotuplici sectione eandem divideris. Demonstrant utique hæc justum refutationem esse variarum sententiarum, quæ & necessariam statuerent coloris mutationem, & mutationis ejusdem rationem exponere satagerent, in hujus operis. Alio modo etiam differre a venoso sanguine arteriosum, ex eo collegimus, quod vix serum a sese separare soleat, diu licet asservatus; perfectiorem, intimioremque, omnium miscelam hinc demonstrans. Plura horum experimentorum ibidem communicatorum, sæpius repetita, semper eosdem, quam citato loco enarravi, produxere effectus.

§. IV. An notaverit quisquam quod serum sanguinis recentis, tum optimum, flavescensque, tum etiam non flavum, ut quorundam hominum est, venæ sectione eductum, syrupo Violarum viridem colorem constanter impertiat? Est tamen observatio, me nunquam hucusque fallens. Communi sententia Alkali hæc nota esset: tamen hoc ipsum serum cum aceto mixtum

stum nullam gerit Alkali notam. Imo Albumeni, quod in multis (non in omnibus, ut cap. 6. evici) sero sanguinis simile est, hoc inquam, de recentissimo ovo sumtum, æruginis fere colorem huic syrupo conciliat. Novi equidem in ovi albumine quiddam inesse, quod vas argenteum in quo aliquantisper conservatur, foeda tingat aurigine, sed non nisi coctum id præstat; recens, nec igne mutatum, minime. Plus decies similia experimenta variis in subjectis iteravi, quo demum intelligerem, utrum serum Hydropicorum, si syrupum ita tingeret, nec cum acidis tamen effervesceret, alcalinum, necne, appellitarem. Certe perperam videmur hucusque alcali præsens hac nota statuisse.

§. V. Quæ variis in locis hujus operis de vario caloris gradu, morbo ingravescente, mitescente, finiente, protuli, hœc mea experimenta confirmarunt; quorum en pauca!

Mulier exulcerato Mammæ cancro misera; colore livida, omnino emaciata, pulsum parvum habens, tota die sedens, iterato quater spatio mensis experimento, constanter inventa est gradus tres quatuorve majoris, quam sano in homine est, caloris notare.

Sed, mirum dictu! omnium maximus calor inventus est hominis, quo tempore cum morte luctatur, expirat, jamque aliquantum vivere definit. Ita quidem, ut deprehenderimus, in ægro, cujus calor per totum acutum morbum

supra 103. gradum non adscenderat, sub mortem, perque bina a morte minuta, notari gradum caloris 106.

Vir 50. annorum, de quo sermo erat alibi lentissimo igitur morbo enectus, notabat 9. horis ante mortem adplicato thermometro per 8. minuta 97. gradus caloris; per 15. minuta 100. hicque fuerat in longissimo morbo confuetus explorati caloris gradus. Quo momento animam efflabat 97. gradus, idque per $7\frac{1}{2}$ minuta. Deinde per 4. minuta 101. Posthac omni quarto minuto thermometrum vigesies examinatum, id est per horam & 20. minuta, semper grad. 101. Dein quovis quarto minuto examinatum, 100. gradus: omni quarto minuto quater, 99. gradus: omni quarto minuto ter, gradus 98. omni 4^{to}. minuto quater, gradus 97. omni 4^{to}. minuto septies 96. & 15. a morte horis necdum infra 85. gradum thermometron descenderat, licet aer domesticus eo tempore vix 60. gradum notaret.

Quæritur nunc an theoria caloris, ut solo attritu geniti, satis fundata sit? An vero in corpore animali causæ aliæ, præter attritum, necessario existant genitrices caloris? Veteres saltem causam nativi dicti caloris diversam credidere ab ea, quæ febrile incendium faceret. Ita *Galenus in Aph. 14. Sect. 1.* ait: „Alio-
 „quin febricitantes diceremus plurimum habere
 „nativum calorem; qui nedum plus, sed nec
 „priori æqualem habent. Εὐκρινται μὴν εἶναι
 „ἢ ὁσίων

» ἡ ὁσία τέμψυται θερμῶς, πυρώδης καὶ ἡ τῶς
 » ἐπιτητής. Probe namque temperata est ca-
 » loris nativi substantia, ignea autem substan-
 » tia est caloris adventitii.

§. VI. Hujus operis cap. 19. in caloris gradu, tam in ægris, quam in sanis, definiendo, conquestus sum justum tempus adplicationis Thermometri ab autoribus non determinari, cum pro tempore adplicationis multa ejus differentia esset. Plurima recentiora experimenta legitimas has querelas demonstrant. In sano homine thermometron spatio $\frac{1}{8}$ horæ notans 96. grad. facile per horam ad 100. imo ad 102. adscendit: quantacumque vero temporis diuturnitate tunc adplicatur, non adscendit ultra. Centies iteratum experimentum, toties idem confirmavit. Haud tamen ita semper adscendit. Unde cum observatio variet, en quid pro certo communico. Contingit nonnunquam ut ultra gradum caloris illum, qui spatio horæ quadrantis notabatur, thermometrum non petat altius; nonnunquam ut supra eum gradum haud adscendat, qui spatio dimidiæ indicabatur horæ; sæpius non supra gradum intra tres horæ quadrantes indicatum; frequenter tamen ad horam integram crescat. Ut ex omnibus hisce hæc sit certa conclusio, qui gradum caloris in dato homine juste determinare gestit, eum horæ integræ spatio thermometrum adplicare debere. Quod si Medicus aliunde occupatior suo tempore eget, eum raro fallendum, falliturumque,

fi per $\frac{1}{4}$ horæ adplicans, unum alterumve gradum notatis gradibus adjecerit: licet enim nunquam ultra quadrantis spatium non adscendat, licet etiam post quadrantis horæ adplicationem thermometron plusquam duos gradus ante horam elapsam adscenderit, tamen respectu communicatæ observationis adeo hæ exceptiones sunt rariores, ut qui ad gradus, spatio quadrantis horæ notatos, unum alterumve adjecerit, rarissime fallatur.

Sed & hoc addendum est. In multis sanis vegetisque hominibus; quietis, leviter motis; jejunis, leviterque pastis; exploravi num semper calor naturalis 95. 96. graduum foret; sed deprehendi qui constanti lege 97. rariores, qui 98. rarissimos qui 99. semper notarent. Quod ideo notatu dignum judico, ne qui sint, qui ex solo thermometro hominem febricitare pronuntient, qui forte naturaliter modo calet.

§. VII. Quæritur quid censendum sit de sententia *Hippocratis* Aph. 14. Sect. 1. "Quæ
 „ crescunt plurimum habent calidi innati: plurimo igitur egent alimento; sin minus, corpus consumitur. Senibus autem paucus calor;
 „ propterea paucis fomitibus, indigent: a multis enim extinguitur. Idcirco etiam febres senibus non similiter acutæ. Frigidum enim
 „ est corpus". Forsitan *Hippocrates* hic tantum de calido innato ventriculi, & neuiquam de calore universi corporis, in variis hominum ætatibus egit; & aphorismus hunc proxime sequetur.

quens, ut eum rem ita intellexisse credamus, nos utrumque inducit. Tamen cum ipsum *Senninum corpus*, non sennum ventriculum, *frigidum esse* affirmet, videretur in hoc aphorismo universi corporis calorem intueri. Quemadmodum quoque hunc ipsi sensum *Galenus* in longo huius *Aph.* commentario, & præcipue in libro adversum *Lycum* tribuit; qui & ipse ejusdem cum *Hippocrate* sententiæ se esse manifesto ibidem declarat. Verum necdum ideo hos veteres autores, ita de calore variæ ætatis differentes, erroris inculcare licet; cum quo id sensu intelligerent, addiderint. Si enim totum *Galenum* in libris suis de Temperamentis patienter evolvimus, inveniemus demum eum ingenuefacentem Libr. 2. cap. 2. apud *Charterium* Tom. 3. pag. 60. " Et quid opus est in tam dissimilibus exemplum proponam? Cum ipse aer, qui simili sit calore, varie tangenti occurrat, prout alias veluti caliginosus, & halituosus, alias veluti fumosus, & fuliginosus, interdum purus omnino est. Igitur in pluribus, iisdemque differentibus, æqualitas caloris consistit: quæ inconsideratis, quasi inæqualis sit, imponit; propterea scilicet, quod non undequaque similis adparet. Cæterum homo, qui rationes, quas proposui, expenderit, & sensum in multa particularium experientia exercuerit, is nimirum æqualitatem caloris in pueris florentibusque, inveniet: nec eo fallatur quod alter in humida, alter in sicca sub-

,, stan-

„stantia, repræsentetur: quippe lapis aliquan-
 „do pari cum aqua calore esse potest, nullum
 „eo faciente discrimen quod lapis siccus sit,
 „aqua humida. Ita igitur mihi, cum pueros,
 „juvenes, adolescentes, millies considerassem;
 „præterea eundem, infantem, puerum, ado-
 „lescentemque factum; nihilo calidior visus est
 „nec puer, quam ætate florens, nec ætate flo-
 „rens, quam puer: sed tantum, quemadmo-
 „dum dixi, in pueris magis halituosus, & mul-
 „tus, & suavis; in florentibus exiguus, siccus,
 „nec similiter suavis esse caloris occursum....
 „Itaque neuter eorum simpliciter videtur calidior;
 „sed alter, multitudine ejus, quod diffatur,
 „alter acrimonia.

Qui postremis hisce temporibus de sanguine ac calore humano scripsere, unanimiter statuunt in media ætate calorem esse maximum, eo quod vasa robustissima illis sint, densique ac compacti salubriter humores: senilem vero ætatem, quod vasa morbose rigida, glutinosaque liquida habeat; tum & puerilem, quæ vasis copiosis sed flaccidis, humoribus vero aquosioribus componitur, calore minore gaudere. Affirmant & doctrina mechanici attritus, & experientia thermometrorum, evidentissimam hanc thesin esse, meritoque se huic totam suam de sanguine theoriam superstruere.

Statu quæstionis ut rinq̃ue proposito, liceat, pro omni responso experimenta nostra enarrare, quæ hac intentione institui in Nosocomio Civico,

co,

eo , quod cum Orphanotrophium , Gerontrophium , ac Ptochotrophium simul fit , ob idque 1400. homines alere soleat , aptam mihi praebebat experiundi occasionem . Experimenta omnia capta sunt jacentibus , & bene testis circa thermometer hominibus . Et ne quandoque thermometer a thermometro tantillum differret , unicum modo adhibitum est , ea lege , ut post singulam adplicationem calorem deponeret , antequam denuo adplicaretur ; licet forte cura hæc superflua fuerit . Omnes sani erant .



Primo sumimus Infantes.

2. Dier.	$\frac{1}{8}$ per hor.	94.	Grad.	per $\frac{1}{4}$ hor.	96.
3.	— — — —	95.	— — — —	97.	
3.	— — — —	97.	— — — —	99.	
4.	— — — —	97.	— — — —	99.	
3.	— — — —	95.	— — — —	97.	
5.	— — — —	96.	— — — —	98.	
7.	— — — —	97.	— — — —	99.	
7.	— — — —	97.	— — — —	99.	
10.	— — — —	96.	— — — —	99.	
21.	— — — —	95.	— — — —	97.	
22.	— — — —	97.	— — — —	100.	
28.	— — — —	96.	— — — —	98.	

Ab Infantibus devenimus ad Pueros.

$4\frac{1}{2}$ Annor.	per $\frac{1}{8}$ hor.	96.	Grad.	per $\frac{1}{4}$ hor.	98.
5.	— — — —	95.	— — — —	98.	
$5\frac{1}{2}$.	— — — —	94.	— — — —	97.	
$5\frac{1}{2}$.	— — — —	94.	— — — —	97.	
$5\frac{3}{4}$.	— — — —	96.	— — — —	98.	
$5\frac{3}{4}$.	— — — —	96.	— — — —	98.	
6.	— — — —	95.	— — — —	97.	
$6\frac{1}{4}$.	— — — —	94.	— — — —	97.	
$6\frac{1}{2}$.	— — — —	95.	— — — —	97.	
7.	— — — —	95.	— — — —	98.	
$7\frac{1}{2}$.	— — — —	96.	— — — —	99.	
$7\frac{1}{2}$.	— — — —	95.	— — — —	98.	
$7\frac{1}{2}$.	— — — —	97.	— — — —	99.	
9.	— — — —	96.	— — — —	99.	
9.	— — — —	95.	— — — —	97.	
10.	— — — —	96.	— — — —	98.	

Ætatem mediam sive adultam opus non erat examinare, cum infinita experimenta calorem dudum determinassent ad grad. 95. 96. 97. 98. Sed senes jam erant præprimis examinandi.

66. Annor. per $\frac{1}{8}$ hor.	97. Grad. per $\frac{1}{4}$ hor.	99.
64. ——— ——— ———	96. ——— ——— ———	99.
69. ——— ——— ———	95. ——— ——— ———	97.
70. ——— ——— ———	95. ——— ——— ———	98.
73. ——— ——— ———	96. ——— ——— ———	98.
76. ——— ——— ———	96. ——— ——— ———	98.
79. ——— ——— ———	95. ——— ——— ———	97.
80. ——— ——— ———	95. ——— ——— ———	98.
80. ——— ——— ———	97. ——— ——— ———	99.
81. ——— ——— ———	95. ——— ——— ———	97.
82. ——— ——— ———	95. ——— ——— ———	98.
83. ——— ——— ———	96. ——— ——— ———	98.
84. ——— ——— ———	96. ——— ——— ———	99.
90. ——— ——— ———	96. ——— ——— ———	99.
91. ——— ——— ———	98. ——— ——— ———	100.

Ergo in omni hominum ætate calor naturalis æqualis est, & latitudinem illum poscit, quam in Adultis requiri demonstravi. Erantque omnes illi infantes, pueri, senes, utriusque sexus; nec minores gradus hic fœminam notant, cum promiscue nunc masculi, nunc femellæ, minorem notarent majoremve gradum.

Igitur vetustissimi Autores, diversitatem in varia ætate caloris statuentes, eam ita explicare, ut cum experimentis eorum observata apprime

prime congruant ; saltem quoad infantes , pue-
ros, juvenes, atque ætatē florentes . Recentiores
occasione certi experimenti guadentes , neglexe-
re eadem frui ; quia doctrinam suam de attri-
tu , genitore caloris, inconcussam credentes, co-
rollaria inde ad senes , infantesque , deducta ,
similiter adeo inconcussa autumarunt, ut vel ex-
perimentis nullis indigere sese crederent , vel
iisdem & raris & neglectim captis , abunde con-
firmata esse concluderent . Adeo quippe arduum
est hypotheseos amore teneri , & interim a ve-
ritate non abduci . Utinam his exemplis demum
sapientes, desineremus humano generi , nobisque
ipsi , tam turpiter imponere !

C A P U T V.

De Singulari Quorundam Medicamentorum Virtute.

§. I. De Multiplici Autoris Naturæ intentione in creandis , perpetuandisque , Vegetabilibus , deque necessitate explorandi eorum vires : quibus intermiscetur seria Venenatarum plantarum contemplatio . §. II. Varia tentamina instituta cum *Lysimachia* vulgari flore purpureo , *Polygala Virginiana* , & indigena quavis , *Marubio* , *Abiete* , *Uva ursi* . Qua occasione exhibetur *Anatomicus* cadaverum conspectus eorum , quibus *uva ursi* frustra data : proponiturque tentamen prognoseos de *Lithotomia* instituenda in eo , cui *uva ursi* non profuerit . §. III. Laus *Plantaginis latifolii aquatici* , & *Aquæ Calcis* in hisce iisdem morbis . Laus denique *Merc. Subl. corr. in sp. fr. ad multos morbos* .

§. I. **F**Uribunda modernorum Philosophorum Gens impium hoc delirium ingrato pectore fovet , quod Vegetabilia , quorum Botanici , ac Medici , 20000. fere numerantes , vix $\frac{1}{50}$ partem viribus noscunt , aperte demonstrant cæco penitus materiæ impetu , casu in motum actæ , prodiisse cuncta : Orbemque terrarum hinc multis quidem , iisque præstantissimis,

mis, rebus expletum fuisse, sed simul etiam multis inutilibus, noxiis, lethiferis. Nos qui infinita DEI clementia, ea felicitate gaudemus, ut Naturæ Autorem ex ipsa Naturæ contemplatione veluti præsentem intuemur præsentem, atque ad adorandum & amandum Illum fide adducimur, movemur, ac veluti cogimur; nos, inquam, hanc impiam gentem detestantes, mentemque illis sanam apprecati, tam certum habemus, quam quod certissimum, OMNIPOTENTEM in Vegetabilibus ex nihilo creandis, perpetuandisque, plurimas habuisse, sapientissimasque rationes; quarum nonnulla pia conjectura assequimur, alias demonstratione percipimus, plures denique ignorantia involutas adoramus, osculamur. Frustra enim eum nihil fecisse arbitramur, qui Sap. II. v. 12. *omnia in mensura, & numero, & pondere, disposuit*; qui ipse quæcumque fecerat, approbavit, Gen. I. v. 31. *Viditque Deus cuncta quæ fecerat, & erant valde bona.*

Ac primum quidem videtur DEUS tellurem amœno hoc adspectu ornaſſe, hominem recreandi, exhilarandi, seque laudandi gratia. Integer Adamus & sanctus, hunc certo inde usum habuit, virtutis plantarum medicæ, qui illibata sanitate perpetuo fruebatur, minime indigus. Atque & ipsi nos mortales, Adami deploranda profapia, læto plantarum adspectu, mirifice nos delectari percipimus: & si recte sapimus, si intelligimus, quid sibi benignissimus

mus noster Servator velit; Matth. 6. v. 29. afferens ditissimum, regioque splendore fulgentem *Salomonem*, in omni gloria sua haud ita cooperatum fuisse, quam cooperiantur *Lilia agri*, nequimus non in summas Creatoris laudes effundi.

2. Numerosam classem constituunt Vegetabilia, quæ hominem vestiant, alant, tegant, calefaciant.

3. Animalia terrestria, aquatilia, volatilia, in usum creata hominis erant, primo ad vestiendum & agriculturam; postque Cataclysmum etiam ad nutriendum. Tum & ad usus Mechanicos, Medicos. Hinc plana tellus, & juga montium, mare, quoque, ac flumina, undique vegetabilibus ornanda erant; ut & alimenta inde haberent animalia, & in iis nidos struendi, ponendique, tum & pullos alendi, sub iisdem habitandi, similesque alios inde usus captandi, occasionem nanciscerentur.

4. Cœlo decidua pluvia in arbores, frutices, plantas, incidens, moram trahens, earundemque propterea viribus imprægnata, partim se in telluris, montiumque, gremium, insinuat, fertilitatem forte iisdem concilians, partim juxta declives montes, perque eorum incilia, in terram cadens, fontes ac flumina format. Unde oportet aquas quodammodo medicatas reddi; ad potum proinde, ad lavacrum, ad balneum, fieri salubres.

5. Athmosphæra porro tota quantoperçene de-

beat plantarum impleri, saturarique effluviis? Ut ipsi nautæ, odore illarum percepto intelligant se continenti proximiores fieri. Estque hæc una de causis, quæ aera rusticanum adeo salubrem reddant.

Sed ad hanc, ut & ad præcedentem rationem, forsitan de impia gente quisquam ipsam PROVIDENTIAM de non curantia accusare audebit; eo quod tum aer, tum aqua, æque venenatis, quam salubribus imprægnentur effluviis, particulisque: adeoque si hinc profint, illinc noceant vehementer. Sed o minutum philosophum! Noxias vocat plantas, venenatas vocat, lethiferas vocat, quæ quid proprie sint, ne intelligit quidem. Centenæ certe venenatæ sunt, & quia venenatæ, ideo salubres. Ita tota plantarum classis alvum, ventriculum, urinas moventium, venenata quidem, & inimica corpori, & lethalis tandem fit, assumpta si fuerit copiosius; cognita autem debitis experimentis apta earum dosi, salutifera esse hæc tota deprehenditur classis. Verum venenum est Opium; justa autem dosi moderator dolorum est, turbarum pacator est, stator est nimiae evacuationis. Asa foetida copiosius data ventriculum subvertit, rarefacit humores, febrem creat; moderate sumta corpori prodest, solvendo, reficiendo; tandem gentibus nonnullis patinis molliter affricta, gratiam eduliis summam conciliat. Dulco-amaræ stipites majori dosi convulsiones, & deliria excitant; moderata vero ipsalimos convulsionesque tol-

solvunt, humores blande attenuant.

Hinc in eam sententiam facile inducimur, quod venena plurima ideo venena sint, quia nimia copia dantur; apta si dosi darentur, egregia futura sanitatis auxilia. Id quod iudicium tamen, & prudentiam, & tempus, omnino requirit. Attamen nemini mirum videri debet, si quondam nonnulli sua horum specimina, probatosque salubres effectus, publice prodant. Quid ergo ille male feriat Sophistes mihi, respondebit, asserenti venenatas plantas merito creatas esse, quod ad salutiferum usum atmosphæræ & aquæ, earum effluvia in universa effluviorum miscela, iusta proportione, necessario requirebantur; quodque spes sit fore, ut demum etiam interno usu applicative externo, si semel æqua earum dosis determinata fuerit, mortalibus egregios producant effectus? Helleborus, Felandrium, Cicuta, Solana varia, Bella Dona, Hyoscyamus, & id genus alia, noscuntur interno, externeque usu, noxiæ plantæ non esse, ferrique, si non interne omnes, externe saltem posse; hinc fore ut aliæ venenatæ plantæ etiam salutares demum deprehendantur, spem merito faciunt.

Hinc 6. dico, Providentiæ divinæ placuit scientiam virtutum plantarum, instinctu naturali, casu, observatione, ratiocinio, manifestare; idque ita per cuncta sæcula. *A DEO enim est omnis medela.* Eccles. 38. *Altissimus creavit*

de terra medicamenta, ... Ad agnitionem hominum virtutum illorum, & dedit hominibus scientiam Altissimus, honorari in mirabilibus suis. Crevere hac ratione experientiæ plurimæ, multaque vegetabilia in usus patefecere humanos. Socordix ergo summæ foret veterum inventis aut nova adjicere nolle, aut adjici posse diffidere. *Dies diei eructat verbum, & nox nocti indicat scientiam*, Psalm 18. v. 3. Sed quid demum est quod scientiæ nostræ incrementa retardat? Casus fortuiti, instinctus naturales, ut olim, ita & hodie obtingunt: prisca gens, in omnia attenta, notabat ea, privatos publicosque communicabat in usus: nos vago impetu ad altiora nobis volantes, ea negligimus quæ & nobis coram, & ad nostrum aptissima captum observanda dabantur. Atque utinam adhuc inventis Priscorum uteremur! Sed pro dolor! plurimarum herbarum vires a Dioscoride olim, recentius a Dodonæo, Clusio, aliisque, enarrantur laudantur exemplis demonstrantur; quarum nos nec usum, nec ipsam mentionem facimus: atque ita ad veterum sapientiam nihil novi addimus, sed partem adhuc detrahimus, oblivioneque sepelimus, sicque in Materia Medica longe pauperiores ipsis deprehendimur. Hæc porro me impulit causa, ut dudum viribus simplicium, quas vetustas cognovit, neglexit posterior ætas, ex oblivione resuscitandis totum me dederim, & nova quædam observata iis, quæ capitibus prioribus dedi, adjecerim.

§. II. 1. Quæ de *Lysimachia vulgari flore purpureo*, anno præterito notavi in Diarrhœis ac Dysenteriis a laxitate oriundis; etiam in Diarrhœis & Dysenteriis olim a causa quavis alia productis, jamque causa priore devicta, a debilitate superstitite postmodum continuatis; multa nova experimenta confirmarunt.

2. Radix *Polygalæ Virginianæ*, Antidota inventa fuerat adversus morsum serpentis, dicti Boicininga. Cum porro cadavera eorum, quos morsus iste sustulerat, coagulatum phlogistice sanguinem omnino exhiberent, Medicus Anglus periculum fecit an eadem radix, quemadmodum inflammatum morsu serpentis cruorem curat, ita eundem spissitudine inflammatoria oblitum quoque curaret? Votis experimentum respondit. Medici Parisienses idem experti sunt quacunque Polygalarum gallicarum specie. Vide de *Sauvâges* Diff. Acad. sur l'*Inflammation*. In acutis inflammatoriis experimentum facere nolui, quia voto non respondens periculosum esse potuisset: dum enim experimentum fit, non est dandum aliud interea remedium, siquidem alioquin ejus, de quo quæritur, efficacia non patefiat. Hinc quatuor diversis hominibus dedi qui ex inflammatorio morbo suppurationem habentes, continuo prava de integro symptomata a phlogistica sanguinis diathesi paterentur; sed binorum mensium tempore in uno, quatuor in alio, in aliis duobus quinque, datum remedium non profuit: sanguine ad neces-

farias indicationes postliminio sæpius misso , crustam densam ac tenacem perpetuo gerente . Lac cum melle copiosum adjunxeram duntaxat ; tum quod hoc eidem indicationi inferviens , vires medicamenti infringere non posset , tum ne , si illud ipsum medicamentum non juvaret , reliquis artis auxiliis ægri omnino carerent .

3. *Marrubium* in abscessu , maxime Pulmonum , veteribus celebratissimum , in uno alterove casu aliquantum profuit ; in cæteris minime .

4. *Abies* in Scorbuto quocumque adeo celebrata , trimestri spatio a puella maxime scorbutica affatim epota , nihil attulit levaminis , nunquam pro ichore ulcerum verum pus produxit .

5. *Uva ursi* variæ fuit in variis efficacix , quam expedit exacte enarrare .

Omnes ; quotquot suppuratione , eaque etiam valida , diuturnaue , ac reliquis auxiliis immergera , in systemate urinoso , Renibus , Uteribus , Vesica , Urethra , Scroto , Perinæo , nulla labe venerea sublitescente , laborarunt , idque citra evidentia præsentis calculi signa ; hi passim & integre uva ursi curati sunt , & constantiam curæ hucusque referunt .

Qui manifesto calculo , calculisve laborarunt , horum plures tam constans levamen habent ut dudum etiam a remedio quiescentes , nec doleant , nec ullum in Urina reddenda , retin-

nendave, incommodum patiantur. Hos inter octuagenarium numero, qui a 40. annis parvos lapillulos, multamque arenam, mucum tenacem, frequenter minxerit, doloresque inde passus enormes fuerit: ante usum hujus remedii omnem plurimorum Europæ Medicorum opem frustra expertus. Videantur etiam exempla num. 2. & 5. cap. seq. de Electr.

Alia Classis horum est, qui remedio hoc curati visi, denuo relaberentur: repetito remedio, iterum quasi curati: idque ita per 3. 5. 6. vices. His suadeo perpetuo continuent; quod a plerisque, dum belle habent, vix obtinemus.

Tertia classis eos continet, qui vel nihil levatur, vel ad tempus modo, ita ut sub continuato remedio æque gravia symptomata patiantur, quam eodem non usi; quique vel ad Lithotomiam confugere debuere, vel viribus fracti, adeoque ad Lithotomiam inepti, occubuerunt.

Hos posteriores inter Puer fuit, de quo antea cap. 26. num. 3. Huic & levamen inconstans & febris hæctica aderat, hincque ad Lithotomiam destinatus. Sed Dysenteria tenesmode cum magno Recti intestini prolapsu oborta, operatio differebatur. Dysenteria tandem sustulit illum.

Haud fane profuturam operationem fuisse testabatur cadaver. Vesica urinaria circum calculum in substantiam densam compactamque ita

trahebatur, ut vix superesset, quod lotium exciperet cavum. Calculus ad forcipis adtactum in centena fragmenta diffiliit. Erant autem Ureteres utrinque, tota sua longitudine, digitum ampli, atque ubique, inæqualiter tamen, callosi; proindeque, qui contraherent, prorsum inepti. Eorum in dextro & volvulus ingens, & tota interna superficies purulenta, pusque effundens. Renes toti callosi. Ita ut omne systema ouropoieticon, adeo immedicabiliter degenerans, nullum fere levamen a sectione calculi retulisset.

Similem harum partium degenerationem, sed graviolem, in viri 37. annorum corpore invenimus; qui e longinquo ad Nosocomium Fr. Miseric. delatus, Lithotomiam præ dolorum inhumanitate enixe rogabat, eamque certo subiturus fuisset, nisi, qua erat, insignis debilitas procrastinasset eandem. Tempore igitur intermedio, quo restaurandis viribus allaborabatur, simul uva ursi, cum paregoricis, data fuit; idque eo profecto cum successu, ut per aliquot septimanas dolores admodum mites expertus, solo virium defectu periret.

Utraque hæc Historia, similesque cap. 7. enarratae, ostendunt ejusmodi mirificas systematis urinosi degenerationes frequentiores esse, hominesque tales nec remediis sanari, nec sectione posse. Quid enim proderit calculo sectum esse, & interim pelvim, ureteresve, adeo & amplos habere, & tortuosos, & callosos, & puru-

purulentos? Quæ cum a priore non cognoscantur, patet Lithotomiam eventus incerti esse; hujusque incertitudines ægros, dum eam rogent, rogenturve, serio monendos esse.

An passim ii, quos Uva ursi non juvat, suspicione laborent ejusmodi degenerationis? An igitur ideo, qui uva ursi immedicabiles sunt, etiam ad fortunatam sectionem inepti? Saltem contrarium nondum experti sumus. Callosa penitus pelvis; Callosus, & convolutus, sedequē pulsus, atque sua amplitudine intestinum potius quam uréterem referens, ureter, urinam suscipiunt, copiose colligunt, nec nisi ingentium difficultate in callosam, contractamque, vesicam impellunt. Quin & semidigitum crassa, cove crassior, vesica, universim callosa, vulnere facto non coeuns, perpetuum urinæ stillicidium, si vita adhuc perdurat, excitat.

Cum Uva ursi adeo egregia deprehendatur in systematis urinariæ abscessibus, occupor jam viribus ejusdem explorandis in quocumque aliorum viscerum abscessu at vero pauciora ac recentiora sunt experimenta, quam ut hucusque certi quidquam pronunciare auserim.

§. III. Amicus, Medicus celeberrimus, laudes ad me scripsit *Plantaginis aquaticæ latifoliæ*, in infuso aquoso propinatæ, ad calculosos morbos, ut eam cum uva ursi viribus decertare arbitretur. Factis experimentis effectus egregios cum laudato, caro, jamque celebri nomine auctoris, fore ut evulgem spero.

Curræ

Curæ Aqua Calcis, & Sapone, quondam peractæ constantes manent: hocque ipso tempore eandem denuo multa cum spe instituo.

Mercurii Sublimati corrosivi, spiritu frumenti misti, usus in Nosocomio copiosissimus, perseverat miras edere curas; quasque præcedentibus annis inde habuimus, gaudemus constantes: malo semel bene curato, nunquam, nisi ad novos errores, repullulante. Hoc currente anno Amauroses incipientes, Pannos, Albugines, Annosas narium labiorumque exesiones, &c. aliquoties feliciter inde curavimus: fatendum tamen est in quibusdam casibus susceptam curam haud successisse.

C A P U T VI.

De Viribus Electricis.

§. I. Curæ hoc anno vi. electrica peractæ. §. II. Frustranea quædam tentamina. §. III. Apoplexia mucosa, terribilibus symptomatibus sociata inde curatur. §. IV. Difficultas curæ Paralyseos & Convulsionis in facie, reliquo corpore sano: miranda Naturæ via, ad desperatissimum ejusmodi casum curandum.

Electricitatem sexto jam anno in hoc Nosocomio profecutus, eam mihi sententiam annuatim firmiorem gaudeo, quod inter præstan-

stantissima artis auxilia jure referenda sit: licet enim multis frustra adplicetur; pluribus tamen eam sive emendationem mali, sive integram curationem conferre, quam nullo alio auxilio Ars præstare potuisset, indices testatius redditur. En iterum experimentorum hujus anni compendium.

1. Deauratores, quorum felices historiae anno ultimo dabantur, partim pulchre se habere pergunt, partim ab aliquot septimanis, quod fere nunquam a Mercurii hauriendis vaporibus quiescant, in antiqua mala incidere incipiunt, ideoque nunc denuo ad machinam accedunt.

2. *Baumgartnerin* 59. ann. maligne ante biennium decumbens, nec rite judicata, dudum languit, ac tandem eousque restituebatur, ut incedere utcumque, ægre tamen, inciperet. Verum integro eo biennio Dysuria, & Stranguria, maligno morbo ortæ, miserrime eam hucusque excruciabant, dextraque manus tota ita debilitata manserat, ut prehendere eadem, tenereque, posset nihil; ultimi autem digiti perpetuo frigerent. Hanc & ad machinam admovi, & uvam ursinam ipsi dedi. Utroque hoc auxilio bimestri spatio usa, ita restituta fuit sanitati, ut post integram curationem elapso mense me adhuc adierit, DEO præprimis, tum & mihi, quod utraque hac calamitate dudum jam liberata esset, gratias actura.

3. *Adam Schneider* 47. annos natus, mense Aug. 1758. illibata valetudine gaudens, dum
Citha-

Cithara ludit, percipit manifesto sinistro in capitis latere frigidam veluti auram suboriri, eamque sensim descendere ad collum, pectus, brachium, & crus, ejusdem sinistri lateris; postquam tandem totum illud latus paralyticum deprehendit, mente interim semper sibi præsens. Linguam quoque impeditam in loquela, totamque genam sinistram adeo paralyticam deprehendit, ut facies tota fædo sane adspectu dextrorsum distraheretur. Oculus porro sinister a primo invadentis mali momento tantopere debilitabatur, ut postmodum parum admodum eodem videret. Remediis sibi a Medico suo datis, intra XI. septimanas id lucrabatur, ut paulo expeditior fieret linguæ motus, pedique insistere per momentum, bono scipioni innixus, utcumque valeret; in cæteris per omnia idem. 7. Nov. ad machinam primum admotus est, & 1759. 24. Febr. oculo lucratus nihil, genam perfecte restitutam gaudet, pede apto, integroque, ita fruitur, ut genu tantisper, sed rarius, titubet, brachioque etiam emendetur. Gavissus ita hac cura est, ut integram neglexerit.

4. *Magdalena Strekerin* 40. annum agens, a sexennio catameniis caret, pectore hinc anxia, multaque pituita obseffo, ægre vitam tulit. Accessit ut ineunte hoc, quem vivimus, anno, in cubitum ceciderit; tumidumque primo brachium, ac tumore remittente frigidum, immobileque, deinceps habuerit: cunctis digitorum unguibus secedentibus prorsum, & eorum

in locum difformi cornu enato. Primo quidem labefactatæ sanitati restituendæ intentus fui, eamque consequutus, mense Majo fœminam ad machinam electrinam admovi. Inde emendatur, sed tarde admodum; emendanda citius, si diligentius accederet: quod autem frequenter desit, id inde ortum ait, quod si 3. 4. diebus sibi subsequenter adfuerit, artus omnes sibi vehementer doleant; ita quidem ut quiete nonnulla indigeat, antequam ille dolor evanescat. Sanitas interim corporis integra jam adest; ut etiam brachii cura merito speranda sit.

5. *Georgius Huber* 56. ann. 3. Mart. 1759. primum ad me accedens, novendecim annos narrabat elapsos esse, quod in lumbis, ac perinæo, validos sit passus dolores, multosque calculos parvos eminxerit. Dolores describit sic, ut ad lumbos perpetuo oriantur, pergantque deinceps ad inguina. Decem abhinc prægressis diebus, perceperat calculum a Rene pelli, per ureterem premi, mingique dein ceptum, in urethra subsistere, & integro quatridduo ibidem hærrere; urina interim guttatim modo, ac furtim, transfluente. Eo tempore rus sibi petendum erat. Quo carpento vectus, calculum vi emisit, urinæque simul ingens profluvium: redeuntibus tamen mox symptomatibus antiquis.

Sub ipsum hoc tempus, nempe novem abhinc diebus elapsis, contigerat, ut nocte evigilans, totum brachium sinistrum sibi paralyticum esse perciperet, sequenti autem die totum
latus

latus & linguam. Ex his omnibus sola lingua jam emendatior erat.

Primum curam systemati urinario læso adhibui, data uva ursina: a qua mox opem mirificam expertus est. Interea temporis fumo aromatico partes paralyticæ, totaque spina dorsii, egregie fricabantur. Cum spatium mensis calculi symptomata integre silerent, ad Electream machinam eum cepi adhibere. Quarto porro die ad ipsam machinam sentit novum descendentem a Rene calculum, qui in urethram deimpulsus, horæ spatium mox emingebatur, ubi antea urethra hoc crudeli hospite 3. 4. diebus excruciiari solebat. Cum nec doluit deinde, nec calculos ultra excrevit, licet uva ursi binis modo mensibus usus esset, neglexit hucusque totam Paralyseos curam, licet hæc spem curæ minorem non daret, quam cura calculi.

6. *Benedictus Erringer*, ann. 18. molitor, 5. Julii 1759. hora sexta vespertina, medio in opere suo, vertigine & somnolentia corripitur, & retrocadit, per $\frac{1}{4}$ horæ sibi non præsens. Postquam ad se redierat, pedibus insistere nequaquam potuit, uti neque integro quatrIduo post. Vena 8. Julii secta, cepit 8. & 10. Julii pedi inniti sensim posse. Quod autem notandum, ab ipso primo mali inchoantis momento manus dextra vehementer tremuit, idque diu notuque, ut eadem perficere nihil, nihil tenere, nec cochleare ad manducandum dirigere, posset. Non enim tremor modo aderat, sed
etiam

etiam digitorum perfecta Paralyfis. Sic se habens adiit 23. Julii Nobiliff. B. *Van Swieten*; qui re examinata eum mox ad me misit, quo ad machinam adhiberetur. Adhibui. Vix decem ictus sustinuerat, quin curatum se diceret. Perfectissimeque curatus manet hucusque.

7. *Marcus Krafft* somno obreptus, capite suo incumbit brachio dextro. Expergefactus deprehendit totum brachium, manum, digitos, omni prorsus motu carere. Sensus admodum paucus adest: pollex vero & index interne externeque frigidi, ne vellicati quidem quidquam sentiunt. Malo jam 19. diem numerante, ad machinam accessit: vires ejus 19. diebus expertus, sanitatem integerrimam recuperavit.

8. *Scibaldin*, me convenit 13. Sept. 1758. Hæc dudum jam cum marito occupabatur plumbo veteri purificando, fundendo, hincque jam a dimidio anno in Colicam pietonum incidens, dolores ventris enormes patiebatur, dolores quoque ac tremores per artus universos. Dedi ipsi singulis vespers unc. vi. Olei Lini & unc. i. $\frac{1}{2}$ Syrupi Diacodii, unico haustu assumendas. Unde mox levata, post decimum haustum perfectam sanitatem hausta est; solo tremore redeunte posthac, ac perseverante. Ad machinam tunc admovi, dedique pilulas ex sap. ven. unc. $\frac{1}{2}$ gum. amm. ter. fol. tart. maf. pil. Ruf. a dr. ii. & Suffimigium ad fricandum abdomen & artus. Hinc spatio 2. mensium perfectissime curata est, curata mansit, donec cupro,

pro, aliisque metallis, & semimetallis fundendis, iterum occupata, veteris mali reditum animadvertat, jamque ad machinam denuo accedere inchoet.

9. Tentavi an experimentum Electricitatis succederet in curandis colli strumis scrophulisque, quemadmodum Aët. Acad. Monspel. id testantur. Binas puellas per 8. menses constanter ad machinam applicui, ictu ad affecta loca determinato, sed frustra fui. An mala inveterata nimis?

10. Curationes antea cap. 28. num. 17. 19. 20. 25. inceptæ, dudumque protractæ, nondum perficiuntur, spem jam minorem, jam majorem, facientes.

§. III. Atque hæc de experimentis nostris sufficiant. Addam quod de viribus electricis ad Apoplexiam mucosam mecum communicaverit celeberrimus apud Haganos C. H. *Velse*: „
 „ Virgo, inquit, honestissima 24. ætatis annum agens, tenerrima, nuper Apoplexia pituitosa corripiebatur; cum palpitationibus „
 „ cordis tam irregularibus, itemque adeo costas „
 „ pulsantibus, ut eas manifesto audire, licet satis distans, possem; & præterea „
 „ cum largissimo sudoris totius corporis profluvio. Hæc cum morbo chronico, diversissimis „
 „ symptomatibus corpus conterente, & „
 „ sanguinis (qui missus postridie nonnunquam „
 „ in serum totus liquecebat, vix phlogisticæ „
 „ placentulæ superstitæ vestigio) missiones, se- „
 „ xen-

„ xenties forsan , nunquam tamen citra sum-
 „ mam necessitatem intra quinquennium repo-
 „ titas , exigente , diu luctata , & adeo ener-
 „ vis erat , ut (in hac Apoplexia) evacuan-
 „ tia quæcumque vetarentur ; neque roboranti-
 „ bus , aut spirituosius ingerendis , ob degluti-
 „ tionem prorsus sublatam , & linguam exser-
 „ tam , ulla spes superesset. Quamobrem actu-
 „ tum Electricitatis *Neupertianæ* periculum fe-
 „ ci ; sed non alio cum eventu , quam quod
 „ palpitatio cordis multum remitteret , & si-
 „ steretur sudoris per aliquot horas eruptio ,
 „ Apoplexiæ tenore eodem perseverante : usque
 „ dum 18. inde elapsis horis , secunda vice
 „ virtutem electricam diu in nasum determina-
 „ rem , atque hinc primo indicia sensus ingra-
 „ ti , deinde sternutationem frequentem , tan-
 „ dem media hora post Apoplexiæ sanationem
 „ felicissime efficerem ” .

Demum & hoc addiderim. Genarum Paraly-
 lyfin & Convulsionem Chronicam , rarius cura-
 re solemus , quam desperatam relinquere. Præ-
 cipue si topicum hoc faciei vitium id unicum
 sit , quod toto in homine accuset. Absolvi equi-
 dem hanc curam nonnunquam , sed frequentius
 frustra fui . Et etiam scemina adest , quæ a
 biennio fluxum puris dextra aure passa , tan-
 dem anno 1758. exeunte , paralyfin scedam ocu-
 li dextri , dextræque genæ patitur , fluxu puru-
 lento auris nihilominus continuante . Octavo
 jam mense ad machinam accedit ; oculo mul-

tum, gena fere nihil lucrata; quanvis & ad originem rami infraorbitalis, secundirami quinti paris, & ad locum ubi portio dura septimi paris Aquæ ductu Fallopii emergit, pedem dictum anlerinum formatura, vis electrica peculiariter determinetur. Ut autem in topica hac Paralyfi, ita quoque res se habet in topica hujus loci convulsione: hæc etiam artem nostram ludere solet. Anatomicorum hujus sæculi facile princeps *Albinus*, narrabat nobis in collegiis ejusmodi convulsionem quondam sibi curandam datam fuisse, eamque, ad omnia rebellem, sese, nervo infraorbitali abscisso, percurasse. Sed en alium casum, qui doceat quam expedire nonnunquam se norit miris Natura modis! Communicavit illum nuperrime mecum integerri- mus amicus, celeberrimus apud Haganos Pra- cticus, *Abrahamus Westerbhoff*, vir, cujus con- filio arduis in rebus saluberrimo sæpius meum esse gratus recordor. Casus quippe per omnia illi Albiniano similis, tum maxime annosus erat, tum ad quævis artis auxilia, vimque ele- ctricam, penitus immoriger. Consuluerat clarus Amicus eundem nostrum venerandum magi- strum, qui curæ tam egregie quondam a se pe- ractæ probe memor, eam tamen hic ambiguam suspicabatur; cum qui proprie ramus inciden- dus, non poterat determinare. Sed en quid tunc contigit! „ Fit interim, inquit, ut parvus tu- „ mor cysticus, mollis, enascatur in parte in- „ teriore labii inferioris, continuo increlscens ,

„ mo-

„ mobilis neque dolens. Quum ergo & incre-
„ mentum nimium metuerem, &, quod ipas
„ modica affectio ingrata illa viciniam con-
„ stans occuparet, hinc mihi persuaderem, pos-
„ se aliquid inde boni redundare, curavi ex-
„ scindendum integrum. Effectu laudatissimo !
„ Sanatus homo est, manus Chirurgi tempore
„ brevissimo morbum sustulit, quo Vir nobilif-
„ simus per annos laboraverat, languerat, quo-
„ vis pretio redimere curationem dudum para-
„ tissimus.



C A P U T . VII.

*De Febris cum exanthematibus quæ petechiæ
& miliaria vocari solent.*

§. I. *Historiæ XVII. Ægrorum, hæc Exanthemata plane symptomatica esse probantes: ostenditurque hac occasione perfectæ criseos in Acutis certitudinem nos sæpe non habere; sanguinem in morbis, quos malignos vocant, & crassissimum sæpe, & maxime esse inflammatum; tandemque communicatur notabilis observatio circa prædictionem in Acutis ex pulsu intermittente.* §. II. *Ex omnibus horum ægrorum exemplis concluditur exanthemata similia rarius observari oportere, si legitima curandi methodus adhibeatur; eaque, si contingant, praviæ potius medicationi, quam Aeri, aut Climati, originem debere; paucis exceptis casibus, in quibus aut sponte, aut contagione, nascuntur.*

§. I. **L**icet in ultimo de *Februm Divisio-*
nibus tractatu de exanthematibus
Petech. & Miliar. fuse egerim, tamen cum nova exinde observata colligere licuerit, pondus rerum tantarum me adigit, ut nova hæc cum publico communicem, unaque ex Nosocomii Diariis, omnium illorum, qui ibidem unquam
hæc

hæc passis sunt, fidelem historiam tradam; quibus eorum, quæ in eodem Tractatu posui, evidentia, ni fallor, veritasque, pateſcet.

1. Hæc verno tempore proxime elapſo femina 22. annorum febre valida laborans, quinto ſui morbi die ad nos delata eſt; extantibus jam tum Petechiis. Vere ardens febris erat, tertiam eo die habens exacerbationem. In ſumma omnium cruditate Petechiæ extabant. Igiturne hæ Criticæ? Certe cum nullum ſymptoma miſceſceret, quin ingraveſceret potius, Symptomaticæ duntaxat vocari merentur. Sanguis hoc die vena miſſus, cruſtam formabat portionem rubram denſitate ſuperantem. Die ſeptimo ad quartam, eamque prioribus longe mitiorem exacerbationem, febris ſudore & urina maximam partem judicata; ad nonum vero diem, in quinto, eoque omnium leviffimo inſultu, urinis ac tranſpiratione integre judicabatur. Novem diebus perſtabant Petechiæ.

Sana octiduo vixit; die autem 17. poſt morbi principium, ad primas carnes vitulinas deguſtatas, licet tenerrimas, in febrim æque vehementem incidit: cujus altero die Miliaria alba, numero pauca, comparuere. Sanguis bis miſſus corio denſiſſimo tegebatur. Nec numero Miliaria augebantur, nec diu perſtabant. Imperfectum judicium contigit 23. morbi die, prægreſſo intermittente pulſu, per alvum; integrum vero 27. die, eodem modo, eodemque pulſu.

Die 29. nova febris vehementissima oritur, in qua sanguis bis vena missus, singulis in vasis, æque magnam, densamque habet, quam olim, crustam. Nulla vero hic Exanthemata. Die 4. & 5. iudicium alvo, urina, sudore.

Ex data historia nihil evidentius est, quam utrumque hoc Exanthematum genus minime criticum fuisse. Summa morbi cruditas; ejusque, postquam hæc effloruissent, validum incrementum; critica aliunde contingens posthac evacuatio; evidenter, arbitror, hæc demonstrant.

Quod eo magis notandum, quia hic casus ex rarioribus est, in quantum nobis adparet, in quibus nulla arte producta Exanthemata erant. Frigido quippe in loco, frigida tempestate, primis quatuor morbi diebus ægra jacuerat, remediis calidioribus minime usa. Ita ut hæc ne critica quidem fuerint, licet prava arte non producta. Confirmat, id sententiam, quam egregius *Paulus de Sorbait* annis abhinc 90. ex cathedra *Viennensi* docebat, *Petechias esse motum noxium & symptomaticum*. Med. Pract. Tract. 3. pag. 541. & 545.

Advertimus quoque Exanthemata putridæ sanguinis solutioni proprie non deberi, cum post eorum exitum idem sanguis, etiam iterato missus, densissimus fuerit.

Tandem febris tanto cum furore tertio repetens nos docet, id quod toties ad lectos ægrorum advertimus, perfectam non haberi, iudicio jam facto, certitudinem morbi ita devicti,
ut

ut non fiat recidiva. Equidem quo omnes functiones perfectius, celeriusque, in integrum restituantur; quo motus critici diebus judicatoriis exactius fiunt; quo denique evacuationes perfectiores, constantioresque, cum virium incremento, contingunt; eo minor adest relapsus metus: at vero hucusque non habetur ejusmodi certitudo, quæ excludat omnem omnino relapsus formidinem. Vidinius sane & in hac muliere, & in pluribus aliis, nihil iudicio defuisse, attamen iisdem successisse relapsum. Nisi forsitan quis novum potius morbum, quam recidivam, appellandum idem esse arbitretur: sed difficulter profecto admittetur hæc opinio, si succedentis febris cum præcedente similitudo attentius ponderetur. Itaque merito jure Medici omnem adhibeant diligentiam, ne in sex rebus non naturalibus quid committatur, quo repetat morbus: juvatque hujus incertitudinis serio monitum esse ægrum, monitosque ejusdem familiares; ne morbo male curato adscribant, quod a quopiam regiminis errore, aut etiam absconditis plane de causis, postliminio forte contingit.

2. Juvenula 20. annos nata, tertio Hemitritæ die Petechias jam habuit, nostrumque in Nosocomium die quarto illata est. Multæ sane hoc die conspiciebantur in jugulo, pectore, humeris, dorso, lumbis, femoribus, cruribus.

Notabile porro I. quod hæc femina die mor

bi tertio, ipſo Hemitritææ acceſſu, ſummo mane, in frigido ad 27. gradus aere, extra civitatem pedes iverit, nec motu per horam producto ullatenus incaluerit. 2. quod poſt meridiem intropulſos frigore humores, eodemque plane crudos, valido ſudorifero moverit; hincque crudis hiſce ad ambitum corporis pulſis, Petechias conſciverit ſibi. Miri ergo nihil, quod ad 5. diem, cum valida Hemitritææ exacerbatione, Exanthematis intropulſio obſervaretur. Quare etiam illico, maligni quidpiam hic præſagiens, Cort. peruvianum dedi. Confeſtim inde convaluit, extra ordinem fluentibus menſibus, mox a Petechiarum reſeſſu.

Hæ certe peſſimo more expulſæ, penitus ſymptomaticæ fuere; eademque ſuo ſubito reſeſſu alioquin nocituræ, jam & dato cortice, & profluſis catameniis, ſubitam reconvaſcentiam non retardarunt.

3. Femiſa 39. annum vitæ agens, Cardialgia acida crudeliter per annos vexata, totaque inde cachectica, gravi demum Peripneumonia corripiebatur, & ex Noſocomio, in quo multa Exanthemata graſſabantur, die morbi quinto ad nos deferebatur. Maculæ in collo, dorſoque, rubræ, eæque, quod profundius hærerent, quaſi eruptioni impares, ſuſpectæ; omnium cruditas; morbike augmentum; ſuaſere venæ ſectiorem. Sanguis cruſta facile tranſcindenda teſtus fuit, rubra autem parte diſſolutus. Creſcente ad diem 6. febre cum anxietatibus, verisque Pulmonis inflam-

QUÆ PETECHIÆ ET MIL. VOC. SOLENT. 137
inflammati signis, iterata V. S. est. Sanguis
eductus priori similis, nisi quod ultimo in vase,
sub alba tremulaque crusta, iuste compactus
cerneretur. Die 7. una pustula alba Miliaris
visa ad jugulum. Febris pravis cum symptoma-
tibus perpetuo stipata, pulsuumque exploratione
Homotonos quidem appellanda fuit, sed calore
ad Thermometrum mensurato minime Homo-
tonos. 9. & 10. die pauca, die 11. copiosa,
eaeque alba, in pectore Miliaria. 12. die pau-
lo minus conspicua. 13. eadem iterum, ac no-
va præterea, in pectore conspicua. 14. die
morta est. Febris ab initio finem usque hor-
rifica fuit.

Historia mali docet 1. Petechias contagione
susceptas, nec sufficienter propulgas, morbi cum
augmento adparuisse. 2. Miliaria eadem origi-
ne nata, quo copiosiora, eo & graviora; &
magis fuisse lethifera. Unde concludimus Exan-
themata hæc, non a Natura, sed a contagio
genita esse; eademque minime critica, sed me-
re symptomata habenda fuisse.

Hic in transitu noto hoc Exanthematum Con-
tagium ut illud Variolarum, Morbillorumque,
se læpe habere, non nisi prædispositos afficiundo.
Præter alia exempla, memorabile illud Ancil-
læ est, quam susceperamus eo momento ex
ædibus eductam, in quibus cubiculo, jubente
Medico, arcte clauso, calidissimoque, inter-
vierat Patri nobili, filiabusque, duabus, Exan-
themate Miliari omnibus successive enectis:
Febre

138 DE FEBRIBUS CUM EXANTHEMAT.

Febre continua hæc apud nos decubuit, & sine Exanthemate brevi convaluit.

4. Juvenulæ, mensibus terrore suppressis, ingens brachii dolor, brevique post acuta febris oritur. Die 11. Peripneumonia adest, albaque Miliaria confestim prodeunt, continuoque augentur. Die 14. Gangræna brachii & mors. Eo tempore nondum sciveram, quod posthac expertus sum, in febre continua nonremittente, ac vere inflammatoria, si Exanthemata adsint morbusque rebellis sit corticem peruvianum egregie prodesse.

A resorptu ichoris gangrænosæ nata pectoris anxietas, nata copiosa Miliaria, criseos nullam, ni fallor, suspensionem faciunt.

5. Femina vehementi ira excandescens, gelidamque affatim hauriens, febre corripitur; & continuans interim ancillares labores, vagos ejus insultus per octiduum sæpe experitur. Tandem in continuam incidit, cum gravi pectoris anxietate, vehementi cephalalgia, multa siti, prostrato appetitu, vertigine, vigiliisque continuis. Eo in statu omnis auxilii inops, calida admodum tempestate, per integram septimanam, jacet, jure carniū, & frigida aqua usa duntaxat. Accessit agina biduo durans, & sic demum octavo die continuæ febris ad nos delata est. Quo ipso tempore catamenia ipsi, octiduo maturius, fluere ceperunt. Febris validos artuum dolores sibi junctos habebat, vires autem nondum prostratas. Die 11. Miliaria maximam
par-

partem alba, pauca vero rubra, apparuere; signis coctionis in alvo prægressis. Ab 11. ad 14. diem bene procedente Exanthemate, vomitus glutinosus vexabat, vel copiosæ pituitæ tremulæ, pellucidæ, vitreæ, per alvum secessus, vel noctes insomnes, pectorisque anxietates, imo novi, simulque feroces, artuum dolores. Alvo cocta partim judicata est 14. die, sed eadem demum integre ad diem 17.

Morbus neglectus per 14. dies, humores crudi, ancillaribusque laboribus intempestive moti, & cum per angustiora vasa transadigerentur dolores rheumaticos excitantes; deinde decubitus per tantos calores in parvo squalldoque cubiculo, vix renovata athmosphæra, corpus ad Exanthemata necessario disposuere. Morbus vero post exorta Exanthemata, cumque eorundem non interturbato progressu, diris symptomatibus, cruditatem spirantibus, increfcens, posteaque demum alvo judicatus hanc profecto eruptionem minime criticam, sed penitus symptomaticam, declaravit.

6. Juvenis febre continua putrida, gravicum delirio, laborans, in Nosocomium inferebatur. Diem morbi primum exacte rescire non potui, cum ex ejus incerta, ac variata, enarratione, sextusne ab illo tempore dies, an octavus esset, ambigeretur. Saltem eo tempore crudam morbi materiem Emeticis & Purgantibus vehementer moverat, ingentem præcordiorum gravitatem, anxietatemque, perpetuo expertus.

Præ-

Præterea ex Nosocomio alio, ubi Exanthemata fere perpetua erant, in nostrum ductus erat. Interim sensim ad coctionem morbus tendit, alvoque, & leni sudore, ad judicationem pervenit: urina interim sæpe enæoremate, & nubecula, carente, nec hypostatica unquam.

Judicio prægresso, incredibile quam cito, perfecteque, sanesceret; ita ut integris noctibus, idque sponte, dormiret, belle comederet, totasque obambulare per ædes. Sed biduo post, Miliaria totum pectus obsiderunt; quibus tum prodeuntibus, tum triduo post exsiccari ceptis, mirum quam bono somno, quam grato appetitu, quam facili corporis exercitio, integraque prorsum valetudine, frueretur.

Neglectus igitur, pessimeque tractatus, morbus; decubitus primo pro Patriæ more in calida atmosphæra, idque in fervida tempestate, tandem infectus priore in Nosocomio aer, labem aliquam sanguini conciliare potuerunt; quæ demum crisi prægressa, & recuperata sanitate, expulsa fuerit. Unde certe nec origine, nec effectu, hæc Exanthemata critica fuerunt.

7. Juvenis femina ex eodem Nosocomio suscepta, hanc nobis anamnesin formavit. Tribus integris septimanis lassitudine spontanea, cruribusque nonnihil tumidis, laboraverat, eamque ob causam illud Nosocomium adiverat. Ibi dem porro tum præstantissima cura, tum blanda

da quiete, se ita refocillatam experiebatur, ut repeteret famulatum; at vero eidem sustinendo inepta, in quotidianam febrim inciderat, ad quam curandam quendam sibi pulverem coemerat, qui decies & novies alvum, vomitum autem ter, vehementer, ciebat, posteaque venam sibi tundi curaverat. Tandem incontinuum acutam intermittente conversa, quarto ejus die ad prius Nosocomium, quinto ad nostrum, delata est; Petechiis, dum nobis afferebatur, jam prodeuntibus.

Septimo morbi die subito hæ evanuerunt, datoque cortice, paucæ die 8. repullularunt. Die 9. pauca Miliaria alba visa sunt. Vomuit eo die pluries cum euphoria; ut & die 10. cortice interim uti perrexit, paucisque opacis Miliaribus, quæ ad posteriora colli perennabant, exceptis, intra octiduum integre convaleuit.

Morbus dudum neglectus, contagium, in tempestivus crudæ materiæ motus, ægram hanc quarto febris continuæ die Petechiis macularunt. Crevit postea morbus. Cortice sanatus est licet retrocedentibus Petechiis pauca Miliaria successissent. Iterum nihil hic criticum.

8. Juvenis 17. annorum in neglecta per sex dies febre continua ad nos adfertur. Die 14. febris alba Miliaria erupere. Crevit iisdem erumpentibus vis morbi; & qui eo usque bonus fuerat, æqualisque, pulsus, inæqualis nunc rythmo, temporeque, factus est. Unde mox cor-
tex

tex datus; cujus sub usu pustulæ ad 5. diem dissquamari incipiebant, & integra sanitas octavo post eruptionem die succedebat.

Die quanvis critico erumpentes papulæ miliares, nullam criseos, sed præcipuam symptomatis notam, gesserunt; morbo tunc admodum calamitoso facto.

9. Adolescens, qui a septennio spina ventosa, fœde exulcerata, laboraverat, in Nosocomium demum susceptus, diætam lacteam, & corticem peruv. spatium bimestri, idque bono cum effectu, adhibuit: at vero ulcere tandem sponte siccato, febris continua acuta eum aggressa est. A 4. usque ad 9. diem cutis ruhebat, ac si expectanda scarlatina eruptio foret. Die autem ipso nono Miliaria solitis in locis comparebant; unaque vehemens ac sicca tussis, quæ eo usque diu noctuque ægrum vexaverat, nunc & mitior; & pulchre humida, reddebatur. Hucusque Exanthema istud, ut criticam evacuationem, facile quis salutaret; at vero ad sequentia attentus symptomaticam audacter pronuntiabit.

Etenim 11. die observabamus 1^{mo}. eam in pulsu inæqualitatem & intermissionem, ut quandoque, sed sine ordine, per integrum unius pulsationis spatium differret, moxque insolitam repeteret celeritatem. 2^{do}. Nauseam, vomitumque. 3^{tio}. Ulcus, quod eo usque siccum fuerat, jam fluidum, suoque postmodum in fluore continuum. 4^{to}. Subito turbatas urinas, quæ pluribus diebus limpidissimæ fuerant.

Igitur

Igitur iudicium proprie fiebat die undecimo. An integrum? Equidem dubitabam, propter notabilem pulsum, in diem 20. usque, intermissionem; Febris tamen acutæ absentia, ac virium reditus, citra aliam, quam ulceris, evacuationem, iudicium perfectum ostenderunt.

Quid igitur intermittens ille pulsus? Sane ex eo, & circa criticum tempus, & cum prægressis quibusdam coctionis signis, observato, sæpius, autore *Solano*, evacuationem criticam, vomitu aut alvo futuram, prædixi ad ægrorum lectos in Nosocomio; id quod etiam in hoc ægro, eodem undecimo die, exacte confirmabatur. Attamen cæteris octo diebus, cum nulla pervomitum, alvum, hæmorrhoidalve, evacuatio: pulsu continuo intermittente, contingeret, experimentum fallere visum est. An. quia cocta morbi materies, in corpore superstes, & ratione intermittentis pulsus aut vomitu, aut alvo, aut hæmorrhoidibus, eliminanda, ulcere effluxerit aperto? Numquid hic pulsus, si materia per vias a *Solano* indicatas non effluit, etiam ulceris, si adest, fluorem præfagiat?

10. Adolescens 17. annorum, ob nimii ponderis gestationem febricitans, bis secta vena ad nos adducitur, finiente jam die sexto, & jam tum in pectore brachiisque variegata, præ rubedine, cute. Crevit pessimis cum signis, & symptomata maxime alvo, morbus. Die autem 11. alvus pulti similis, ac flava; simulque ad pectus maculæ plures, ad nullum cer-
tum

144 DE FEBRIBUS CUM EXANTHEMAT.

tum eruptionis genus sese determinantes , conspectæ sunt. Quæque a nycthemeri spatio defuerat urina , copiosa nunc illa , & cum enæoremate fundum brevi petente mittebatur ; Febris modica ; flava , pultique similis alvus ; & projectus qui fuerat , renatus appetitus. Die 12. perseverantibus bonis hisce signis , vires majores , lingua nitidior , nox optima fuit . Die 13. veniam per conclave ambulandi , cibosque tum mutatos , tum copiosiores , rogavit . Die 14. vero juveni per omnia sano Miliaria alba erumpunt , paucas intra horas iterum sicca ; eodemque plane modo , spatio 5. dierum , continuo renascentia , & eodem die exsiccantia sese ac disquammantia , absque ulla vel minima labe sanitatis . Ita ut brevi Nosocomio exiret , constantique postmodum sanitate gauderet.

Maculæ rubræ ad sextum diem , adeoque per morbi augmentum , adparuere : pustulæ Miliaribus forma similes , crisi jam perfecta , ac sanitate recuperata , effloruerunt , Criticum ergo neutrum fuit .

11. Maligna admodum febre Juvenis decubuit , variolas nunquam passus , easdemque valde metuens . Ad sudores validos , eosdemque continuos corpus , patrio errore , disposuit , quotiescunque non aderam . Hinc die 5. maculæ rubræ in collo ac manibus visæ sunt , mox vero iterum evanidæ . Itidem die sexto . Posthac illum , ægrotans ipse , non vidi . Ab aliis autem

tem rescivi rubris illis maculis alba Miliaria sensim accessisse, profusissimosque toto in corpore sudores. Ad diem 15. totus Miliaribus sca-
tens, periit.

Nimio atmospheræ, parvo in cubiculo, calore, coactisque sudoribus, utrumque Exan-
thematum genus genitum est; neutrum sane
criticum.

12. Femina 24. annos nata, nono morbi
acuti die ad nos defertur, maculis rubris in
collo, facile, pectore, summo humero; jam a
biduo deturpata, & ab earum eruptione in pe-
jus lapsa: Porro ipso hoc 9. die duo observa-
bantur: 1^{mo}. Retrocessio macularum, 2^{do}. in-
termittens pulsus cum torminibus ventris; cum
tenesmo, & dein cum alvo cocta, multaque,
ad tertiam usque vicem repetita. Mitis exinde
illico febris.

Judicium factum multa suadebant; sed inso-
lita admodum debilitas post subitaneum macu-
larum retrocessum, maligni quid portendebant.
Unde corticem extemplo dedi. Mox inde re-
creata bis similem alvum posuit. Die 13. tria
visuntur in collo Miliaria, quæ perstant triduo.
Die 17. pauca alia accedunt. Ut & die 18. 20.
21. Sed, ut dixi, mox a sumto cortice mire re-
creabatur, subitoque reddebatur sana; ut cum
paucis hisce papulis egredi domo, si opus fuisset,
potuisset.

Enarratione tota arguitur rubras maculas,
crescente morbo natas, plane symptomaticas.

fuisse; Miliaria vero post crisinquandam, postque plenarum virium reditum, nata, Criseos certe normam non habere. Forte prius illud symptomaticum Exanthema subito evanescens, viresque prosterbens, posthac bonitate corticis, paucorum forma Miliarum, effloruit.

13. Vir 27. annorum sexto febris continuæ die Miliaria habet, quæ nunc plus, nunc minus, extabant; usque ad 12. diem, quo nova, pellucidaque eadem & alba, prodire. Continua febris nunc in remittentem, bis exacerbantem, abivit. Die autem 16. & 17. æger copiosissimis scatuit Miliaribus. Febris inde exacerbatio major, viresque projectiores. Cortex ad 20. diem dari ceptus; cujus sub usu papulæ novæ. Sanitas integra brevi sequuta est.

Prodire prima Miliaria cum morbi incremento, imo morbo posthac in longe periculosiorem mutato; posteriora itidem. Nulla proinde criseos similitudo.

14. Eodem tempore mulierem, ulcerosa scabie sponte fere curatam, ceterum arthriticis obnoxiam insultibus, jamque universorum pene artuum rheumatismo laborantem, suscepi in Nosocomio. Febris acuta fuit, pustulæque nonnullæ rubræ in facie, unaque insignior ad nasum, aderant. Die 13. rubra Miliaria copiosa prodire in facie, collo, brachiis, cruribusque universis; una hora conspicua admodum, hora altera vix visibilia. Die 15. & 16. bene prostant. 17. adhuc magis. 18. maxime, sed cum
into-

intolerabili cephalalgia. Die 19. ipsi pedes Miliaria habent. Die 20. Miliaria rite quidem prostant, sed magna præcordiorum anxietas adest. 21. & 22. die cum copiosissimis Miliaribus enormes pedem, quo præcise olim loco Podagra, excruciant dolores. Die 24. cum Miliaribus & copiosis, & magnis, valida Febris. Miliaribus jam in facie siccescentibus ad 27. diem febris magna. Decem postmodum dies elapsi sunt; priusquam ultimæ pustulæ exsiccarentur. Rheumatici dolores, Febre & Exanthemate jam evanidis, diu adhuc perstiterunt.

Contagium hæc femina vel jam habuit, cum ad nos duceretur, pustulis in facie rubris tunc jam maculata; vel in Nosocomio, Miliaria ægro mox descripto habente, contraxit. Ceterum, nemo, credo, criticas has eruptiones esse autumabit, qui cum iisdem videt morbi durationem, febrim validam, iudicium imperfectum.

15. Mulier 27. annorum sexta die suæ continuæ ac putridæ febris numerosas acquisivit circum labia pustulas, ut & die 7. Ad finem autem hujus diei siccescentibus illis alba, eaque copiosa, succedere Miliaria ad scapulas, humeros, faciem, ac demum ad brachia universa, die 10. ac 11. pulchre prostantia, 12. numerosiora, 13. in toto dorso atque abdomine conspicua. Die autem 14. hæc omnia rubris Miliaribus plurimis interspersa, tam in priore;

148 DE FEBRIBUS CUM EXANTHEMAT.

quam in posteriore corporis parte, inveniebantur. Die 15. his cunctis rite extantibus valida admodum febris cum cephalalgia per integrum diem intolerabili, ægram vexavit. Die 17. ingentes anxietates adiunt. Cum 19. die examinarem an diuturniore decubitu, licet omnis adhibita cura fuisset, postica corporis haud exoriarentur, vidimus totum dorsum lumbos, nates, crura, pedes, pedumque digitos, confertissimis Miliaribus scatere. Hoc die incipiebant exsiccari, exsiccatio tota brevi successit, integraque sanitas.

Quia eodem tempore cum binis posterioribus ægris hic decubuit, natum contagione Exanthema facile credimus; symptomaticum autem fuisse dies 15. 16. 17. abunde evincunt.

16. Femina Petechiis, antequam ad Nosocomium deferretur, fere enecta, altera die mortua est.

17. Peripneumonicus in Nosocomio casu & neglectu Exanthemata passus, brevique inde curatus, crisi Peripneumoniæ posthac rite absoluta, Tom. 1. hujus operis, ut & alibi, descriptus fuit.

§. II. Ægri ergo numero septendecim spatio sex cum dimidio annorum Petechias, aut Miliaria, aut utrumque, in Nosocomio practico habuerunt, adeoque quinque circiter omnibienio. Pars media horum, Exanthemata, antequam ad me adferrentur, jam habuerunt; pars altera iisdem in Nosocomio practico correpti sunt:

sunt : ergo inibi spatio trium annorum Exanthemata hæc quatuor duntaxat ægris eruperunt. Omnium vero duo tantum fuere , quibus id sponte contigerit ; reliquis quindecim aut contagium , aut prævum regimen , medendive methodus , aut combinatæ hæ causæ , Exanthemata produxere . In nemine vero illorum ea critica fuisse , ipsa cujusque morbi historia abunde evicit . Ad historias autem illas quod spectat , exacte profecto eas ex majoribus Nosocomii Diariis contrahere valui , quod in hisce quidquid ægris nostris omni die quavis hora , singulo momento , contingit , exactissime , amplissimeque , adnotetur : unde etiam fit , ut ipsa hæc Diaria basin ponant dicendorum Medicinæ Studiosis ad ægrorum lectos .

Igitur irrefragabili experientia convictus , assero nemini meorum critica hæc Exanthemata fuisse . Imo si nunquam Petechiis , Miliaribusve laborantes vidissem , & nudam modo horum 17. ægrorum historiam legissem , quo , amabo ! jure criticum id vocarem , quod sæpe diebus neutiquam criticis , sed admodum infidis , contingat ? quod cum morbo & multum , & diu ingravescente , auctoque proinde periculo , fiat ? vel etiam quo erumpente , criticæ evacuationes , in morbis acutis citra Exanthemata consuetæ , æque sufficientes , prodeant ?

Hinc concludo 1^{mo} . Si in aere *Viennensi* , in quo Medicinam facio , adeo rarissima mihi hæc Exanthemata sunt , ut spatio $6\frac{1}{2}$ annorum

vix 17. exempla coram centenis testibus potuerim producere ; si præterea plerisque ægris meis, citra Exanthemata, integræ contingant, felicesque crises ; tunc Exanthemata illa, aliis Medicis adeo frequentissima, critica utique appellari non posse.

2^{do}. Si iisdem acutis in morbis Exanthemata mihi rarissima sunt, in quibus alii Medici ea frequentissima vident, ea sane ab aere, seu nostro, quod vocant climate, neutiquam generari ; at vero potius a certis quibusdam causis, quas ad ea generanda ponere soleant illi, ego autem non soleam. Quænam porro causæ illæ sint, has in *Tract. de Febr. Divis.* satis superque, ni fallor, ex pluribus, imo etiam ex celebrioribus *Germaniæ* Autoribus, demonstravi.

Ut igitur multa paucis dicam, differentia exercendi praxin tanta est, ut differentia in morbis inde necessario generari debeat. Mistura, *Hofmanniana* Practicis *Germaniæ* dicta, eive similis, nunquam adhuc cuiquam nostrorum acuto in morbo, data fuit. Deinde 2^{do}. Pulveres absorbentes, sive testacei, ac præcipitantes, nec non bezoardici, & cinnabarini, nunquam iisdem in morbis in Nosocomio præscribuntur ; puerperas, infantes, & præterea ex centenis forte hinc inde unum alterumve, cui ab acido febris, excipiatis. Tertio Emetica aut Purgantia nunquam adhuc debui principio Acutorum dare. Ita ut *Hippocrates* Aphor. 1-22. & maxime in *Libro de Purg.* sive in fragmento dicto *Heurniano*,

niano, recte monuerit oppido raros esse casus illos, in quibus aut emetico, aut purgante, initio Acutorum, uti oporteret. Quam utique doctrinam in *Epidemiorum* libris, passimque alibi, exemplo confirmavit. Quarto in calida, non renovata, putridis exhalationibus inquinata, atmosphæra, nunquam ægri includuntur, & fere suffocantur, in nostro Nosocomio.

Unde tam certum mihi videtur, quam quod certissimum, Exanthematum frequentiam a quatuor hisce causis positis oriri, ac perennare; & e contrario a Medicina *Hippocratica* eorundem observari raritatem. Hujus observati veritatem partim jam confirmarunt edita, partim brevi confirmabunt edenda in lucem variorum Diaria Nosocomiorum, in quibus demum modernorum hæresin antiqua *Hippocratis* Medicina pepulerit. Merito igitur concludere mihi videor, quamdiu moderni morem obtineant, eos Exanthematum perpetuare crebritatem; eorumque conscientias graviter oneratas manere, tum ea majori molestia, quam suis ægris frustra faceffant; tum graviore periculo, in quod conjiciant eosdem; tum denique multorum strage, quos Exanthema, dedita opera provocatum, quotannis e vivis tollat.

C A P U T VIII.

De Hydropē & Tympanitide.

§. I. *Viri Hydrops ascites cum monstroso Omento, ceteraque Abdominis pinguedine mire degenerante. Varia circa ejus causas, & effectus. Observatio pertinens ad historiam vomitus, qui secundum communes Pathologiæ leges inevitabiliter hic adesse debuisset, adesse tamen haudquaquam potuit.* §. II. *Hydrops femine cysticus, ascitesque, Abdominis; una cum hydropē pectoris, & inferioris corporis intercute. Saccus ex Ovario ipso, ejusque Hydatide, ortus, ventrem explens fere universum.* §. III. *In alia muliere Hydrops & cysticus, & ascites: saccus autem tam ab Ovario, quam a toto sinistro uteri latere, natus, in eoque una cum aqua aer contentus. Parvus admodum Thorax; pulmonumque pars notabilis aquæ, in quam injecta, fundum petens. Ad trinos hos casus impossibilitas Parisinos imitandi ostenditur.* §. IV. *Ostendit idem historia Hydropicæ ex Tom. I. resumta, atque in præsentem diem producta.* §. V. *Prosecutio alius exempli ex Tom. I. curam cystici tumoris, naturam viam monstrante, enarrantis.* §. VI. *Tympania improprie dici potest Aqua, & Aere, gigni; unde Veterum quorundam, id ita affirmant.*

DE HYDROPE ET TYMPANITIDE. 153
*mantium, mens intelligitur: quævis eo incassum
alio potius, quam Tympanitidis nomine, mor-
bus insigniendus esset.*

DE hoc argumento fuse egi Tom. I. cap.
31. variasque curandi methodos exami-
navi, ut constaret qua demum ratione ejusmo-
di calamitates sive percurare nonnunquam, sive
saltem tolerabiliores reddere, possimus. Verum
cum proxime elapsus Academicus annus novas
suppeditaverit, easdemque notabiles admodum,
observationes, operæ precium erit hæc nunc
recensere, fusiùsque differere super hac quæ-
stione.

§. I. Scriniorum faber 36. annos natus, sa-
nus perpetuo, vino licet deditus, calidissimo
die 25. Julii 1759. domicilium mutans, trans-
ferenda suppellectili plurimum occupabatur,
gelidam procul dubio plurimam ingurgitans.
Nocte insequente collo, lumbisque, dolere,
simulque tumere ventre, cepit. Variis remediis
frustra usus, ad *Fratres Misericordiæ*, mense
Novembri, se contulit. Hydrope intra octidi-
uum immense crescente, libras medicas aquæ
limpidæ, flavæ, utcumque flocculentæ 68. Pa-
racentesi eduxere: renato autem subito malo,
48. libras, elapso vix a prima Paracentesi
octiduo, iterum evacuarunt.

Ventre hinc egregie depleto, expertissimus
hujus monasterii Medicus D. *Guarin* minitantem
morbi reditum aptis semper retudit medica-
tis.

tis. Interim manifesto deprehendebantur in ventre tumores, qui prominentes globos hinc inde referrent. Perpetuosque fere & dolores & ardores miser, ad umbilici regionem, conquestus est. Unde demum collapsis viribus 13. Dec. periit.

Fratres Misericordiæ lymphæ 2. aut 3. ut putant, mensuras cavo abdomine eduxere: cum vero ceterum totum inibi confusissimum cernebant, attulere mihi exemptam totam quantam viscerum ventralium molem, cohærentem ita, ut in corpore fuerat. Cujus en publice factam Anatomem.

Ingens ventriculus adparuit, lieni arcte connatus; hepar autem mediocre. A fundo autem ampli, latique, ventriculi, durum, crassumque scutum nascebatur, universum explens abdomen, usque in latera, imaque pelvis; viscerum proinde omnium conspectum velans, peritonæo hinc inde connatum. Eodem elevato intestina nuda patebant. Ut manifesto constaret ingentem hanc molem degenerans Omentum esse. Accuratiore examine patuit substantiam ejus constare tuberculis innumeris, majoribus minoribus; hinc omnino informem, & inæqualem; lamellis Omenti ambabus, intime connexis, constantem. Cartilagineam naturam plura tubercula induerant. Parvumque ita *Winslow* dictum Omentum pariter degenerans, cum Omento magno, cum gibbo ventriculo, cum cava hepatis regione, ante sinum venæ portarum, intime con-

cre-

DE HYDROPE ET TYMPANITIDE. 155
creverat. Pondus autem Omenti totius $5\frac{1}{2}$ libra-
rum fuit.

Omnes præterea productiones adiposæ, quæ,
totidem Omentulorum instar, ad Colon, Re-
ctumque, enascuntur, eodem modo degenera-
verant; ad Rectum vero adeo, ut inde tota
pelvis repleta cerneretur.

Mesenterium, ac Mesocolon, iisdem quidem
tuberculis scatebant, sed aliter dispositis; ra-
mosis nimirum; eumque productis in modum,
quo in fodinis, vel subterraneis specubus, Sta-
lactica.

Sub duro Omenti tegmine compressa loca-
bantur, interque sese ligamentis, facile tamen
dilacerandis, connata Intestina. Omnis pingue-
tudo, quæ tria ad hepar ligamenta comitari so-
let; omnis ea, quæ vesicæ felleæ, eiusque du-
ctui, circumfusa cernebatur, nil nisi similem
induratum, atque globosam, referebat substan-
tiam. Pylorus intus bonus, exterius tumorem
gerebat, qui & durus, & semicircularis, & plus
quam tres digitos latos crassus, inventus est.
Diaphragma tota sua inferiore facie duos hos se-
baceos tumores, semidigitum crassos, gerebat.

Suspicaretur fere calore nimio fusam Omen-
ti, Ventrisque pinguedinem, subito frigore, dum
vespere a laboribus quiescebat homo, ad ven-
trem externum admissio, frigore quoque potus
gelidi intro suscepto, coaluisse, induruisse, in
irresolubilem hæc massam abivisse; sensimque
appulsis humeribus auctam esse; atque hinc po-
sitam

fitam demum, quod in ejusmodi degenerationibus affolet, Hydropis causam fuisse. Utique dies fuit totius æstatis calidissimus, thermometro post meridiem in loco a reflectione radiorum immuni 90. gradum notante. Si in tanto calore ponderetur labor, quem vehementem, quem continuum, sustinuerit, & conferatur cum observatione *Ruyschii* fulam a motu pinguedinem in equo describentis, conjectura verisimilitudinem adipiscitur.

Nunquam, quod notandum, homo in hoc morbo vomuerat. Attamen præter alias vomitus causas, irritatio perpetua Ventriculi, tum & Pylorum premens, arctansque moles, vomitum frequentem, ac vehementem, ex iterata experientia anatomica, excitare debuissent. Verum in hoc homine Ventriculus & utrinque, & toto fundo suo, tam duræ, tam crassæ, tamque ponderosæ massæ, adeo intime adnatus erat, ut videretur, ne a fortissimo quidem Emetico in convulsivos vomendi motus contrahi, agitarique, potuisse. Bilis in Cystide copiosa, aurantia, tenax.

§. II. Mulier 52. ætatis annum agens, adhuc menstruans, a 12. retro annis tussi vexata, alvo perpetuo segnis, curat sibi pro consuetudine majali venam tundi, ex eoque tempore fluore menstruo caruit. Brevi postea dolorem in Hypogastrio quidem toto, sed sinistro ejus in latere intensiorem, percepit; ut ultra in illud incumbere nullatenus posset. Crevit sensim

sim abdominis moles, ita tamen, ut cutis & muscoli semper flaccidi manerent, prehendique ac complicari, possent, præterquam ad umbilicum. Dolorem deinde in dextro hypochondrio conquesta est, versus costas ac ventriculum se extendentem; qui tamen posthac minus observabatur. Quinque septimanarum spatio ventrem ego sæpe sollicitè tangens, dura omnia deprehendi, præcipue utroque Hypogastrii in latere; fluctuationem vero liquoris nunquam. Tandemque contigit, ut dum incederet per plateam, acutum sinistra in abdominis parte dolorem, cum quodam dilacerationis sensu, perciperet. Ex illo die manifesta humorum undulatio ab utroque umbilici latere in Epigastrio potissimum, percepta est. Jamque integumenta, & muscoli abdominis, olim adeo flaccidi, vehementer tensi, expansique observabantur. Ventris crurumque Hydrops intercus hisce se junxit.

Qui cysticus olim Hydrops fuerat, eum nunc, dilacerato sacco, Asciten produxisse rati, ad Paracentesin devenimus, apertura solito altius facta; quia infra nulla undulatio, sed magna potius durities. Unde nobis videbatur callosus, crassusque saccus, licet infirmiore quadam plaga crepuisset, multisque esset evacuatus aquis, tamen dura sua mole, lymphæ forte multa adhuc circa ejus fundum existente, hanc efficere hypogastrii duritiem.

Paracentesis 7. Nov. 1759. instituta, 22.
pro

158 DE HYDROPE ET TYMPANITIDE.

propemodum libras medicas fusci, turbidi, spissi liquoris eduxit. Ventre inde plurimum evacuato, femina veluti reviviscere tridui spatio visa est. Verum brevi adeo tempore liquor undulans recrevit, ut propter anxietates auctas, suffocatamque respirationem, cogeremur 31. Nov. repetere Paracentesin: qua tamen haud ultra 16. libras educere potuimus.

Vix inde perceptum solamen, quod anxietatum alia longe, quam olim, se causa prodiderit. Decubitus in dextrum latus commodior, subita a primo somno excitatio, & suffocans eo tempore anxietas, Hydropem dextri thoracis lateris innuerunt. Ita tamen, ut sinister thorax haud omnino ab aquis videretur esse immunis: diutius enim in dextrum latus jacentem suborta nonnunquam nova anxietas in sinistrum latus convertit.

Diuretica & ante, & inter, & post Paracenteses, cujuscunque generis, etiam varia Purgantia, nullam opem tulerunt. Exigua alvus, & pauca atque lateritia dicta urina, tantum prodierunt. Conamina nostra ad aquas exulceratis, aut scarificatis cruribus educendas, palliarunt quidem aliquantisper, symptomata autem non abstulerunt. Ad 15. Jan. 1760. obiit.

Cadaveris venter valide fuit, æquabiliterque, tensus. Aperto prudenter Peritonæo, corpus ingens, fuscum, durum, totum quantum explebat abdomen, ab ima pelvi, ad usque lienem & hepar. Idem illud, variis in locis, expansio-

fionibus firmis, membranosis, firmis, membranosis, & adiposis, cum Peritonæo concreverat, præsertim circa umbilicum, & in eadem cum umbilico latitudine, sinistro in latere, idque transversim, latitudine quatuor digitorum; deinde & per tres, quatuorve digitos deorsum, ut cum prima transversa adhæsione angulum fere rectum componeret; etiamque hinc inde ad latus dextrum.

Examine eo usque producto patuit vel Ovarium dextrum esse, vel ex Ovario Hydatidem natam, quæ totam hanc expansam molem produxerat; intus plenam subrubra aqua, quæ 24. libras ponderabat, quæque igni imposita, in scissilem abibat materiem. Saccus porro totus facie sua interna mire exulceratus, & hinc tuberculis, seu sebaceis, illinc ichorosis, iterumque alibi cartilagineis, aut etiam saniosis, plenus.

Quod vel Ovarium, vel ex eo natam Hydatida, hunc saccum formare dixerim, id ideo dixi, quod ambigui hæserimus utrum corpus quoddam, quod ad sacci radicem inveniebamus, Ovarium ipsum, an vero separatus parvus saccus esset? Sinistrum Ovarium in varios degeneraverat tumores. Uterus mutatus fuerat in duram substantiam, eamque carnosam, & difficulter perscindendam; crassam adeo, ut vix in utero cavitas, nisi prope ejus orificium, superesset.

Univerſa pene Intestinatorum moles versus li-
nem

nem trusa erat. Ventriculus pro more ingens ; cum is, compressis adeo intestinis, vehementer distendi, inflarique, soleat.

In thoracis scavo dextro rubicundior adhuc aqua, quam ea, quæ in magno sacco hæserat, ad trium librarum pondus inerat, verum non ut illa, in duram massam ad ignem mutabatur; pauca namque pellicula superstite evaporabatur tota. In sinistra thoracis camera, in qua aliquam, sed copia minorem, aquam, vivente fœmina, suspicati eramus, nulla aqua inventa est. Pulmo lateris dextri vix mediam ejus altitudinem occupans, adparuit condensatus, ac veluti ad ignem crispatus Idemque inferiore sua tota media parte, dum in aquam coniiceretur, ejus fundum petebat; innatabat vero superiore. Interna pulmonis substantia sat bona, sed lata ejus in dorso cum pleura cohæsiō.

Tota superficies inferior Pulmonis, Pleura, Diaphragma, Mediastinum, id est, quævis partes aquæ contiguæ, plenæ fuere tuberculis variæ magnitudinis, semiscirrhosis, purulentisve, aut saniosis. Lien quadrifariam, profundaue incisione dentatus; durus. Hepar albescens & compactum. Vesiculæ bilis profundissime tinctæ copia duas pondere uncias superabat: ineratque vesiculæ calculus, quadrangulus fere, trium linearum diagonalem habens, spiculis innumeris, ac parvis, splendidisque lapillis concretus, exusto carboni rudioris adspectu haud ab similis.

Nulla

Nulla feri in encephalo redundantia, & quæ pauca aderat ventriculorum anteriorum lymphæ ad ignem non coaluit.

Ex historia morbi, & sectione cadaveris, id videtur colligi oportere, quod mulier ista primum Hydropem cysticum passa fuerit; quod deinde saccus parva quadam in plaga creperit, & Ascitem effusus produxerit aquis; deinde quod paracenteses aquas Ascitis duntaxat eduxerint; præterea quod lapsu temporis concidentis sacci apertura, cujus vestigium invenire non potuimus, consolidata fuerit, sicque regenerata aqua sit, quæ saccum in eam, quam in cadavere deteximus, extenderit molem. Probabileque admodum, eam sacci crassitiem impedivisse, ut vel morbi principio, vel sub finem ejusdem, undulantem perciperemus Lympham. An ideo, quod femina a 12. retro annis sicca, eaque valida tussi laborasset, Hydrops thoracis eo, qui abdominis, longe annosior? Nunquid, quod posteriore anno menses adeo irregulares, ac paucos, habuerit, & tamen Plethorica existeret, uterinum systema obstructum, atque induratum, habere ceperit?

§. III. Sub idem tempus aliam, quinquagenariam suscepi, quæ bona semper, ut aiebat, valetudine usa; nisi quod febre intermittente, seu quotidiana, seu tertiana, laborare consuevisset. Quas quidem febres largiore vini potu, quem impense amabat, semper se dispulisse asseverabat. Catamenia tarde incepta, maturius

finita, pauca perpetuo & irregularia, habuit. Quinquennium elapsum esse ajebat, ex quo semel urinam mittere, præ adstantium verecundia virorum, impediretur: elapsis aliquot deinceps horis se ventre doluisse, urinam vero, quum mittere gestiret, nullatenus mittere potuisse: fomento tamen ad Hypogastrium vespere adhibito paucas reddidisse guttulas: remediisque postera die a Medico acceptis iterum guttatim eam prodiisse, postea autem sensim abdominis tum tumorem tum dolorem se percepisse. Adjungebat porro elapso ab illinc mense se, vehementer sitientem, copiam gelidæ immensam hausisse; cumque tota insequente hyeme admodum siticulosa foret, plurimum bibendi necessitati parere se debuisse; nec unquam nisi stranguiose reddere potuisse urinam.

Porro ventris mole crescentis extensionem, eo usque æqualem, ut ait, perceperat; cum vero plurimorum Medicorum opem frustra esset integro triennio experta, & tandem Decoctum Juniperi diu assatimque hausisset, ventrem quidem multum concidisse, sed etiam admodum inæqualem tactu, figuraque, redditum esse prehendebat: relicto autem eo Decocto, advertit antiquam ventri molem, antiquam rediisse æqualitatem.

Ex hac sæpe repetita, eodem semper modo enarrata, ac confirmata Anamnesi, conclusimus cysticum Hydropem adesse; cujusnam visceris incerti quidem, probabiliter tamen obstructio-

ne

ne systematis uterini natum; eique demum ascitem junctum esse. Quippe Catameniorum modus hoc ipsum systema dudum laborasse indicaverat nobis: annosusque vini abusus, frequentiores quoque narium hæmorrhagiæ ad causam proegumenam accedentes, morbum præsentem gignere potuisse nobis videbantur; ita tamen, ut continuus aquæ abusus eundem vehementer auxisset.

Urinofusne Hydrops forsan non fuerit si quis suspicetur, respondeo Hydropem urinofum celeriter perimere, hunc vero jam integro perstitisse quinquennio. Sed præterea Hydropis causæ pridem in corpore extitere, antequam urinæ retentio nasceretur.

Decoctum Juniperi multam sane ascitis lympham diuresi eliminavit, quum venter ita detumesceret; sed ascite evanido cysticus Hydrops cum omnibus suis tumorum inæqualitatibus eo manifestior adparuit. Confirmavit hanc phænomeni hujus explicationem ventris renato ascite æquabilitas.

6. Nov. 1759. Paracentesi eduximus 56. libras liquoris, qui fuscus, atque instar potus Chocoladæ spissus deprehensus fuit, integraque septimana asservatus non fœtuit; igni autem a principio eductionis impositus, pauca sui massa coagulabatur, plurima sui parte in auras evanuit. Principio, ut fit, ab operatione recreata, viribus solito citius decrevit, perpetuisque tum anxietate, tum pertinaci diuturnoque singultu,

19. ejusdem mensis obiit.

Venter monstrose inflatus. Musculi abdominales tenuatissimi. Peritonæum denso cum sacco, in cavo ventre contento, hinc accretum, illinc liberum. Sacco levi vulnere pertuso, mox venter, flatu sibiloso erumpente, multum detumuit.

Saccus ex ima pelvi supra umbilicum, ac per totam ventris latitudinem adscendens, fundo suo terminabatur latis circiter quatuor digitis infra cartilaginem xyphoideam. Omentum supra saccum sub hepate locabatur, & hinc inde ad ejusdem lobi majoris crepidinem, tum & ad totius sacci fundum, adhærebat, & connatum erat. Thorax minimus fuit, nam hepar tam alte sub costis recondebatur, ut gibbo suo ultra tertiam (ducto a superioribus numero) adscenderet; eodemque modo diaphragma medio fui. Cellulositate quidem facile dilaceranda sacculus pluribus in locis cum peritonæo connexum; ad latera vero, & in Ilibus, ligamentosis productionibus, non nisi cultro separandis, cohæsit. Origo ejus ab Ovario sinistro, totaque uteri sinistra parte; fundi sui postica plaga cum intestinis tenuibus unitus ope ligamentorum membranosorum, non tenacium, sed digito facile solvendorum. Tenuia intestina omnia fere in Epigastrio sinistro convoluta: suo Colon loco. Jamque inguine dextro, iisque cunctis in locis ubi sacculus a cohæsiōe cum peritonæo liber, ac toto abdominis cavo, ascites erat. Aqua
ascitis

ascitis minime foetens; ea autem sacci, sulca & foetida fuit. Ipse autem sacculus inæqualiter crassus, intus tuberosus, saniosus, semipurulentus, tota sua interna substantia. Aer, qui sibi-
lo exiverat, ad anteriora sacci locatus fuisse videtur, hincque, facto vulnere, exitui aptus. Substantia sacci hic semilineæ, ibilineæ, alibi 2. 3: linearum; in latere vero sinistro digiti, imo pollicis, crassitudinem inæqualem ac tuberosam, habebat.

Circa uterum nihil non confusum. Examine tamen patienter instituto, patuit Ovarium ipsum, dum extendi inciperet, cum laterali uteri superficie cohæsisse; Tubam Falloppianam implicuisse sibi, eandemque ad sesqui spithamæ longitudinem extensam, secum duxisse, sic demum occupasse ventrem fere totum. Habebatque ad suam originem appendiculum, aqua similiter repletum. Dextrum Ovarium diametri sesquipollicis, lymphæ gelatinosa repletum erat.

Igitur Paracentesi eductus fuit liquor turbidus, non foetidus, in cavo abdominis faciens; qualis etiam a morte ibidem deprehendebatur. Libere enim effluere sub Paracentesi potuit e locis a cohæsione cum peritonæo liberis. Hincque factum, ut etiam in vivente undulatio perciperetur aquarum.

Docent porro hi tres casus, me, *Tom. I. Rat. Med. cap. 31.* haud immerito aliquas, easdemque haud leves, adnotasse difficultates, in exsequendo erudit. *Parisi. Chirurgorum*

gorum systemate, quo statuerant, eductis Paracentesi aquis, vulnus insigniter dilatandum esse, apertumque servandum; ut & omnis posthac renascens liquor, abdomen alioquin iterum extensurus, inde extillaret perpetuo, & saccus ita concideret, complanaretur, convolutusque concreceret, ut deinceps ultra extendi nunquam posset.

In I. enim historia Hydrops renascens præcaveri quidem potuisset, lata servata ventris apertura; sed Omentum ita monstruosum non modo inde mutatum non fuisset, sed aeris al-lapsu in sphacelum dirum, subjecta sibi omnia destruentem, abivisset.

In historia II. & III. saccus in Paracentesi percussus non fuit: percindendus ergo fuisset. Ecquis vero pollicis forte densitatem offendens, nescius proinde quid forte percinderet, cultro penetrare ausus fuisset? Haud enim id in vita, ut quidem in cadavere, illico patescit. Nec concidisset saccus, sustentaculis quippe & adhæSIONIBUS validioribus cum peritonæo cohærens. Quid vero in substantia ulcerosa, scirrhusa, saniosa, adeo crassa, vulnus effecisset? Quid demum aer? Dira certe carcinomata, quæ mutus binorum pendentis sacci laterum affricus auxisset vehementer. Quodsi demus aperturam forte fortuna in tenuiore sacci substantia, ut latis in plagis antè, postèrèrat, penetraturam fuisse, quid inde non timendum ab Intestinis? Compressa hæc olim, jamque liber-

tatem

tatem nata, & flatibus distenta, aut colicis expansa doloribus, versus locum minime resistentem, saccum, seu ejus parietem posteriorem, protrudere, extrudere, & ventrem extra ventrem, monstruosamque formare Herniam, potuissent. Mitto nunc, quæ de degenerascente Ovario excindendo, etiam ab iisdem claris viris proposito *Tom. 1.* dixi. Utique in tertio hoc exemplo patuit Ovaria; dum extendunt se se quandoque utero primum adplicari, eidemque arctissime uniri; Ovarii proinde extirpationem majoribus difficultatibus premi, quam quidem theoretica ejusdem contemplatio suggessisset.

§. IV. Prosecutio historię mulieris, de qua *Tom. 1. cap. 31.* difficultates confirmate easdem. Sic enim res nunc cum illa se habet. Tumor abdominis post Paracentesin semper recreverat, undulans nunquam. Hydragoga vitam hyeme præcedenti, bonaque veris parte, tolerabilem ipsi reddiderant. Maji vero 10. proxime elapso, motum exercens validum, pondusque elevans, crepitum in ventre percepit, veluti quid intus sibi dilaceraretur, simulque subitum ventris incrementum. Fluctuationem nunc manifestam iterum deprehendebamus.

Ut anno præterito præter cysticum tumorem habuerat ascitem, Paracentesi eductum, ita etiam nunc, vel sacco ipso vi lacerato, ut in historia II., vel alio tumore hydatico rupto, ascitem adesse rati, 14. Maji Paracentesi eduximus libr. 20. liquoris turbidi fusci, tenacis, haud scetentis,

vix imminuta abdominis mole. Unde potius alterum a primario sacco disruptum ea vi fuisse credimus, cum primarius ille, intra octiduum a percepta dilaceratione, æque magnus, extensusque, quam olim deprehenderetur. Liquor eductus successit in gelatum, quod lumini admotum pellucet, & in liquorem fuscum, fere limpidum, qui ad ignem omnino coagulatur. Toto eo tempore notavimus ejus urinas nunquam habuisse lateritium sedimen, ut alias id hominum genus habet; sed tale, quod a bona in acutis hypostasi haud facile interstinguas.

Post hanc Paracentesin aliud quid, præter descriptam formam, extensionemque, venter notandum exhibuit. Circumscriptus quippe tumor ab Hypogastrio ad umbilicum, & ultra, extensus, durusque idem, atque ovalis, deprehenditur; haud sane aliter, ac si ultimam graviditatis metam attingeret. Maritata cum sit, graviditatis datur una cum Hydrope, tum cystico, tum ascite, possibilitas. Id vero incertum. Casus famosus *Drelincurtii*, cum similem etiam *Tom. I.* descripsi, abunde evincit uterum posse, dum privato turgēt Hydrope, simulare graviditatem. Tempori utique hoc concedendum. Interim præter alias sufficientes rationes haud imitandi *Parisi*nos, nova hæc nobis, eaque urgens sane ratio, saccum haud aperiundi, sistebatur.

Dies interim docuit diem. Elapsis nunc fere quinque mensibus, dum hæc sub prælo sudant, ex quo subdubitare ceperimus, mutatio figuræ,
incre.

incrementumque abdominis, plane arguunt, personatam graviditatem fuisse. Quamvis igitur graviditatis metus haud existat ultra, subsistunt tamen graves aliæ rationes abstinendi a cura proposita.

§. V. Anno proxime præterito innueram casus nonnunquam dari, ubi id ipsa per sese natura facit, quod in proposita methodo & difficile deprehenderamus, & periculosum, & sæpe impossibile. Videatur hist. mulieris *Tom. 1. cap. 31.* quæ scilicet in graviditate, præcipueque deinde a partu, ab umbilici dextro latere tumorem gerebat, qui manifestam puris, arctiore spatio contenti, fluctuationem exhibens, aperiebatur, pusque copiosum per multos dies fundebat, cum imminuta duritie, & ceteris bonis inde sequentibus signis. Quandiu potuimus, locum in illa servavimus apertum, quia purulentus sacculus peritonæo accretus esset detegebatur, nec admodum magnus ille, ut stylo flexili & incurvo patebat. Mense Octobr. & Nov. 1759. vulnus sponte coeuns, aliquoties dilatavimus, eo quod superstitem duritiem deprehenderemus. A partu, qui ineunte Junio contigerat, defuerant menses; finiente vero Octobri rediere; ex eoque gravida facta, mense Augusti 1760. feliciter peperit. Locus affectus sine ulla duritie relictus, aut tumore, coivit. In ejusmodi casibus verum illud Manilii: *Artem experientia fecit, Natura monstrante viam*: præter naturam magistram, res semper periculosa admodum alex.

§. VI. Antequam hoc caput finiam, unum monendum habeo. Tom. I. de Tympania agens, in eorum sententiam abivi, qui aeri soli, eique intestinis cavit contento, adscribant eandem. Quippe capta in cadaveribus experimenta, præter *Dureti & Littræi*, aliorumque, auctoritatem, eo me adduxerant. Historia tamen III. hujus Capitis, demonstravit posse ex putrido liquore aera in sacco gigni, pertufoque sacco exire sibilando. Ergo si Veterum nonnulli simile quidpiam forte observantes Tympanitidem dixerint aqua & aere gigni, hancque partim aeream, partim aquosam, haudquaquam in Intestinorum cavo, sed in ventre, contineri, non est quod obloquar. Verum enim vero nec in vita, nec in cadavere, hic, de quo agimus, morbus, ipso Tympanias nomine recensendus venit, si totam ejus historiam attente pervolvamus. Utique nulla in eo Hydropis ficci signa



C A P U T IX.

De Hydrope Pectoris.

§. I. *Signa & Symptomata morbi ex Hipp. Sequentium ævorum Scriptores parum aut nihil ejus meminerunt. §. II. Sæculo autem XVII. ut & præsentì, plures de eo ex professo egerunt. §. III. Dia nosis & curatio ex autoribus formantur. Ea occasione Paracentesis tum in genere, tum ea Thoracis in specie, examinatur, ac remediis ceteris præstantior declaratur Inquisitio fit quibusnam, & quandonam, profit. §. IV. Examen evacuationum in Hydropicis per Cauteria, Scarificationes, Vesicantia, &c. & qua lege usui venire queant. §. V. Problema proponitur cur laudata in Hydrope pectoris Paracentesis adeo raro instituta fuerit, adeo raro adhibendum instituat? Responsum petitur ab inchoantis morbi incertitudine, & a rebus ejus, dum probe cognoscitur, conclamatis. §. VI. Fallacis morbi historia practica traditur, qua dicta probentur. Incertitudo signorum ejus probatur historia Hydropica, multisque aliis practicis exemplis Confirmatur ulterius alia historia notabili, & sectione anatomica. Conclusio medica.*

§. I. **F**emina, de qua Cap. proxime superiore actum, præter Hydro-
pem

pem cysticum & asciten, Pectoris quoque Hydro-
pem habuit. Hunc, vivente ea, dudum suspica-
ti eramus, ut ibidem innui. Attamen quæ si-
gna pathognomica morbi vocari solent, non
aderant omnia; & quæ etiam in eadem Hydro-
pem sinistræ thoracis cameræ indicare videban-
tur, nos plane fefellere. Fallacem sane morbum
plura nobis experimenta jam evicerant; ita ut
eum incertissimorum morborum in classe locari
oportere, cum Auditoribus meis sæpius doluerim.
Quum tamen adeo & frequens morbus sit, &
difficulter cognoscendus, operæ precium erit eum
ab incunabulis repetere, adeoque examen istituere
quorumvis signorum, quibus cujusque ævi Scri-
ptores Medici illum nobis depinxerint, cognos-
cendumque, ut indubie præsentem, dederint.
Inquiram deinde num incipientis morbi signa
propiora artis usus forte non suggerat? Ex
omnibus præcticas regulas deducere conabor.

Ad signa morbi tum communia, tum patho-
gnomica examinanda ab *Hippocrate* ordiri con-
venit. *Lib. 2. de Morb.* pag. apud *Foes.* 483.
Tom. 1. apud Charter. Tom. 7. pag. 575. vo-
catur morbus Ὑδρῶς πνεύμονος. „ Si Hyde-
„ ros, inquit, in pulmone nascitur, febris, &
„ tussis, vexat, confertim respirat, pedes intum-
„escunt, ungues omnes contrahuntur, &
„ iisdem, quibus suppuratus, afficitur; verum remis-
„sius, ac diutius. Quod si Infusum, aut fomentum, aut
„ Suffitum adhibeas, pus non sequitur; inde-
„ que cognoveris non pus, sed aquam intus
„ esse.

„ esse. At si diutius aure ad latera admota au-
 „ scultaveris, intrinsecus velut acetum olet. Et
 „ aliquandiu his afficitur, sed postea in ventrem
 „ erumpit: confestimque sanus, & morbo li-
 „ beratus esse videtur. Verum procedente tem-
 „ pore venter incenditur, eademque illa, &
 „ graviora patitur. Quibusdam etiam venter &
 „ scrotum & facies, intumescit. Et nonnulli istud ab
 „ inferiore alvo, provenire existimant, cum
 „ ventrem magnum, & pedes tumere, videant.
 „ Quæ certe intumescunt, ἢν ὑπερδύλλης τὸν
 „ αἰσχρὸν τῆς τομῆς, si sectionis tempus oppor-
 „ tunum prætervideris.

Libr. de Aff. int. apud Foef. Tom. 1. pag.
 544. & 545. *apud Charter. Tom. 7. pag. 655.*
 656. morbi descriptionem & curationem eodem
 modo, sed fusius, prosequitur. „ Hic Hydrops,
 „ ait, ex his oritur. Quum æstatis tempore,
 „ siti premente, copiosam aquam biberis, quan-
 „ doquidem inde maxime gigni solet, & pul-
 „ mo expletus fuerit, rursus in pectus dimit-
 „ tit. Quumque in pectore extiterit, vehemen-
 „ tem ardorem excitat, ita ut pinguedinem,
 „ quæ in arteriis inest, liquefaciat. At si semel
 „ pinguedo multo magis liquefiericeperit, Hy-
 „ dropem brevi efficit. Gignitur etiam ubi tu-
 „ bercula, φύματα in pulmone exorta fuerint,
 „ eaque aqua repleta in pectus eruperint. Quod
 „ etiam a tuberculis oriatur Hydrops, mihi ar-
 „ gumento sunt Boves, & Canes, & Sues. In
 „ his etiam quadrupedibus maxime pulmonis
 „ tuber-

„ tubercula oriuntur , quæ aquam continent .
 „ Sectione namque facta id illico cognosces ;
 „ aqua quippe effluit . Talia autem multo ma-
 „ gis in homine , quam in pecoribus fieri vi-
 „ dentur , quanto morboſa magis etiam victus
 „ ratione utimur . Plerique vero exortis tuber-
 „ culis purulenti etiam extiterunt .

„ Hæc igitur per initia oboriuntur morbo :
 „ tuſſis ſicca , & fauces exaſperari videntur , &
 „ rigor & febris ſuccedit , & orthopnoea ; cu-
 „ tis corporis tumefit , tument pedes , unguis
 „ contrahuntur ; & quandiu quidem in ſuperio-
 „ re ventre Hyderus extiterit , extat acutus do-
 „ lor : cum vero ad inferiorem ventrem deve-
 „ nerit , melius habere videtur : deinde progre-
 „ diente tempore impleto ventre , ea quæ prius
 „ patitur . Interdum vero ad latus tumefcit , &
 „ qua parte ſecandum ſit , indicat . Quod ſi
 „ non indicet , multa calida lotum , humeris
 „ comprehenſum , concutito , deinde quoniam in
 „ latere materia magis fluctuat , auſcultato .

Hippocrates igitur cauſam Hydropis Pectoris
 deducit 1^{mo} . ab aquæ potu , & nimio , & ce-
 leriter ingurgitato . 2^{do} . A ruptis pulmonum
 tuberculis , (Hydatidibus) quæ , ſi verſus ex-
 ternam pulmonum ſuperficiem perrumpuntur ,
 ſuam utique lympham in cavum thoracis ef-
 fundunt .

Morbi ſigna & ſymptomata ait 1^{mo} . Tuſſim
 ſiccam . 2^{do} . Faucium raucedinem . 3^{tio} . Rigo-
 rem . 4^{to} . Febrim . 5^{to} . Respirationem citio-
 rem

rem. 6^{to}. Orthopnoeam. 7^{mo}. Totius corporis, pedumque præsertim, Hydropem intercutem, seu ἀνὰ σάρκα 8^{vo}. Thoracis dolorem. 9^{no} Hydropem ventris, cum remissione omnium symptomatum, quum pectus ad tempus evacuetur. 10^{mo}. Recrescente pectoris lymphâ, quod ejus sit scaturigo perennis, tunc ascitem ultra non levare morbum pectoris. 11^{mo}. Unguium curvationem, qualis fieri solet suppuratis: addit & alia suppuratorum signa, quæ mitius tamen ait, & diutius, ipsis evenire. 12^{mo}. Absentiam sputi purulenti, etiamsi medela ad sputum provocandum adhibita sit.

Symptomatum horum plura etiam signa vera morbi sunt, sed addit *Hippocrates* aliud quid. Hominem nempe in sedili collocatum humeris valide concutit, movetque; ut sic aure mox ad latus admota, undulantem percipiat aquam. Addit pro alio signo, *Lib. 2. de Morb.* quod eadem pectoris aqua, dum sic aurem pectori admovearis, veluti acetum olet.

Errone aliquis hic exemplariorum? *Foesius*, & *Charterius*, & *Lindanus*, hic legunt ὀρεῖ, *Cornarius* vero ζέει, nempe, *fervet*. Juxta hoc exemplar sensus bonus est, non vero lectione alia. Nunquid enim *Hippocrates* juberet non nares, sed aurem, pectori admove-re, ut odorem aceti perciperemus? Sed si *fervere* intellexit, tunc aurem admove-re opportune præcipit.

Cum magnus *Hippocrates*, adeo in ceteris
Laco-

Laconicus, judicaverit hunc morbum adeo fufe describi oportere, expectare quis posset *Galenum*, *Celium Aurelianum*, *Aretæum*, posteriorumque ævorum scriptores, & fufos, & perspicuos esse, cum de eodem agunt. Sed nihil minus. Plures in transitu meminere illius; nonnulli ne meminerunt quidem. Quo quid in obvio adeo morbo mirabilius? *Platerus*, *Hollerius*, *Goræus*, *Capivaccius*. *Hier. Mercatus*, *Sallius Diversus*, *Jacotius*, *Ballonius*, *Durerus*, &c. obiter modo de Hydrope pectoris locuti sunt, eorumque, quæ adeo fufe *Hippocrates*, signorum pauca modo raptim tetigerunt: unde concludere nos cogunt morbum ipsis minus in viventibus ægris, quam in denatorum cadaveribus, patuisse. Idemque judicium sit de *Cardano*, *Coitero*, *Donato*, *Cratone a Crastheim*, *Casparo Baubino*, & reliquis omnibus, ex quibus optimus *Schenckius*, utilissimas suas adornavit collectiones.

§. II. Ineunte autem Sæculo XVII. tres magni in arte Viri simul hoc argumentum pro aliqua ejus dignitate tractarunt. *Prosper Martianus*, Romæ; *Carolus Piso*, Nanceii; *Daniel Sennertus*, Wittenbergæ. Paulo post etiam *Lazarus Riverius* utcunque fufe de eodem egit. *J. B. Helmontius*, quanvis de eo parum habet, in tractatu tamen, qui vocatur *Ignotus Hydrops*, & morbum in ægri vita præsentem cognovisse, & in cadavere demonstrasse, videtur. Post illum *Sylvius de le Boe*, & cum *Lowero*
Willi-

Willisius, ex professo de eodem egere. Plures tamen post illos, ut *Juncken*, *Etmuller*, &c. solo vix nomine morbum recensuerunt. Egregius *Wepferus* *Libr. de Affect. Cap. Obs. 60.* anatome potius illum, quam ægro vivente, cognovisse videtur: cumque ipsemet hoc morbo laborasse post mortem inveniretur, minustamen id credidisse legitur apud *Brunnerum*, eo quod urinam egregie redderet, matutinisque gauderet sudoribus. *Wratislavienses N.C. Medici* ad *Ephemeridas* suas ann. 1699--1702. Tractatum de Hydrope Pectoris adjecerunt, in quo ejusdem causas, signa, curamque, erudite tractant. Exinde *Academia N.C. Paris. Lond. Edimb.* varia ejus dedere exempla: Immortalis *Boerhaave* *Cap. de Hydrope §. 1219.* Hydropem hunc describit Empyemati multis signis similem, sola causæ antecedentis observatione ab illo discriminandum. Nobiliss. *Russiæ Archiater de Gortzen*, in *Med. Comp. Tract. 35.* morbum obscurissimum vocat, ejusque signa ex *Hipp. Pisone, Sennerto*, tradit.

§. III. Porro si ex quibuscunque recensitis hisce autoribus causas, signa tam communia quam pathognomica, diagnosin quoque, & curam, diligenter colligamus, notanda sequentia invenimus.

I^{mo}. In causarum enumeratione passim conveniunt omnes. Causas enim Hydropis generales recensent, quæ vel in aliis corporis plagis Hydropem primo conciliant, deinde pectori;

vel pectori primum, deinde reliquo corpori; vel denique pectori soli. Causas præterea peculiare quædam nonnulli addidere: v. g. maturiorem vulneris in thorace curationem, rupturam ductus chyli ferri, diruptionem hydropici pericardii, vasorum in osseam substantiam degenerationes, &c.

2^{do}. Signa morbi multi haud alia enumerant, quam quæ *Hippocrates*; nonnulli vero singularia dedere, quæ vel pathognomica, vel illis saltem proxima appellarunt: v. g. subitanam prima nocte excitationem, cum intentata fere suffocatione; alterutrius, vel utriusque, manus sive paralyfin, sive œdema; hypochondriorum tumorem; pulsum debilem, tardum, inæqualem, haud raro intermittentem; fœtentem animam; urinam paucam, crassam, & brevi ante fata ex atro rubentem, cum furfuraceo, aut lateritio, sedimine.

3^{tio}. In Diagnosi multi, gravesque Viri, difficilem, obscurum, ambiguum, morbum esse fatentur: varii e contrario tanquam communi omnium more propriis ex signis cognoscendum, atque ab aliis interstinguendum eum describunt.

4^{to}. Curam ejus varii, vario admodum modo, auspiciati sunt, *Hippocrates* textibus, ex *Libr. 2. de Morb. & Lib. de Aff.* supra recensitis. „Hunc quidem, ait, si exteriore parte „intumescit, inter costas sectione facta, curare oportet. Sin vero minime intumuerit, „etiam multa calida lotum tunc, veluti pu-

„rulen-

„ rulentos , in fella collocato , & qua parte
 „ strepitum edet , ea secato : tertiam ab ulti-
 „ ma costam ad os usque secato : deinde tere-
 „ bra acuta ulterius perforato : votumque est ,
 „ quo sane facile effluat , ut quam infimo lo-
 „ co id fiat .

„ Ubi autem secueris , oportet ulcus cavum ,
 „ in interna patens , efficere , imposito lino cru-
 „ do ; crassum autem , & extremo acutius ,
 „ oportet hoc linum , sive linamentum , facere .
 „ Quam paucissimam aquam parce emittas .
 „ Imposito igitur linamento mollem spongiam
 „ supra imposito ; deinde ne penicellus deci-
 „ dat , deligato . Et si quidem 5^{to}. die pus in
 „ ulcere circumnascitur , ut plurimum evadit :
 „ sin vero circumnascitur nihil , postquam aquam
 „ eduxeris , sitisprehendit illum , ac tussis , &
 „ moritur . Per 12. autem dies semel die aqua
 „ educenda : post 12. vero dies , id est , 13.
 „ die , tota aqua educenda est : & reliquo tem-
 „ pore , si ab aqua distensio fiat , exhaurienda ,
 „ venterque cibis siccis refecandus .

„ Hæc autem post sectionem exhibenda : suc-
 „ cum laseris dragmæ pondere adparatum , &
 „ Aristolochiæ tali cervini magnitudine frustu-
 „ lum derafum , & lentium , ervique , torrefa-
 „ ctorum polentam ; utriusque purgatæ chæni-
 „ cis dimidium : hæc melle & aceto subigito .
 „ Deinde 60. trochiscis formatis , unum tritum
 „ quotidie vini nigri austeri quam suavissimi
 „ heminæ dimidio maceratum , mox jejuno po-

„ tui exhibeto. Reliquam vero victusrationem,
 „ & exercitationem eandem, quam priore tem-
 „ pore, habere iubeto. Et si pudenda, ac fe-
 „ mora intumuerint, audacter scarificato.
 „ si ita curaveris, certissime sanum reddes.

Monitos Lectores hic velim me ^{1mo.} utro-
 que laudatos *Hippocratis* textus dedita opera
 confudisse, & commiscuisse, ut continuata ora-
 tione integra ejusdem sententia pateret. ^{2do.} Me
Hippocratis *μὲν*, & *ἐμμοτ*, eo modo latina
 reddidisse, quo *Tom. 1. cap. 31.* necesse esse
 demonstraverim.

Haud omnibus æquæ arrisit hicce curandi
 modus. *Prosper Martianus* Paracentesin *Hippo-*
cratis ut primum, ut præstantissimum auxilium,
 commendavit. *Magnus Boerhaave* Aph. 1219.
 & 1238. *Hippocratem* & *Martianum* presse se-
 quitur. At vero Auctorum plerique hanc eo
 duntaxat casu laudarunt, quo remedia consueta
 minime juvarent. Ita *Piso*, *Sennertus*, *Wra-*
tislavienses, *De Gorter*, &c. Imo dantur haud
 contemnendi in arte Viri, qui hanc operatio-
 nem, cum bona *Hippocratis* venia, condemna-
 runt, ut v. g. *Ludovicus Mercatus*, *Petrus Sa-*
lius Diversus, & pene etiam *Sylvius de le Boe*.

Hinc ultimæ penultimæque classis Scripto-
 res, ut quavis passim Hydropem, ita & hunc
 evacuantiis docuere debellandum. Unde pur-
 gantia hi leviora, illi drastica, tum omnis ge-
 neris diuretica, ac sudatoria, præscribere. Fon-
 ticulos quoque, & setacea, vesicantia, scarifica-
 tiones,

tiones, inuentionesque crurum, femorum, tumen-
tisque scroti, ad revellendam de pectore lym-
pham, unanimiter commendarunt.

Et sane quoad Paracentesin in genere, in
quovis Hydrope, notamus eam ab omni retro
ævo male audiisse, & a multis tanquam peri-
culosam, a nonnullis tanquam quosvis indiscri-
minatim occidentem, proscriptam fuisse. Quos
egregie *Celius Aurelianus*, primi sæculi æræ
Christianæ, ut videtur, autor, refutavit; ut &
sæculo 16. finiente *Ambrosius Paré*, alique.
Præcedenti ac præsentī sæculo frequentiore in
usum vocata est. Notabilia exempla *Acad. Reg.
Sc. Paris. Theses Parisine*, observationes om-
nium regionum, multas Hydropis ascitis cura-
tiones, ut vocant, radicales, aut semel, aut
iterum, aut pluries instituta Paracentesi, refe-
runt: tum & cura plures morbum egregie
palliantes.

Numerosi, qui mihi obtigere, casus me do-
cuere, palliantes curas, numero plures, quam
integras, Paracentesi perfici. Quare examinare
confert quandonam integre, & quandonam tan-
tum palliative Hydropici ejus ope curari queant:
sponte tunc liquebit quibusnam Paracentesis, &
quousque, prosit.

A causa quacumque homo potest notabili
tempore eam suis in humoribus tenuitatem, eam
cutaneis in vasis laxitatem, & anastomosin, ha-
bere, ut perpetuo fere sudet, sudorque guttatim
defluat, & vestes madefaciat, lectosque. Sed &

idem homo, seu bonitate naturæ, sed diatæ mutata, mutatæve atmosphæræ, medicamentorumque, auxilio, ita potest compingi humoribus, vasis ita constringi, ut ultra non sudet, viresque sudore confractas brevi recuperet. Hic homo tunc integre curatus est.

Verum ponamus exhalantium vasorum debilitatem minus ad corporis ambitum peccare, quam ad pleuram, ad peritonæum, ad viscerum in thorace, ac ventre, superficiem; ita ut potissimum per harum partium exhalantia vasa tenuati humores Hydropem transsudando creent. Ut priori, ita & huic naturæ, regiminis, artis, auxilio, diathesis ita tolli potest, ut internus ille sudor cesset. An autem ita hic, quam ille curatus? Neutiquam. Prior ille vasis roboratis, inspissatisque humoribus, jam curatus erat; posterior cum omni hoc beneficio aquæ dolium manet. Hæc porro aqua si bonitate medelæ, aut maxime Paracentesi, evacuata fuerit, cum mutata in melius jam antea diathesi, perfecta aderit ac firma sanitas.

Etiam hoc in casu contingere potest, ut Paracentesis, nondum mutata diathesi, colluviem aquarum auferat; ac deinde optima roborantia & inspissantia remedia integram efficiant, constantemque salutem.

Si nunc homo a subito, ac copiosiore potu aquoso, post diurnam sitim hausto, in Hydropem inciderit, quemadmodum olim totus pene exercitus invictissimi Imperatoris *Caroli V.*

in

in expeditione *Tunetata*; utique potus abstinencia, motus, elater conservatus vasorum, ejusmodi innumeros restituere possunt. Sin vero abundantior lymphæ, in corpore effusa remanserit, homo hic aut aptis medicamentis, aut paracentesi, ab illuvie aquosa liberandus erit: liberatus, recte valebit.

Sed alia longe res est, si dispositio in corpore perseveret, quæ sublatis aquis, perpetuo succedant novæ. Si eductis aquis vasorum humorumque vitia corrigi nequeant, causæ persistentes novas continuo regenerabunt aquas. Si, aperta hydatis aquam stillaverit,educta eam novam abundantius, ablata resistentiâ dabit. Ergo paracentesis ad tempus modo levabit; sed & medicamenta belle evacuantia etiam tantum ad tempus proderunt. Igitur cum medicamenta læpe nihil aut vix agant, prætereaque corpus defatigent; ipsa vero paracentesis vires vix projiciat, nec corpus exagitet; secure autem semper, certoque evacuet; merito *Prosper Martianus*, & *Boerhaavius*, paracentesin medicamentis prætulerunt. Tandem in ascite, cui Hydrops cysticus junctus, etiam ceteris paribus est Paracentesis medicamentis anteferenda; quia medicamenta ibi vix unquam efficaciter agunt, & Paracentesis semper evacuat.

Diffiteri equidem non possumus mortem Paracentesi pressio pede nonnunquam insequi: cum tamen eo modo in casu tunc adhibetur, ut vitam lymphæ abundantia jamjam suffocandam

fortassis aliquantisper producat, dubiumque tunc auxilium, quam nullum, adhiberi præstet; neque etiam hic condemnanda Paracentesis erit. Hujus erat mentis *Hippocrates Lib. de Loc. in hom.* pag. apud *Foes.* 417. τὸ νοσημάτων ὅ, τι ἂν ἐπικινδυνότερόν ἔσιν, ἂν τῆτοισι πρακτικῶν χρὴ ἐπιτυχῶ μὲν γὰρ ὑγιᾶ ποιεῖν, ἀτυχῆσας καὶ ὅπερ ἢ ὥς ἐμελλε γίνεσθαι. In morbis, in quibus periculum ingens adest, aliquid audendum est: si enim successerit, poteris servare ægrum; si non profeceris, sit modo id, quod sine tuo molimine brevi contigisset.

§.IV. Atque hæc de Paracentesi. Sed quæ commendatur evacuatio in quacumque Hydropis specie, cauteriis, ac scarificationibus peragenda, illa etiam, subsequa brevi gangræna, discrimine non vacat. Passimque omnes post *Hippocratem* Medici Hydropicorum ulcera curatu difficillima, ne dicam impossibilia, notarunt. Interim qui hoc primus notavit *Hippocrates*, ille etiam ulcera Hydropicis arte excitanda esse primus monuit. Sibi ne igitur contradixit? Minime; sed necessariam adhibuit, quam negligere solemus, cautelam. Ἀεὶ τὸ ἐξοιχόμενον χρῆναι, ἐν τῇ ἐπιχειρήσει. Sicque averruncare gangrænā potuit. Unde bene *Prosper Alpinus* finiens suum 7. Lib. de *Med. Methodica*. „Hocque, inquit, „præsidii genere scimus nos complures Hydrope fuisse sanatos; at quia curationem vulnerrum neglexerunt, alio morbo quam Hydrope interemti, sunt: quippe vulnere in gan- „græ-

„grānam abeunte“. Quare, dum in Nosocomio scarificationes, Hydropem palliantes, instituímus, saturato corticis peruviani fomento gangrānam averruncavimus. Ultra nunc progrediemur. Hydropem & ascitem, & intercutem, curatum vidimus in cancroſa femina, cui cortex adverſus cancrum dabatur. Cancer quidem non curabatur; ſed vaſa corporis, cortice roborata, omnem aquarum colluviem alvō & urinis expulerunt. Quid ergo impedit, quo minus Hydropis, ſine viſcerum interiorum ſcirrho obtinentis, curam cortice & aſſumto, & ſcarificatis admoto locis, tuto tentemus? Duplex ſane cauſa nos eo adigit: altera egregius effectus in ipſo morbo; altera tejusdem, ad morbi progumenam cauſam haud raro tollendam, exploratiſſima virtus.

Atque hæc de ejusmodi evacuationibus in genere dicta ſunt: ſuper eſt eā, quæ de ipſo thorace directè inſtituitur, nunc contemplari.

§. V. Dudum quidem acceſſit ad ſententiam Hippocratis, Martiani, Boerhaavii, Paracenteſin thoracis ſive in Hydrope pectoris recentiore, ſive viribus utcumque conſtantibus vêtuſtiore, palmarium auxilium eſſe ſtatuentium: attamen abſtinere nequeo; quin medicum hoc problema proponam; ſcilicet: *Cur ita laudata Paracenteſis, ſive ut primum, ſive ſaltem ut alterum in hoc morbo adhibendum auxilium, ſpatio XXIII. ſæculorum theoretice commendetur; & vix unquam inſtituta legatur?* In Empyemate hiſto-

riam.

riam operationis, fateor, habemus: in Hydrope autem pectoris, forte unus alterve me casus fugit, sed vix illam institutam novi, nisi a Lowero & Willisio, idque modo semel. *Willisii op. omn. in fol. tom. 2. Phar. rat. part. 2. sect. 1. c. 13.* Quid igitur causæ, quod nulla operatio universalius commendata, nulla rarius instituta fuerit?

Si conjecturare liceat, suspicor morbum inchoantem difficulter sæpe ægrorum in vita cognosci; morborumque aliorum, in quibus Paracensis haud conveniat, sub larva fallere: dumque demum cognoscatur, adeo jam proVectum esse, ut eandem haud ultra admittat.

§. VI. Morbum apud *Batavos* haud infrequentem sæpius in denatis, quam in vivis, cognovisse me fateor. Quod cum Veteranis in arte quoque contingere cernerem, phænomena observata in illis, quorum me morbus fefellerat, animo volvi, cum phænomenis simili morbo deinceps laborantium sedulo comparavi, atque ita tandem sæpius eundem citius præsentem detexi; haud tamen ita, ut nonnunquam illum non, nisi conjectura esse quærerem, imo vix rite, nisi desperatis fere ægri rebus, cognoscerem. En igitur quæ attentior observatio me docuit!

Imo. In plena sanitate omnium prima observatur Dyspnœa levis, vix notabilis, ut & vix advertenda Tussicula: quæ a communi Dyspnœa inchoante nullo signo distinguitur. Ejicitur

citur nihil tussiendo: unde Medici totum incommodum pulmoni utcumque debiliori adscribendum rati, roborantia cum effectu aliquoties bono, sæpe autem nullo, exhibent. Neque tantillo debilior pulsus, aut vix perceptibilis ad motum defatigatio, anhelitusve, aliud suadent. Nulla enim ratio subest vomicas, aut abscessus, suspicandi. Lento interim passu crescit malum, interea cum non raro fallaci curatione Medico imponat. Quippe sicciore dudum tempestate, moderatiore forte motu, curatum, læto ægro, lætis adparet Medicis: quiescente vero ægro, aereque diu valdeque humido, non curatus morbus, sed auctus adparet. Tussis paulatim increfcens, glutinosa pauca ac spumosa producens, cum senticam causam non agnoscat, prognosin vix videtur gravare; quia in debiliore paululum pulmone quid glutinis generatione facilius? Malleoli post hæc pedisque oedem a levissimum conspicitur, vāgum quidem primo, postea autem constantius: sed vix inde augmentum inquietudinis: quid enim in desidiola vita frequentius? Hic primus mali gradus, diuturno tempore sic in pluribus obtinens.

Interi. m. fiunt ægri corpore haud modo, sed & animo imbecilliores, spasmis flatibusque, ac levioribus anxietatibus magis ebnoxii, somnum ægrius capientes exiguosque, leves, vix inchoantes, Asthmatis spasmodici patientes insultus. Cum hucusque nulla cuiuspiam visceris labes se manifestet, persistit nobis imbecillioris put-

pulmonis idea, solidaque roborandi, ac fluida inspissandi indicatio. Si autem gluten paucum pulmone ejectum Medicis eo usque imponat, ut adtenuandum illud accingant sese, morbi causa facile adaugetur.

3^{tio}. Crescunt mala pedetentim; observantur quidam noctu inquietiores, & conqueruntur quadam anxietate se a prima somni blanditie capta expergefieri, erectos se esse oportere, postea vero nonnihil tranquillitatis se denuo percipere. An id quia jacentibus, truso altius diaphragmate præ mole viscerum abdominis, thorax angustior? An vero iis modo fit, quibus venter effuso intra illum liquore turgidior? Præctica observata has rationes omnino non per omnia admittunt. Observavimus has nocturnas anxietates in his, quorum cadavera abdomen aquis inane exhiberent. Observavimus easdem cum *Pisone*, licet ægri illarum evitandarum causa in sedili obdormivissent. Utique res explicatu difficilis! sed quid tunc Medici concludunt indicari? Si gluten aliquid copiosius ad has anxietates exspuatur, Asthma glutinosum; si vix tale quidquam, spasmodicum concludunt. Præsertimque dum dato paregorico, & antispasmodico ad noctem remedio, subitanam malignæ remissionem ægri ita lætantur, ut sequenti, altero, tertiove die, noctes agant tranquillæ; imo obliti ærumnarum, in publicum prodeant, suisque cum amicis se exhilarescant. Ergo antispasmodica vel expectorans medela
con-

continuatur; morbus in pejus ruit.

4^{to}. Caducam suam machinam interea adhuc miseri trahunt, donec ad tragicas illas noctes deventum sit, quibus decies minantur suffocationem; unde tandem leipothymia, syncope, debilitate, vitam ducant ipsa morte miserabiliorem; sicque, quanquam mortem effugere sæpius visi, tandem subito suffocentur. Lepida catarrhi suffocantis applicatio Medicorum servat factum tectumque honorem; & si forsan Medicus affuerit, qui morbi præsentiam ante fata subolfecerat; utique non nisi ut immedicabilem pronunciaret, cognoverat illum.

Hæc nunc historia miserandi morbi, ut plurimum ignoti, quo plures extincti in una, alterave, aut etiam in utraque thoracis camera collectas exhiberent aquas. Unde quidem crebrior nata postliminio ejusdem in vita suspicio, sed sufficientium defectu signorum, quibus a morbis, quos simulabat, quosque ars sæpe feliciter tollit, discriminaretur, nulla certitudo.

Quamobrem ad invenienda propria morbi ac pathognomica signa variorum adhibiti animi; eorundemque demum is adornatus catalogus est, cujus cum meminerim, hinc non repetam, sed ad singula ejus capita ordine respondebo.

Ac primo quidem respondeo, subitam a prima sonni dulcedine excitationem, cum intensæ suffocationis minis, semel mihi octiduo ante fata quondam apparuisse, & pluries quidem maturius, at vero semper profecto ita mor-

morbo, ut omnem respiceret curationem Pathognomicum proinde hoc signum non adpelabo.

Secundo dico Hydropem pectoris aliquoties adesse posse citra hoc signum. En evidense exemplum! Sexagenaria mulier hoc ipso anno, ineunte Majo mense, ad *Pasmanianum* Nosocomium transferebatur, ascitem habens, tumidisque, atque hinc inde ulcerosis cruribus lympham stilans. Pectoris quidem nonnulla anxietas, ut in ascite consuevit, aderat, sed admodum exigua: quodque in provecto ascite mirandum, nulla tussis. Nulla præterea peculiaris de nocte anxietas, aut subitanea e somno excitatio. In dorsum quidem sæpe incumbens visa ægra, frequenter autem etiam utrumvis in latus. Vino herbis amaris medicato, cui Oxym. Squill. Spir. nitr. dulc. Tinct. Millep. &c. adjuncta, tota fere, idque iterata vice, detumuerat, sed aqua furtim capta continuo se replens, relapsa est. Tandem manu ac brachio sinistris quatri-duo ante mortem tumentibus, 3. Julii expiravit.

In cadavere invenimus ascitem ventris cysticique principium: scilicet duas ovarii hydatidas, quarum una pellucens lymphæ ultra libram gerebat. Deinde ovarium dextram in cellulas cartilagineas degenerans, officulum magnitudine pilulæ duorum granorum, membranula cohærens, suo in fundo continebat. Uterus vix distentus, glabro, carnosoque corpore repletus, quod

quod cum uteri fundo posteriore ita unitum, ut non nisi unam eandemque cum eo formaret substantiam.

Sed quis mortalium credat hanc feminam utrumque pectoris cavum copiosissima lymphâ repletum gessisse, ita ut arcto in spatio compressi pulmones, pluribus in locis aere vix ultra permeabiles essent, magnisque sui portionibus aquæ, in quam injecti, fundum peterent? Utque Pericardium, undique pressum, cum cordis massa, nullo cavo relicto, in unum coivisset, albitudine modo sua, duas circiter lineas crassa, a cordis substantia distinguenda? Obiter hic noto Pericardii absentiam, ab Anatomicis notatam, similibus forte causis deberi.

Si ergo nocturna orthopnœa omnino deesse in gravissimo pectoris Hydrope potuit; si in aliis paucis modo ante funera diebus adparuit; si denique ubi adest, provectiore adeo morbo patescit, ut quodvis fere respuat auxilium; non videtur illa pathognomici signi nomine venire debere.

2^{dum}. Signum, œdema scilicet, aut paralysis alterutrius, imo etiam utriusque brachii, manusve, priore vix multo certior est. In quo viro dixi nocturnam orthopnœam octiduo priusquam periret, me observasse, in eodem quoque manus non nisi eodem die œdematosa apparuit. In femina, cujus historia mox data fuit, quatrIduo tantum ante obitum. In ea vero, cujus casus Cap. 2. descriptus fuit, tale œdema adfuit

adfuit nunquam. Caruit quoque eo clarus *Wepferus*. Ergo quod vel deest aliquando, vel morbo ad interitum proximo sæpe advertitur, pathognomicum non est.

3^{tium}. Signum, aquæ nimirum fluctuatio, pluribus defuit meorum. Adesse tamen sæpe illud, & ratio suadet, & Hippocrates tradidit, & nostra femina Cap. 2. experta est, & plures memorant Autores. *Hippocrates* sedentis hominis comprehendens humeros, valide ejus corpus concutiebat, ut audire fluctuationem posset. Autorum nonnulli corpore inclinato id explorant; imo ægro toto corpore superiore delecti crepidine deorsum pendulo. Verum vel non adest multis, vel sero tantum adesse percipitur fluctuatio; & in casus *Hippocraticis* similes incidere oportet, ubi auditu percipi possit. Quod ergo sæpe deest, aut sero nimis advertitur, pathognomici morbi signi conditione caret.

4^{tum}. Signum, Hypochondriorum, vel alterutrius ejus tumor dicitur; sed cum tumere id variis de causis queat, non est pathognomicus hic tumor. Contingere quidem potest, ut aqua in diaphragma gravans, hepar v. g. premat, trudatque extrorsum; cui signo, si forte fluctuatio simul adest, morbi major certitudo nascitur: sed in multis & tumor deest & fluctuatio. Ergo.

5^{to}. Pulsus debilis, tardus, sæpe intermittens, inter hujus morbi signa recensetur. Erat quidem talis *Wepferi*, testante *Brunnero*, pulsus; sed
cum

cum *Wepferus* etiam ossæ habuerit Aortæ substantiam, pullum ejus non potest Hydropis pectoris pathognomicus adpellari. Deinde talem pullum multi Autores non recensuerunt. Tandem pluribus nostrorum defuit. Sane febricula-individua multis comes, pro tarditate celeritatem habet.

6^{to}. Fœtentem animam meorum nemo habuit

7^{mo}. Urina pauca, crassa Hydopicorum passim esse solet, sed non immutabili lege. Hydropica Cap. 2. eam reddit pulchre coloratam, limpidam, cum sedimento fere acutorum bonorum. *Wepferus* ideo minus credebat se pectore hydropicum esse, quod *urina copiosa, naturalis matutinusque adesset sudor*. Descripta *Wratislaviensibus* urina, qualis prope mortem ipsis observata fuit, etiam sic in Nosocomio adparuit: sed quod lethi instantis, id morbi ipsius signum dici non potest.

Quam parum ergo certi, ut morbum initio præsentem dicamus ex recensitis nanciscamur! Provoco etiam ad quotidianam Praxin. Quid incertius concilio Medicorum, quos similis convocaverit morbus! Examine per horam producto sæpe uni horum malum asthmaticum audit; alteri dyspnœæ similis; tertio Hypochondriorum affectione natum; quarto peculiari nervorum irritabilitati, cum aliqua acritudine juncta, adscribitur; cuiquam forte etiam Hydropis pectoris suspicio nascitur. Ac profecto si talis revera esse deprehenderetur, idoneum

Paracenteseos tempus nunc forsitan esset . Sed suspicio morbi duntaxat est, eaque cum aliorum morborum ita intricata, permistaque, signis, ut certi quid concludi nequeat; rarusque sane ille Medicus foret, qui operationem hanc ex mera hac suspicione in se suscipere vellet, rariorque æger, qui incerta de causa permitteret thoracem sibi terebrari. Unde ad maxime vero simile concilium concludit, donec signa evidentiora elucescant; utinam modo, iis elucescentibus, conclamatum non esset!

Nunquam e mente excidet casus viri, quinquagenario majoris, qui spatio quinquennii sæpius meam imploraverat opem. Cardialgiis ab immemorabili pene tempore obnoxius, nullum demum solamen habuit, nisi vel ab opio audacius dato, vel, quando digestionis tempore doloribus ferendis ultra non erat, compresso valide epigastrio. Ita ut aliquoties invenerim eum in terram prorum, substratis soli ventri pulvinaribus. Sponte enim noverat vehementiores sopire dolores, nervis abdominis prope ventriculum & pancreas compressis. Semianno ante mortem vespere tempus suaviter cum amicis fallens, crudeli cardialgia afficitur, brevique postea anhelitu, demum aphonia; anhelans autem ac vocis expers, cardialgia liberabatur. Vena secta, immisso enemate, vesicante inter scapulas adhibito, insultus ille mirus tridui tempore integre cessavit; sed quæ eo triduo plane siluerit cardialgia, mox rediit. Quindecim diebus elapsis

sis idem paroxysmus rediit, ut instar asthmatici respiraret æger; at mistura Neurotica sumta brevi convalesceret. Octiduo post repetens prioræ sævior insultus, eidem remedio actutum cessit.

An hic, amabo vos! pectoris hydropem somniare, qui in consilium vocati, Medici potueret? Quid asthmatico insultui similis? Potissimum si consideremus 1. quādam affuisse materiem, quæ in singulo Paroxysmo sedem consuetam reliquisset doloris, & ad thoracem videretur transmigrasse. 2. Idem ita creditum Asthma consuetis discutientibus & antispasmodicis auscultasse. 3. Sed auscultasse nunquam, nisi prius dolor antiquam sedem occuparet. 4. Per integros quinque deinceps menses pectus nihil simile passum esse. Interea tamen torosus eo usque homo, ac perfecte quadratus, indies collabascere animadvertebatur.

Octiduo tandem ante fata plura subito signa manifestabantur, quibus Hydrops pectoris subdole dudum latuisse, jamque adeo proventus esse videretur, ut immedicabilis esset. Improvisa scilicet e somno excitatio, orthopnoea, oculorum vultusque livor, ac simul manuum inflatio ambarum: consueti vero in Epigastrio dolores hac vice minime cessarunt. Pridie autem mortis omnibus symptomatibus tam in ventre, quam in pectore, liberatus, pulsum bonum, vultum mire recreatum, ac veluti vegetum, præ se tulit, suaque repetere negotia jam me-

ditabatur. Nocte autem insequente in lecto invenitur cum matula in manu veluti vomiturus, sedens, sed jam mortuus; atro, eoque plurimo cruore, sub utraque albuginea, suffusus.

In cadavere præter ingentem totius pancreatici scirrhum, præter lienis crassam cartilagineam superficiem, invenimus diaphragma utroque in latere abdominis, sacci instar, prominens; & lympham enormi copia explentem sinistram thoracis cavum; eodemque modo, sed paulo parcius, dextrum; costarum denique cartilagineas plane osseas factas.

Priorum anamnesis, morbi finis, inspectio cadaveris, videntur demonstrasse colluviem in pectore aquarum diu adfuisse; quæ cum larvata, complurium Medicorum aciem fugerit, simul evicit, quam in proclivi sit hic falli. Præter orthopnoeam nocturnam, œdematosasque manus, etiam convexum versus ventrem diaphragma a gravante lymphâ inveniebatur: sed crassitudo ventris notabilem non exhibuit in viâ differentiam. Ita ut hoc signum ex Autoribus recensitum in graciliore ventre evidentius, quam in crasso, adverti possit, debeatque.

His omnibus ita pensatis, veram capimus, arbitor, causam, cur centeni Scriptores practici Paracentesin vel in morbi principio, vel saltem post irritum remediorum usum adeo laudantes, eam tamen nunquam instituerint: morbus quippe in principio non manifestus, eam non suavit; cognitus postmodum, eam ultra
non

non admisit. Qui vero illam instituerunt , ut *Hippocrates* , *Lowerus* , *Willisius* , & forte pauci alii , hi censendi sunt in ejusmodi ægros incidisse , in quibus signa morbi opportuno tempore manifesta erant.

Unde ea proficiscitur conclusio, ut 1. subdolos hic morbus raro, dum curabilis est , cognoscatur; cognosci incipiat, dum ultra vix admittat medelam. 2. Ut si cognoscatur mature, nihil sit Paracentesi potentius. Ut in posterum, dum ambiguus inchoantis mali se exhibet casus, diureticis, purgantibus, sudatoriis, diaphoreticis remediis minime parcamus ; cum ex effectibus brevi patefcat subsitne , quem suspicemur , an alius morbus?



C A P U T X.

De Epilepsia & Convulsionibus.

§. I. *Impossibilis alias Epilepsiæ cura non raro obtinetur sedula causarum procatarcticarum expiscatione, quanvis proegumene hæud auferantur. Gravidæ Epilepticæ id demonstrans exemplum. §. II. Multiplices viæ, casu detectæ, enarrantur, quibus aut sopitus morbus, aut sublatus fuerit. Hunc in scopum simplicia quedam laudantur. §. III. Exemplum mirabile curatæ in adolescente Epilepsiæ. Mors ejusdem alia de causa orta; & inspectio cadaveris. §. IV. Epilepsiam vafri homines varias ob rationes plurimum simulant. Bina, quæ id ostendant, exempla enarrantur. §. V. Variæ leges dolos eorum malos expiscandi, & demonstrandi. §. VI. De Dæmoniâ fictis, eosque palam prostituendi methodo. Magna prudentia Medicis opus esse ostenditur.*

§. I. **E**pilepsia morbus est omnem artis opem hæud raro eludens, sæpius tamen vel curandus integre, vel ita saltem moderandus, ut, causa procatarctica ablata, proegumena veluti sopita maneat, atque ita certo quodam sensu morbus plane abactus esse videatur. Unde plurimum juvat, quæ symptomata aliquan-
diu;

diu, aut mox, ante insultum præsentiat æger, apprimè nosse; nota autem tollere, aut saltem suffocare posse. Experimentis enim constitit horum felici ac prompto moderamine, haud raro totum averruncari Paroxysmum. En ex pluribus unum! Inexpugnabilis multis ab annis Epilepsia tandem & ante paroxysmum nausæas, & in paroxysmo vomitus, exhibet violentos. Illustrissimus Baro *Van Swieten*, egoque, ad Emeticum ante futurum paroxysmum, deinde, ne Emetici turbæ nocerent, ad Paregoricum exhibendum, facile devenissemus, ni graviditas obstitisset. Considerantes tamen postea & prægnantem, & fœtum, paroxysmis vehementissimis gravius lædi, quam Emetici actione, Emeticum dedimus, Emeticum repetivimus: idque eo cum successu, ut morbus integro decennio siluerit. Præsentiebat quidem illa aliquoties quædam veluti futuri insultus inchoamenta, sed & hæc usu sequentis remedii penitus compescuit. R. Spirital. ammon. Tinct. Cast. Suc. Alæ fœt. aa dr. 3. ter, quater, die 60. gtt. cum vino. Exaëto vero decennio, summis animi mæroribus confectam repetens Epilepsia occidit.

§. II. Dum vero aut nihil horum ab ægro præsentitur? aut etiam præsensum auferri nequit; aut denique ablatum, effectum causæ latentis non sopit: sæpe immedicabilis morbus haberi solet. Attamen ne tunc quidem absolute conclamatum pronunciare oportet. Fuere quibus excitatus ille, & nutritus, opipara ac desidiola

vita , subita fortunarum jactura per omnem vitam , haud contemnenda plane compensatione , filuerit . Alii , quibus casus ab alto in cranium , vulneraque ejusdem , aut contusiones , morbi aut integram effecerint absentiam . Etiam mutatione domicilii , diuturniore peregrinatione , vitæ genere prorsum permutato , quidam leguntur se etiam ab ipsa gentilitia labe præstitisse immunes . Ars hæc , similiaque , contemplata , ac imitata , stupendas nonnunquam curas perfecit . Sed & simplicia usu detexit , quæ summæ ad hunc morbum refrænandum efficaciam sint . Hæc inter *Pæonia* , *Viscus Quercinus* , & *Radix Phy* , sive *Valerianæ foliis omnibus pinnatis* dictæ Botanicis . Vidimus sane rebellem dudum morbum aut hisce mitigatum , aut silentem penitus . Experimenta nostra dudum facta confirmavit nobis doctissimus Vir *J. Scopoli* , *Physicus Idriensis* *Flora sua Carniolica* clarus , qui binis dragmis pulveris *Radicis Valerianæ* quotidie datis , deinde ejusdem decoctæ libra post singulam pulveris dragmam exhibita , Epilepsiam triennem , ex terrore , (pessima sane origine) natam , & quovis fere die adorientem , jam per decem septimanas , dum hæc ad me scriberet , suppresserat .

§. III. Sed præterea dum polymorphus hic morbus nos per hæc omnia tentantes , prorsum eludit , nonnunquam nobis , animo ad cuncta attentis , sui amotionem veluti furtim indicavit . En notabile ejus , quod habuimus , exemplum !

Sexennis

Sexennis puer, sanissimus, insiliente in se cane molosso ita terretur, ut integro triduo convellatur, horrendosque postmodum Epilepsiæ insultus fere quotidie patiatur. Morbus ad omnia rebellis: ac per sexennii spatium perdurans, ignoto Parentibus remedio paululum mitescebat; sed novo irritatus pavore, nec ultra ignoto remedio moriger, puerum vario modo, quotidie, eodemque die multoties, adoritur. Tandem inter pauperes, qui mane Nosocomium consilii causa petunt, mihi sistitur.

Radicem *Pby* trium septimanarum spatio ipsi dedi, sed ab eadem desistere increscens vis morbi me compulit. Quo autem securior medicina esset, illum in Nosocomio locavi. Sedulo examine constitit vigesies & ultra, die, inchoari paroxysmos; sed semel tantum, bisve, compleri eosdem; idque hoc modo singulis diebus ac noctibus. Virus *Castorei* copiosioris me explorantem, itidem effectus elusit. Quemadmodum etiam aliorum foetidorum, & acrem spiritum rectorem habentium, usum. Morbus varietate terribilis nunquam graviores suos insultus modo perficiebat eodem. Alio enim tempore totum corpus, medium autem alio, convellebatur, altera sui parte obrigescens. Nunc Opisthótonos; Emprostotonos utcumque alio tempore fuit. Jamque una vice vehemens calcitratus, alia vice manuum in proprium pectus, caputve, tanta agitatio, jactatio, vibratio, ut,
ni

ni cautum fuisset, sibi nocuisset vehementer. Sudor perquam foetidus insultum comitabatur, copiosus ita, ut indusium, lectusque, plurimum inaderent; tenax itidem adeo, ut corpori, ceu quopiam glutine, adhereret. Mugitus, ululatus, rugitus, gemitus, vultusque omnem in modum horridus, & urinæ profluvium, Paroxysmum frequenter concomitabantur.

Interim morbo quotidie in pejus verso, nascuntur signa vehementis humorum rarefactionis, quam ipsa natura haud levi narium hæmorrhagia. Sed sæpius me Mater monuerat, nunquam ipsi graviores fuisse, frequentioresque paroxysmos, quam qui hæmorrhagiis ejusmodi successissent. Re nihilominus crescente, admodumque urgente, sanguinem pede bis detraximus, diluimus, moderavimus, sed morbum hinc vehementer augeri doluimus.

At vero dies diem docet. Animum quippe quamcumque in partem vertentes, constanter demum observavimus puero jacenti, frequentique somno obrepto, morbum frequentioresse, quam aut sedenti, aut vigili. Hanc ob causam majore diei parte illum in sedili locavimus, vigilemque variis objectis mentem græte occupantibus servare annisi sumus. Sensim hinc insultus rariores.

Verum soporosus erat. Et tandem somno quidem capto paroxysmum accedere, nunquam autem vigili, advertimus. Ergone causa tetri mali latens aptiores in somno nervos, ut agita-

taret, invenit, quam vigiliarum tempore? Uti-
que experientia convincebamus, quo Adoles-
centem diutius vigilem servabamus, eo rario-
res contingere paroxysmos. Sic liberos quidem
dies integros nanciscebamur, nocturnos vero
insultus, cum tamen dormiendum erat, aver-
runcare non poteramus.

Aliud igitur consilium arripuimus. Vigili
insultus ultra non fiunt: fiunt autem, dum ster-
torosus eum somnus capit. Ergo causa latens
invenit nervos somni stertorosi, quam vigilia-
rum tempore, ad Convulsiones, ad Tetanos,
ad Spasmos aptiores. Ipseque ille stertor somnum
minime naturalem esse demonstrat. Quid igitur
si opio nervos insensiles redderemus, ne cau-
sa illa, ignota nobis, irritare eosdem posset?
Sed contra: Nunquid opium in dispositione adeo
comatosa somnum non posset æternum facere?
aut per omnem vitam stupiditatem? Sed peri-
culo saltem vacabit minima dos. Igitur ten-
tavimus. Jamque minima dos in corpore,
opio neutiquam assueto, nec soporem augebat,
& tamen boni præstabat quidquam. Dos in ideo
prudenter auximus; omnem omnino Paroxys-
mum averruncavimus; pro sopore somnum na-
turalem produximus; puerum brevi, agilem,
alacrem, sanum, salutavimus; Matri reddi-
dimus.

Ufus Adolescens integra per tres menses va-
letudine, ad Nosocomium rediit; tumorem
sponte in inguine natum mihi exhibiturus. Her-

niosusne esset, an alius generis tumor, ambiguum fuit. Ventre primum liberato, emolliens Cataplasma appositum est. Sed paucis postea diebus nuntiavit mater Dysenteria, quam mihi non indicaverat, sed commiserat Balneatori, filium periisse.

Cadaveris examinandi copia fuit. Patuit tumorem in inguine ante aliquot dies exhibitum, ingentem fuisse abscessum. Nodus durus nervo diaphragmatico in medio suo itinere arcte circumcretus inveniebatur; aliusque similis illi ejus loco, ubi in diaphragma abiturus, erat. Thalami Opticorum emarcidi.

Nunquid vitia enarrata neruorum, medullæque, diu post Epilepsiam nata sunt? An vero dudum præsentia, causam proegumenam posuerunt, cui terror accedens, causam Epilepsiæ proximam cum illis formaverit? Incertum! Saltem aut Idiopathica Epilepsia a terrore genita, excitatave, aut Idiopathica a terrore cum male affecta medulla cerebri orta, aut demum invincibilis Deuteropathica, ex male affecto nervo diaphragmatico & terrore nata, arte medica si non curabilis, sopiri saltem ita, ac si penitus abesset, se posse ostendit.

§. IV. Sed tœdiosa causa ingratam observationem, Tyronum in gratiam, adjungere jubet. Quippe nulla re turpius decipimur, quam Epilepsia, aut Convulsione, fictis. Vix morbus datur, quem & frequentius, & artificiosius simulare Mendici norint, quo transeuntium animos
in

in commiserationem commoveant. Pueri ac puellæ hanc vafram fingendi artem a se mutuo discunt, ne vapulent; vel ut mollius tractentur; vel ut nihil cogantur addiscere: quemadmodum vident cum pueris, quos in paroxysmis forte viderint, a parentibus, tutoribusque agi. Maturam Virginem Procorum penuria torquet, angitque. Forte casu audit a garrientibus inter sese matronis Epilepsiam matrimonio nonnunquam curari. Ergo eam artificiose fingere discit, quo cogat Parentes se viro jungere. Monachus, quo a Choro, a jejuniis, aliaque monasticæ vitæ asperitate se vindicet, se fingit convulsam. Quin & sine peculiari intentione ipse malus animus eo nonnullos seducit. Tandem etiam in scenam diabolus adducitur, quo obsessos se fingunt, intentione sententia varia, etiam, quis credat! superstitionis roborandæ causa. En aliquot, quæ habuimus, exempla!

Adducebatur mihi puella gravi auditu laborans. Quo revellentibus, & factis in aurem injectionibus, restituto, Convulsionibus suboriebantur, quas hoc ordine contingere Mater narrabat. Incipiebat tremere puella, angi anhelare, clamare, brachia agitare, totumque corpus, humi cadere, pollices fortiter intra pugnos firmare, vociferari, cantare, ore tandem producere spumam. Principio bis, ter, die, id contigisse; jam autem quavis ferme hora.

Commodo meo morbum examinaturus, puellam jussi in Nosocomio servari. Vidi illam, eadem

eadem die, in lecto decumbentem, convulsam, mediisque in Convulsionibus pollices adeo fortiter intrapugnos firmare, ut maxima vi vix solvere valerem. Oculos horrende agitabat. Atamen dolum subesse suspicabar 1^{mo}. quod oculi durante Paroxysmo non connivendo, sed sano prorsum modo, aperirentur. 2^{do}. Quod pulsus fere naturalis esset. 3^{tio}. Quod cortinis lecti clausis pupilla dilataretur, vicissimque apertis iisdem contraheretur. 4^{to}. Quod pupillæ admodum candela vividissime se contraherent, & puella quasi nocumentum inde percipiens, caput rotaret. Igitur e lecto statim eximi: minitantem ipsam lapsum Custos ægrorum minis, si caderet, intentatis, erectam servavit, & baculo munitus, eoque veluti vibrans, Convulsionum progressum stitit. Convicta demum puella, fatebatur & surditatem olim, & nunc Epilepsiam, finxisse sese, ne cogeretur munus ancillare obire, cui eam Mater destinaverat.

Hanc in fingendi fallendique artificio crassior, sequebatur astutior Adolescens, quem vaframento suo pluribus me luisse diebus fateor. Mirifice convellebatur toto abdomine, tumque vehementer singultiebat. Ortum porro id asseverabat Mater, quod Emeticum ipsi datum fuisset. Adjungebatque Paroxysmum non etiam invadere dormientem. Detentus aliquot diebus in Nosocomio, enemate, epithemate, neuroticis ac paregoricis, sanitati, ut videbatur, restitutus, Parentibus redditur. Vix vero tantisper pater-

nas

nas incoluerat ædes , quin repeteret Paroxysmus, & a Matre in Nosocomium reduceretur. Fucum suspicatus, privato eum cubiculo inclusi, ubi se solum credens, nobis eum per rimam contemplantibus, tranquille sedebat, nobis intrantibus in Convulsiones Singultusque prorumpebat, nobis egressis iterum sedatus. Imo idem in Paroxysmo contingebat, dum adstantes aliorum cernebat occupatos, nam fictis tandem motibus defatigabatur. Patri arcessito veritatem fateri coactus, ideo se simulasse hæc confessus est, ut a Magistro, apud quem carpentariam artem discere cogebatur, dimitteretur, ædibusque reciperetur paternis. Igitur vel Mater cum Filio collusit, dum etiam dormientem malo invadi affirmaret, vel ipse novit se dormientem vaferrime fingere.

§. V. Versati in hisce Practici ea passim experiri solent, quæ jam enarravi, quo dolilantis fiant certiores: ac præter hæc omnia, bonis unguibus norunt prehensam cutim rudissime vellicare; imo ignem manui, aliisve corporis partibus admove, & si ne id quidem juvat, ignem immediate adplicare solent. Exempla docent fictas Epilepsias ejusmodi tentaminibus se prodidisse.

Attamen & morbum fictum esse, & ne igne quidem posse detegi, non caret exemplo. Sceleratissima femina 20. annorum, quæ animigratia vetulam truculenta manu occiderat, falsa in carcere est horridam Epilepsiam, qua longo tem-

tempore laborasse credita fuerat, se impio animo finxisse; id quod etiam experimento confirmavit. Morbum enim simulare iussa, ita simulavit, ut quivis fere crederent fictum morbum in verum demum abivisse; iussaque medio in paroxysmo surgere, & tranquille ambulare, surrexit, ambulavit. Hanc nos. Illustrissimus Præses, Spectabilis Decanus, & Clarissimi Professores, supremo jussu, nomine Inclytæ Facultatis Medicæ examinantes, eadem audacter proferentem, & repetentem audivimus. Et quod res est, ostendit nobis tres fœdas in manu cicatrices, quas ipsi igne Chirurgus, urendo veritatem exploraturus, olim inusserat, quasque inuri sibi adeo tranquille pertulerat, ut ultra nemo de certitudine Epilepsiæ dubium moveret. Quis crederet remedium, adeo ceterum infallibile, quandoque turpiter fallere posse? Melius profecto in hac scelestissima muliere Parisinum successisset experimentum. Cum enim quisquam ad Epilepsiam in platea adstantium fucum subolfecisset, iussit convulso paleam substerni, ne sibi læderet: quo facto, utrumque paleæ extremum flamma incendit, effecitque, ut vaserimus homo fulmine citius fugam capefferet.

§. VI. Sed & aliud Convulsionum genus hic memorandum est, quarum autor, horresco referens, Sathanas dicitur. Utroque in sexu id expertus sum. Plures feminas, quas a diabolo obsessas vulgus non modo, sed & Sacerdotes jurabant, AUGUSTISSIMA IMPERATRIX ad
Noso-

Nosocomium practicum deferri jussérat, examinandas. Examinaui porro easdem eo munitis principio, quod homines a dæmonibus revera obsideri, ut ajunt, queant; quodque id invictis argumentis tum ex Novo Testamento, tum ex genuina Historia Ecclesiastica, & SS. Patrum doctrina, petitis, indubitatissimum sit; ut meridiana luce evidentius Illustrissimus Præses, cap. de Epilepsia, demonstravit: sed simul eo principio, quod sæculis posterioribus, præsertimque corruptissimo nostro, millenæ fingantur fallaciæ, quas utinam Simpliciores Monachorum, Sacerdotumque, haud ita foverent! Horum porro principiorum ope fraudem facile detexi, detectam revelavi. Ubi igitur res mihi constabat, sic egi: Custodes ægrorum, singulos bona aquæ amphora munitos in acie collocabam, ut mox, dum ad auditum venerabile DEI nomen, nominave Sanctorum, rerumque sacrarum, fictus diabolus corpora pro more agitaret, integram amphoram unico ictu in faciem, pectusque profunderent; idque ita, ut si ad primam profusam insultus non cessaret, suam ordine omnes evacuant. Prima utique vice amplo satis aquæ doliò indigebam, sed cum intelligerent omnes deinceps Convulsiones hanc fortem habituras esse, non habuerunt postmodum ullas, sed integre sanæ apparuerunt.

Nemo in nos, confido, quod rude adeo & incomitum experimentum tentaverimus, tanquam in profanos, indignabitur. Erasmus aliis

argumentis plane convicti de fraude nefanda ; sed ejus fabricatores publice convincendi erant . Ad exhibitam v. g. sanctæ Crucis imaginem , aut ad alias res sacras , quas corpori adplicatas illico diabolus revocare ferebant , videramus quidem statim id , quod prædixerant fieri : sed quando easdem res sacras involveramus , ut , quid essent , non adpareret ; involutasque eisdem applicueramus , Convulsio nulla excitabatur . Si quoque rude lignum aqua sacra aspersum esse dicebamus , eoque corpora tangebamus , furebat diabolus ; itidemque si ipsa corpora aqua lustrali aspergebamus ; sed æque valide etiam , dum aqua mera utentes , tantum fingeremus eam aquam sacram esse . Igitur fraudis certi , reliquum experimentum duntaxat instituimus , ut dolus omnibus pateretur .

Igitur sanctissimæ nostræ Religionis veneratione & amore ducti , debuimus ea confundere , quæ illam adeo dehonestent : & ex corde vovemus , ut ii , quorum est Catholicam Religionem tueri , propagare , & ornare , a depravata aut malitiosa hominum idea fovenda , statuminaque , abstinerent ; & sive per se , sive per alios , eadem , quæ nos , tentamina instituerent . Utique haud tam sæpe res ad Religionem spectantes , ludibrio & irrisioni exponerentur , nec ipsi illi , fraude postmodum detecta , ignominia confunderentur .

Profecto si ad doctos hominum dolos , eruditamque vafritiam , Medici se non aliquantu-

tulum cautos , atque subargutulos præstent , & artem suam , & se ipsos , ludibrio continuo exponunt. Casus quotidiani sunt . Haud ita pridem femina aderat , quam ipse Confessarius , tanta Religione pollere , tanto eminere pietatis exercitio , afferebat , ut si Sancti in hac tellure haberentur , hæc saltem Sancta habenda foret . Anxietatibus , & plane singularibus faciei convulsionibus viciniam totam in commiserationem ducebat . Hinc illam in Nosocomio suscepi , & bona fide aliquantisper deceptus , tandem attentior in rem detexi pulsus & anteinsultum , & sub insultu , postque eundem , nunquam non optimum esse ; dum de prostrato prorsum appetitu conquereretur , eam integram suam portionem avidè abligurire ; & durante paroxysmo manibus meis ita vultum ejus componere posse , ut Convulsiones plane cessarent . Convictus doli ego , turpitudinis eam suæ , suæ hypocriseos , convincere annitebar , sed incassum . Alio ergo modo convincenda erat . Cura per aquam , ut in dæmoniis fictis instituta , effecit , ut Convulsiones redierint nunquam , licet adhuc per 12. dies in Nosocomio detineretur . Sed ne tunc quidem finis fingendi . Quippe a facie malum in pectus delapsus esse , continuumque creare anhelitum conquerebatur . Fraudem ipsa prodidit dum liberrima , & longe producta respiratione fruebatur , quando per horæ quadrantem mentem ejus grato , quem cum illa miscebam , sermone , a decipiendi studio abduxeram .

C A P U T XI.

De Calculo, Uva Ursti, Lithontripticis
Diætiis, &c.

§. I. Historia hominis a diuturnis calculi doloribus Uva ursina liberati; eaque occasione describitur remedium, quo sibi olim multum profuerat. §. II. Alius Calculosus, qui quodam remedio multum levatus, deinceps vero minime, ab Uva Ursti juvabatur; viribus autem penitus extenuatis moriebatur. Miranda ejus Anatome. Non curat Uva ursina, quos Lithotomia non curasset. Recensio multorum, quæ vocant, Lithontripticorum; quæ probantur Uvæ Ursti viribus minora. §. III. Uva tamen quosdam non nisi tarde admodum juvat, imo nonnunquam Recidivam post se relinquit, si non continuatur: his sectio suadenda, ne degeneratio partium immedicabilis fiat. §. IV. Congenitus verosimiliter calculus felici sectione curatus. Anceps hæc curatio, cum omnibus eam suadentibus, dissuadentibusque, argumentis enarratur, acutissimusque illi mox subsequens morbus: tum etiam urinae phenomenon, Uvæ Ursti necessitatem, etiam post sectionem indicans. Subjunguntur, intermiscunturque observata circa Lithotomiam, & inconvenera, quæ illa nonnunquam post se relinquit. §. V.

Urin

Urinam Calculosus reddit, in qua, dum in vitro quiescit, lapilli generantur. Homini huic Uva Ursi mirifice confert. Puer calculosus, quo toto tempore Stepfenianum remedium sumit, calculosa ramenta cum urina copiosissima emingit; sectione nihilominus liberandus. Non fuere solati Calculi ramenta, sed corpora genita a materia terrea copiosa, in vesica presente. Forsan generalis Calculosorum ejusmodi Dispositio est. In contrarium autem affertur Historia Rev. Kirkpatrik, & Quadraginta Calculosorum, in Actis Acad. Reg. Scient. Paris. ex quibus Cl. Morandus concludit id proprie effectum esse remedii Anglicani, viresque ejusdem Lithonripticas hinc demonstrari. Argumenta contra hanc sententiam. §. VI. Novum experimentum ostendens id multiplici observatione constare, quod hæc ipsa Diathesis Calculosis communis sit, quodque sincere loquendo Stepfenianum Medicamentum, si forsapone, ac calce, quibusdam levamini est, plurimis tamen ita hanc in Calculosis dispositionem augeat, ut id jam fiat in vesica, quod alias in matula. Conjecturæ quedam circa Lithiasin, & circa originem copiosæ adeo calcarie materie. §. VII. Bine nostræ methodi in calculo videntur cæteris hucusque cognitis anteponende. Vires horum omnium vere Lithonripticas nulla experimenta adstruunt. Unde cura integra non est, sed egregio adeo pallians, ut homo æque li-

ber sit ab incommodis morbi, ac si calculum non haberet. Nec calculus extra corpus humanum in aqua calcis magnam partem solutus, aliud docet. Tandem problemata proponuntur circa causam hujus indolentiae.

§. I. **S**patio elapsi Academici anni frequentiores quosdam olim morbos, observavimus rariores; Paralyfin nempe, Calculos, ac systematis urinosi alias affectiones: haud tamen ita raros, quin novas observationes colligere potuerimus, quorum præcipua dabo, una cum nondum communicatis antiquioribus.

Vir mediæ ætatis a 14. annis dolores in mittenda urina percipiens, cujusdam consilio usus est quotidie, spatio novimestri, septem nucibus Avellanis, & novem Juniperi Baccis. Quo remedio, postquam urinam vini fœcibus similem trimestri tempore minxisset, vitam diu tolerabilem duxit. Tandem tamen dolores redierunt, & urina anni abhinc spatio glutine copioso scaetet, validique adeo urgent tenesmi, ut Intestinum Rectum ad pugni molem extrudatur. Remissionis tempora observat nonnunquam. Et quæ utilia quondam remedia fuerant, ea usu nunc cassa experitur. Calculus, Cathetere inducto, manifestus adparuit.

Integris sex mensibus Uva Ursi, & opiato nocturno, usus, fere convaluit, ut leviora, quæ nonnunquam superant, incommoda non curet, unaediumque, quod ceterum gratis habet, & facile

facile sumit, prorsum negligat. De industria formulam remediū quo malum quondam compescuerat, addidi; ut plura in rerum natura existere intelligeremus, quæ hæc ærumnas mitigent. Aliud sequens historia dabit.

§. II. Vir 32. annorum a 7. ætatis anno urinæ difficultati obnoxius vixit, variosque excrevit calculos. Ad vitæ suæ annum 24. mulierculæ consilio, liquore uti cepit, qui odore ac sapore Therebinthinam referret, eoque integri septennii spatio optime se habuit. Pauper ipse, cum liquori solvendo ultra non esset, substituit Juniperi Baccas, immensaque devoravit quotidie copia. Tandem vero redeuntis doloris crudelitate iterum victus, antiquum liquorem repetivit; sed jam citra levamen. Doctissimus *Gleisner*, qui jam *Græcii*, *Styriæ* Metropolis, praxin magna cum prudentia & laude exercet, miseri hujus curam suscepturus mecum consuluit, datisque cum Uva ursina, & Opiato, traumaticis ob puris emincti copiam Decoctis, ingens solamen homini attulit, & a doloribus per tres septimanas immunem præstitit. Homo tamen labescentibus sensim viribus contabuit, periit.

In cadavere renes magni, sinister præprimis, saccos pure plenos referebant. Ureteres ita amplissimi, ut sinister Intestinum Colon amplitudine superaret. Vesica circum calculum contracta, ac plane ulcerosa. Calculus uncias quatuor, una dragma minus, pondere pendebat, fus-

216 DE CALCULO, UVA URSI,
cus uno latere, altero cinereus.

Confirmari dato exemplo cernimus, quod Tom. 1. variis anatomicis observationibus posueram; eos nimirum Uva Ursi non curari, quos Lithotomia curare non potuisset. Calculi quippe sectio degenerationem ureterum, ac vesicæ, renumque, non emendat, non aufert. Deinde ex enarratis patet solamina plura adhiberi posse, quibus longa annorum serie sopiantur hæ calamitates. Occasione liquoris Therebinthinam referentis memini olei dicti *Harlemensi*, apud *Batavos* famigeratissimi, quod Therebinthinam odore ac sapore quoque multum æmulatur. Equidem nocet multis, aucto forte stimulo, aliave ejus qualitate; sed plures tamen novi, qui ejus usu per annos sese præstent doloribus immunes. In Millepedibus cum Oleo Vitrioli Rostochii *Laurenbergius*, in *Dissert. de Lithontrip. ad Hoyerum*; in Olei Vitrioli rectificatissimi usu copiosissimo *Schulzius* (vid. *Disp. Chir. in Collect. Ill. Hall. tom. 4.*) efficax ad calculum remedium invenisse se autumarunt. *Uva Ursi* tamen reliquis palmam præripere videtur, quia & pluribus prodest, & constantes curas, calculo etiam manente, efficit.

§. III. Porro quanvis celer in multis ejus effectus sit, in aliis tamen tardus admodum observatur; id quod in bienni infante, ante triennium mihi exhibito, præprimis observavi. Etenim datum per 4. menses remedium vix ju-
bat

bat quidquam ; deinde inconstanter ; jam vero ab anni elapso spatio constantissime : ita tamen, ut si semper bene valentem esse puerum Parentes velint, pulveris usum intermittere nunquam debeant . Asper calculus ipsi ante triennium deprehensus, similis etiam hoc anno, repetita per Catheterem exploratione, inventus est.

Hic sane puer non eum remedii habuit, quem alii, effectum . Alii enim post longum ejus usum nesciunt ultra se calculo laborare, quanvis a longa die remedio carentes ; hic si diu intermittat, a redeunte dolore ad idem confugere cogitur . Quare si hoc anno id non emendetur, facile proponemus Parentibus Lithotomiam : cum ab una parte Uva Ursi, magno pere licet ipsi proficua, clare tamen innuat aliquam, quanvis forte nondum valde notabilem, urinosi systematis degenerationem ; prout observata Tom. I. data docuerunt : ab altera parte metus est, ne a diuturniore medicamenti usu vel abhorrere puerulus, vel desistere Parentes, incipiant, quod remedio dudum non adhibito, malum sensim renasci videatur : quo in casu miserrimum in statum puer dilaberetur, neglectuque auxilii in Vesicæ, Ureterum, Renumve, immedicabilem incideret degenerationem . Ita simili in casu hoc anno fecimus.

§. IV. Quippe mense Februario anni 1759. Parentes ad me ducunt novennem filium suum, qui ex quo natus erat, perpetuo ipsis visus fuerat in emittenda urina dolere, ejulare, eamque

nunquam naturaliter, sed perenni reddere stillicidio. Ærumnis hisce pauperes pedetentim assueti medelam non fecerant; jam vero cum sine commiseratione intolerabiles pueri dolores a 14 diebus adspicere ultra non possent, eum mihi obtulerunt. Immisso cathetere Calculum manifeste deteximus.

Bimestri spatio incredibile quantum Uva urina profuerit! Renascente nihilominus posthac dolore, omnem curationis fiduciam deponere Parentes, puerumque omni destitutum reliquere auxilio. Interea ita crevit crudele malum, ut nunc hunc, nunc illum, levandi causa, adierint. Integro demum anno, ex quo puer ultimo nobis oblatus fuerat, elapso, Pater illum hoc mense Majo iterum adduxit, enixe petens, ut eum sectione liberaremus. Calculi præsentiam exploraturi, catheterem non nisi cum labore, dolore, hæmorrhagia, inducere valuimus, nec movere inductum: ita ut calculum ea vice non perciperemus. Digito vero in anum immisso, eundem versus vesicæ collum deprehendere videbamur.

Hic optimus noster Chirurgus *Ferdinandus Leber* egoque, rem citro, ultroque, versavimus. Repræsentabamus nobis 1^{mo}. Casum ut fere congenitum, forsitan incurabilem fore, & notabiles nonnullas partium degeneraciones jam adesse. 2^{do}. Uvam Ursa initio prædesse visam, reditum calamitatis minime impedivisse, adeoque non juvante ea, nec Lithotomiam, ex fa-

ctis

Etis antea observationibus, profuturam. 3^{io}. Vesicæ ad calculum contractionem, tum impedimento fore, ne operatio rite peragi posset, tum si adhuc perageretur, vulnus vesicæ densæ, cartilagineæ, imo scirrhosæ, non coaliturum. 4^{to}. Hisce iisdem difficultatibus fortassis etiam alios permotos fuisse, ut operationem prudenter a se declinarent; ac proinde eadem nobis non succedente, aut justam deprehendendi, aut saltem iniquam calumniandi causam, nos iisdem præbituros.

Sed ab altera parte considerabamus. 1^{mo}. Patrem, aliosque, qui nobis puerum commendabant, id ardentè desiderare. 2^{do}. Vires ejus aptas ad subeundam sectionem. 3^{io}. Ex reditu doloris ad degenerationem partium paulo forte meticulosius concludi; cum Uva ursina haud sufficienter adhibita fuisset. 4^{to}. Vesicæ validam circum calculum contractionem, indurationemque, tum operationi, tum vulneris consolidationi, impedimento quidem fore; attamen id nondum certo constare. Cavis namque in visceribus nunc summam observari contractionem, nunc iterum relaxationem; adeoque ad eorum contractionem semel, iterumque perceptam, velle eandem perpetuam credere, iniquum fore. Argumento esse experientissimi *La Motte* observationem, qui tertio jam die uterum contractissimum, una cum suo Collega, offendens, partumque lege naturæ impossibilem credens, demum parturientem *DEL* solius auxilio

xilio commendaturus, abiturusque, ultimo tandem explorare tentabat, jamque mirabundus contractionem ita relaxatam deprehendebat, ut brevior, commodiorque partum vix unquam vidisset expertissimus Embryulcus. Sed etiam mutue nostræ circa vesicam urinariam experientiae, mutuam nobis memoriam refricabamus. Adeoque nec hoc operationem impedire oportere, si nova exploratione contractionis relaxationem deprehenderemus. 3^{to}. Denique si ad sectionem rationes sufficienter probabiles adessent, quæ factam nobis tectamque conscientiam redderent, famæ detrimentum omnium postremum esse oportere, ad quod ii attenderent, quibus proximi salus unice ante oculos versaretur.

Sectionem igitur concludentes, instituimus eam diē 26. Maji, præsentibus Magnifico Archiatro *A. Storck*. Cl. Viro *J. Gasser*, dignissimo nostro Anatomæ Professore, Viro expertissimo *L. Erndl*, Physico in Nosocomio Civico, Medico prudentissimo, optimo Chirurgo Cæsareo *Homburg*, dexterrimo ad S. Marcum Chirurgo *Reigberger*, Nosocomii Assistentibus, aliisque.

Catheterem, Itinerarium in operatione dictum, non nisi magna cum difficultate Operator *D. Leber*, induxit, sanguine denuo ex uretere profluente: eo vero intra vesicam admissio, urina mox jactu valido, & continuato, Catheteris apertura profiliit, ipseque Catheter

com-

commode in vesica movebatur. Itinerarii apice oblique ducto, ut fere 15. gradus notasset in quadrante circuli, si angulus rectus a centro Itinerarii & ad medium Perinœi, & ad latus, ductus fuisset, fiebat sectio sufficiens. Cujus longitudinem cernens Operator, eamque calculi magnitudine, per anum explorata, majorem intelligens, non usus est instrumento famosi Lithotomi *Le Dran*, quo in longitudinali sectione adhuc alia fiat, quæ latus sectionis externum in angulos rectos secet, ut calculo majus spatium paretur: eo, inquam, instrumento ob vulneris amplitudinem haud egens, illico Conductorem introduxit, & extracto Itinerario Forcipem. Verum cum simul calculum digito in vulnere prehenderet, Conductorem, Forcipemque extraxit, ac digitis calculum prehendit, eduxit. Vix quinque minutis tota operatio durabat. Ejulans eo usque puer, mox ad visum calculum præ gaudio exclamabat, veluti hoc momento omnium ærumnarum oblitus. Calculus ovalis, asper, sed mollior; ut si forfice captus fuisset, exteriore sui parte omnino abiisset in grumos, parvosque lapillos. Erat ponderis unc. i. dr. i. scrup. i. Potuit Chirurgus facile perlustrare vesicam, alium calculum, grumosve, quærendi causa. Vulnus illico plumaceo-
lo textit, & emplastro; repositoque in lectum puero, ventrem tepido oleo rosaceo totum inunxit, ac mappa lanea textit. Emulsionis leviter paregoricæ, & juris carniū, portio modica dabatur alternatim.

Fortu

Fortunatissimam sectionem horrida symptomata, a nobis sane non prævisa, sequebantur. Post meridiem quippe febris magna, vespere ad octavam maxima, oriebatur; una cum pessimo Peripneumonicorum roncho, tenoque, & asseris instar duro, abdomine. Quare mox novem unciae sanguinis brachio detractæ, & emolliens cataplasma ventri, oleo bene inuncto, admotum est. Ingravescente autem post mediam noctem febre, roncho, tumore, ac duritie ventris, repetita V. S. fuit. Summe plueriticus utriusque missionis sanguis fuit. Exinde sensim decrevit febris, ac febricula modo per aliquot dies adfuit; urina per vulnus bene effluxit, pusque quarto die ad bona labia deprehensum est. Eluebatur porro vesica sæpius decocto hordei cum oleo lini, ne quid heterogenei in eadem maneret. Emulsiones paregoricæ diu continuabantur.

Sed de Urethra nunc cogitandum erat. Vulnerata quippe hac toties per Catheterem, nec amplius stillicidio urinæ consueto aperta, sed collapsa, nunc facile coire, obturarique poterat, omni urina per vulnus effluente. Cum enim a secto calculo nonnulli per omnem vitam urinæ vulnere stillent, sive ob vulneris non coeuntis malignitatem, vel ob Urethræ coalitionem, metuiamus molestissimum hoc turpissimumque incommodum a posteriore causa. Unde liquorem in Urethram quotidie injiciendum esse decrevimus. At vero læti advertebamus maturum urinæ

næ per Urethram stillicidium, ideoque destitimus incepto. Tandem hortatu, multisque promissis, puerum deduximus ad consuetudinem urinam in vitrum reddendi: unde clauso penitus exacta septimana tertio vulnere, ac cicatrice obducto, urinam deinde semper debito tempore retinuit, & in vitrum aut matulam redde consuevit.

Attamen necdum absoluta cura nostra. Glutinis, calculum væsicæ comitari soliti, & aliquoties puris, copia notabilis in fœtente urina quotidie adparuit. An id residuum ejus, quod calculi tempore in vesica præsens, injectionibus ablui, præ tenacitate, non potuerit? Et an vesica hinc inde exulcerata a calculo fuerit? Igitur mox Uvam ursinam dedimus, qua continuata urinæ fœtor paulatim emendabatur, & pauculum ultra illius materiei nunc prodit.

Quam pulchre hæc Lithotomia confirmat sententiam, quam supra, de varia amplitudine & contractione viscerum cavorum protulimus! Hinc raro desperandum. Prudentia tamen semper opus est, ne vesicam, quo tempore adeo contracta est, importune lædamus. Nunquid, si ter, quater, eandem contractam invenimus, ipsam irreparabiliter contractam esse concludemus? Forte sic est: sed si per vices contrahatur, laxeturque, fieri id potest, ut sæpius in contractionis tempora incidamus, & ut ea tamen haud perpetuo contracta maneat. Ita ut
ne

224 DE CALCULO, UVA URSI,
ne tunc quidem, sine ulteriore examine, ani-
mum despondeamus.

§. V. Est hac occasione de alio calculosorum
phænomeno differendum.

13. Julii hujus anni ad me venit Civis
Cremzensis, vir 34. annorum, qui per 28. an-
norum spatium verus Lithiascos Martyr, cura
ardore nunquam non minxit rubram arenam,
calculos autem nullos. Evacuavit subinde olim,
& nunc sapius ab octo retro annis, copiosissi-
mam albam glutinosam materiem; quæ paucu-
lo tempore sibi relictæ, friabiles format, albi-
dosque lapillos. Et hæc quidem in quiete. At
si corpus itinere, aliove modo, movet, uri-
nam fuscam, ac stranguriosam deponere solet.
Lapillos hos, quorum copiam habeo, diceret
quis cretæ albæ majora esse minoraque frustra,
ad figuram demum vasis, in quo urina servatur,
formata. Incredibile quantum miserrimus ille
intra mensis spatium Uva Ursi mutetur, idque
jam ab ejusdem initio: ut certe spem magnam
faciat summi solaminis.

Juvat hic phænomenon referre, quod 20.
abhinc annis observavi, una cum celeberrimo
Viro W. *Ouwens*, *Franequeræ* Academiae in Me-
dicina Lumine, ac Celsissimæ Principis *Arau-
sionensis* viduæ Archiatro. Calculosus puer *Hagæ
Batavorum* utebatur famoso Anglorum remedio,
Joannæ Stepfens, dicto; quod constat pulvere,
decocto, & pilulis. Pulvis componitur ex pu-
tantiæ

tamine ovorum, & limacibus, domiportis dictis, omnibus vero calcinatis. Decoctum fit ex Saponе Hispanico, seu Veneto, ex calcinata herba dicta Ambrosia campestri, Floribus Chamomillæ, Fol. Fœniculi dulcis, Petroselini & Bardanæ. Pilulæ parantur ex Domiportis calcinatis, semine Pastinachæ sylvestris, seu Elaphobosci; & Lappæ majoris; tum ex Fructibus Fraxini, Rubi Idei, & Oxyacanthæ: horum omnium calcinatorum a. q. f. Cochleare pulveris cum unc. iv. Saponis Hispanici, & Mellis q. f. in pilulas redigitur.

Videbamus porro hunc puerum, magno cum Parentum gaudio, cum urina quotidie emingere fragmenta alba, lapidea, vel calcarea; ejus quidem formæ, ut adparerent veluti excorticantis se calculi ramenta esse. Quanvis autem longo tempore ejusmodi materiem copiose redderet, calculi tamen symptomata ideo non mitigabantur, neque imminutus deprehendebatur calculus. Ita quidem, ut tandem post collectam magnam ramentis hisce repletam pixidem, puer sectione liberari a magno calculo debuerit.

An ergo in corpore illius pueri idem aglutine, in vesica calculosorum contento, productum est, quod in cive *Cremzensi* ab eadem materia in vitro? aut in matula? Et quidem ita, ut indurescens, lapidescensve, hoc gluten, primo adhæserit circum calculum; deinde fragile nimis, per ramenta cum urina prodeuns, exfoliati in dies calculi specie deceperit? ut que sibi-

nos hosce casus inter sese conferamus, videremur ejus fere convicti esse, quod talis sit calculosæ urinæ dispositio, ut quandoque suo in glutine, sive dum intra vesicam est, sive extra eandem, petrificantem, ut ita dicam, hanc materiem gerat. *Cremzensis* enim nihil fumsit, quod ullam habeat cum *Stepfeniano* remedio affinitatem; ut exactissimo examine, iterato instituto, certus novi. Hanc autem sententiam confirmabit afferendum deinceps ex clarissimo *Adamo* exemplum.

Contrariam tamen conclusionem sequentia videbuntur suadere. Rev. *Jacobus Kirkpatrik*, in edito morbi sui diario narrat se postquam 17. annorum spatio Nephritide calculosa, & vesicæ calculo, laborasset, *Stepfenianis* medicamentis ab Octobri mense 1638. usque ad Aprilem 1739. sedulo usum esse, & quod nunquam antea sibi contigerat, jam ab initio curæ se ejusmodi fragmenta cum urina excrevisse, idemque & durante tota cura, & post eandem, continuasse: ita ut majora minorave fragmenta numero 1036. eminxerit, prætereaque quinque parvos lapillos.

Sed secundo idem *Kirkpatrik* sæpenumero in matula sua advertit illud ipsum glutinosum urinæ sedimentum, in similem, sed sæpe crassior, magisque lapideam, abivisse substantiam. Egregius *Morandus* in *Act. Acad. Reg. Scient.* anni 1740. in sua prima dissertatione super *Stepfenianis* medicamentis, observationes nobiscum

scum communicans, quas circa 40. homines, iisdem usos, jussu Academiæ fecerat, adnotaveratque, asserit illos homines passim omnes solere, *Communement ils ont rendu* &c. ab ipso remedii principio, cum urina gluten, albumque deponere sedimentum; quod dum servaretur, atque siccesceret, in flavum pulverem abiret; huncque pulverem, dum igni imponeretur, animale quidquam redolere. Plures porro non nisi hanc solam materiem produxisse; alios autem etiam veluti *crystallizatas* laminas, talco perquam similes; alios squammas lapideas, eademque convexas; nonnullos dura fragmenta calculi; quosdam denique lapillulos. Additque eos, qui ante remedii usum rubram mingere arenam consuescerent, eandem sub remedio ultra non reddere.

His ita utrinque positis, qui ab una parte considerat in glutine calculosorum, qui *Stephaniæ* medela nunquam usi fuerint, hanc calcariæ aut lapideæ materiæ genesin haud ita descriptam esse; & e contrario eandem a glutine urinæ eorum, quibus hæc medela exhibita fuerit, fere inseparabilem esse: in eam facile sententiam abire forsitan potest quod ab eodem remedio miseranda ad Lithiasin diathesis passim generetur, illudque ideo augere potius calculum, quam solvere, conterereque debeat. Equidem contrarium laudatus mox *Morandus* in altera sua dissertatione *Act. Academ. Reg. Scient. Paris. anni 1741.* evincere conatur;

P 2

dum

dum calculum hominis, qui post ejusdem remedi-
dii usum, crudelitate morbi aucta, periisset,
dum duos alios calculos binorum hominum,
quos remedio frustra ulos sectione servare oportu-
iisset; plenos invenerit inæqualitatibus, crenis,
foraminibus. Fateor, cum claro hoc Scriptore
in eandem olim sententiam abiveram, præ ar-
gumenti probabilitate: sed ab eadem discedere
observationes postmodum captæ jubent, co-
gunt.

Observo enim 1^{mo}. & civem *Cremzensem* læ-
pideam hanc, aut calcaream materiem abundan-
ter reddidisse, licet nec hoc famoso olim reme-
dio, nec illi consimili, unquam usus sit; &
Haganum puerum, post tantam emissæ hujus
materiæ copiam, nullam calculi sectione educti,
solutionem exhibuisse. Considero 2^{do}. præclaram
remedii famam velocius forte evanidam, quam
natam fuisse; ipsosque *Britannos*, ab octo &
pluribus retro annis, in aqua Calcis cum Sapo-
ne, vix ulla *Stepfeniani* remedii facta mentione,
omnem fiduciam collocare. Sed dico 3^{io}. ejus-
modi calculos inæquales, ac veluti corrolos,
foraminosos, hinc inde pumicosos, frequen-
ter reperiri in his, qui illud remedium non ad-
hibuerint; hasque præterea inæqualitates calculi
æque ab adposita inæqualiter materie, quam ab
eadem soluta & ablata, produci posse,

Fuisse tamen, quis oggeret, quos observatio-
nes allatæ integre curatos affirmant. Respondeo
nondum convincentia, quæ id statuant, argu-
menta

menta esse. Equidem copiosior Calcis, Saponis-
que, usus : multis profuit, ut Nobilissimo
Horatio Walpole, ut Homini nostro *Tom. 1.*
Rat. Med., ut ibidem *Viro Militari*, & ut novum
exemplum adhuc præ oculis habeo. An vero
ideo, qui remedium *Anglicanum* sine noxa to-
lerantes, levamen inde experiuntur, curati di-
ci debeant? Et *Kirkpatrick*, & reliqui Angli,
Gallique, quos inde curatos fama ferebat, vix
notabili tempore a remedio destiterant, dum
promulgarentur eorum curationes. Imo ipse
Kirkpatrick vix ab illo cessaverat, quin lumbo-
rum se vexari dolore denuo conquereretur; quem
tamen in gratiam, ut apparet, remedii, Lum-
bagini, quam Nephritidi, acceptam ferre ma-
luit.

§. VI. Sufficiat porro, occasione experimen-
ti civis *Cremzensis*, ea argumenta attulisse, quæ
Anglicanum medicamentum laudent, vituperent-
que. Superest meam paucis opinionem dicam,
quam novo experimento fundabo.

Urinas enim varias calculo laborantium col-
legi, gluten inde separavi, & in aere aperto,
limpida urina abjecta, posui. Brevi glutinosum
hoc exaruit, & dr. 2. aliquando dr. 3. mate-
riæ lapideæ ad figuram vasis formatæ exhibuit.
An autem non detur calculosus, quin idem
phænomenon in ejus urina adpareat, nondum
asserō; sufficiat experimenti demonstrasse fre-
quentiam.

Summa ergo rerum hæc esto: Quivis homo,

230 DE CALCULO, UVA URSI,
etiam sanissimus, calculi rudimenta in se ha-
bet, eo quod solida corporis continuata vitæ
actione deterantur, abradantur, humoribus mi-
sceantur, & magnam partem per urinæ vias
eliminenter de corpore. Hinc etiam pro magna
parte oritur terra illa subtilissima, quam Che-
mia in urinis invenit. Nullam inde labem sa-
nus homo habet; quia ex alimentis tantum ac
tale deperditorum loco adplicat, quantum &
quale deperditum fuerat: deinde cum nulla in
itinere obstacula terrea hæc materies offendit,
innoxie, integreque de corpore eliminatur. Huic
nunquam calculus nascetur. At vero si contin-
gat vel minimum corpusculum alicubi hære-
re, ut v. g. fibrillæ portionem suppurando so-
lutam, aut tantillum puris mora exsiccati, aut
grumum sanguinis, &c. id tunc inde proficisci
potest, ut terrea materies ad ejusmodi obstacu-
lum retardetur, adplicetur, & adhærescat: id
quod dum continuo sic pergit, ideam calculi
nobis facile format.

Sed 2. Experimenta, ut vidimus, docent in
urina calculosorum multorum copiosam mate-
riem terrestrem haberi, quæ in his cito, in il-
lis tardius; in quibusdam ex ipsa urina sta-
gnante, in aliis duntaxat ex asservato post ef-
fusam urinam glutine; cretam quandam, lapil-
losque formet. Quæri hic potest, num omnis
illa cretacea materies tantummodo a solidis hu-
mani corporis detritis? An vero dentur alimen-
ta, potulentaque, quibus subtilissima hæc ter-
ra

ra contineatur; quæ idoneo vehiculo mista, lacteorum oscula subeat, cum sanguine commisceatur, ab eodem per urinam abluatur? Sane Regiones, in quibus calculosos vix invenire est, ut v. g. multi *Lombardiæ* loci, ejusmodi suggerunt suspicionem.

An præterea calculosam diathesim id demum appellemus, quod efficiat, ut terrestre id, quod in aqua, quod in alimentis, quod in vino est, minus subigatur, ad sanguinem vehatur, cum sanguine commisceatur, iterumque humorum circuitu, ac vi vitæ non mutetur, & in renibus tandem cum urina secernatur?

Nunquid etiam Arthritica materies eidem producendæ apta? Utique, cum Arthritidem ultimæ digestionis defectus efficiat, videntur minima quædam elementa terrestria immutata manere; eaque ut ad juncturarum arteriolas applicantur, ita etiam ad eas renum applicari posse, & urinas generare calcareas. Hujus mentis clarissimus *Adamus* est, in dissertatione anno 1740. edita, occasione sexagenarii hominis, qui perpetuo rerum aut saccharo, aut lacte, paratarum, impensus amator, Arthritidi, quovis occupanti artus, obnoxius ultra 20. annos vixerat; dolorum vero pertæsus, eisdem novem abhinc annis Theriacæ emplastro sopiverat. Unde in periculosum morbum primo prolapsus, dein anomalam prorsus Arthritidem in multis internis corporis partibus per vices expertus erat; a quinquennio autem acerbos vesicæ urinariæ

dolores crebro repetentes, Dysuriam, & varia alia calculi vesicæ symptomata. Biennium erat, quod ramenta calculosa, nucum putaminum instar concava, copiose emingeret; annus autem, quod his ramentis absentibus mucum cum urina redderet, qui in cretaceam abire materiem soleret. Et quod præprimis notandum, Podagræ accessu lotium eo muco carebat; Podagræ recessu scatebat eodem. Confirmat deinde hanc suam de materie Arthritica ideam Autor eruditus variorum Scriptorum testimoniis. Quin etiam exemplis demonstrat calcaream Arthriticorum materiem non modo ad vias urinarias, sed quoque ad quævis alia corporis loca concretiones producere lapidosas.

Sane quæ mihi hanc sententiam probabilem reddant, plures habeo rationes. Arthriticum hominem Nosocomium XV. mensium spatio aluit, qui ab annis quindecim tum colli vertebriis, tum pedum manuumque ambarum articulis, calcaream materiem excreverat, & etiamnum excernebat. Primo tempore urinam pallidam, & admodum furfuraceam emittere solebat; ultimo autem semianno, multo semper pure, una cum furfuribus, onustam; denique multis ante obitum diebus & limpidam, & paucissimam. In cadavere nullus ullibi puris fomes: verum ipse sanguis, qui incredibiliter paucus in corpore supererat, adeo polyposus fuit, ut vix guttula ejus inter secandum prodierit; quod, ut obiter notem, clare ea confirmat, quæ Tom. I. Cap.

Cap. II. de *Puogenia* scripseram. Quod autem maxime ad rem nostram; Renes ambo in corticali sua substantia crassi & ampli, omnino arenosi erant, ita ut quacumque in parte nitido semper cultro secarentur, novam semper arenam proferrent. Quippe calcarea materies hujus Podagrici partim ad renes delata, videbatur jam urinam calcaream productura fuisse, nisi eadem vasorum urinam secernentium ora obstruxisset, hincque tum urinæ secretionem fere impedivisset, tum ipsam corticalem renum substantiam reddidisset arenosam. Calculosus ceterum nunquam fuit.

Præterea relatus a *Sigismundo Koenig* ad Societatem *Anglicanam* casus Juvenulæ, quæ post enormes artuum dolores demum in plurimorum, eorundemque majorum, calculorum vomitum inciderat: descripta *Weismanno* historia quinquagenariæ, quæ crudeles Arthritidis dolores perpeffa, tandem tum intestino Recto, tum ipsa vulva, plurimos excreverat lapillos: notata denique ab ipso Clar. *Adamo* enarratio *Schneideri* de INVICTISSIMO IMPERATORE MAXIMILIANO II., qui Podagra gravissima conflictari solitus, calculos in corde gessisse post mortem inveniebatur: hæc, inquam, omnia Cl. Viri sententiam mirifice fulciunt.

Porro quod concavas Podagricus ejus reddat has concretiones, id vel ideo est, quod calculum in vesica habeat, ad quem adplicata hæc materies, hanc formam induat necesse est; vel
quod

234 DE CALCULO, UVA URSI,
quod vesicæ ipsi, forte contractæ, qualis calculosorum frequenter reperitur, se adplicando, eam figuram adipiscatur. Prius tamen enarrata symptomata probabilius reddunt; & Catheteris, quem non adhibuerunt, opè, certum, ni fallor, fieret.

Tandem 3^{tio}. compertum esse vidimus, calculosos homines ab *Anglicano* medicamento sic disponi, ut materies illa, toties descripta, jam in ipsa eorum vesica lapidescat. Infaustum ergo remedium hoc tam a priore dici deberet, quam tale esse experimentis comprobatur.

§. VII. Ex omnibus hucusque dictis evidens demum fit binas nostras in calculo methodos ceteris omnibus, hucusque per alios laudatis, tum præstantiores esse, tum constantiores. Curæ enim id mihi fuit, ut, quotquot eorum, qui alterutra curati, indagari potuerant, quærerentur, examinarenturque sedulo, utrum ab omnibus symptomatibus immunes esse persisterent, nec ne; ut demum, si relaberentur, genuinam relapsus historiam cum publico communicarem; at vero curæ perstant. Prima nostra methodus vere *Brittanica* est: eandem tamen, æquali copia lactis ad aquam Calcis adjecta, promptiorem, felicioremque, invenimus. Unde etiam eandem *Stepfeniana* methodo, licet nonnulla cum illa communia habeat, tum efficacior, tum humano corpori per omnia tutior, existimamus. Altera vero methodus, quam compendii causa, nostri Nosocomii voco
metho-

methodum, Illustrissimo autem Præsidi gratus debeo, numero plurimas constantes curas effecit.

Facile ex his omnibus patet, nec in nostris remediis, nec in omnibus per alios recensitis, vires inesse Lithontripticas, quantumcumque id de suis multi jactitarint. Experientia sane convincere omnes debuit, tum in paucioribus his, quos *Anglicano* medicamento dudum frustra adhibito, sectione liberare a calculo oportuit, tum in omnibus, quibus remedia nostra profuere. Quippe fuimus in eo Chirurgis Gallis fortunatiores, qui, teste *Morando*, a nemine eorum, quos *Stepfeniana* remedia juverant, id obtidere potuerint, ut se denuo Cathetere examinandos præberent: dum interea nostri voto morigeri, calculi, ejusque nonnunquam asperioris, præsentiam, nobis demonstrarint.

Nunquid tamen calculus vesicæ, longiore tempore in Aqua Calcis maceratus, non solvitur? Solvitur certo multorum mensium spatium, modo Aquæ Calcis aditus detur ad calculum, auferendo sæpius id, quod in ejus circumferentia pumicosum ab aqua redditum fuerat; ceterum minime. Ita demum trium mensium spatium solvi præcipuam majoris calculi portionem. Similiter in experimentis suis calculos in Aqua Calcis solvebat Doctissimus Vir *Carolus Alston*, famosus Professor *Edimburgensis*, scriptis clarus. Videatur in egregia sua *Diss. de Calce viva, & Aqua Calcis*. Verum in vesica humana neque calculus scalpello abraditur,
neque

neque illibata virtus Aquæ Calcis ita vesicam ingreditur, ut in experimentis nostris. Non mirum ergo hominem, qui 1600. libras Aq. Calc. spatio sex mensium biberat, jam post tertium illibatæ valetudinis annum adhuc calculum in vesica gerere, ut exploratione Catheteris constat.

Quærat porro nemo a me, qui fieri id, qui concipi queat, quod homo calculum in urinario systemate gerens, secernendi tamen, excernendique urinam, perfectam exerceat functionem; & adeo indolens vivat, ac si calculum non haberet? Sufficiat rem, captu difficilem, observatu constare. Præcedenti Tomo, observationis frequentiam plurimis exemplis demonstravi, quæ exempla ab Autoribus notata, collectaque fuerant, priusquam quæstio præsens existeret. Nunquid sive in humoribus humanis, sive in ipso urinario systemate, aliquid existit, quod applicatum calculo, dolores, spasmosque excitet; quodque ipsum in quibusdam corporibus vel minime, vel haud sufficienter adsit, ut creet dolores? An hinc ratio petenda, cur inter diuturna tormenta calculosorum nonnulli lucidis fruantur intervallis? An tandem Calx, & potissimum Uva ursina id in humoribus, aut systemate urinario, demant, absorbeant?

C A P U T XII.

De Aneurysmate.

§. I. *Duo Aneuysmata curata, & Tom. I. descripta, egregie curata manent.* §. II. *Aneurismata non raro cognitu difficilia, imo etiam impossibilia. Probatur 1. exemplo Aneurysmatis ad Poplitem, quod ad vitæ finem usque Chirurgo imposuit. Anatome. Disquiritur an homo culpa Chirurgi periisse credendus sit? Animadversio in Practicos, quibus Collegarum honori detrabere volupe.* §. III. *Probatur idem 2. exemplo inventi ad pectus Aneurysmatis. Sequuntur ad hos duos casus Corollaria Medico-Chirurgica. Quandonam compressio Aneurysmatis externa prodesse queat, nocere debeat.* §. IV. *Origo, ac celer progressus Aneurysmatis arteriæ popliteæ, & amputatio cruris. Considerationes Medico-Chirurgicæ circa arteriarum interceptiones, ac Fungi Agarici ad abscissas arterias adplicationem. Hemorrhagia letalis, quanvis tanta adhibita esset in operatione prudentia. Anatome. Problemata circa hoc infortunium.* §. V. *Varia Phenomena Aneurysmatum internorum, eademque palliandi methodus.*

§. I. **D**Edi anno proxime priore duarum feminarum historiam, quarum altera com-

compressione simplici, altera operatione, ab Aneurysmate in brachio curatæ fuerant. Caput præsens compositurus, jussi ambas in urbe quæri, & ad me adduci, quo constantiam curæ, inconstantiamve, cum publico communicarem. Lætus vidi utriusque perfectam curam fuisse, ambas sanissimas esse, omnemque, quem vellet, motum, brachio exercere posse. Unice modo conquerebantur, quod ad mutatas tempestates ingrata titillatio affectam olim arteriam afficeret.

§. II. Cognitio Aneurysmatum utinam certior esset; signisque munita pathognomicis desisteret turpissimis erroribus ansam præbere! Hinc infortunia, quæ vel mihi, vel aliis, defectu horum signorum, contigerint, candidus enarrabo; quo demum aut majorem in Diagnosi certitudinem, aut majorem saltem in pertractando eo prudentiam, omnes adipiscamur.

Homo 37. annorum per omnia sanus, mense Octobri 1759. Erysipelate ad internum sinistri pedis maleolum se laborasse narrabat; eoque evanido, dolorem se ad ejusdem cruris poplitum percepisse, deprehendisseque ibidem tumorem, qui mole ac dolore indies augesceret. Hisce compescendis Emplastro Oxycroceo admoto, non modo tumorem ac dolorem poplitis auctos esse, sed integrum crus, pedemque, occupasse.

Hæc porro narrabat Chirurgo, quem medio Januario hujus, quem vivimus anni, ad se vocabat.

cabat. Attente exploratis ille omnibus, detexit ad caput internum ossis tibiæ quendam veluti materiæ strepitum; in medio vero ejus, exter-noque capitis latere, materiem fluctuantem. Quantum cumque rem examinabat, malum a vi quapiam externa originem ducere deprehen-dere non potuit. Itaque crus ac pedem vehe-menter inflammatum esse cernens, cataplasma emolliens circumposuit illi. Altera die pars affe-cta abscessus similitudinem hinc inde exhibuit, observatusque antea strepitus, conticuit. Die tertio crure ac pede detumescētibz, maturum fere abscessum poplex referebat. Die 19. Jan. turgens pure tumor, ac veluti pus hinc inde transsudando propellens, levi scalpelli ictu dila-tabatur, effundebatque mox purulentam mate-riem, sed simul 4. vel 5. cochlearia sanguinis. Levamen hinc tantum, ut indies redeuntem sanitatem æger assereret. Nitrosis emulsis interea utebatur. Sexto vero demum ab apertura die, quis crederet unquam! Hæmorrhagiam adusque animi deliquium passus est. Involvit, ligavit-que, quacumque possibili arte, partem. Adve-niens mox Chirurgus citra guttulam affusam sanguinis totum abstulit adparatum. Sanguis igitur ultra non effluxit, debili tatem ægro ronchus in pectore auditur, deficit respiratio, & 12. horis ab hæmorrhagia elapsis moritur.

Re ego percepta, ad ædes me contuli, & emta examinandi venia, Aneurysmaticum sac-cum pugni magnitudine inveni, qui ex par-
va

va origine, suo in collo vix digitum crassa, in enormem hunc faccum abiverat. De corpore ablatum in liquore servo.

Facile prævideo multos his lectis fore, qui suis in arte Collegis condemnandis assueti, in Chirurgi sive ignorantiam, sive imprudentiam, acriter investuri sint, ac si miserandus ille homo Chirurgi culpa periisset. Verum antequam eo perveniant, rogatos eosdem volo, ut, vacuo a præjudiciis animo, ad sequentia mecum attendere velint.

1. Aneurysmati generanda nulla causa violenta præcesserat. 2. Nulla Aneurysmatici tumoris signa ex anxietate ad compressionem, vel ex ejusdem pulsatione, aderant. 3. Strepitus quidem percipiebatur; sed cum is & in Aneurysmate aliquando, nonnunquam etiam in tumoribus purulentis & aquosis observatur, ad quos Emphysema sive ob aeris accessum externum, sive ab ejusdem generatione interna, accedit; hinc cum nulla alia Aneurysmatis indicia adessent, strepitus loci ad aliam longe originem, quam ad Aneurysma, referendus videbatur. 4. Sex diebus continuis apertus tumor pus, nullum vero sanguinem, dedit; id quod alioquin in Aneurysmate, ablata resistentia, impossibile videtur. Equidem in apertura ipsa aliquot effluxere cochlearia sanguinis; sed quis Chirurgorum ignoret expanso vase cutaneo, eoque percisso, quandam hæmorrhagiam observari oportere? Sex sane dies sine ullo sanguine aper-

to

to de vulnere transacti, quam cumque Aneurysmatis suspicionem, si qua nata forte fuisset, dispulissent. 5. Et qui tum in Aneurysmate, tum variis aliis in tumoribus quandoque adest strepitus, jam pridie aperturæ evanuerat. E contrario 6. communis inflammationis signa, Erysipelas nempe aderant. 7. Hæc inflammatio primum malleolum internum occupaverat. 8. Nil verisimilius, quam quod Erysipelas Metastasin ad poplitem fecerit, relinquens malleolum. 9. Inflammatio Erysipelatosa in abscessum abiit. 10. Fluctuatio materiæ manifesto percepta est. 11. Apertura facta, pus & mox, & sequentibus exivit diebus.

Suam cuique sententiam integram relinquens, judico inculpatum Chirurgum fuisse, & concludo ita personatum Aneurysma esse posse, ut decipiat vel oculatissimos. Quo subinde contingente, necesse foret quosvis cordatos Chirurgos Medicosque in defensionem ejus, qui deceptus fuerit, unitos videri, & probe memores principii tum Naturalis, tum Evangelici: *Quod tibi non vis fieri, alteri ne facito.*

§.II. Confirmare idem potest historia sequens. Femina quadragenaria 17. Junii præsentis anni me accessit, conquerens a 3. vel 4. annis ægram se pectore esse: sputa quippe purulenta, subinde sanguine mista, se reddere, cor sibi palpitare, difficulter se respirare, vagosque experiri dolores. Lactasse quidem infantem sese, at vero cum indies emaciaretur, pejusque pectore haberet,

beret, ablaſtaſſe. Anni ſpatio menſtruis ſe carentem, nempe lactationis tempore, nunc de-
nũo a trimẽſtri guadere. Tandem adjunxit a Feſto Paſchatis, ex nulla nota ſibi cauſa, puſtu-
lam primo animadverſam eſſe ad ſiniſtri lateris
thoracis coſtas, & quidem eo a latere ſterni loco,
ubi cartilagineſ infimarum coſtarum pene uniun-
tur, ſterno jam jam inarticulanda. Parvam
quidem dudum manſiſſe, a quatuor vero retro
ſeptimanis in tuberculum caſtanæ magnitudinis
abiviſſe.

Tumor examinatus, non pulſans, ſed durus
& elatiſticus, veram ſui non determinabat natu-
ram. Eo igitur Emplaſtro Diabotanon tantum-
modo tecto, curam ad Phthiſin pulmonalem
potiſſimum direxi. Spatio trium ſeptimanarum
nihil in tumore mutabatur; eo vero elapſo
ſenſim emolleſcebat, ita ut 17. Julii apoſtema
perfectum referret, manifeſtaque puris fluctuatio
genuinam tumoris naturam nunc determinare
videretur. Suſpicio itaque indurati, ſcirrhoſi,
aut cujuſcumque alius mali, proriſum evanuerat,
certitudo apoſtematis aderat, adeoque ejusdem
apertura vel ideo maxime ſuadenda erat, quod
Pulmo ſuppuratus fortunato caſu viam ſibi ex-
trorſum quandoque capeſſat; qua diu aperta in-
ternum ulcus demum evacuetur, & ſaneſcat.
Duos ejusmodi caſus ſub oculis præſentes habe-
bamus; tertium, eumque triſtem, lugentes, eo
quod, contra monitum noſtrum, Balneator ſa-
lutare hoc incommodum præpoſtera ſua arte dele-

delevisset, ægerque jam hectice consumeretur. Et quartum casum tractabamus, jam vel ideo desperatum, quod tumor a natura extrorsum ductus, sed ruptus necdum, iniqua vero Chirurgi arte retropulsus, evanidusque, nunc eundem in locum a nobis revocari nullatenus posset.

Igitur tumorem aperuimus, pusque & album, & coctum, eduximus. Erat autem pus illud ratione tumoris; in fundo autem durius quidquam supererat. Igitur tumorem partim maturum, partim crudum asse concludentes, digestivum imposuimus, & Empl. Diach. c. gum., scopo maturandi totum teximus. Biduo elapso redit. Horrescebamus. Loco expectatæ maturationis pulsus ibidem fortissimus in tota lata basi tumoris, digitumque repellens, observatur digito vero per aperturam immisso horrendum Aneurysma obstupescimus. Itaque mox consolidandæ aperturæ gratia Emplastrum ad Rupturas Fernelii imposuimus, integramque fere consolidationem spatio trium septimanarum obtinuimus. Deinde tumor Aneurysmatis sensim est imminutus, & in toto tumoris ambitu sub costis manifestum Aneurysma pulsationis vehementia percipitur. Ita ut quod primo detectum fuerit, id modo veluti appendix sit, quæ a magno sacco orta sese inter costarum cartilagineas insinuaverit.

De industria bigam hanc Aneurysmatum communicare volui, ut patesceret. 1. Nullum fere

morbum esse, in quo tum facilius, tum turpius, decipiamur. 2. Posse Aneurysma gigni sine ullo pulsu externo percepto; idque verosimiliter tunc, quando in eodem nascente, mox laminæ concreti cruoris se ejusdem applicant parietibus. 3. Posse in membrana adiposa, nascens Aneurysma tegente, inflammationem, suppurationemque, ab affricu, nasci; & copiosum pus omnem ita motum suffocare, ut licet jam forsitan antea pulsatio quæpiam adverti potuisset, eadem nunc minime percipi queat. 4. Posse etiam educto pure adhuc veram malignitatem latere, si tumor residuus, explicata adnum. 2. de causa, non pulset. 5. Etiam educto pure fieri posse, ut in uno casu per duos dies, in altero per sex, copiosior cellulosa substantia, nondum consumpta, debiliorem Aneurysmatis pulsationem, si qua adest, adhuc suffocet. 6. Posse quoque reliquam hanc adiposam membranam in pus converti, atque integris sex diebus omnem Aneurysmatis suspicionem, suo effluxu, amovere. 7. Videri demum ablata resistantia, vel arteriam subito frangi, vitamque cum sanguine profundere, vel extendi ita, ut latens olim, jam manifesta deprehendatur. 8. Consultum esse, ut in posterum, dum nobis purulenti tumores exhibebuntur, quibus aut inflammationes, aut tumores duri, atque ambigui, dudum præcesserint, antequam pus adpareat; idque maxime iis in locis, ubi dura tubercula minus frequenter, quam quidem in collo v. g. aliis

aliisque glandulosis in locis, purulenta pro parte fieri solent; ut, inquam, hic consideratissime procedamus. 9. Oportere demum, ut dediscant Chirurghi Medicos laceßere, ut quidem Publicis Actis fecerint, jactando hos circa plurima incerta, intus latentia, versari duntaxat; se autem maxime externis, ideoque certis, occupari.

Cum optimo nostro Chirurgo *Leber* in hunc casum meditatus, cogitavi, num forte compressio externa hic non conduceret? Attentior vero contemplatio nos docuit, vitium in externa arteria locum non habere neque ejus sedem, præcise determinatam, ibi esse ubi cartilaginee jam junctæ firmam basin præbeant. Verisimile maxime ex figura rotunda esse, quod saccus, sit qui per rimam inter binas cartilagineas exurgat, emineatque; quippe propterea vel arteriæ intercostalis, vel cujuscumque alius interioris, degenerationem denotet. Quia nunc egregius *Lancisius* clare demonstravit compressionem simili in casu mortem accelerare, vitalibus quippe hinc angustatis, ab omni externo molimi ne abstinuimus. Quin & docuit eventus, ut mox monebam, id minime indicari.

§. IV. Arteriæ *Popliteæ* Aneurysmatis novum exemplum habeo. Rarius id descriptum jam ter *Viennæ* vidi. Primum enerravi Tom. 1. Alterum mox communicavi. Tertium autem sic se habet.

Lanio quadratus 32. annorum me convenit 10. Junii proxime elapsi, narrans tres modo

septimanas esse, quod sura sinistra sibi intumuis-
set; duas septimanas, quod ad poplitem tumo-
rem adverterit, dolentem quidem, & mole in
gradiendo auctum. Examine patuit Aneurysma
arteriæ popliteæ esse, cujus mole venas com-
primente, crus ad suram intumesceret, & va-
ricosum fieret. Ab aliis postea relatum est ho-
minem ab alto per multos gradus cecidisse, an-
tequam de crure conqueri cepit.

Vena brachii secta est; serum lactis cum
Pulpa Tamarindorum, Rob Sambuci, ac Ni-
tro, copiose datum; Decoctum adstringens cruri
circumpositum; Ligatura idonea, quæ ab om-
ni parte saccum arctaret. Spir. vini rect. in-
tincta, adponebatur; & summa corporis in le-
cto quies imperata est. Ut autem exactius om-
nia peragerentur, hominem in Nosocomio ser-
vavi.

Hac methodo sura intra quatrimum egre-
gie curabatur; poplitæus vero tumor indies cre-
vit, & pugni demum magnitudinem mole æqua-
vit; ita ut mense exacto, omnis per compres-
sionem illum curandi spes evanesceret. Unde
demum ipsi serio declaravimus bina modo su-
peresse, quorum alterutrum eligeret: vel cer-
tam mortem, sive post calamitosum martyrium,
sive inopinatum; vel amputationem ambiguam.
Hanc ideo ambiguam diximus, quia & per se
gravis ac periculosa est, & nesciebamus, quam
alte inciperet dilatatio aneurysmatica; quæ qui-
dem si amputato crure altior, vix constringi
idonea

idonea ligatura valeret; sin autem adhuc ligari posset, tamen impulsu sanguinis novum illico saccum formaret.

Respondit Lanio rem naturæ aliquantisper committere se velle, & Nosocomio valedixit. Interea Balneatoris se curæ commisit. Venam is secuit, multaue adplicuit. Tandem prima Augusti per amicos certiores nos reddidit æger de tumoris incremento, & intolerabilitate dolorum: enixe petens, quo recipi in Nosocomium, amputationemque inibi subire posset. Mox eum recipientes, invenimus tumorem longe extensorem, inque latus productum esse; dolores autem tantos, ut ne opio quidem largiore sopirentur.

Hinc properandum esse rati sumus. Amputationem, præsentibus iisdem fere Medicis atque Chirurgis, qui Lithotomiæ adstiterant, aliisque, *D. Leber* spatio 7. minorum absolvit.

Quæsitum fuerat, utrum arteriam majorem, atque unam alteramve minorem, ligatura, an *Fungi Agarici* adplicatione, obturaremus? Considerabamus ab una parte ligaturam arteriæ tutissimam quidem semper haberi; non raro tamen intercepto nervo, ejusve ramulis, convulsiones nasci, quibus ars non esset interno externove auxilio compescendis. Ab altera parte *Tom. 2. Acad. Reg. Chir. Par.* tria exempla inveneramus, ab egregio *Morando* relata, felicitis *Agarici* successus in crurum amputatione.

Hinc eo fere inclinasset. Attamen *Parifina* exempla *Cruris* referebant, non *Femoris* amputationem. Cum igitur hic de femoris amputatione ageretur, & quidem de eadem longe altius, ne quid de sacco reliqui faceremus, instituenda, ubi certe arteria longe majoris diametri esset; præterea cum exemplum in iisdem *Actis Parifinis*, in *Dissert. D. Levis*, pag. 395. referretur, quod Agaricum in amputato crure adeo inutilem demonstrasset, ut semihora elapsa totus adparatus auferendus esset, adhibendaque ligatura; rem dubiam experiri nolimus, sed majorem saltem truncum arte ligandum esse, minores vero Agarici fungo obturari posse, unanimi consilio decrevimus. Chirurgus itaque eo modo omnia perfecit, & soliti pulveris adstringentis loco totum vulnus Agarici fungi pulvere crasse textit, Instrumentum tornatile quoque ad arteriam apte comprimendam adposuit.

Hoc pacto nos ab omni hæmorrhagiæ metu exemptos credentes, turpiter tamen nos elusos vidimus; trihorio ab operatione sanguine per universum transfluente adparatum, lectoque toto inde madente. Chirurgus fasciis novis super vetera adductis, arctiusque appresso stringente Instrumento, egoque Diacodio largiore, hæmorrhagiam imminuimus, moderavimus, stitimus.

Saccus nunc erat amputata in parte examinandus. Arteria supra saccum naturalis magnitudi-

tudinis demonstrabat amputationem debito peractam in loco esse. Arteria, non ut in casu descripto, uno latere, sed toto suo ambitu in saccum quaquavorsum extensum, abiverat, crescente lepimento membranoso, sed sursum deorsumque abrupto, illum bifariam dividente. Nervus magnus adjacens tota sacci longitudine arctissime cum eodem coiverat. Ipsumque Aneurysma cum superiore portione Gastrocnemii inseparabiliter connatum erat. Unde hominem ita a motu minimo doluisse non mirabamur; quia saccus, nervusque, & musculus, unam exhibebant, eademque concretam, atque confusam massam. Membrana porro ipsa postica sacci, laterisque externi, adeo tenuis fuit, ut dum vi minima expandebatur, dilaceraretur. Quapropter id certum, quod, dilata operatione, disrumpi cito, subitamque facere mortem, debuisset.

Interim æger noster una atque altera hora, postquam hæmorrhagia cessasset, debilitari cepit, brevi dein frigescere, leviozem iterum hæmorrhagiam pati, continuo vomere, pulmone angî, leviter delirare, tandemque vultu convelli. Horis 25. ab operatione elapsis obiit.

Examinavimus tunc serio amputationis locum. Ligatura arteriam majorem apte claudebat; nervum autem minime comprehendebat. Fungus vasis suis per strata adplicatus inventus est. Vulnus integrum pulvere fungi egregie, crassiusque, tectum. Pectore aperto, cor maximum,

mum, at pallefcens, & vacuum. Vacua etiam omnia vafa majora, arteriofa, venofa; exiguum modo, gracilemque, polypum fua in axi gerentia.

Hæmorrhagia inter operationem, ac trihorio poft illam, nata, homo hic tantum amifit cruoris, ut fine vitæ difpendio ultra amittere non potuerit. Levior poftea per totum adparatum tranffudatio abftulit eum reliquum neceffarium fanguinem, vitamque ademit.

Optime tamen cum provifum hæmorrhagiæ videretur, tum Ligatura, tum Fungo, tum Inftrumento, quæri poteft an Fungi hujus viribus nimium non tribuamus? An vero in pofterum forte præftaret majori arteriæ adplicare eundem, quia habet compreffio fuum punctum fixum ad os; reliquas autem duas, trefve arterias, imo etiam venam majorem; quæ, ligata arteria, aliquando vice arteriæ fungens, terribilem Hæmorrhagiam producit, firma interceptione ligare?

§. V. Aneurysmata interna multa *Austria* habet. Plura curavimus methodo defcripta Tom. I. multa vero incurabilia manent. Habuimus hoc anno horrenda exempla, coftarum remotarum, fterni elevati, motus aneurysmatici terribilis fupra mammam dextram, fine ullo motu ad regionem cordis, &c. Hos palliatis utcumque ærumnis folamur, omnem vigilantiam adhibitori, ut poft fata eosdem examinemus. Mire interim quosdam levare fequentia demonftrant.

Juvencula fortis, torosa, bene menstruans, 24. annos nata, finiente Septembri 1759. circa inferiore sterni dolere cepit, & quoddam Emplastrum loco admovit. Sed pedetentim aliquid sub cartilagine ensiformi tumere percepit, ad tactum dolere, simulque fortiter pulsare, & somnos valde perturbatos efficere. Cum hæc ingravescerent, venit primo ad me 26. Febr. 1760. Cum Chirurgo & Assistentibus, eam examinans, deprehendi locum pulsanter, palmarum manus fere æquantem esse, stanti quidem magis, minus vero jacenti, percipiendum. Malum sensim cepit nocte ingravescere, ac tandem gradus conscendenti respiratio fere omnis deficere. A pastu quoque pejus habuit. Majo mense minus, Junio parum, Julio nihil ultra femina doluit; pulsatio minime molesta superfuit modo. Ita quidem, ut jam optime comedat, tranquillissime dormiat, & graves ancillares labores, indefessa omnino, liberaque pectore, peragat.

Ad inexpectatam hanc mutationem sumfit tota die serum lactis, cum Nitro, & Cremore Tartari; cubitum vero petens $\frac{1}{6}$ sequentis: R. Pulp. Tamarind. Rob. Samb. Syr. Diacod. aa unc. 2. Laud. Liq. Syd. dr. $1\frac{1}{2}$. Et quia etiam nauseoso ac debili ventriculo, tum & segniori alvo, prospiciendum erat, sumfit quovis quarto mane dr. med. Elect. Hieræ picræ. Optime se nunc habens, pergit sero lactis cum melle quotidie uti, alterno autem die Paregorico.

Dubi-

Dubitabit forte quispiam, utrum hæc femina verum Aneurysma habuerit, an potius Deuteropathicum a ventriculo, pancreate? Idque 1^{mo}. quia haud insolitum hic Medicos decipi, ut exemplis patuit, *Tom. 1. cap. de Aneur.* 2. Quia signa adfuere hærentis cujuspiam labis in ventriculo, aut prope illum. 3^{tio}. Quia post multa solventia, & repetitam sæpius quartanam purgationem insigniter lucrata est ægra. Huic respondeo: Etiam si res ita haberet, conferret vidisse, qua demum methodo ambiguum hoc malum superetur. Attamen longe verosimilius Prothopaticam esse affectionem; cum morbus medium annum jam emensus esset, priusquam inciperet ventriculi incommoda sibi juncta habere; & antea cum optima functione naturali, solo tumore, dolore, ac pulsu consisteret.

Femina 26. annorum mense Augusti 1758. brachia in altum, onus grave depositura, extendens, medio in pectore crepitum observabat. Paulo post œdemate totius corporis affecta est; quod copioso Rob Sambuci dispulisse se credit. Tussis inde nata, sputumque sanguinis, vespertini quoque horrores, & pectoris dolores continui. Remediis aptis a Tussi multum, a sputo sanguinis penitus, ubi liberata erat, conquesta est 15. Martii 1759. interna, eaque violenta pulsatione os sterni sibi attolli videri. Examine instituto deprehendimus media, eaque inferiore sterni parte tota, ejusmodi pulsum, ut digiti, vi quasi, repellerentur. Cum adderet

vehementius ibidem se ardere , nec dorso ultra incumbere posse , suspicari Aneurysma debuimus . Tandem pulsatio , tumorque magnus , colli totius anteriora & lateralia occupabat ; dumque se in lecto convertibat , os pectoris veluti sibi findi lamentabatur . Imo & supra sinistram orbitam pulsatio & dolor extendebantur , Nocte aliquoties suffocatum iri se credebat , nisi erecta sedisset . Demum cordis palpitationem molestumque in dorso pulsus , conquesta est . Cum omnibus his ærumnis menstruo fluore optime gaudet .

Iterata V. S. & methodo demum eadem , qua ægra præcedens , sensum tantum lucrata est , ut jam dudum vitam maxime tolerabilem gerat .



C A P U T XIII.

De Cardialgia Chronica.

§. I. Cardialgia multis oriunda de causis, protopathica datur, & deuteropathica §. II. Scirrbi, ut causæ, suspicionem tum diuturnitas morbi, tum ejusdem pertinacia, haud immerito fecerunt; interea dum remedia nonnulla diu constanterque adhibita, constantemque sanitatem operata, clare demonstrent necdum scirrbum adfuisse, sed alias pertinaces causas. §. III. Nihilominus frequens heu nimium! Cardialgia causa scirrbus est, quem cognoscendum regulæ artis sæpenumero quidem dant, quamam vero in parte is resideat, rarius viventibus aegris, frequentius in denatis, certo novimus. §. IV. Causa in Pyloro protopathica dum adest in nonnullis, jugi ingestorum vix mutatorum vomitu se prodit, in aliis minime: probatur utrumque exemplis. §. V. Frequentior ea nihilominus Observatio est, quod vomitus ille adsit, dum vel causa protopathica in Pyloro, vel deuteropathica pone Pylorum est, quam quod non adsit. Historiæ id confirmantes. §. VI. Solet eo in casu ventriculus vehementer augeri, nonnunquam sola amplitudine, aliquoties etiam crassitie: vix capitur vera hujus differentiae ex observationibus causa. §. VII. Que-

Quæstio hæc ad plura cava viscera applicata, varietatem detegit eandem. Discrepantia sententiarum circa uterum aufertur exemplis, quæ indubie demonstrent illum crescendo haud amittere crassitiem, quam non imprægnatus habebat. Tuba, Ovaria, Hydatides, quoque crassitudine tunicarum passim augentur. §. VIII. Confirmatur argumentum de difficiliore hujus morbi Diagnosi; dum vomitus vix mutatorum ingestorum diuturni latentissima & insolita plane causa nonnunquam deprehenditur. Prudentia & Precautiones commendantur, dum ejusmodi insolitæ causæ suspicio est.

§. I. **C**ardialgiam Chronicam hic describere animus non est, sufficienter id scholis, scriptisque Medicorum præstantibus, verum ea potius communicare, quæ propriæ observationes ad illam elucidandam contulerint. Quod ordine ut faciam, præmittere debebo recensitionem variarum admodum partium viscerumque, in quibus hic morbus sedem, originemque, unquam habuisse inventus est.

Ac primo quidem ipse Ventriculus cum Pylo-ro recensetur, suo affectus in cavo, substantiave. Estque tunc protopathica Cardialgia, quo etiam eæ species pro parte referendæ, quæ Num. 28. 29. 30. 31. recensentur. 2. Oesophagus pone ventriculum. 3. Diaphragma. 4. Pancreas. 5. Duodenum. 6. Omentum. 7. Hepar. 8. Splen. 9. Sternum aut mucrone suo, aut adnato sibi tumo.

tumore. 10. Musculi Recti abdominis. 11. Vesicula fellis. 12. Mesenterium. 13. Renes & Ureteres. 14. Uterus. 15. Ovaria. 16. Tuba Fallopii. 17. Præternaturales concretiones ac tumores, in appendicibus per abdomen adiposis. 18. Hydatides. 19. Aqua, Serum, Pus, Ichor, Mucus, Sanies, aut quicumque alii liquores, sive in vacuum effusi Abdomen, sive saccis, hydatidibusque contenti. 20. Affectiones spermaticorum vasorum. 21. Aneurysmata varia. 22. Viscerum variorum degeneratio. 23. Mutuaque eorundem inter sese concretio. 24. Hernia levior, euns, redeuns, sæpe ignota. 25. Prolapsus uteri ac vaginæ varius. 26. Multiplicia intestinorum incommoda. 27. Cephalæa. 28. Nimiæ debilis ventriculi sensilitas. 29. Hystericus clavus. 30. Peculiares atque insuperabiles ventriculi crampi dicti. 31. Humores acidi, alcalini, fordes, vermes, in ventriculo fixi aut perpetui.

De Cardialgia in enumeratarum partium una, pluribusve, sede; a recensitarum una, pluribusve, causis; innumera quidem exempla nos convincunt; at vero cum de Cardialgia, ut monui, tractatum non conscribam, ea modo tangam, circa quæ meæ, aliorumque, sive nuperimæ, sive saltem necdum publice editæ observationes, versantur. Si qua tandem veterum observata simile quid innuant, ea quoque recensabo.

Multis admodum ventriculus, longo annorum spatio, irritato artis conamine, dolet, nauseat,

vomit; & his quidem perpetuo, aliis vero periodice.

Emetica, alvi purgationes, antacida, roborantia, nervina, carminantia, opiata, haud raro, five singula, five succedente ordinata fuerint, levamen afferunt, at passim fugax illud, atque inconstans, sæpe omnino fallax. His omnibus vel protopathicum malum est, quibus ventriculus debilis, aut sensibilissimus, aut multo acore obsessus, aut in fabrica sua varii generis tumores gerit; vel est deuteropathicum, dum vel corrupti humores ex Intestinis, perque Intestina, aut vermes, aut sordes, multave bilis in *πυλὸρῶλαις ἀνὰ*, in ventriculum læpius, inexhaustoque fonte, irrepunt: maxime autem quando ille adjacentium partium tumore, durtie, scirrho, premitur, vellicatur, continuoque irritatur.

§. II. Quos mihi hoc morbo laborantes videre contigit, annosum admodum malum passim hi testabantur, & ad oblata auxilia rebelles. Unde scirrhi, aliusve generis tumoris, five ventriculi pylorique, five partium vicinarum, ventriculum aut pylorum comprimantis, vehemens sæpe suspicio mihi nata est. Incertus tamen atque animo fluctuans, dum sequentia adhibebam, dicere vix possum, quam multis integram attulerim sanitatem, adeoque omnem apud illos scirrhorum suspensionem mente excusserim. Præfari autem oportet incomparabili *Boerhavio* me hanc methodum debere.

Primo ad externam ventriculi regionem sequens admovi Emplastrum: R̄. Empl. de Labd. vel Diabot. unc. j̄ß. Camphoræ, Opii crudi, a. scrup. ß. gr. xv. scrup. j. Bals. peruv. q. f. M. Diu gerendum hoc emplastrum fuit, dumque laberetur, reficiendum. Et si quis cutis ardor, vel efflorescentia in nonnullis ejusdem ablationem nonnunquam posceret, adplicationis continuationem cutis denuo in plerisque admisit, si sæpius sapone cum lacte lota, fotaque fuerat. Deinde assumere quovis bihorio aut trihorio cochlearia duo Misturæ hujus; R̄. Lap. Cancror. unc. ß. Ol. still. Menthæ cum Sacchari dr. iij. in Elæosacch. redacti gtt. x. Spir. Menthæ unc. j. Laud. Liq. Syd. dr. ß. Syr. Menth. unc. j. Aq. Menth. unc. viij. Est id genus hominibus tarda passim & sicca alvus: quemadmodum alias sæpius adverti, ita hic quoque plures fuere, quibus Opium & Carminantia hujus misturæ alvum maxime naturalem redderent, vel operationem levioris subinde dati purgantis egregiam perficerent. Haud defuere tamen nonnulli, quibus vis Acidi potentior, datis cum mistura pilulis ex Sap. Veneto copioso, cum paucō stimulo gum. ammon. & mas. pill. Ruffi, infringi debuerit. Dabantur quoque, quibus ventriculi non ita acor, sed potius frequens spasmus & debilitas, dolorem comitari viderentur: his summe conditum hoc profuit: R̄. Cort. peruv. unc. iij. Camphor. Myrrh. a. dr. j̄ß. Syr. Diacod. & Ment. a. unc. iijß.

iiij⁸. M. ut sexies de die magnitudinis nucis moschatae frustulum fumerent. Aderant, quibus opii majorem longe dosim, ad noctem præcipue, dari oportuerit. Multi sane homines a Cardialgia penitus convaluerunt, modo, durante cura, exacte abstinerent ab iis, quæ difficulter digeruntur, & a lacte, caseo, aceto, vinis acidis; diætamque alcalescentem observarent.

Hæc, inquam, dando, his proficiendo, tandem didici inveteratos ejusmodi Cardialgicos, eo quod medicamenta sine curæ stabilitate per annos abligurierint, incurabiles fere, scirrhoque ventriculi, aut partium pone illum sitarum, laborantes haberi; curam tamen & integram, & perseverantem has scirrhi suspensiones plane abigere. Concludere hinc debui plures dari, quibus immodicus ventriculi aeor fere indomabilis adesset, quibus debilitas ventriculi forte insuperabilis, quosque a flatibus, a spasmodis, a convulsionibus primarum viarum liberare, ferme impossibile videretur; licet nunc antacida, nunc paregorica, alio tempore purgantia, alio iterum roborantia, & carminantia dicta, ipsis sæpius exhiberentur; eo quod optima hæc remedia nec sufficiente copia, nec tempore haud interrupto, nec multa horum sociata, nec longo post symptomatum silentium tempore, fumerentur.

§. III. Quamvis hæc ita se habeant, ultro tamen fatendum est, ventriculi, œsophagi, pylori, partiumque hisce vicinarum scirrhum, morbum frequentem esse, quem palliamus potius,

quam curamus; nisi initio advocati, & signa ejus certiora contemplati, quam quidem in casibus §. II. lenissimis solventibus, & præprimis copiosissimo, eodemque pertinaci mellis usu, nascentem hanc diathesim dissolvamus. Hinc juvat mente præsentia hæc signa gerere, quæ Ars observando detexit.

Sunt 1. causæ prægressæ, ut v. g. ventriculi inflammatio, nec benigna resolutione, nec critica evacuatione soluta. 2. Mali diuturnitas. 3. Pertinacia ejusdem ad selecta remedia. 4. Vomitus frequens sub actu digestionis. 5. Locipondus. 6. Dolorum moderamen a fortiore ventriculi, abdominisque compressione. 7. Ventris externi tactus. 8. Vitia affecti visceris, quod, defectu secretionis, corporis œconomiam plus, minus, turbat.

Exacte locum determinare indurati tumoris, siue ipso in ventriculo hærentis, siue ejus, qui in vicina natus ventriculum premit, facile nonnunquam datur, aliquando difficulter, sæpe vero neutiquam. Tot hinc in consultationibus litigia. Versati utcumque in Anatomicis Medici, qui semel iterumque Pancreas scirrhosum invenerunt; idem posthac perpetuo accusant: legerunt alii, videruntque ex ipso Mesenterio enatum tumorem, qui sursum vergens ventriculo in functionibus suis impedimento fuerit; nihil in posterum, nisi Mesenterium clamant. Sic iterum alii aliud. At vero ingenue fateamur certa signa rarissime dari, quæ ex innumeris causis ver-

ram determinent, quæ locum, quo tumor hæreat, quæ, vifeus, quod occupet, quæ modum impediendi, naturamque, examussum explicet. Cadavera passim nos erroneæ convincunt sententiæ. Exemplis videre juvat.

§. IV. Per illustris ac longe doctissimus, expertissimusque Vir, G. Macneven o Kelly ab Agrim, Fac. Med. Prag. Director sapientissimus, consummatus Pathologiæ ibidem Professor, verum nostræ artis ornamentum, edidit 1760. Dissertationem de *Raro Ventriculi casu*, in quo vomitus ingestorum vix mutatorum, in provecto admodum morbo, impedimentum circa Pylorum hære indicabat. Probabilis sane hæc dicta de causa sententia erat; haud tamen ita, ut una constaret utrum in ipsa Pylori substantia, an in circumjacentibus partibus, hæreret id, quidquid esset demum, obstaculi. Cadaveris autem sectione patuit scirrhum adesse, eumque ita totum ambitum occupare Pylori, ut transitus per illum vix setæ mediocri concederetur. Eo obstaculo effectum id, ut eam sensim in molem creverit ventriculus, quæ, sacci instar, universum exple-ret abdomen, suoque fundo inter Rectum & Vesicam insinuans sese, simul causa tenesmi extitisset, frequentisque stranguriæ. Ingens adeo hic ventriculus, ut, referente claro Autore, „
„ filum arcui majori circum ductum, antequam
„ evacuaretur, ulnam Bohemicam, cum tribus
„ quadrantibus, & duobus pollicibus, æquaret:
„ minor arcus tres daret quadrantes, cum uno
„ pollice.”

2. Apud *Riverium* observatio *A. Jodon*, *An-
rissiodorensis* Medici, habetur, hominis nempe
qui integro triennio cum tumidissimo ventre
sine vomitu conflictatus, demum febre & anxie-
tatibus emaciatus, periit. Ipse *Jodon*, qui hi-
storiam narrat, anatomen fecit. Hydatidis magna
in medio pendebat Pyloro, hydatidibus tota sca-
tebat universi ventriculi interior superficies: li-
quidum vero in hoc ventriculo contentum *nona-
ginta librarum* pondere fuit. Ventriculus me-
dius dissectus, superabat ulnam *Parisiensem* (quæ
media parte *Viennensi* longior) ambo ventriculi
ora fere juncta erant. Hic autem homo cur
non vomuerit? Quia ventriculus cum Peritonæo
arcte connatus. Igitur hic videmus casum in
quo cum omnibus vomendi causis vomitus im-
possibilis. *Blancard* Cent. I. Num. 84. vel
ipssimam historiam habuit, vel eam *Jodonis*
inter suas retulit.

3. Et rarior ille casus, quem Part. 5. Cap.
2. pag. 18. *Rat. Med.* dedi, in quo ventriculi
pars prope Pylorum, ipseque Pylorus, Omenti
parvi *Winslowi* crassa duraque productione pre-
mebantur, ac præterea peculiari extrinsecus ad-
nato tumore Pylorus compressus erat; ille,
inquam, casus vomitum cetera inevitabilem,
tamen impossibilem fuisse ostendit, præ ponde-
rosissimo, rigidissimoque omento, ventriculum
immobilem figente.

4. Quid mirabilius, quam quod 10. Aprilis
1758. in publico auditorio circa hoc ipsum ne-

gotium demonstraverim! Venter primo formabat lagenam, sinistrorsum productam, $3\frac{1}{2}$ pollicum; deinde ex fundi sui latere dextro tubum emittebat, diametri sex linearum, qui pedetentim ad sesqui pollicis amplitudinem latefcens, longitudinemque $4\frac{1}{2}$ pollicum æquans, demum pylorum formabat, & in duodenum abibat. Pinguis moles ventriculo adnata, magnamque adepta duritiem, in causa fuerat, cur ventriculus hanc assumisset figuram. Interim homo hic, cujus morbum Cap. 10. probl. 8. enarrabo, ante ultimum suum ac brevem morbum nunquam vomuit. Cujus miri phænomeni si a me causa quæritur, aliam non novi, nisi quod Natura nonnunquam sese monstrosis accommodet. Et quidni? Antiquos scirrhus in cadaveribus reperimus, qui sui signa ita per annos dederint, ut homines subinde per plures septimanas, mensesve, a quovis dolore ac vomitu liberi viverint. Cur, quod per menses, id quoque non posset per annos, non posset per totam contingere vitam?

5. Aurifaber *Riverii* Cent. 1. Num. 90. ingentem pancreatis ac mesenterii scirrhum gessit, qui pylorum, jejunique principium, ita angustaret, ut omnis fere præcluderetur transitus, quique dolores crearet enormes. Hic homo a tribus saltem mensibus, antequam adesset ipsi *Riverius*, & aliquo adhuc postmodum tempore, neque sponte vomuit, neque dato Emetico vomere potuit, nisi eodem repetito; quamvis ven-

tricus materie esculenta & potulenta plenus a morte inveniretur. Cur non vomuerit, data historia non exponit: cum autem ex natura morbi vomere debuerit, nec vomuerit tamen, videmus plures dari, qui cum omnibus vomendi causis neūtiqum vomant.

§. V. Igitur ut in quibuscunque fere aliis morbis, ita quoque hic miras detegimus exceptiones. Cæterum, si nec ventriculus manifesto aliis de causis a vomitu impediatur, nec forte ærumnis hisce assuescat sic, ut inde ad vomitum non proritetur, solent passim id genus hominum vomere, hocque mox, aut brevi post assumpta; quæ tunc fere immutata prodire cernas. Centena id demonstrant exempla. Novendecim anni sunt, quod publice ediderim Anatomen feminae, perpetuo vomentis immutata sæpe ingesta; qua constitit omentum geminos digitos crassum adhæsisse ventriculo, jecinori, intestinis, colo, jejunio, duodeno, omnesque has partes in unam veluti fasciam, contraxisse.

Obiit 19. Aprilis anni præsentis prænobilis sanitatis Consiliarius, ac præstantissimus Medicus, *Leopoldus Erndl*, qui sane noverat 15. annorum spatio immedicabilem sui ventriculi morbum, vomitusque frequentes, prudentia, & solertia sua ita palliare, & moderare, ut in 45. ætatis annum vitam suam inter labores practicos, Vir Deo & hominibus carus, produxerit. Invenimus porro ventriculum sic se habentem: primo instar inversæ lagenæ longitudine $8\frac{1}{2}$. pollicum,

licum, ad umbilicum fere usque descendebat, inde angulo factō assurgens, atque canalem quatuor pollices longum formans, ad Pylorum petebat.

Porro hujus miri prænomeni gemina patuit causa mechanica; quarum prima ventriculus in genere extendendus, altera in hanc præcipue formam mutandus fuerit. Scilicet pancreas sensim indurefcens, auctaque tumescens mole, compresserat retroflexum a Pyloro duodenum; quo effectum id, ut duodenum contra vertebrae dorsi pressum, chymum ventriculo pulsū sæpe retardaverit, imo demoratum sit. Hæc igitur vera causa ventriculi universalis distensionis, utpote accipientis, nec nisi per lucida intervalla dimittentis. At vero immensum jecur æquē in toto latere sinistro, quam in dextro, ultra umbilicum productum, sic formatum erat, ut sub lobo sinistro suo, utpote tenuiore, ventriculus in crassæ lagenæ ventrem abire potuerit; lobo autem dextro admodum crasso, idem ventriculus non potuerit in latus distendi; sed unice supra umbilicum, ubi aliquod spatium inter utriusque lobi pendentis crepidines nactus, angustus plane ille ut oblongum lagenæ collum, aliquantisper decurrebat, & angulo factō assurgebat, itidemque sub crassissimo lobo hepatis dextro, angustiore tubo ad pylorum pergebat. Ita ut evidens sic fiat, quod dixi, duodeni compressione oportuisse, ut universus ventriculus sensim distenderetur; monstrōsa jecinoris forma contigisse, ut

in

in sua distensione ventriculus in hanc figuram potissimum mutaretur.

§. VI. Expedit meditationem super hisce malis ultra producere. Viscera cava, Tumores cystici, Aneurysmata, uno in corpore reperiuntur eo tenuiora, quo expansiora; in alio vero quo ampliora, eo crassiora. An lenta extensione, crassitudinem; citra, tunicarum extenuationem referant? id Anatome non ita admittit. In historia *Ill. Mac-neven*, ut sensim mole ventriculus, ita & crevit substantia. E contrario scirrhus ingens *Octaviani a Taxis*, Pylorum sensim angustando, in causa quidem fuerat, ut in imensum ventriculus distenderetur, haud vero ut augeretur crassitie, cum *Hogstettero* solito tenuatior inventus sit: & licet optimi *Erndl* ventriculus non nisi lentissime distentus sit, incrassatas tamen tunicas non habuit. In cadavere cujus historiam Cap. 9. §. 2. dabo, cupido me invasit capacitatem mensurandi ventriculi, qui lenta & continuata per annos epulatione pedetentim in magnum saccum abiverat. Mensura male capta fuit, nam antequam pylorum ligaremus, neglexeramus ventriculum a multa copia contentorum, qua utcunque turgebat, exonerare. Nihilominus quinque mensuras, sive viginti libras aquæ commode infudimus, plus infusuri, si ejusdem prope œsophagum tenuitas, qua illum digitis ad infundendam aquam dilatabamus, profunde dilacerata non fuisset. Ut eo loco, sic ubique membranarum ventriculi tenuitas deprehendebatur.

§. VII.

§. VII. Differentia igitur magna in ampliato ventriculo lente quantumvis distento, observatur. In vesica fellea, & urinaria, pro distento, observatur. In vesica fellea, & urinaria, pro distensione tenuitas crescere solet. Sed quid demum de utero est?

Galenus l. de uteri Anatome cap. 8. pag. 280. apud *Charterium* in Tom. 4. „ uterus in principio conceptus crassus, cum prope tempus „ pariendi accedit, magnus quidem sed tenuis: „ crassitudo enim in longitudinem extensa assumitur „. Eodemque *Charterii* Tomo pag. 653. *Galenus* idem repetit lib. 14. libr. de usu part. cap. 14. Cum subsequantium sæculorum autores, & Arabum schola, non nisi in *Galenii* verba jurarent, nec facilis daretur occasio examinis gravidæ uteri, mirari non oportet, quod in postrema usque hæc tempora apud omnes passim Medicos, imo etiam celebres Anatomicos, v. g. *Vesalium*, receptissima sententia hæc fuerit. Contrarium tamen asseruerunt *Du Laurent*, *Riolanus*, *Bartholinus*, *Plazzonius*, *Harvæus*, aliique. Sic demum magna hæc quæstio devolvebatur ad *Moricæum*, qui antequam sua ederet, jam magnam vitæ partem circa uterum, & in utero triverat. Audacter ille *Galenii* sententiam tuitus est, & putavit meridiana luce se eam clariorem demonstrasse. Putat *Moricæus*, plures ideo supposuisse non extenuari gravidos uteros, quod viderint crassiores eosdem manere, qua parte placentam habeant, statuerintque
ut

ut ibidem, ita se habere ubique; porro id falsum esse, & uterum cæterum pro ratione extensionis tenuiorem fieri. La Motte, Trew, Meibius, pluresque alii, uterum saltem non minui a naturali in non imprægnatis crassitie; Sylvius, Heyster, Palfinus, aliique uterum scribunt crassiores naturali reddi.

Incomparabilis Albinus hic præprimis laudandus, qui nobis naturali forma dederit uteri gravidæ figuras egregias, varioque aspectu contemplandas, in quibus uterum cernimus, minime pro ratione extensionis extenuatum. Egregius, & vere doctissimus Noordwyk, in sua uteri gravidæ Anatome iu 4. edita 1743. idem in utero, forte 5. menses gravido, demonstravit. Tandem testis autoptes rem pulchra occasione contemplatus sum Hæge Batavorum 26. Maji 1751. Gallica femina septem mensibus gravida, infantis ad finem usque experta motum, phthisi pulmonali moribunda jam, Rev. P. Carmelitæ Cyrilli cura omnis eo tendebat, ut mox ab ejus morte tentaretur, an civis Reipublicæ, an Ecclesiæ membrum, subita sectione servari forte posset. Hinc rogabat, ut proximis in ædibus cum Chirurgo, eo fine præsentem me sisterem. Unde quo momento moriebatur, intrantes examinabamus; num vere mortua esset? maritumque & feminas adstantes rogabamus, num vere mortuam eam crederent? annuentibus cunctis opus aggressi sumus. Uterum dextro in latere incidentes, vitaturi placentam, in
can.

eandem pervenimus tamen. Hinc frustra copiosum sanguinem vi ex vasis linearum duarum lumine vidimus profilientem. Opposito igitur in latere mox secantes digiti ubique crassitudinem uteri offendimus. Craffior antea certe fuit, cum ab ipso primo sectionis inceptæ momento rivatim effluens cruor aliquem crassitudinis collapsum effecerit oporteat. Membranis pertusis vi aqua profiliit, infansque facie prona coxygem matris versus educebatur. An id elidit communem sententiam infantis se capite deorsum circa ultima graviditatis tempora duntaxat vertentis? Mortuus jam erat infans. Placentam prudenter ab uteri parte dextra separaturus, hic facile, ibi eam non nisi aut ejusdem, aut uteri læsione, solvere potui. In magna plagâ facillime separata Placenta, sinus vidi plures, lacunasve, utero contiguas, cruore plenas, sed uteri in eadem plaga deterfa superficies nihil mihi aperti, nihil ostendit sinuosi. An uteri ibidem sectio primum facta, mutavit quidquam? Lineas quasdam albescentes, fibras referentes, vario modo per uteri fundum dispersas vidi; quæ an ipsissimæ illæ sint, quæ *Ruischio* ideam muscularis ibidem fabricæ dederint ignoro. Sed nihil difficilius fuit separatione Chorii ab utero: quantacumque enim prudentia id separare contendebam, erat cellulositatis & vasorum tantum robur, ut vel uterum lædere, vel membranæ Chorii lacinias deberem relinquere. Amnii a Chorio separatio facillima sine ulla læsione.

sione. An si peperisset hæc femina, membrana Chorii non mansisset utero affixa? & forsitan Placentæ pars? Confirmabit hanc veritatem historia uteri, sanie pessima distentissimi, & in sua substantia pollicem crassi, quam Cap. 8. §. 2. dabo.

Atque hæc de utero dicta sufficiant, ut convicti simus non nisi similibus experimentorum raritate contigisse, ut uteri gravidæ extenuationem falso plurimi statuerint; & ab altera parte, ut inventam ejusdem 2. 3. 4. pollicum in fundo crassitudinem ad præternaturalia forte relegamus.

Solent etiam tubæ Fallopiæ, Ovaria, Hydatides, Cystici in superficie corporis tumores, eo crassiores habere tunicam, quo plus extenduntur. Sic habui tubam Fallopiam hachyeme septem librarum; his diebus aliam, quam ob dissectionis distinctioris causam dilacerare ubique debui, adeoque ponderare non potui, sed plures certe libras habuissim. *Cyprianus* sacculum hydropicum, ex tuba formatum, & 150. libras aquæ continentem, invenit librarum 30. pondere. Politi & æquabiles raro hi sacci sunt, passim aut alterutra, aut utraque superficie inæquales, tuberosi.

§. VIII. Unde demum patet scirrhus aliosque tumores Mesenterii, Pancreatis, Pylori, Omenti parvi, ac magni, Renis, (quem sex circiter libras pendentem præterito anno publice demonstravi), varios ventriculi morbos, inges-

storumque vix mutatorum vomitum generare posse, nec tamen signa pathognomica adesse, quæ clare arguant, quænam potissimum pars hic peccet, adeoque sæpe nos ignorare utrum protopathicus sit, an deuteropathicus ventriculi morbus.

Equidem ventriculum circa pylorum compressi ex ingestorum fere immutatorum vomitu concludunt Practici, dum vident cætera viscera inculpate se habere; sed falluntur, dum nonnunquam vitium totum in externis Abdominis partibus modo hæreat, cujus en exempla!

In Tom. I. Act. Chir. Paris. *Garengeot* descripsit nobis Herniam sub cartilagine ensiformi, a secedentibus binis rectis Abdominis musculis, illudque in spatium prolapsa parva ventriculi plaga. Aliam Herniæ ventriculi speciem habet, dum pars ejus prolabitur ab utroque latere ejusdem cartilaginis, in illo triangulari spatio, quod inter illam, & marginem vaginæ musculorum rectorum intercurrit; quo in loco vasa ad muscolum pectoralem aliasque pectoris externas partes transeunt. Causam esse eam credit, quod solius Obliqui externi, Transversi-que), Aponeurosis, hanc formet vaginam. Post *Camerarii* & *Renealmi* auctoritatem, laudat etiam collegas suos, *Andouillé* & *Arnaud*, ut qui similia observassent. Historia adjecta evincit innumeros fere Medicos in Europa & America, annorum spatio, deceptos fuisse, dum pertinacis morbi causam ad varios affectos locos;
& pro-

& propter ingestorum vix mutatorum ejectionem, alvumque incredibili temporis spatio pertinaciter semper clausam, ad Pylorum, vel saltem ad proxime adjacentes partes, referrent: interea dum attentum examen loci demonstraverit veram ventriculi Herniam in causa esse, quam idonea compressio & ligatura vel curare, vel saltem, ut non noceat, palliare potuerit. Ut proinde in causarum vomitus immutatorum ingestorum recensione, etiam opus sit ad hanc miram attendere causam.

At nihilominus iudicio hic opus. Quotidie vidimus, & prostant adhuc exempla in nosocomio, internas pectoris suppurationes viam sibi in variis pectoris plagis quærere, & iisdem omnino locis, quos dixi, formare tumorem. Adeoque non omnis ibidem tumor Hernia ventriculi est: quam tamen ut talem suspicari quis posset, licet vix vomitus adesset, quandoquidem etiam inguinalis & femoralis Hernia per annos aliquando sine vomitu adsint. Egregius *Foubert* eodem *Chir. Paris.* Tomo primo, ejusmodi casum describit, quem nonnulli Practici Herniam ventriculi esse crediderant, quem tamen ex præsentia Phthisis pulmonalis, pressique undulatione tumoris, purulentum pulmonis tuberculum esse asseveravit. Lubenter ut tale aperuisset, nisi oppositæ Medentium sententiæ, & conclamatus fere ægri status, eum cohibuisset. Inspectione porro cadaveris intellexit salutarem forte futuram fuisse aperturam viæ, quam

quam pus ex concreto ibidem pulmone sibi quæsierat.

Sed & hanc aperturam periculum habere suum, Part. 5. Cap. 6. demonstravi, ubi omnia signa puris ex pulmone eo pergentis aderant, & Aneurysma tamen sub pure latitare deprehensum est.

Tandem ingestorum vomitus inseparabilis causa inventa fuit ab omnibus hucusque recensitis prorsum aliena. Duo exempla notabilia habet *La Motte de Re Obstetr.* Lib. 4. Cap. 17. Obs. 375. alterum matris suæ, alterum gravidæ feminæ. His intropressa ensiformis cartilago ventriculum in continuos egit vomitus. Feminis his, thorace in genua reflexo, cartilaginem digitis suis extrorsum duxit, hincque irritatione perpetua ventriculi ablata, curavit vomitum. Addit casum frequentiores esse, seque plures cujuscunque ætatis & sexus ab indomabili cæterum vomitu sic curavisse.

C A P U T XIV.

De Vario Hydrope ac Tumore Abdominis.

- §. I. *Tuba Fallopiana sinistra pendens Lib. 7. continens 32. Libr. liquidi. Disquisitio super puris generatione in hac femina. Etiam in Virgine uterinum systema inflammari, ac suppurari potest.* §. II. *Possibilitas demonstratur conceptus & incrementi foetus in Tuba Fallop.* §. III. *Exemplum notabile extensarum ac materia repletarum ambarum tubarum, uteri, ac superioris Vaginae partis, una cum vulgo dicta Imperforatione, sive Atresia. Digressio occasione Atresiae, ejusque variae species, ac curandi modi. Incurabilitas. Aliud mirum Atresiae exemplum, cum addita cura.* §. IV. *Tumores Ventrís notabiles ab Hepatis, vel Lienis, vel utriusque, sanissimi, mole duntaxat aucta, juncto illi, aut non juncto, Hydrope. De incertitudine Diagnoseos in cunctis enarratis casibus.* §. V. *Novum genus tumoris cystici, quem Parisinorum methodo tractare natura ipsa indicabat; quemque incurabilem fuisse Anatome docuit. Novoque exemplo confirmatur id, quod ad §. I. de puris generatione dictum.*

QUamvis in pluribus hujus operis capitibus de vario Hydrope ac tumore Abdominis
egi,

egi , abruptam tamen retexere telam cogor novarum observationum multitudine , quæ antedicta partim corrigant , partim augeant , confirmentque .

I. Femina 30. annorum innupta , bonæ famæ , ruricola , elapso abhinc quadriennio quartana laboraverat , quam debellare petitis undique , ut ruri potissimum fit , ad id remediis , quocunque modo fatergerat , ac debellaverat tandem . Febre libera , menstruis caruit , tumoremque mox in sinistro hypochondrio animadvertit ; sensim crescentem eique demum universi abdominis junctum Asciten .

In *Nosocomio Pasmanniano* , ab optimo ibidem Physico D^{no}. *Collin* suscepta , & deobstruentibus atque diureticis ex arte tractata , a Mense Augusto 1760. multum lucrabatur . Sed anno hoc 1761. ineunte , anxietate victa Paracentesin subiit , eaque aquosi quidem nihil , liquidi autem gelatinosi libras 24. Medicas emisit . Detumefcente inde ventre eo manifestior , palpabiliorque tumor descriptus percipiebatur . Malorum cumulo pectore tanta subito copia puris erupit , ut suffocaretur , & repleta pure tota trachæa inventa sit . Tumorem hunc una cum Utero , Vagina , Recto , excissum , *Dus Collin* ad me , publicæ demonstrationis ergo , perhumaniter misit .

Primo totum ponderavimus . Libras Medicas 31. æquabat . Deinde omnibus vero in situ positis ; evidenter constitit Tubam Fallopianam

sinistram esse, quæ tumorem formabat, adesse ceterum Ovarium, quod naturalem haud multum excederet magnitudinem. Porro ex hac tuba extraximus liquoris purulenti albi 18. libras. Tubæ substantia, seu membrana tumoris hic duas, tres illic, lineas crassa, erat intus a pure erosa, ac lacera, extus vero vasis quamplurimis dives; quæ tamen minoris diametri erant, quam quidem ea aliis occasionibus videram.

Ast tumori huic sic aperto alius reperiebatur inclusus, membranæ suæ crassitie ut prior, continens liquidi fusci, tenuioris ac turbidi, libr. 4. Si unica libra addatur, quæ inter examen effluens, capta erat, si dematur pondus uteri & intestini recti, ac vesicæ, Tubæ degeneris pondus septem librarum fuit, & liquidorum libr. 23.

Ut febres intermittentes sæpe salutares sunt, ita non raro vel per se, vel male curatæ, perniciem inferunt, obstructione pertinaci, & catameniorum defectu. Tuba vitiosa ostendit, quemadmodum ubicunque locorum degenerasce-re inde corporis partes variæ potuissent, ita nunc se potissimum pati. Undenam vero dum nihil inflammationis in tota anamnesi habetur, dum corpus videtur a diathesi phlogistica prorsus alienum, undenam, inquam, tamen pus in sacco Tubæ? undenam pus in pulmone, tam copiosum, ut ruptis repagulis suis totum spatium aereum pulmonis inundaverit, suffocaritque femi-

feminam? Sane ea nostrorum natura humorum est, ut citra topicas inflammationes, citra phlogisticas febres, diathesin inflammatoriam contrahant, eamque conservent perpetuo. Tomo I. Cap. II. hanc veritatem, nisi me animus fallit, demonstravi, & novis exemplis reliquorum annorum decursu evidenter confirmavi. Imo ex ipsis intermittentibus pus posse generari, *libro de Febris Cap. ultimo* invictis probavi exemplis. Phlogistice igitur noster cruor degener, aut naturalibus viis se eliminat, ut v. g. pulmone, rene, intestino; aut nova sibi via facta effluit, ut naribus, auribus, pudendis; aut format sibi receptacula nova; aut denique vias varias adit. In hac femina, & novum sibi receptaculum fecit, & obruit pulmonem. Et ne quis ob Tubæ hujus degenerationem feminæ hujus virginitatem suspectam habeat, monere debeo etiam totum genitale systema mulieris æque sedem degeneriscentis humoris fieri posse (licet ea innupta, castaque sit) quam aliam quamcunque partem. Analogia utique id docet; plura Sanctimonialium exempla probant, & tertia ordine enarranda historia invictæ id demonstrabit.

II. *Cyprianus* ita Tubam descripsit, quæ libras 30. pendebat, & aquæ libras 150. continebat. Dum igitur quis hanc, & præcedentem historiam contemplatur, evidenter intelliget qui fieri potuerit, ut maturi foetus aut invent;

aliquoties in Tubis fuerint, aut vivente matre, sive integri, sive frustulatim, per aperturam umbilici, abdominisve, a natura factam, vel indicatam saltem, educti fuerint. Ipse *Abraham Cyprianus* olim *Leovardie*, pluribus & Medicis & Chirurgis presentibus, eduxit foetum maturum post 21. menses a conceptu elapsos, ex umbilico: huic quippe connata ingens illa Tuba, ibidemque inflammata ac suppurata, iter omnino liberum ad foetum, ope placentæ adhuc cum Tuba sua nexum, concesserat.

III. Tuba ut alterutra, ita utraque potest affici. Longam, sed per omnia notabilem, historiam hic dabo; quæ quamvis plura continet, quam ad præsentem nostrum scopum faciunt, ad praxin tamen summopere omnia spectant, integra omnino enarranda est.

Virgo 24. annorum ab octo retro annis quodvis auxiliorum genus, ad menses provocandos, frustra experta, totum suum Hypogastrium tumidum, durumque habebat: quam duritiem durissima sed æquabilis zona ad umbilicum, per universam Abdominis amplitudinem terminabat. Octo annis miseriarum elapsis, demum ab obstetrice Atresia laborare deprehenditur: examine a præstantissimis Medico & Chirurgo repetito id confirmatur.

Unde hi 25. Jan. 1761. operationem instituere. At vero imperforatio sola hic non aderat, verum etiam tanta partium, situ, figura, structura, immutatio, ut impossibile plane fuerit opera-

operationem debitam perficere. Hymenis quippe lata facta sectione, stylo prius, deinde digito, amplum in cavum penetrantes, concludere debuerunt in vaginam penetrasse se se; conclusionem confirmari merito crediderunt: profilientis illico nigerrimi sanguinis, ex facta apertura, copia. Ita nempe solet res in bona operatione se habere. Sed certe ne sic quidem perforatam ullatenus virginem fuisse eventus docuit. Languens a longo tempore virgo triduo post obiit. Optimi illi viri veniam secandi cadaveris sollicitaverunt, eamque adepti, me ad sectionem perhumaniter invitaverunt. Rem igitur sic invenimus.

Uteri stupenda moles, monstrosæque utrinque Tubæ, tumorem una formabant, qui totum hypogastrium explens, superiore sui parte illam zonam constituebat, quæ in vita deprehensa fuerat, totum veluti ventrem intus cingere. Multa copia nigræ turbidæ sætentis aquæ deprehendebatur cavum in ventrem effusa, sed examine constitit ex parvis hinc inde tubarum putridarum aperturis eam profluere. Ruptura sane hæc videtur mortis causa fuisse. Ovaria vix solitam figuram excedebant.

Ordine sic ad contemplandam vaginam ducebamur. Patuit Hymenis sectionem sufficienter amplam factam esse, ita quidem ut si vagina alias se secundum naturam habuisset, hæc eadem sectio Hymenem, adeoque vaginam, egregie aperuisset. Quoad modum sectionis Hymenis;

Celsus eam binis se invicem decussantibus incisuris fieri oportere scribit ; cui adstipulatur *Benivenius* : *Job van Meckeren* unica cæsura , sed obliqua , ut ne lædatur urethra : *Wierus* facta parva apertura ope novaculæ superius , ne urethram lædat, obtusæ, inducit instrumentum obtusum , digitumve , & prudenter tunc hinc & inde ad latera perscindit membranam . Alias idem *Wierus* speculum incurvum immisit , cujus dens superior urethram , ne læderetur , tegebatur *Aquapendens* unica , eaque recte sectione operationem perfecit . *Aquapendentem* optimi viri hi secuti , recta , eaque unica sectione , membranam aperuerunt . Monui antea omnes partes præter naturam se hic habuisse . Igitur sectio eorum in qua peragenda urethram evitare studuerunt , nunc inveniebatur per urethram in ipsam penetrasse vesicam ; hinc illum omnem nigricantem cruorem facta sectione profilientem , non nisi ex læsis profiliisse vasis concludebant : adeoque quantumvis evitare urethram studuissent , videbant se ob præternaturalem mox exponendam partium structuram , id præcise , quod evitare conati erant , effecisse , adeoque concludebant tutius se impofterum non *Aquapendentem* , sed alios , qui obliquam incisuram commendassent , secuturos ; cum præternaturalis conditio partium nequeat prævideri .

Igitur Hymene perfecto , ne vestigium quidem Vaginæ adfuit , sed solidum corpus totam vaginam explens , pollicis diametrum , in amplitu-

plitudine, fefqui pollicem in altitudine habens, eoque modo cum vagina unitum, ut proprie loquendo, ipfa vagina videretur undique increfata fuiſſe, & ita in medio vaginæ centro, coagmentata, ut non niſi unicum ſolidum, ſine concretionis veſtigio, repræſentaret. Porro ſupra hoc carnoſum ſolidum corpus, cavæ vaginæ erat portio, eaque adeo ampliffima, ut caput infantis capere poſſet, plena ſanie fuſco-nigra; Tubæ immenſæ utrinque molis eadem materia diſtentæ, licet hinc inde per foraminula multum ejusdem in cavum ventrem, quemadmodum ſupra jam narraveram, profuſiſſent. Uterus pollicem in ſubſtantia craſſus, ingenti ampliffimoque ſuo cavo eandem nigram ſaniem continuit.

Igitur virgo, de cujus virginitate illibata nulla unquam quæſtio erit, poteſt vaginæ, uteri, tubarum ambarum degenerationem tantam pati, quantam unquam gravidæ aut puerperæ; quod ſupra promiſeram demonſtrandum.

Singulare certe Atreſiæ exemplum eſt, cui ſimile me legiſſe, aut audiſſe, non memini. Id tamen ex hiſtoria Medica concludi oportet, quod varius omnino ſit in hoc vitio Naturæ luſus. Primo deſcribitur Atreſia cum Hymene integro, eoque vel clauſo omnino, vel, (ut *Wolff.* apud *Sebenckium*, ut *Wierus*, ut *Celeberrimus Albinus* Exert. Acad. Lib. 4. Cap. 10.) rotundo foramine perforato; quod vel parvum omnino erat, vel quemadmodum *Fallopious* viderat, digitum, aut ut *Albinus* in
adulta

adultæ femina detexerat, penem virilem admittebat. Imperforationis, membrana integra, aut leviter modo perforata, natæ, videtur meminisse *Hippocrates* Lib. de Sterilibus apud *Charter.* Tom. 7. pag, 851. Libro de natur. Mul. Cap. 68. Lib. de morb. mulierum Cap. 22. pag. 743. ut & *Celsus* Lib. 7. Cap. 28.

2. Imperforatio detecta a *Ruyfchio* est Obs. 22. primo ab Hymene, qui perforatus, dein ab alia altiore membrana imperforata. Parturienti huic feminae debuit discindere utramque. Etenim per Hymenis foramen imprægnata erat, via inde ad uterum tunc temporis libera; post imprægnationem vero videntur laxissima vaginae latera mutuo se excoriasse affricu, mutuis coivisse parietibus.

3. *Celsus*, *Aquapendens*, *Ruyfch*, a vero vaginae coalitu solo Atresiam observarunt.

4. Hymenem non connatum, sed vitiose generatum. *J. N. Pecblinius* in Obs. phys. med. observavit, ab urina nempe acri, vulvam excoriante puellæ; ita ut a coalitu primo laterum in uno puncto, eorundemque iterum inde recessu, vera formaretur membrana.

5. Vidit idem *Autor* Nymphas & carunculas circa futuros menses ita crescere, ut vulvam, eo, inquit, modo clauderent, quo cor valvulæ tricuspidales; veroque glutine ita coirent, ut femina vi quadam hoc veluti sepimentum digitis remove, quo sanguis effluere posset, deberit.

6. Atre-

6. Atresia cæterum in vaginæ substantia ex tumoribus natis, viamque proinde plus minus angustantibus; eadem orta a vaginæ tumore, qui ad 2. 6. imo ad 12. libras extra vulvam pendebat; imperforationis denique species ea, quæ ab uteri vaginæque prolapsu, quem tempus induravit, adeoque ineptum reductioni reddidit; abunde describitur, & exemplis confirmatur a *Zacuto Lusitano*, *Ruischio*, *Boneto* &c.

7. Singularitatem habet casus observatus *Simōni Schultzio* apud *Manget*. Bibl. Chir. Tom. 4. Hymen quippe ante urethram erat; ita ut urina parvo tantum foraminulo membranæ stillaret foras, pessimis cum symptomatibus. Percin-dendo omnia curabantur.

Similem sed rariorem casum haud ita pridem in Nosocomio nostro habuimus. Juvenacula 20. annorum, mensibus carens, ab anni retro spatio gravibus ventris doloribus corripiebatur. Cepti hi dolores supra umbilicum per latera se se, indeque ad pudenda diffundebant, tenesmos recti, vesicæque, exitantes. Pressis manu in hoc dolore inguinibus, urina promovebatur in paroxysmo, alvus vero sequente modo die demum sequebatur. Finito paroxysmo dolore toto eo die vacua ac sana fuit. Rediit similis exacerbatio die altera, rediit tertia, atque ita integro mense.

Advocabatur tunc optimus loci Physicus exp, *D. Josephus Schreyer*. Is a principio ad finem
usque

usque prudentis ac sapientis Medici partes exploravit examissim omnes. Morbi symptomata mitigavit, dies nonnullos doloris expertes conciliavit consilio cum Chirurgis inito Atresiam detexit, ejusque perforationem consilio Medicorum vicinorum, quod convocari petebat, voluit proponere. Parentes autem maluerunt *Viennam* adducere filiam, ac Medici sui epistolam afferentes me consuluerunt.

Aug. 19. proxime elapso, puellam examinans, Atresiam vidi. Hymen fuit fere ad labia vulvæ producta, antè altius, ut quid superesset adhuc de vagina inter Hymenem & labia; posterius vero ad vaginæ finem erat sic, ut cum labiorum ac fossæ navicularis confunderetur substantia. A parte anteriore ultra lineæ, a vagina, distantiam, parvum foramen erat, quo inductus stylus primo difficulter adscendebat; prudenter autem postmodum agitato, in vesicam urinariam libere penetrabat. Utrunque ad latus foraminis levior eminentia erat, circa medium Hymenem sensim evanescens. An, quod nullæ Nymphæ repertæ, hæc vestigia Nympharum?

Turgebat porro concava superficie hymen, intropressusque pondus incumbentis designabat materiæ. An materies hæc sanguis menstruus collectus? Videbatur sic: nam cum foramen in hymene nullum, nisi quod in urethram continuaretur, sanguis menstruus nullam elabendi viam habuit.

Pro-

Prognosin dubiam dedi. Brevem sponendi, felicemque curam, si hymenis præsentia unicus puellæ defectus esset: difficilem, si vagina, si uterus, si tubæ, si ovaria, notabiliter essent affecta, ut quidem prægressa symptomata forsitan innuebant: impossibilem, si casus similis illi, quem supra enarravi, existeret.

Circa sectionis modum cum Chirurgo nostro D^{no}. *Leber* conveni, haud esse nobis sectione recta *Aquapendentem* sequendum, sed obliqua *Jobum van Mekerem*, urethræ vitandæ studio. Statim per aperturam prodire sanguinis nigri ac tenacissimi sic, ut vix flueret, unc. xxx. Forfex dein latera incidens cruciatam fecit sectionem *Celsi*, ut ne denuo latera coirent: magnaque turunda primum melle rosaceo, deinde digestivo illinita, suppurationem membranæ promovit. Cum urinæ exitus hinc impediretur, debuit, prima & altera die toties educi, quoties urina urfit, postea vero libere secundum turundam effluxit. Emulsio paregorica illico ab operatione dabatur.

Brevi post operationem vix tumebat venter, sed quærelæ die illo, alteroque, fiebant molesti ardoris ad vaginam, tertio die etiam ad Hypogastrium. Quarto autem die venter totus usque ad summum Epigastrium tendebatur magno cum dolore frequenti vomitu, & intolerabili plane febre. Ter vena secta, enemata emollientia & oleosa continuo injecta, cataplasmata admota ventri, decocta emollientia

ac

ac leviter subacida, paregorica, haustus oleosi multi, demum effecere, ut 7. die ab operatione, 4. die a nato ventris dolore, Febris illa continua mitesceret, & prodiret urina flava cum multo crasso, gravi, subpurulento, sedimento.

Verum inde non est judicata. Continuæ febrī successit continua remittens, cum gravi exacerbatione matutina, cum gravissima pomeridiana: & quidem die tertio adeo vehementi, atque diuturna, tantoque cum vomitu, ut ne hoc in paroxysmo moreretur; metueremus. Unde finito hoc paroxysmo, mox dedi misturam cum unc. 3. extr. cort. peruv. assumendam antequam sequens exacerbatio expectaretur, interea dum reliqua omnia interna continuabantur, externaque auxilia. Sic prosequendo vidimus hanc quoque febrim, hosque vomitus, 7. dierum spatio terminari.

Durante hac febre, urinæ semper pauciores quidem, at flavæ eædem, & constanter omnes gravi materie alba, puriformi, saturæ. Febre absente urinæ, paulo copiosiores, simili autem materie perpetuo refertæ.

Alvus toto febrium tempore cruda enematibus prodiit; post corticis usum coctior, febre devicta sanorum instar, nisi quod a cortice fere nigra.

Toto morbi tempore injectio aquæ hordei cum melle rosaceo ter die in vaginam facta, eduxit primo tenacis sanguinis reliquias, deinde sæpius quid purulenti.

Quod

Quod ad ventris descriptum dolorem, ac tensionem attinet, id memorabile videtur, quod primo die a febre cessante in toto epigastrio dolor ac tensio cessaret, ex eoque tempore vomitus quoque siluerit; interea dum per universum quidem hypogastrium, maxime vero circa ilium sinistram, summa, eaque dolentissima tensio observaretur; quod tertio die & hoc ilium sinistram mollescere inceperit, dieque sexto nihil ultra aut dolentis, aut tensi exhiberet; quod etiam deinceps medium hypogastrium & ileum mollius indolentiusque sit, & dum hæc scribo jam ileum dextrum totum concidat.

An spes est materiem morbi continuatis ejusmodi urinis posse solvi? saltem hucusque omnis urina hanc materiem constanter gerit.

Interim difficultatem explicandi summam hic casus habet. Fuit olim tumor imo quidem in ventre animadversus, verum quia nil tumidi ac tensi primo post operationem tempore deprehenderimus, vero similiter idem tumor a vagina, copioso sanguine immensum turgida & uterum atque vesicam sursum trudente, oriundus fuisse videtur; unde etiam evacuata vagina, hypogastrium totum concidere debuit. Id si ita se habet, cur tertio ab operatione die ardor, quarto tensio ac dolor totius abdominis, cum vehementissima febre? Si liceat per analogiam quid proferre, in sectione calculi vidimus anno 1760. triste exemplum ejus, quod ut periculosissimum Lithotomi adeo formidant, scilicet
ven-

ventrem ab operatione summe tensum, dolentissimumque, cum febre violenta. Nunquid ergo vulnera nervosarum, adeoque sensibilibus admodum partium, ut vesicæ, hymenis &c. inexplicabili modo inflammant universum, aut externum saltem, abdomen?

Condonabitur, opinor, mihi hæc circa Atrethiam digressio, quam explicatio, de variis abdominis tumoribus danda, necessariam utique & inevitabilem reddebat: abruptum retexam filum.

IV. Vir nobilissimus, bellicis induratus laboribus, procerus, hilaris, facetus, anno vitæ suæ 38. gravi contumelia afficitur, tacito animo concoquenda. Unde in summam, sed sine materie, ut loqui Ars amat, Melancholiam, dilabitur. Quindecim exinde elapsis mensibus, fortuna ridet, honosque ad contumelias prægressas delendas aptissimus, succedit. Sed, ô tristes mortalium calamitates! radices adeo altas egerat prior animi affectus, ut corporea organa, viscera, nervos, humores, inficiens, morbum nunc ex spiritali materialem produxisset, verumque generasset Asciten. Nihil ars hic præstitit. Carolinis thermis semel in anno, octenni spatio, æger usus, Hydropis quidem experitur immutationem, at vero duritiem primo sinistro, deinde etiam in dextro abdominis latere, sensim crescentem, animadvertit.

Varietas sententiarum circa naturam morbi ingens fuit, eoque major, quo abdominis latet
tex

tex uno tempore copiosior, confusorem redderet affectarum contactum partium; alio iterum tempore parcior, contactum præberet liberior. Lien sæpe accusabatur, & his quidem infarctus, aliis vero scirrhus. Tempus fuit, quo tumor duplex, alter lapideus fere, ventriculo adhærere quibusdam visus fuerit. Omentum postea accularunt, Mesenterium dein, tandem tympaniticum Coli tumorem. Biennio ante mortem Ill. *Præses*, egoque, sententiam rogati, respondimus nec quænam potissimum partes, nec quonam illæ demum modo, affectæ essent, determinare certo nos posse. Contigit autem semianno ante mortem, ut illum primum præfens viderim, examinaverimque; contigit idem aliquoties postmodum; hydrops nonnunquam minor, suspicionem mihi lienis augere potuit, sed firmam sententiam pronunciare, frequens cadaverum, toties illusionem Medicorum manifestantium, recordatio prorsum vetabat.

Extra urbem morienti non adfui, nec corporis aperturæ; sed jecur & splenem corpore exemptum ad me miserunt. Insolitæ magnitudinis ac soliditatis ambo hæc viscera, ponderavi; ac jecinoris pondus novem libras cum $\frac{1}{4}$ splenis autem 6. cum dimidia libras æquare deprehendi, solidum utrumque, sed ne minime quidem scirrhus. Ergo & qui solum lienem accusaverant, & qui solum hepar, tum etiam qui scirrhum pronuntiaverant, erraverant. Nescio, qui fiat ut in corporibus, quæ ceterum

emacientur, & tabescant, viscera nonnulla, æ præsertim jecur ac splen, in monstruosam molem, eamque cetera sanam, abeant? 21. Dec. 1758. publice exhibui splenem eadem, qua hepar, magnitudine, $4\frac{1}{2}$. libras æquantem, substantiæ plane bonæ ac sanæ; dum interim corpus a subito profligata intermittente febre obstructum, & asciticum, penitus contabuisset. Et 2. Jan. 1759. demonstravi in corpore maxime cachectico, & vertebrarum omnium thoracis ac lumborum, ossis sacri, pluriumque costarum, pessima carie demum perempto, hepar adeo magnum, lienem ita ingentem, ut nec legerim, nec viderim unquam, hæc bina monstrosiora, doleamque exactum horum pondus in diariis meis desiderari; ambo hæc viscera ad pelvim usque extendebantur. Cap. 7. §. 5. enorme hepar, non morbosum omnino, in cachectico corpore quoque mirati sumus. Dum viventibus has partes tangimus pro certo affirmare possumus, tumores enim mesenterio enati, renes monstrosi, sacci degenerascentium viscerum variorum, ipse ventriculus, licet vomitu nonnunquam sui affectionem prodiderit, vel in alterutro, vel in utroque abdominis latere, simile quid, quod tale hepar aut lien, tactu exhibent. Cum autem, quo plura inciderimus cadavera, eo plures causas detegimus, quæ licet a se mutuo diversissimæ, tamen eundem aut similem contactum explorantibus exhibent, ideo discamus sententiam propriam dubitanter proferre, saltem eam

eam contra alia opinantes non acriter defendere. Si cadaver post mortem incidatur, demonstrabit forte, quorumcunque erroneas sententias esse, & causam mali aut nunquam adhuc observatam, aut saltem ab iis medentium in dato casu alienam, dabit. Et si casu quis rem acu tetigerit, & inde velit magnus videri Apollo, facile in proxime futuro casu suam inscitiam, & vanitatem aperto cadavere demonstratam videbit. Ut clarius inde convincamur, perpendamus sequentem historiam.

§. V. Dec. 4. anni 1760. puerum decennem suscepimus, cujus en vitæ historiam! Primo vitæ biennio sat sane vixisse dixere parentes, facie tamen inflatum perpetuo. Bienni ipsi post clamores nocturnos, crus fuisse veluti contractum, quod frictionibus mater emendasset; idem denuo octenni contigisse, iterumque frictione emendatum. Variolis inter 2. & 3. vitæ annum laborasse, integris sex mensibus ex inde pectore anxium fuisse, attamen & medicamentis ad id datis reconvalescere. Sanum utcumque præter ea, quæ nunc enarrata, infantiam, & pueritiam, hucusque transegisse, at comatosum tamen perpetuo, idque potissimum singulo autumno; frigidum quippe semper, mox ubi hypocausti ignis cubiculum calefaceret, vix ab eo removendum fuisse, atque hinc magis somnolentam hyeme vitam egisse, buccisque utrinque pendulis hyeme adhuc plus apparuisse.

Præprimis autem hic notamus ab Autumno

1759. quo & comatolum, & crure sinistro affectum, eum intelleximus, tumorem in sinistro hypogastrio comparuisse, quem mater diligenti attentione de die in diem profecuta, supra pubem & inguen sinistrum primo, deinde ad cristam Ilei surgentem, sensimque ad costas, spinamque lumborum adscendentem observasse se aiebat, & spinam dorsi ipsam tunc notabiliter fuisse incurvatam. Tumorem ipsi examinantes, non in hypogastrio, sed supra cristam Ilii, inter costas spurias, spinam, & hanc cristam, locatum deprehendimus, eumque durum totum, excepta plaga ejusdem superiore, & ad spinam proximior, quæ manifestam fluctuationem exhibuit. Pectore tussim & ronchum audivimus.

Circa naturam tumoris dubii fluctuantes indicationes manifestas ilico sequebamur; expectorationem oxymelle squillitico promovendo, & tumorem cataplasmate ultra emolliendo. Emendata hinc respiratio est, & tumor sui aperturam, vel brevi sponte futuram, vel arte faciendam, indicabat.

Die 18. Dec. aperuimus, eduximusque plusquam 4. lib. crassi, flavi, nec foetentis puris. Specillum ad medium abdomen pene intravit. Ex illo tempore aperturam sæpius dilatavimus, ut commodè pus exstillare posset: sane exstillavit illud ad mortem usque fere perpetuo, tussis ope multo copiosior. Bis die injectio aquæ hord. cum melle rosaceo facta est, toto morbi tempore; stylus postremis temporibus, & inje-

ctio

Etio ipsa, vix cavum ultra dari indicabant. Toto hoc tempore bono nutrimento, frictionibus, remediis primo attenuantibus, postmodum solventibus, tandem roborantibus, flaccidum corpus emendare conatus, æthiopem lavi. Imo a 15. Feb. 1751. crus sinistrum fungoso tumore ad malleolum primo internum, deinde ad externum affectum est; instar veræ spinæ ventosæ malum, dum tumor externe aperiretur, nuda jam ossa ostendebat.

Aprili finiente cum magna dorsi apertura, magnaue boni puris effluentis copia, febricitare cepit, & spina lumborum dorsique dolere. Febris exin continua fuit, sæpe cum vespertinis, sæpe cum vagis exacerbationibus, cum dolore spinæ fere perpetuo; quam accubitu puris ad illam, natæque inde rosioni, tribuebamus. A medio Majo febris intensior, diarrhœa argillacea, ut sæpe in suppuratis observamus, dysenteria nonnunquam cruenta, & a 22. Maij fungosi tumores ad articulum cubiti sinistri, ad dorsum dextra pedis. Tandem 7. Junii, finis miseriarum, mors.

Ingens ventriculus, bonum abdomen, nisi quod hinc inde, idque potissimum in pelvi, pauxillum flocculenti puris inveniretur, præterque illud tres propemodum lymphæ libræ. Stylus ulceri inductus moderabatur sectionem præcipuam. Hac lege deteximus saccum quendam, formatum a postica parte Quadrato lumborum, & Psoa magno; antè Psoa parvo, a majore

multum remoto, albido, mucoso, & peritonæo; a latere interno, corpore quodam calloso, quod spinæ lateri accretum, quodque psoam parvum multum a majore removebat; a latere tandem externo, Transverso abdominis.

Porro tria hic summe notanda erant. 1^{mo}. Saccus nunc descriptus, qui descendebat super Iliacum internum, secundum magni Ploæ latus, ejusque tendinem, angusto ductu, eodemque calloso, donec cæco fine terminaretur inter tubercischi, & trochanterem majorem. 2^{do}. Apertura, quam Natura indicaverat, quamque 18. Dec. anni proxime elapsi feceramus, eo proprie loco fuit, quo Transversus abdominis incepit haud ultra a Quadrato lumborum tegi, eadem circiter cum suprema vertebra lumborum altitudine 3^{tio}. In magno sacco prius descripto fistula lateralis erat, quæ stylum nostrum ducebat ad infimam dorsi vertebam, eamque scabram & erosam, deinde ascendendo secundum vertebra, usque ad quintam vertebam thoracis. Callositas vestiebat utrinque spinam, vertebræ enumeratæ omnes & corporibus suis, & processibus, erosæ, consumptæ, ichore ac pure undique sordentes.

Considerando igitur 1^{mo}. puero huic, dudum antequam in Nosocomio susciperetur, spinam dorsi tam extrorsum, quam leviter introrsum, idque loco affecto potissimum, incurvatam fuisse: 2^{do}. Tumorem primum in summo femore, ubi sacci finis erat, sed supra inguen sinistrum adverti incepisse: 3^{tio}. Cæcum omnino & callo-

losum fuisse finem in femori sacci: 4^{to}. In sacco abdominis præter Psoæ parvi flaccitiem nihil degenerascentis repertum fuisse: 5^{to}. Adfuisse lateralem sacci fistulam, quæ cum crosis undique vertebris communicaret: hæc, inquam, omnia considerando, in eam facile sententiam imus, quod ad hujus cachectici, & cacochoymici pueri, spinam dorsi, morbi origo hæserit; quod morbus inde inchoans, sibi viam inter musculos & peritonæum rodendo paraverit; quod copia ac pondere materiæ saccus deorsum elongatus fuerit; quod in fistulam oblongam ultra ossis pubis marginem abiverit; sed quod materia minorem resistantiam supra os pubis, quam infra inveniens, in tumorem primo in inguine collecta fuerit, deinde sensim altiora petiverit.

Sed undenam primo quatuor libræ puris, purisque continuus semianni spatium fluxus? Pus sane paucum intus delituit, nec in pulmone aut reliquo corpore ulla vomica fuit. Ex observationibus toties iteratis patuit ad purulentas excretiones annosa solam sanguinis phlogistici diathesin requiri, quæ continuo se inde liberet: adeoque sanguinem facile a spinæ carie phlogisticam reddi potuisse, & hanc eandem phlogisticam materiem circa spinam deposuisse, sensimque copia ac pondere suo saccum descriptum formasse.

Conclusio hujus capituli est, quod inter innumeros abdominis tumores & hidropes, in variis hujus operis partibus recensitos, ne bini quidem

sibi similes reperiantur; quodque id omnino certum videatur, quo plura cadavera postliminio incideremus, eo nos plures inter se dissimiles inventuros casus, quorum dissimilitudines in vita notueramus deprehendere. Adeoque repeto quod pag. 120. monui. Conclusio denique est complures semper fuisse casus, itidemque semper futuros, qui Parisinorum curam (ut Tom. I. Cap. 31. exposita fuit) nunquam admittant; esse quoque ejusmodi, in quibus hæc ipsa methodus a Natura per continuum puris effluvium indicata, unice palliet, neutiquam curet, quemadmodum historia pueri, ultimo enarrata, evincit.



C A P U T XV.

De Hydrope Pectoris.

§. I. *Hydrops Abdominis & Pectoris a nimio hæmorrhoidum fluore: Habitus ventris tympaniam mentiens. Pulmones toti degenerascentes & corrupti, itidemque universa pleura, & tamen nullus ullibi eorum coalitus. Anatome ut per omnia notabilis erat, ita notabilior ob defectum sanguinis in toto corpore.* §. II. *Hydrops pectoris per 14. dies præcipuo suo symptomate, signoque carens, sine nota causa. Anatome exhibet ingentem vitalium partium degenerationem, quæ non expectabatur; nulla calculosæ diatheseos signa in systemate urinoso, bilioso, pneumonico, quam suspicati haud immerito fueramus. Respondetur ad quæstionem, homo hic præcipuo morbi sui signo aliquando caruerit?* §. III. *Phthisis pulmonalis abscondens notabilem Pectoris hydropem. Hydrops hic, etsi cognitus debito tempore fuisset, paracentesi non potuisset sanari. Singularis locus, in quo collecta aqua. Confirmatur ex his omnibus proposita Part. V. hujus morbi difficilis cognitio, difficillima curatio. Qui nocturnas anxietates in lecto evitaturi, in sedili se collocant, hos non semper easdem evitare, haud infrequens observatio docet.*

PArte hujus Operis V. multus fui in hoc morbo describendo, ejusque tum rariore
co-

cognitione, tum difficiliore, ne dicam impossibili curatione, enarrandis; quæ recens observata idem argumentum confirmant, nunc tradam.

Die 8. Jan. 1761. homo 30. ann. consilii causa in Nosocomium venit; triennium elapsum esse ajens, cum melancholia ex oppilatis abdominis visceribus laborans, Hæmorrhoidas sibi provocasset: ex eoque tempore easdem large fluentes quovis mense habuisse: nunc vero a 5. Septimanarum spatio tumidas se quidem illas, at plane siccas, habere. Quatuordecim diebus, ab ultimo fluxu hæmorrhoidali elapsis, tussim sibi natam esse, eamque siccam, & molestant, vires inde minui, jamque ab oetiduo & ventrem sibi & crura tumere. Debilis totus homo apparuit, anhelus, macer, fuscopallidus.

Homo hic, optimi Medici optimo consilio, fluorem hæmorrhoidalem ante triennium sibi adplicitis provocavit hirudinibus. Verum & optima consilia sua incommoda habent. Toties clari viri id notarunt, quod aperta vasa hæmorrhoidalia sæpe non sufficienter postmodum claudantur, hincque nimio fluore hydropem, ac mortem producant. A Galeno in hæc usque tempora id Medicos luxisse, tractatu de hæmorrhoidibus evici. Hinc infidum aliquando auxilium est. Pœnas certe inde homo noster luit. Cachexia dudum affuerat, Tussis accessit 14. die ab ultimo fluore, hydropem pectoris referens, manifestusque apparuit Hydrops abdominis & crurum, quo tempore prima vice deficiebat hic flu-

fluxus. Hinc evidentissimum fit, tussim ac hydropem non a suppressis, sed a nimis hæmorrhoidibus sumsisse originem.

Datis remediis, potissimum diureticis, hydrops minuebatur, sed sonus Tympaniticorum similis in ventre successit, tumorisque inæqualitas, referens Tympaniam: Diuretica, purgantia, & roborantia, aliquo tempore admota, mensis spatio omnem sustulere Hydropem. Sed nullam spem inde concepimus, cum vires decrescerent. 23. Feb. mortuus est.

Nihil tympanitici in abdomine inventum est: sed, quod nos deceperat, & tympanitidem terat mentitum; omentum fuit, quod in inæqualia oblongaque tubera degenerascens, ac peritonæo horum ope coherens, ventrem more tympanitico inæqualem repræsentaverat: imminuto quippe plurimum hydrope, non poterat peritonæum sufficienter se ad intestina adplicare, præ tuberculis crassis densis omenti secum connati. Hinc intestina in vacua hæc spatia intrare, aere sæpe distendi oportuit, adeoque percussum abdomen sonum edere, licet neutiquam in formam tympaniticam perpetuo extensa essent. Jucundum interim videre erat, quam mire decepti essemus. Omentum enim totum ab inferiore parte intestinorum remotum, atque in se revolutum, ab angulo coli sub hepate, usque ad flexuram ejusdem sub liene, in duram, crassam, ac cartilagineam substantiam, digitum pluribus in locis densam, degeneraverat, ubique
cum

cum peritonæo connatum. Hinc anatomicè difficilis erat, præcipue cum intestina tenuia, omento non tecta, cum peritonæo levibus vinculis hinc inde cohærerent. Igitur degenerascens omentum, inæqualitate ventris; intestina, dum flatibus distenta loca inter tubera omenti vacua occuparent, sonitum tympaniticum in percussione abdominis dabant.

Cæterum, peritonæum totum, omnia intestina, integrum mesenterium, universa pleura, superficiem, substantiamque suam totam, granulofam habuere; granulis albis, multum eminentibus, durisque iisdem, & quam proxime sibi invicem adpositis. Hepar, lien, renes boni. Renibus pinguetudo nulla. Vix libræ tres lymphæ in toto ventre. Flavedo hujus lymphæ intensa; num a vehementer transudante vesicula fellea? Bilis cystica profunde flava. Levis utroque pectoris in cavo hydrops, a libra dimidia in singulis aquæ fuscorubræ. Cor in substantia pallidum, in cavis utrisque multo grumoso cruore plenum: ad principia vasorum majorum paucus sanguis; sed mox inde complanata aorta, vena cava, vasa iliaca: percissæque eadem in longitudine, vix guttam sanguinis dabant. Nec putet quis vulneratis aliis id contigisse vasis; nam a principio ad finem usque, Cl. collega *Gasser*, totumque auditorium medicum, siccissimam anatomen mecum mirabantur. Pulmones toti quanti duris erant tuberculis, ad sensum cartilagineis, pleni; trans-

scissi

scissi autem, pus undique inter illa tubercula fuderunt. Quod autem mirum maxime, nullibi cum pleura accreti fuere.

Simulata tympanitide deceptos nos fuisse, supra ostendi; verum annos quoque non decepit pectoris personatus hydrops? utique a tanta universalis pulmonis degeneratione tussis, anxie respirationis, anhelitusque, verosimilius causa deducitur, quam ab unica libra liquidi in utroque pectoris inventi cavo. Nisi statuere maluerimus, sicut diureticis & hydragogis aquam ventris, ita quoque eam pectoris evacuatam fuisse.

An granulosa tam substantia, quam superficies membranarum, ad vitæ finem generata est a Phlogistico illo, quod toties invenimus transfudasse, & alias, quadam ceu membrana, viscera, pleuram, ac peritonæum tegisse?

Cur sanissimi pulmones, ut toties vidimus, brevique novis confirmabo exemplis, tam sæpe ita accreti pleuræ, diaphragmati, mediastino, pericardio, ut nullo in puncto liberi sint; & in hoc homine, in quo corruptissimi erant, ubicumque liberi reperti sunt? Causam non bene capio: Hydropem pectoris forte olim copiosiore, id non impedivisse, firmus teneo; primo quia concretionem hanc, majorem, minorem, in Hydrope pectoris passim invenimus; secundo quia ab aquis versus pectoris inferiora locatis, ut in Hydrope pectoris assolet, superna pulmonum pars versus jugulum a concretionem cum pleura prohiberi non potest.

§. II. Vir idem, cujus capacissimum ventriculum alibi descripsi, dat nobis mirabilia observanda. Quippe tribus ille de causis a me aperiebatur. Primo quod calculo laborasset, plurimosque labentibus annis calculos urethra reddidisset; jamque ab anni retro spatio ita immunis a calculi vixisset ærumnis, ac si eodem laborasset nunquam. Secundo quod certo creditus pectore hydropicus, signis hujus morbi primariis, quæ nocte potissimum adsuerant, sub vitæ finem noctibus caruisset. Quod tertio suspicio orta esset, an non Hydrops pectoris, eo quod cessantibus, calculi excretionibus & cruciatibus natus esset, calculosis forte in pulmone concretionibus deberetur? Quod ad calculum attinet, id Cap. 13. dabo; impræsentiarum modo illa, quæ quæstionem de Hydrope pectoris elucident, enarrabo.

Annorum hic ultra quadraginta, cum diem fungeretur multis ab annis calculo laboraverat, calculos plures urethra excreverat, donec demum remedio quopiam sumpto se calculorum exemptum cruciatu gauderet: ex quo autem hac a calculo immunitate fruebatur, pectore angere cepit, cruribus intumescere, ac tussi molesta, levio-
vioreque cruoris sputo vexari. Crevere hæc symptomata ita, ut post elapsos 3. menses nequiverit, nisi in dextrum latus decumbere; anxietates a primo inito somno experiretur; cruribusque interea ac femoribus vehementer tumesceret; ventre interim multis retro ab annis
semper

semper a natura, haud vero a colluvie aquarum, tumidulo. Copiosum Oxymel squilliticum cum multis aliis diureticis, Kermes minerale, Gummi ferulacea, interposita Hydragoga, motus, frictiones, nihil profuere.

Sed insolitum quid contigit ultimis 14. vitæ diebus. Consuetas suas noctes calamitosas ne experiebatur quidem ultra, sed tranquillissimo somno, sex, septem, horarum spatio, lætus fruebatur, ita ut primarium illud Hydropis pectoris signum prorsum evanesceret. Quod autem mirabile erat, si ad beatum hunc continuandum solito diutius decumberet, en sensim, quæ nocturnæ olim fuerant, nunc anxietates fiebant diurnæ; imo eundem sæpius in sedili positum invadebant. Crurum autem tumoris, ac universi corporis debilitatis, insigne fuit incrementum, & post 14. optimas noctes demum 12. Maji, cum levi ac vago delirio, obiit.

Sequenti die cadaver aperuimus, egregius Medicus Aulicus nobilis *ab Hentschel*, Chirurgus *Leber*, egoque. Purpureum corpus ac lividum, spatio horarum 36. a morte elapso, ad humeros, jugulum, thoracisque tum superiora, tum latera. Venter longe quam in vita tumidior. Costarum cartilagine totæ, infimarum exceptis, ossæ. In dextro Thoracis latere octo libræ fœtidæ subrubescensque aquæ, in sinistro vix uncie paucæ. Cordis bovinæ magnitudinis dexter ventriculus parietum tenuitate hic vix lineam, ibi sesqui lineam, crassus, cavitate magnus; sinister

nister autem pollicis crassitie, exiguum valde cavum habuit. Aorta, carotides, subclaviæ, substantia crassissimæ, amplissimæ diametro. Polyposi quid utroque in cordis cavo. Lividi, flaccidi pulmones, quocumque in loco transcinderentur. Hepar lobo sinistro parvum, dextro monstruosum fere, longum ita, ut cum peritonæo circa cristam Ilei connatum esset. Flava ac multa bilis, nulli calculi biliosi. Ventriculus ingens, ut Cap. 7. enarravi. Ren dexter quadruplo majus naturali, mollis, flaccidus, cætera bonus, sine calculo; ejusdem bonus ureter. Extenuatus ita ren sinister, ut nec longitudine, nec crassitie, digitum excederet, alias nec purulentus, nec calculosus. Naturalis omnino & sine Calculo vesica urinaria. Peritonæum pulvinaris instar tumens, lumbos totos in pelvim usque explebat; eo autem percisso patuit laxam, corruptamque cellulositatem esse, quæ tantum utrimque pulvinar. componebat. Corrupti ac fere consumpti Psoæ.

Anatome igitur constitit 1. indicationem Hydropis pectoris rite captam esse. 2. Nullas calcareas concretiones in pulmonibus esse inventas, ut quidem suspicio ferebat. 3. Hominem hunc, qui summus olim Nephriticus numerosos calculos sæpius excrevisset, totam diathesim decum superasse, nec habuisse partium degenerationes, ut vocant, essentielles; cum renis sinistri cætera sani parvitas, mole dextri compensaretur.

Verum cur placidas adeo noctes ultimis vitæ 14. diebus egit? Phænomenon hoc mihi vix explicabile. Respondeo duntaxat me *Part. V. hujus Operis* evidenter demonstrasse ingentem Pectoris hydropem, in quo nocturnæ anxietates quinque mensibus filuerint: tum & alium validissimum Hydropem pectoris, cui anxietas illa nocturna affuerit nunquam: deinde mox datum me Hydropem pectoris a morte inventum, una cum Phthisi pulmonum, eorundemque pessima degeneratione, quo in homine Hemopto cum sputis purulentis, ac febris hæctica, veram Phthiseos pulmonalis ideam exhiberent, nullo vero modo eam Hydropis pectoris. Hinc quamvis Phænomeni dati causam non intelligo, merito tamen concludere videor id minime mirum nobis oportere videri, quod 14. diebus in vero Hydrope pectoris præcipuum signum deficiat; siquidem & longe diutius, & perpetuo defuisse, aperta cadavera demonstrent.

Quæ ultra circa calculosam hujus hominis diathesin, & cor, notata fuerint, hæc suis quæque locis dabo; enarrabo modo nunc, quam mox promisi, historiam.

Ineunte Junio proxime elapso cadaver aperuimus, Magn. D. Kessler, Expert. Guarini, egoque, hominis, apud quem olim ter, quater, fueram in consilium vocatus, & ubi ex copioso Baccho hæmoptoem, & sputa purulenta, copiosa, febremque continuam remittentem, constanter animadvertentes, Phthisin pulmonalem adesse

statuebamus; neutiquam vero, cujus nunquam signa videramus, Hydropem pectoris: nisi forte obscura quædam sub ultimis vitæ diebus adesse suspicari forsitan quis potuisset. En vero Anatonien! sex libras aquæ abdomen dabat, $7\frac{1}{2}$. libras dextrum Thoracis cavum, sinistrum libram unam. Pulmonum cartilaginea substantia longe durior, & pluribus in locis fere ossea, ut portione clam mecum lata, publice demonstravi: Vesicularis autem eorum fabrica plurimis sebaceis corporibus plenissima. Substantia denique pulmonum tota fere diffluens præ corruptione. Mucosi tumores tremuli, gelatinæ instar, membranis conclusi, magnitudine pugni virilis, supra utrumque renem inventi. Ventrîculus commodè excipiebat libras 12. aquæ. In vesica fellea tres polygonati calculi.

Sed modus considerandus est, quo hydrops pectoris hic formatus. Non proprie, ut assolet, in cavo pectoris hærebat aqua, verum pulmo, inferiore sui parte, ad altitudinem trium digitorum supra locum, quo diaphragma thoraci connectitur, pleuræ, diaphragmati, mediastino, intime connatus; superiore autem parte undequaque latitudine duorum digitorum cum pleura unitus. Porro intra locum cohæsionis superioris, & inferioris, pleura nuda erat, & $7\frac{1}{2}$. libræ aquæ ad pleuram nudam accumbentes, removebant pulmones, eosque sursum, deorsum, atque ad mediastinum, compresserant, quo sibi spatium compararent. Eratque hoc spatium ad co-

sta-

starum arcus; ita ut pulmo ad latera sterni, & spinæ dorsi arctissime cohæreret, in medio vero thorace circa arcus costarum nihil pulmonis esset.

Hinc iterum concludo, polymorphum hunc morbum, gravem posse, diuturnumque adesse, quamvis sui vix signa edat. 2^{do}. Confirmari hinc quæ superiore anno super difficillima ejusdem diagnosi differuerim. 3^{tio}. Ex loco, quem hic aquæ occupaverint, itidem confirmari, quæ de morbi hujus per paracentesim curatione, ut theoretice potius, quam practice proposita, adnotaverim: Quippe loco solito instituta paracentesis, pulmonem accretum vulnerasset, nullas eduxisset aquas. Frequentia hujus accretionis, quæ tanta, ut tertiæ, saltem quartæ, mortalium parti contingere *Diemerbroeckio* visa sit, curam hanc, si institueretur, inutilem sæpe ostenderet.

Absoluturus hoc Caput, Lectoribus in memoriam revoco, quod *Part. V. Cap. 3. Pag. 43.* post *Pisonem* notaveram; nempe pectore Hydropicos, subita corporis erectione, a nocturnis anxietatibus in primo somno invadentibus, se levare advertissent, voluisse easdem postmodum in sedili, erecto corpore dormiendo, prævenire, sed incassum: cum igitur etiam sic erectos dormientes anxietas invaderet, rationem hujus nocturnæ anxietatis nobis difficiliorem intellectu videri. Sane Historia penultima priores observationes confirmat, in eo adhuc notabilior, quod etiam de die in sedili dormientem anxietas

caperet eadem. Non do equidem hanc observationem, ut universalem: dantur forte, quibus primum somnum in fedili transegisse profuerit; sed contraria *Pisonis*, meaque sæpius confirmata observatio, casum saltem haud infrequentem esse demonstrat.

C A P U T XVI.

Problemata, & Difficultates.

- §. I. *Laus Pathologiæ, & frequens certitudo; sed simul ejusdem curta sæpenumero suppellex. Ratio est, quod Pathologia unico duntaxat modo vitam humanam utcumque intelligat, Adorandus vero vitæ Autor, & Fons, vitam humanam posset infinitis condere & conservare modis. Exemplæ, quæ id evincant.*
- §. II. *Historia curæ Aneurismatis spurii, quæ optime quidem feliciterque peracta, infelicissima tamen, ignotis de causis, fuit. Plenitudo vasorum cunctis conspicua signis, ad mortem usque; Vasorum tamen perfecta post mortem vacuitas.*
- §. III. *Anatome hominis, cui per annum ante mortem pulsus nunquam debilis, sed semper fortis, durusque, usque ad ultimam luctam mortis, in quo, nulla prægressa evacuatione, nullus sanguis fluidus, sed exile modo filum polyposum in omnibus, iisque dilatatissimis corporis vasis, inventum est. Quedam horum*

PROBLEMATA ET DIFFICULTATES. 309
 horum similia, sed imperfectiora, ex Cl. Licutaud. §. IV. Casus femine, quæ nunquam symptomata affecti cordis, majorumque vasorum passa, cor & vasa majora monstrosæ ac vitiosæ magnitudinis, totum fere thoracem occupantis, habuisse deprehensa fuit. §. V. Anatome portentosi cordis, in cujus substantia ossiculum, & cujus valvulæ tricuspidales non modo initia Coronariarum neutiquam tegere potuerunt, verum etiam Cor digiti amplitudine apertum semper reliquerunt. §. VI. Vita, & Respiratio non multum incommoda, cum Pleuræ, Diaphragmatis, Mediastini, Pulmonum, Pericardii, Cordis, majorum Vasorum, firmissima inter sese concretione, sic, ut, nonnisi unicam, eandemque immobilem prorsus molem, præ se ferrent. §. VII. Affecti ossis sterni, mortisque mirabilis historia, in qua nec sufficiens causa morbi in vita, nec vera causa mortis in cadavere, detecta est; & in qua febris hectica cum omnibus suis signis adfuit, excepto eo, quod & obesum, & torosum, ad ultimum usque vitæ halitum, corpus perseveraverit. §. VIII. Testis contusio generat horrenda in abdomine; itidem seminis abundantia & corruptio citra contusionem. Stupenda Anatome. Castratio proVectum eousque morbum non tantum non curat; sed mortem accelerat calamitosam. Quædam in hanc rem ex Hilando, allisque. Consilium præcavendi. §. IX. Tumor in Tibia ex contusione natus, 30. annis incul-

pate gestatus, tandem malignus factus, curatur enucleando. Recrescens irritamenta patitur, generatque Emprostotonon, & Maxillæ Tetanon. Ablato tumore hæc symptomata perseverant, occidunt. Doctrina magni Hippocratis circa Tetanos. Calor urens in Ardente febre vix auctis Thermometri gradibus Tetanus musculorum & tendinum, diu a morte superstes. §. X. Anatome intricatissima, in qua omnia intestina tenuia, & crassa, a sua externa tunica separata inveniebantur, & ex eadem, tanquam ex vagina, aut theca evaginabantur illæsa. Demonstratio hinc confirmata 1. quod intestina suam tunicam extimam a Mesenterio, ac Mesocolo, mutuuntur. 2. quod ligamenta coli a tunica externa potissimum oriantur. Determinatur justa Intestinarum longitudo. Difficultates circa veram hujus morbi naturam. §. XI. Hernia intestinalis, vaginalis, & causa Ileii morbi vehemens, longis ab annis in corpore præsentis sine ullis suis signis aut symptomatibus. Anatome.

Pathologia nititur quatuor potissimum fundamentis, quorum primum quidem Anatome est, quæ omnium humani corporis partium figuram, molem, situm, variumque cum aliis nexum, & harmoniam, docet. Alterum est Physiologia, una cum Mechanice, Hydraulice, ceterisque adscitis Physiologiæ disciplinis. Hæc partium per Anatomem cognitarum destinationem, usumque, exponit, indeque humanarum fun-

functionum & actionum exercitium explanat. Tertium ejus fundamentum merito habetur experientia medica, eaque eo quidem tempore potissimum capta, quo illæ ipsæ functiones, earumque instrumenta, aut otiantur, aut læduntur, aut destruuntur. Quartum denique tum omnium in genere cadaverum inspectio est, tum præcipue eorum, quorum morbi, dum viverent, attente considerati fuerant, diligenterque adnotati.

His innixa Pathologia, sæpius morbos multos a principio ad finem ita explicat, ut nulla certior evidentiorque demonstratio haberi in Physicis queat. Constatque inde Pathologicum bonum esse neminem, qui non simul bonus Anatomicus, qui non accuratus existat Physiologus. Ut enim linea recta ad curvæ nos adducit cognitionem, ita sani, vegetique hominis, intellecta Natura, functionumque integritas, nos in intellectum ducit causarum, quæ earundem functionum læsionem, perversionem, destructionem, soleant producere.

Verum enim vero occurrunt nobis sæpenu-mero morbi quorum Phænomena laudatis hisce ac necessariis principiis haud modo non explicantur, sed iisdem plane adversantur. Ecqua tandem hujus causa portenti? Paucis dicam. Eorum quæ ad hominem pertinent, multa novimus, omnia non novimus; & quod res est, vitæ, ut ita dicam, ignoramus latitudinem. Perennat siquidem illa quandoque, idque nota-

biliore tempore, interea dum otiari videantur, imo dum destructa, aut inepta saltem, ea organa, illa vitæ appareant instrumenta, quæ quidem ex veris Artis principiis ad vitam, vitæque functiones, absolute necessaria statuera-
mus. Velimus, nolimus, hic, hic inquam, curtam nostri ingenii suppellectilem fateamur oportet: incipimusque sub his velamentis Illum detegere, quem Fontem Vitæ Sacra vocitent, qui dum secundum nostra Anatomica, Physiologica, Mechanica, Hydrostatica, Hydraulica, Hydraulica principia, vitam conservat mortalibus, Naturæ se monstrat Autorem; dum vero reclamantibus hisce legibus eandem perpetuat, Omnipotentem sese, infinitarumque, ut ita dicam, Naturarum Creatorem esse, & ut paucis omnia comprehendam, libera voluntate cuncta se agere, ostendit.

Quum plura observata mea propria argumentum horum, quæ dixi, subministrant, præcipua collegi, & ordine enarrabo.

PROBLEMA PRIMUM.

FEmina 65. ann. optima sanitate semper gavisâ, corripitur media nocte 22. Martii 1761. anxia respiratione ac leviori hæmoptoe. Vocatur extemplo, venam quiescet, balneator. Is porro, instrumento suo resiliente arteriam tundit, ingentique saltu profilientem cruorem comprimere satagens, nonnisi tertio repetito
adpa-

PROBLEMATA ET DIFFICULTATES. 313
apparatu compescit. Adstantes Chirurgum exonerant, retrotractum ab ægra brachium causati.

Vulnus, ad 12. diem non amoto apparatu, vidimus 18. die ab eodem inflicto, deteximusque ingentem in humero ac brachio a compressione tumorem. Pulsus in carpo fortis, & calor, vel arteriam haud valide compressam esse indicabant, vel nunc per laterales arterias ex Humeraria ortas, jamque dilatatas sanguinem in laterales arterias, quæ ex brachiali arteria antepostque ejusdem bifurcationem egrediuntur, nunc retrogrado motu inferri in arteriam brachialem, aut radiæam, atque circuitum humorum in manu hoc modo resuscitari.

Sphacelus humeri præ foribus adstans, citam operationem poposcit. Perfecit eam *D. Leber* Assistentibus *Dnīs. Chirurgis Homburg, Fischer, & Reichberger*. Methodum comprimentem intercipienti prætulimus, ob rationes *Tom. I. Cap. 30. §. 10.* laudatas. Apposita machina tortili supra arteriam humerariam, operator sondam cavam induxit in vulnus cutis, atque cava omnia esse detexit. Integumenta supra sondam cavam transcidit ad digiti longitudinem, eduxitque sanguinis grumosi, nec dum fœtentis, libram dimidiam, & prudenti digito quasvis hujus massæ reliquias abstulit: tunc sondam prudenter deorsum in vulnus duxit, ut prius, ita & nunc, caute evitans vulnus arteriæ, arteriamque ipsam; ac congruatum ibidem sanguinem,
cusa

cute ad pollicem latum percussa, eduxit.

His factis relaxavit paulisper comprimens instrumentum, quo rite contueremur Arteriæ vulnus. Horruimus profecto videntes idem quatuor lineas longum, ita ut accusatio retracti sub venæ sectione brachii confirmari videretur. Portio aponeuroticæ expansionis Bicipitis Brachii suo erat loco. Arteria vulnerata Humeraria fuit ante suam in Radiæam & Ulnarem divisionem. Quodque Tom. 1. Cap. 30. de corpore rotundo immobili, ad vulnus arteriæ notavi, idem hic quoque invenimus; formatum a vagina cellulosa arteriam, venam, nervosque, hic loci involvente. Hæc valida nimirum compressione a Chirurgo facta cum ipsa Arteria ubique conglutinatur, coalescitque, eo excepto loco, quo vulnus est. Vis enim sanguinis hanc cellulositatem a se repellit, suoque in illam impulsu tumidam atque rotundam efficit.

Adverteramus porro loco citato, in aliorum nostrisque casibus Aneurysmata spuria integre curari sola compressione externa, quando vagina hæc sic cum arteria coit, ut sanguis per vulnus arteriæ in saccum hunc se penetrans, nequeat amplius latera sacci, cum arteria coalita, ab eadem remove: curari vero minime, si compressione nec sufficienter, nec tam feliciter facta: impetus cruoris, in saccum insilientis, latera sacci hinc inde ab arteria removeat, seque hinc furtim per totam diffundat brachii humerique cellulositatem. Atque præsens casus cum
sic

fic se haberet , non poterat compressione sola , sed operatione quadam instituta , curari . Porro cum hoc sacco arcte unita Aponeurosis erat , vi compressionis.

Edocti igitur Aneurismata egregie curari relictis his cunctis concretis portionibus , eluimus primo brachii ac humeri vulnus , vulneri Aponeuroseos pulverem fungi Agarici inspersimus , totique sacco : dein Agarici rite compressi laminas ordine septem , sensim grandiores , imposuimus , & compressam , ut vocant , desuper ; tandem idonea ligatura totum firmavimus adparatum . Brachio , humero , manui , fomentum vini , aqua calida diluti , adpositum est .

Conquesta licet ægra dolorem , bene tamen toto eo die habuit se , & usa Emulso cum Diacodio , ac Nitro , bene dormivit . Die sequenti bene habuit , ad vespertas autem febris magna orta est , cum anhelitu , stupiditate , desipientia levi , pulsuque celeri , forti , duro . Unde ad octavam vespertimam unc. vj. sanguinis sano de brachio eduximus , & misturam Aquæ Hyssopi , oxym. squill. ac stib. diaph. dedimus . Refrigeratus sanguis rubram insulam bene consistentem , crustamque inflamm. densam , hinc albescentem , inde leviter rubentem , formabat . Impetuosius vena exsilierat . Interim Brachium aneurysmaticum naturaliter calebat , infraque ligaturam pulsabat , circum ligaturam autem anxie circumspicientes , omnia sicca læti deprehendebamus . Ita ut hucusque nullam , hac saltem de causa , inquietudinem animo foveremus . Hora vero

vero undecima adparatus leviter madere, tingique, observabatur. Ilico tamen hæmorrhagiam hanc incipientem constrictior Machina tortilis compressit. Ægra interea somnolenta fiebat, & ad mediam horam primam pulsus, etiam sub ligatura, fortior deprehensus est. Ad primam nocturnam expiravit, horis 41. ab operatione elapsis.

Ad 8. matutinam brachium examinantes, deprehendimus vix. 5. aut 6. uncias sanguinis hæmorrhagia illa exivisse: id enim exacte nos inspectis linteaminibus determinare didicisse Tom. I. Cap. 34. evici. Ergo non periit hæmorrhagia; 1^{mo}. quod post cohibitam eandem, inventus sit fortior pulsus. 2^{do}. Quod modica admodum copia effluxerit. 3^{tio}. Quod sanguis, dum paulo ante Vena educeretur, valido jactu profilierit.

Neque a Gangræna, compressionem validiorem haud raro sequente, extincta est. Pulsus namque sub eadem semper manifestus ad mortem usque fuit, & manus egregie semper caluit, imo ipse anatomicus conspectus quamvis gangrænæ suspicionem amovit.

Examinantes deinde operationis apparatus, invenimus illum egregie adhærere, infimamque agarici lamellam adeo vulnere esse infixam, ut scalpello inde amovenda fuerit. Figuram vulnris eidem pulchre impressam, Clar. Professor Gasser, qui ipse eam a vulnere vi amoverat, nobis omnibus demonstrabat Sanguis sub agarico

rico in sacco congrumatus & consolidatus fere totus. Quamobrem merito conclusisse videmur levem illam Hæmorrhagiam ex laterali vase, alicubi in integumentis non compresso satis, ortam fuisse.

Horum recensione crediderim, quosvis æquos rerum æstimatores concludere. 1^{mo}. Operationem egregie institutam fuisse. 2^{do}. Mortem neque ab Hæmorrhagia, neque a Gangræna, contigisse. Quænam igitur causa Mortis? Prosequamur reliquam Anatomiam.

Viscerum bona conditio. Sed vasa universi corporis, majora, minora, ita & flaccida, & vacua invenimus, ut sicciorem Anatomen nemo viderit. Sanguis unice inventus est fluidissimus in basi cranii ad unc. ij. copiam effusus, ita ut ibidem videatur vasculum fractum fuisse.

Repetamus igitur Historiam totam. Quinque ante mortem horis pullus celer, fortis, durus, proinde phlogisticus, fuit. Sanguis de vena tusa vere inflammatus prodiit, saltu exiliens, vi reprimendus, dum vena clauderetur. Exigua admodum Hæmorrhagia fuit. Post venæ sectionem & Hæmorrhagiam, dimidia ante mortem hora, fortior deprehensus pullus est tam in affecto, quam sano brachio. Interim sanguis nullus in arteriis venisque fuit, ne ejusdem quidem illa minima columna, quam a minima arteriæ contractione manere oportere vulgo credimus. Vacuitas perfecta æque in venis, quam in arteriis.

Itaque

Itaque mortis causam proximam video a compressione, quam ab effuso intra cranium sanguine Medulla oblongata; Nervorumque origines passi sint; vitam tamen exsanguis corporis, cum signis ad mortem usque plenitudinis vasorum, cum non capio lubenter aliis, me in arte versatioribus, exponendam relinquo.

§. III. PROBLEMA ALTERUM.

ARthriticus homo, de quo Part. 5. Cap. 5. & in Dissertation. *de Irritabil. & sensibil.* egi, in omnibus suis calamitatibus, durum fortisque pulsum nunquam non habuit; ut toties mecum per longum ejus morbum Medicinæ Studiosi observarunt mirabundi. Constanter hic pulsus adfuit, nisi morte jam adstante præ foribus. Cum mortuum illum 2. Octobr. 1759. aperiremus, invenimus aortam universam, arterias emulgentes, iliacas, femorales, amplas quidem, sed flaccidas, suo in cavo ad crura usque, gerentes nihil, quam filum, sive chordam tenuem, albam, polyposam, quæ crassitudine inæqualis, in maxima sua diametro vix sesqui lineam haberet, pluribus, in locis lineam vix excederet, dum interea vas columnam digito crassiore sine ulla extensione continere potuisset. Cor itidem crassum, pallidum, vacuum, habens tantummodo dextra in auricula sinuque quid polyposi, & in sinu sinistro pauculum grumosi cruoris, in subclaviis atque carotidibus arteriis,

teriis, funis, five filum polyposum, vix lineæ fuit. Ad venas autem quod attinet, Cava, atque renales, diametro maximæ, sed vacuæ; excepto filo, illi simili, quod in arteriis inventum, sed hinc inde filo arterioso linea crassiore. Aquam multam utrumque pectoris cavum habuit, sanguinem vero nullum; ita ut æque sicca hæc, quam proxime præcedens Anatome fuerit.

Nullas evacuationes passus hic homo est, quia nec habuit sufficientes: cum transpiratio, sudor, alvus, urina, postremis vitæ diebus penitus deficerent; atque a mensis retro spatio parcius debito fluxissent. Quæ ergo vitæ ratio in illo homine fuit? Non sanguis, sed chorda polyposa in vasis fuit, tenuis adeo, ut vasorum parietes ad columnam decuplo crassiorem vix adplicare se se contrahendo potuissent. Interim homo vixit, & perpetuo forti suo, duroque pulsu, in diuturnis suis ærumnis nos omnes in admirationem rapuit. Underogo, cum evacuationes non modo non præcesserint, sed quæ necessariæ, dudum & imminutæ, & suppressæ fuerint; cum nullus fere sanguis cunctis fuerit in vasis, cum denique vasa amplissima amplecti filum hoc tenue, si fluidum adhuc in vita fuerit, nequiverint; unde nam vita hæc misera tamdiu protracta? & protracta quidem perpetuo, cum duro, forti-que pulsu?

Cl. *Lientaud* in *Epitome Med. Pract.* 1759.

Pari-

Parisiis edita, ubi Annemiam ad classes morborum refert, asseverat vasa sanguinea interdum usque adeo sanguine vacua reperiri, ut caput, pectus, & abdomen, tam sicca sint, ut ceram referant, vasa minora tum omni carere sanguine, majora semiplena esse, utrumque genus aere turgere. In Virgine, cui anni spatium sanguis centies detractus fuerat, subito extincta, cerebri vasa ne vestigium quidem sanguinis ostendisse. Homini ob frequentiores in morbo acuto venæsectiones *Leipothymia* post mensem, & mors contingunt. Adverterant tamen paulo ante mortem vires reparari, & pristinum redire homini colorem. In cadavere vasa cerebri penitus sicca, cor sanguine vacuum reperisse se, omnesque sectiones plane siccas fecisse, Vir clarus testatur. Sed evacuationes hic prægressæ sunt; in casibus vero binis nostris, vel vix notabilis evacuatio, vel nulla, prægressa est, in quam tantæ vacuitatis vasorum causam refundas. Quamquam in *Lieutautii* cadaveribus difficultate non careat, vitam aliquantisper productam fuisse, cum tanta humorum penuria.

§. IV. PROBLEMA TERTIUM.

Femina 37. ann. mense Septembri 1760. in Nosocomio *Pasmaniano* ab Ictero curata, inde exivit, renitente optimo ibidem Physico *Collin*, cui mens erat eam firmioris sanitatis reddere, antequam domum repeteret: aucta post-

PROBLEMATA ET DIFFICULTATES. 321
postmodum debilitate, & difficili respiratione,
Nosocomium repetiit, ineunte Decembri. Li-
cet respiratio nunc difficilior esset, tamen nun-
quam sive quando ictero olim laborabat, sive
nunc secundo suscepta, ullum cordis vel dolo-
rem, vel palpitationem passa, conquesta est;
nunquam intermittentem, inæqualem, remitten-
tem, pulsum habuit, nisi ad mortem, quæ a
febre, & extrema debilitate contigit 14. De-
cemb. Cor cum pulmonibus exemptum Cl.
Collin pro publica demonstratione ad me
misit.

Ut in enarranda hac Anatome merite ca-
pian benevoli Lectores, monitos eosdem volo,
in ponderibus numerandis me ubique pondus
commune medicum 12. unc. intelligere; in
mensuris autem capiendis me pedem sumere pol-
licemque *Viennensem*. Pollex *Viennensis* $\frac{4}{3}$ li-
neæ minor est *Parisiensi*; $\frac{4}{3}$ longior *Rhenolan-
dico*; dimidia linea longior *Landinensi*. Captæ-
que fuerunt omnes hæ mensuræ postquam cor
 $2\frac{1}{2}$ diebus in spir. vini aquæ misto servatum,
adeoque utcunque contractum esset.

Cor cum radicibus majorum vasorum elo-
tum, deterlum, mollique linteamine probe ex-
ficcatum, pondus librarum duarum æquabat.
Magnitudo autem cordis, pondusque, maxime
a mole ventriculi sinistri nascebatur. Capacitas
ventriculorum tanta, ut ultra duas libras cape-
rent ambo, sicut exacte capta mensura docuit.
Dexter ventriculus in longitudine perscissus, &
Tom. II. X situ

situ naturali in tabellla explanatus , sex pollicum , seu semipedis , latitudinem prope basin cordis habuit ; sinister ventriculus octo pollicum . Circumferentia basis cordis pedis integri cum $\frac{1}{3}$. pollicis . Ossea aorta ad basim cordis abscissa 4. pollicum in circumferentia fuit . Cordis sinistri densitas firma , compacta , dura , erat 10. linearum . Dextri autem crassities naturalis . Longitudo dextri ventriculi cum ea sinistri æqualis . Capacissima aorta ad Cæliacam usque , & in tunicis crassissima . Principiumque aortæ altitudine hinc 3. illinc 4. linearum , totoque in ambitu , osseum fuit ; per universum autem ejus decursum insulæ osseæ , a se invicem remotiores , inventæ sunt . Pulmones boni quidem , sed ob cordis molem parvi , & in superiore thorace tantummodo inveniendi .

Si hæ omnes adeo insignes mutationes intra breve spatium prope mortem generari potuissent , in promptu responsum haberetur ad quæsitum , cur femina nunquam anxietatem ad vitalia , turbatos nunquam perceperit pulsus ? At vero Historia tota innuit a longo retro tempore enormem hanc vitalium viscerum degenerationem , sumsisse originem ; dum interea , quæ eam denotarent , symptomata minime observarentur . Utique cor ita monstruosum , ut , explens maximam thoracis capacitatem , pulmones angustum in spatium cogat ; cor idem præ densitate indurata vix contractile ; adeo capax , ut ultra duas libras liquidi contineat ; Osseus
aortæ

aortæ annulus ; Aorta dilatatissima , atque indurata , pluribusque latis offeis insulis vitata ; hæc , inquam , omnia cum pulmone vix sanguinem transmittente , vix explicabili , debuerunt necessario ejusmodi humorum fecisse circulum , quem Physiologicæ leges explicare nequeunt .

§. V. PROBLEMA QUARTUM.

IN consilium vocabar finiente Novembri 1760. ad Viduam quinquagenariam , cum pie defuncto D^{no}. *Erndl* , & egregio Viro , Nosocomii Hispanici Medico , *Hasenorbl* , Autore egregiorum binorum tractatuum practico- rum . Erat spasmis illa , anxietatibus , animi affectionibus , maxime iræ , perquam obnoxia . Paregoricis , ac Neuroticis , hinc olim levata , jam haud levabatur ultra ; quin potius animo incepit linqui . Judicavimus omnes vitalia , si non protopathice , quod verosimile , saltem deuteropathice , affecta esse . Hydrops pectoris sui quidem suspicionem fecit , verum palam asseri , præ multorum defectu signorum , non potuit . Die 15. aut 16. exinde extincta est .

In cadavere hydrops pectoris demonstrabatur . Cor cum vasis exemptum publico examini subjeci . Ambitus vacuati cordis fuit ad basin 9. poll. 7. lin. Ambitus cordis in me-

324 PROBLEMATATA ET DIFFICULTATES.

dio 9. poll. 5. lin. Altitudo a cuspide ad basin 4. poll. 2. lin. Officulum oblongum in substantia superioris partis sinistri ventriculi, digitum immissum mox afficiens, & sic se detegens, longitudine octo linearum, in media latitudine trium linearum, durissimum. Auricula sinistra repleta erat materie crassa, fæbacea, inæquali, & cum auricula firmissime accreta: in dextræ auriculæ cornu quoque quid simile fuit.

Valvulæ tricuspidales ad aortam bonæ quidem figuræ, at durissimæ, totoque margine ossæ: corpuscula autem eorum rotunda, a *Morgagni* tam bene descripta, tum universa durissima erant, tum unum triplo majus, osseum. Valvulæ venæ pulmonalis fere unitæ in unicam, eamque latam Zonam, sed naturali duplo majorem; crassam, inæqualem, duas lineas densam.

Ambitus aortæ ad basin cordis 4. pollicum; ad curvaturam suam 4. poll. 2. lineis minus; ubi subclaviam generat 3. poll.; Ambitus arteriæ pulmonalis 3. poll. 8. lin. Trunci coronarium semipoll.

Valvulæ ad aortam tegere, ac claudere coronarias non poterant, licet easdem tenaculis fortiter attraheremus. Hoc sæpe. Unde *Morgagni* ex 18. cadaveribus invenit 13. esse, in quibus idem observatum.

At non modo valvulæ non tegebant originem coronarium, verum etiam breves, induratae, contractæ eum essent, haud tantum non clau-

claudebant aperturam arteriæ, sed tale, ad minimum, spatium in medio relinquebant, ut aorta communis magnitudinis per illud commode transivisset. Jamque dudum id ita fuisse, valvularum crassitudo & durities, osseumque in una corpusculum, demonstrabant.

Porro quis circulus, qualisnam sanguinis motus, corde sinistro semper aperto, & aperto ad tantam amplitudinem? certe in arteriæ systole dum ad arteriarum fines resistentia est, hac via patula, multum sanguinis in cor refundi oportuit. Valvulæ enim non obstitere. Proinde debuit cor continuo ex aorta se contrahente sanguinem copiosum recipere. Unaque modo columna a corde per arteriam, numquam intercepta, semper integra fuit. Nec spatium in hoc ventriculo fuisse videtur ad excipiendum pulmonalium venarum sanguinem. Si nunc consideremus vitium hoc antiquum fuisse, ut ante patuit, quæritur physiologica circulationis in hac femina, quantumvis vitiosa fuerit, expositio, & modus.

§. VI. PROBLEMA QUINTUM.

R Evoco huc casum, quem Tom. 1. *Rat. med.* cap. 17. dedi, hominis scilicet, qui insolubili, & antiqua concretionē, connatas mutuo inter sese quascunque Thoracis partes habuit, pleuram, mediastinum, integros pulmones, eodemque iterum mutuis inter sese lobis,

pericardium, cor totum; ut proprie loquendo omnes hæ partes nonnisi idem, unicumque viscus referrent. Nec singularis hic casus est, duos similes pueri & puellæ Cap. XII. dabit. Quæritur, quis hic vitæ fuerit circulationisque modus?

§. VII. PROBLEMA SEXTUM.

PUella 14. annorum anxia pectore, difficulterque respirans, cætera sana fuit. Nata 16. annos, mensium fluxum ter passa est, sequenti vero triennio nunquam. Anno vitæ 18. nascitur ipsi in sterni tumor, materiem fluctuatione designans. Cum hoc tumore prima vice ad nos accessit die Decemb. 30. anni 1758. Quia vagæ febres aderant, copiosamque materiem in hoc tumore, interno de pectore ortam suspicabamur, credidimus vel ab ejusdem resorptu, vel ab ossis carie, has febres nasci. Ea de causa aperuimus tumorem, ex eoque pus tum illo tempore, tum deinceps quotidie, vidimus effluere. Binis elapsis exinde mensibus, nempe finiente Februar. 1759. novus apparuit altiore sterni loco fluctuans tumor; qui itidem apertus jungi fluore stillavit. Cortex peruvianus, & lactea diætâ, febres egregie profligarunt, April. mense novus tumor cum ossis prominentia, sed is sponte recessit. A Majo mense ad Novembrem fluentibus jugiter ulceribus, sanissima vixit, res domesticas parentum in ædibus optime

me curavit. Menstruo fluxu Majo, Junio, Julio, Augusto, gaudebat, deinceps vero haud ultra. Nov. 16. eam denuo intra Nosocomium suscepi, eo quod novus tumor in depresso sternali sede appareret. Apertus is, perpetuo deinceps fluxit. Sponte aperiebatur & quartus. Febres denuo continuæ remittentes, vix ultra cortice & lacte moderandæ, fecerunt vehementem materiæ ab osse sterni, vel forte ex mediastino re-
 forptæ, suspicionem. Postremoque hoc tempore tussis accessit, ac puris sputum, tandemque vomitus, singultus, diarrhœa, consuetis immorigera remediis; superstitè nihilominus pulchra corporis, faciei-que, torositate: ita ut cortex & lac corpus pulchre viderentur sustinere.

Hac rerum conditione in consilium vocavi optimos Chirurgos nostros: *Homburg* Chirur-
 gum SS. MM. *Leber* Nosocomii Chirurgum, jamque Chirurgiæ in hac alma Universitate designatum Professore, *Reichberger* optimum ad *S. Marcum* Chirurgum, veteranum Chirurgiæ Doctorem *Reutter*; quibus sese, præter egregium Medicum *Erndl* adungere dignatus est Ill. *Præses*. Quærebatur quæ morbi sedes, quæ ejus natura feret; Equidem sternum quatuor-
 versis, & manantibus, & inter sese, facta injectione, communicantibus foraminibus, pertusum erat; per aperturam autem inferiorem specillum ad profunditatem sesqui pollicis immergebatur, sursumque ductum libere aliquantis-
 per ambulabat. Idem specillum superiori foramini

inductum circa 3. & 4. costam lateraliter pollicis latitudine intrabat; ut communicatio sic esset a sterni ulceribus ad quandam seu fistulam seu cavitatem lateralem. Cavitas autem illa lateralis non videbatur in ipsam pulmonum abire substantiam, sed inter pleuram ac pulmonem; aut potius pleuram inter, costasque, & musculos: siquidem aer fortiter inspiratus, & expiratus, admotam candelam minime movebat. Pronum inde fuit cogitare forsitan in dilatato Mediastino vomicam latere, quæ sensim sibi viam per exteriora moliretur, & quæ ad superiora sterni lateralem haberet processum. Quærebatur 2. in hoc consilio foretne alia, quam quæ adhibita hucusque esset, adhibenda curandi norma? An perterebratio ossis, ut *Galenus* fecisse se scribit, qui quoque corrupti Pericardii portionem, osse terebrato, abstulit; nudique conspexit cordis motum? *Adæmoni Becher* testatur, qui ipsius in opposito ad parietem speculo proprii cordis motus contemplatus fuerat? Verum ab una parte sternum, inæquale, & gibbosum admodum, trepanum difficulter admissurum esset; & suspicio duntaxat, non certitudo, aderat, sub eodem inveniendæ in Mediastino vomicæ: siquidem non Mediastinum modo, verum etiam quævis partes, tum proxime adjacentes, tum remotius sitæ, circa sternum ea, qua turgent, materie, evacuare se possint; unde frustra forte foret terebratio. Ab altera parte quatuor diversis aperturis cum pus
ma.

manaret, habebat Natura, quo se expurgaret.

Conclusio igitur fuit præsentia symptomata mitigare; corpus decocto Bardannæ, & lacte, implendo, & depurantibus injectionibus hucusque adhibitis substituendo novam, quæ aliquoties mire profuerit in similibus; scilicet cocta uncia media Colcotharis vitrioli in aqua per semihoram, ut libra liquidi superesset: quibus per aliquod tempus continuatis, novum consilium super agendis convocandum esset. Atqui vomitus, singultus, diarrhœa, nulla ratione curabantur, ulcera siccabantur, vires cito concidebant, octiduo post consilium elapso, moriebatur.

Cadaver pulchre torosum, pingue, crassum. Crassum omentum, adeo magnum, ut universum abdomen tegeret. Colon appendicibus innumeris pinguiferis cinctum. Ventriculus, intestina, diaphragma, jecur, splen, mediastinum, cor, pulmones, qui in dextro cavo thoracis multum, in sinistro parum, cum pleura cohærebant, optimi, sanissimi.

Cum igitur omnia viscera summam spirarent sanitatem, sternum examinandum accuratius fuit. Incrassatum illud, convexum valde, tribus in locis erosione perforatum, pluribus plagis nudum, carie exesum, ab interiore parte sacrum gerens, quem pleura a sterni, costisque, recedens, formaverat; nempe ad trium digitorum latitudinem, in tota fere sterni longitudine, pleura utrimque recesserat a costarum cartila-

tilaginibus, & anteriore parte musc. intercost. internorum, una cum sua productione media, qua mediastium format. Pollicis distantia pleura hic a sterno distabat, non tantum quia retropulsa a contenta materia, sed quia sternum, ut dixi, convexum erat. Paucum pus hic aderat, quia ab octiduo vix quid effluerat, sed certo certius videtur a pure copiosiore hic collecto, formatus olim hic faccus, sive hoc puris receptaculum, fuisse.

Hoc ipsum receptaculum communicabat cum sinu, seu appendice ejusdem oblongo, cæco utrinque, in thorace locato, inter pleuram, & musculos intercostales, digiti longitudine. Pus nunc paucum inerat, ita ut vix intrathoracem hi sinus prominerent. Ossa costæ 3. & 4., numero a superioribus ducto, utroque thoracis in latere, circa sinus illos exesa, scabra, tamen alba: unica in plaga musculus intercostalis internus multum, externus parum, exesi erant.

Phænomena morbi mortisque considerando, mortis causam querendo, hæreo aqua. Pure copioso olim fluente, sanissima vixit; domesticos alacriter peregit labores. Posthac quamvis pus copiose manaret, hecticæ febres, cortice insuperabiles, vomitus, singultus, diarrhœa, vehementer eam affligunt. Tandem siccis fere ulceribus, vomitu, diarrhœa, singultu, auctis, intra octiduum moritur. Periit quidem hæc juvencula omnibus quidem symptomatibus hecticis,

eticis, sed non modo citra hecticam corporis, humorumque consumptionem, verum etiam cum venusta musculorum torositate, cum totius obesitate corporis. Colliquescens, seu ut in scholis loqui amant, colliquativa diarrhoea phthisicorum more, vitam extinxit; corporis pulchra torositas, & obesitas, viscerum omnium illibata integritas, colliquescentem morbum plane negant. Neque enim, si sterni territorium cum finibus suis lateralibus excipias, quidquam toto in corpore, quod sanissimum non fuerit, inveneris. Totum vitium fere extra leges circulationis hæsit.

An pus fundum receptaculi post sternum copia, ac pondere suo, in diaphragma pressit, atque, illud convellendo, singultum vomitumque genuit? vix videtur, cum ultimis vitæ diebus sicca ulcera, & sacculus fere vacuus fuerit, interea dum eadem symptomata pergerent.

Nunquid vitium in osse sterni natum prius fuerit, & quidem a valida thoraculi in sternum compressione, quam sero deteximus? An proinde nata sanguinis phlogistica diathesis ab osse affecto, quæ quotidie per idem os evacuaverit se sic, ut corpus maneret sanissimum? An hæc ita aucta post modum diathesis, ut licet plurimum ulceribus efflueret, multum tamen sanguini intime commistum hæserit? Nunquid hinc 10. ante mortem septimanis diarrhoea, vomitus, singultus? & denique an ultimis vitæ diebus, cum ulcera siccesserent, sanguis nimia copia

332 PROBLEMATATA ET DIFFICULTATES.
pia phlogistici oneratus, adeoque per minima
vascula transfluere ineptus, mortem induxerit?

Si simul corpus dudum extenuatum, & emaci-
atum fuisset; causam manifestam interitus de-
prehenderemus; prout *Tom. I. Cap. II.* & pas-
sim in plurimis capitibus, multorum cadaverum
sectione demonstrare conatus fui: verum quia
viscera omnia sanissima, corpus obesitate ac to-
rositate conspicuum fuerit, explicatio morbi
mortisque deficit.

§. VIII. PROBLEMA SEPTIMUM.

JUvenis 25. annor ad *Fratres Misericordiae* se
contulit, eo quod a contusione id inguen,
testemque dextrum, sibi sexenni facta, dolorem
jam tumoremque ingentem perciperet. Contu-
lerat multum augmento hujus, quod Herniam
esse quidam rati, Bracherium admovissent. Ven-
trem universum durum, ac dolentem, Religiosi
invenere. Paucorum spatio dierum miseriis con-
fectus periit 7. die 1759.

Cadaveris sectioni interfui; sed cum Anato-
me quid intricati, & monstrosi habere videretur,
totam abdominis molem, peritonæo maximam
partem involutam, in publicum Pathologiæ Col-
legium afferri curavi. Clarissimo Professore Ana-
tomes *Gasser*, pluribusque Chirurgis assistentibus,
en quid invenimus!

Testis dexter molem capitis biennis Infantis
habens, durus, & dum percinderetur, hinc car-
tila.

tilagineus, illinc steatomatosus, scrotum explebat & inguen, haud tamen ultra suo de funiculo pendulus. Testi quippe, toti quanto, informis massa continuabatur, in inguine se dilatans dextrorsum ac sinistrorsum, ita ut expleret universam pelvim & hypogastrium, utrinque ad ilia, & posterius ad lumborum vertebrae. Assurgens a medio lumborum transibat per medium Mesenterium, altiusque sub Ventriculo progressa, cum degenerascente Pancreate confundebatur, & dextra portione Hepar tangebatur, in sinistro autem latere haud multo altius umbilico assurgens, spatium aliquod concedebat, in quo Ventriculus cum praecipua Intestinorum mole, arcte locaretur: Colo intestino interim a latere tumoris, & Recto sub tumore, decurrentibus.

Itaque tumor supercandendo Rectum, illud suo loco reliquerat at haud ita Vesicam urinariam. Urethram quippe, elevando vesicam, ita prolongaverat, ut ipsam vesicam in sinistro Hypochondrio versus cristam Ilei, supra molem hanc tumidam inveniremus, quo versus & ureterem dextrum, oblique transversim decurrentem, quoque deteximus. Sinistrum ureterem vero, & spermatica vasa, praesumma partium confusione, non vidimus. Testis sinister bonus, nisi quod Vaginalis ejusdem tunica ita incrassata esset; ut herniam carnosam referret.

Quid unicus non efficiat testiculus affectus? Quamque infons diu malum, brevi aliquando
sum.

sumum obtineat atrocitatis gradum? At, quod plus est, horrenda mala Testis minime contusus, sed a causa interna, inflammatione, obstructione, semine retento, depravato, affectus, producit. Cogitabitis forte castratione hæc quacun- que de causa orta præcaveri: sed ut experientia testatur, Testis extirpatio summa mala præcavet, funiculus spermaticus adhuc sanus sit; extirpatio Testis, funiculo affecto, malignitatem exasperat potius, quam mitigat.

Juvat *Hildanum* legere Cent. 4. Num. 64. ubi de Hernia spuria, carnosæ dicta, agit. Recensitis Veterum placitis, credit ipse Herniam carnosam a semine stagnante, & corrupto oriri. 2. In dextro potius quam in sinistro reperiri; saltem se, inter plures casus, semel modo in sinistro vidisse: quemadmodum e contrario Herniam aquosam in sinistro teste frequenter, rarissime in dextro, vidisset. 3. Hujusmodi Hernias plurimum in Juvenibus, qui sanguine ac semine abundant, quique in cœlibatu vivant, accidere solere. Historia autem horrendas recenset, interque eas unam Sacerdotis, cui dexter non modo testis, sed & vasa spermatica lapideam induissent naturam; ita ut abdomen manu comprimens, eandem profecto duritiem in dextro hypochondrio deprehenderet., Malum autem, ait, „ ad ipsam usque originem vasorum Spermaticorum adscendere, dolor ipse, quem e regione vasorum Spermaticorum ad renem usque dextrum „ continuo, per sentiebat, indicabat. Aderat præ- „ terea

„ terea vomitus , & appetitus prostratio , non
 „ tamen propter Herniam , ut quidam , qui ip-
 „ sum ante me inviserat , statuit , (notavimus
 „ eundem errorem in nostro homine commis-
 „ sum) sed ratione tumoris dolorosi , & duri ,
 „ e regione fundi ventriculi existentis , quique
 „ compresso abdomine tactu facile percipi po-
 „ tuit .

Ulboorn in notis ad *Heisteri* Chirurgiam pag.
 937. habet plura similia exempla , unumque
 præ cæteris hominis junioris , amissa juvene uxore ,
 dudum cœlibis , quem similia eorum , quæ
Hildani Presbytero contigerant , dudum passum ,
 tandemque mortuum , aperuerat . Invenit a Teste
 duro , pugnum virilem magno , corpus durum
 oriri , hinc inde fungosum , & ad lumbos icho-
 re refertum ; quod umbilico demum altius , ma-
 jorem lobum Hepatis trudebat extrorsum . Si-
 milia in praxi vidi .

Contusione , ut vidimus antea , tremendum
 hunc morbum generant ; sed semine retento ,
 corruptoque , eadem generari , experientia fidem
 facit . Pluresque forte existunt , quam quas hu-
 cusque recensuimus , causæ . Dum a quarta spe-
 cie gonorrhœæ virulentæ urethra prope caput
 gallinaceum exesa , emunctoria feminis cicatri-
 ce coaluerint , ac sanitas postmodum redierit ,
 ejusmodi mala oriri in proclivi est . Inepti enim ,
 qui semen ejaculent , coacervant illud . Unica
 his medela est sobrietatem per omnia colere ,
 ut semen testibus paucum conficiatur ; quodque
 con-

conficitur, in sanguinem redeat, virileque adaugeat robur. Quod quoque unicum his consilium superest, qui vel in Matrimonio semen copiosum emittere soliti, jam uxores notabilior tempore ad conjugium ineptos habeant; vel qui quondam sive Onania, sive Scortatione, multum profuderint seminis, jamque aut respiscant, aut, Religiosum. Ecclesiasticumve statum, sint amplexi. Horret animus considerando impune alibi libros tolerari, qui scelestissimis consiliis scateant. Lucrantur, inquiunt, hoc modo sanitatem, non attendentes ad Evangelicam exclamationem Matth. Cap. 16. v. 26. *Quid predest homini, si mundum universum lucretur, animæ autem suæ detrimentum patiatur? Aut quam dabit homo commutationem pro Anima sua?* Cura conservandæ sanitatis in omnes incumbit; sed legitimis conservandæ adminiculis, haud vero iis, quæ lex Divina citra ullam exceptionem condemnat.

Quæritur utrum a miranda Testis fabrica, an ab inexplicabili seminis natura fiat, ut prægressis, quas enarravi, internis, externisve causis, & Testis & Funiculus in monstrosam, adeo molem mutantur? Si a fabrica Testis, cur etiam totus Funiculus sic fiat, qui non habet similem fabricam? si a semine detento, corrupto, cur Funiculus horrendius degeneret, quam ipse Testis? An forte materia seminis jam in sanguine Arteriæ spermaticæ est, quæ in testem contulum, obstructum, deponi nequeuns, sensim
ita

PROBLEMATATA ET DIFFICULTATES. 337
ita cellulositatem, arteriis venisque spermaticis
circumfusam, infarciat? Aut quæ alia causa?

§. IX. PROBLEMA OCTAVUM.

Homo 20. annorum contudit dextram tibiam, quæ inde tumens pugni demum molem æquabat, spatio tamen, mirum dictu! 30. annorum indolens. Dolere tunc demum homo cepit, idque sponte; & quinque postea elapsis mensibus febre quotidiana, in tertiam septimanam producta, laboravit. Sub finem hujus febris Chirurgus facta cruciali incisione enucleavit tumorem, optimaque consolidavit cicatrice. Tumorem frustum crudæ carnis retulisse ferunt. In quintum exinde mensem bene habuit; eo vero exacto repullulat malum, ac spatio 6. septimanarum sic augescit, ut in majore diametro pollices duos, unum in minore æquaret; altitudine depressior fungum æmulabatur, cujus pedunculus brevis quidem, at pollicem crassus esset. Cysticus ut olim, jam non est, & inferius erosus, apertusque, nihil stillat. Quod porro apertus sit, imprudentia contigit Balneatoris, qui homini ruricolæ lapidem infernalem dederat, ut ter de die tumorem inde tangeret. Consumi hinc non videbatur, sed erodi, ac purpurascere. Accessere autem spasmi abdominis, quibus demum respiratio anhelosa successit, maxillaque inferior obrigit.

Hoc misero statu primum in Nôfocomium

Tom. II.

Y

cum

cum uxore venit , moxque coram me emprostotonos fit , summo cum anhelitu , & Tetano maxillæ ; qui Tetanus ad mortem usque plus minus duravit . Tristi & ipsi , & Auditoribus , facta prognosi , eum in Nosocomium suscepi .

Anxie admodum in naturam inquisivimus mali horribilis , magis anxie in medelam . Post facilem 30. annorum tolerantiam (quis homini perpetuam immunitatem non esset facile pollicitus ?) tumor hic quinque mensium spatio dolens , febrimque generans , enucleatus quidem fuit ; at vero in osse , periosteove , quid corrupti mansisse , testari videbatur idem tumor post 5. menses renatus , tantaque malignitate commitatus , ut spasmos tetanosque crearet . Quæstio erat , utrum ita malignus natura existeret , an vero lapidis infernalis irritamento ? At lapis externa modo tetigerat , quod etiam alibi haud ita malum . Ulcera , vulnera , tubercula , ejusdem attactum inculpate ferunt , etiam in locis admodum nervosis ; ut v. g. in glande penis . Hæsimus suspensi , saltem a quacumque causa hæc symptomata oriebantur , erant semper formidolosa , ac periculosissima . Tetano Maxillæ impedita deglutitio per se jungebatur ; quæ sane prognosin funestiores reddidit .

Dixerat *Hippocrates Aphor. 5. 6.* „ Qui a
 „ Tetano corripuntur , in quatuor diebus pereunt ; si vero hos effugerint , sanescunt . „
 Mitigat prognosin hanc *Lib. de Morb. apud Foes. pag. 491.* „ Tertio , aut 5. aut 7. aut 14.
 „ die

„ die perit , quos si effugerit convalescit. ” Et magis dhuc libr. de intern. affect. pag. 561. de Opistotono agens. „ Hic vero morbus, inquit, „ ut longissime ad dies 40. detinet , quos si „ effugerit , convalescit. ” Hæc quoad prognosin ille.

Diagnosin autem generalem pulchre format Libr. de dieb. Judic. pag. 51. „ Maxillæ velut ligna rigescunt , os aperire non potest . „ Oculi illacrymantur frequenter , & contrahuntur , dorsum rigidum est , neque crura, neque manus, neque spinam inflectere potest. *Cum vero lethalis fuerit, potus & edulia , quæ prius devoravit , per naves interdum exeunt : In Opistotono æger in reliquis eodem modo afficitur.* ” In laudatis textibus ex libr. 3. de morb. & libr. de intern. affect. de hisce symptomatibus & præcipue de impotentia deglutitionis , similia refert. Porro tribus diversis in locis agit libr. de dieb. Judicat. de his nervorum morbis *ab ulcere externo* ortis : & licet post 40. diem adhuc mortem homo effugere queat , absolute tamen eum moriturum pronuntiat, *si potus, cibus, mucus , per naves exeunt.*

Curam suscepturus *Cous* , quemadmodum laudatis mox textibus , in unum collectis , patet , dat primo acria quædam devoranda ex Pipere, & Helleboro nigro. An veluti nos acribus spasmus uno in loco excitamus , quo illum sopiamus in alio? Hæc vero cum nocere per se possent , simul pingua jura superpotanda dedit. Est-

que hæc cura læsæ Deglutitioni anterior, quippe post illam impossibilis. 2. Sternutamenta adhibet, scopo forte eodem, quo acres pilulas deglutiendas dederat: haud incongrue sane; cum hoc modo spasmos nonnunquam, singultusque, ipso illo Aph. 6 — 13. notante, solvamus. 3. Partes tetano affectos emollientissimis fovebat, ut pro rigiditate adipiscerentur mollitiem. Sed 4. emollientibus hisce stimulantia addebat, ut fibræ relaxatæ in naturalem contractionem abirent. 5. Corpus interim quantum poterat, emollientissimis implebat. 6. Si deglutitio cessaret, naribus injici liquorem jubebat, ut, dum rigida maxilla admittere alimenta ac medicamenta, eorumque deglutitionem adjuvare, renueret, liquor per nares injectus fauces subiret. Hoc porro ultimum mihi difficultatem parit. Experimentum tentavi in me, & compluribus aliis, sine successu. Patitur homo utcumque, si os apertum est, & lingua obsequiosa; at vero quicumque nostrum simulato maxillæ tetano, (sine quo experimentum nihil est) hanc per nares injectionem sive debilius, sive fortius, factam sustinuit, fere suffocabatur. 7. Peculiarem curam tetani habet injectu, affusu, frigida ad corpus aquæ; religiose tamen casum nostrum ab hac cura excipiendo. „ Est vero inquit Aph. „ 5 — 21. ubi in Tetano 1. sine ulcere (nonster ulcer habebat) juveni bene carnoso (nonster quinquagenarius est) ætate media (nobis inchoabat Aprilis) Frigida multæ affusio

„ fusio caloris revocationem facit: calor autem
 „ hæc solvit. ” Et Libr. 3. de Morb. adjun-
 „ git: „ post affusam plurimam frigidam, ve-
 „ stimenta tenuia pura superinjcito, tuncque
 „ ignem adhibeto. ”

Multis exemplis vir magnus didicisse vide-
 tur tetanos non modo non curari injectu frigi-
 dæ, verum etiam eosdem, si nondum adsint,
 generari. Ait enim Aph. 5 — 22. „ Frigi-
 „ dum mordax ulceribus facit . . . „
 „ spasmos, tetanos. ” Unde & vetat Aph.
 5 — 23. affusiones frigidæ in ulcere vetusto,
 in Erysipelate ulceroso. Usu quoque cognovisse
 videtur tetanos in remotioribus locis frigidæ
 aquæ affusione non sanari, nisi affusio illa in ipsum
 locum fieret, unde tetani causa; alioqui ulcera
 sic claudi possent, ut frigida iisdem minime
 noceret, interea dum ad tetanoideam plagam
 frigidam affunderemus. Vel consideravit, ut
 Doctiss. *Russicus Archiater* in hunc Aphorismum
 advertit, tetanos tum a nimia humorum
 copia, rarefactione, ac motu, oriundos; tum
 a prava materia ulcerum: in his nocere affu-
 sam aquam frigidam, eum ulcera prava frigo-
 re in pejus ruant, adeoque tetanos inde jam
 genitos, insolubiliores reddant; illis vero pro-
 desse, quia, quamvis contractionem automati-
 cam frigida augeat, minuit tamen contractio-
 nem vitalem: at vero casum rariorem esse te-
 tani ab hac causa orti, frequentiorum alium
 ex prava materie. Hinc concludimus dicente

illo: *Est vero ubi in Tetano, &c.* id perinde esse, ac si diceret: *Contingit vero nonnumquam in Tetano.* Sicque illud optimi interpretes intellexere. Hinc, quia & anceps hæc cura, & rara est, & tot exigit cautiones, & casum nostrum penitus excludit, eandem haud instituimus.

Videbantur autem duo maxime hic indicari. Primo causam tetani in ulcere aggredi. Secundo effectus sopire causæ. Certa utique morserat, si causa in tibia non mutaretur; nonnulla spes, (pauca tamen ob mali progressum) poterat, causa ablata, concipi. Nervi ob iram, vindictam, zelotypiam, mirifice affecti, ablata causa afficiente, sæpe pacantur; at sæpe minime, quando affectus causæ, ablatae quamvis, tantus fuerit, ut ipse ille nunc sufficiens causa sit perpetuandi motus. Exemplo viri militaris Cap. 8. Num. 3. id patuit. Attamen causa manente, effectus perennes erunt; ablata illa, spes est aliqua curationis, dummodo effectus causæ jam non fungantur vice causarum. Igitur auferendum tumorem tibiæ conclusimus, maxime cum remedia demulcentia & paregorica jam frustra a sapiente Medico adhibita essent. At vero qua methodo auferendum? Enucleatione? jam tumor minime cysticus adparet. An collum ejus ligando? Sed & collum nimis amplum est, & tempus ampli colli ligatura solvendi nimis longum, & dolor inde oriundus, novis convulsionibus, tetanisque creandis, aptus natus.

PROBLEMATA ET DIFFICULTATÈS. 343
tus. Prudenti igitur cultro auferendus. At vero ingens hæmorrhagia, quam ante octiduum ulcere prodiisse narrat, an non contra indicat? Hanc tortili machina arteriæ femorali circumponenda præventuros nos sperabamus. Unde 1. Aprilis *D. Leber* tam suspenſa manu tumorem excidit, ut id æger ignoraret, niſi ultimo momento. Ablatus tumor partim carnoſam, partim adipoſam, partimque cartilagineam materiem, & multa vaſa ſanguinea iisdem intertexta, referebat. Paregorica & Camphorata emulſione patiens uſus, tetanodes nihilominus manſit, & inſequente nocte factus eſt emproſtonus.

Sed mox ab operatione loca tetano idea externis remediis aggreſſi ſumus. Egregium effectum in juvene, tetanum maxillæ ex lue venerea habente, videramus a *Paræi* conſilio, ſimum equinum adplicandi. At tentamen hoc effectum caruit. Inutilia quoque cataplaſmata erant ſeu emollientia ſola, ſive emollientia cum camphora. Enematibus communibus prægreſſis, viciffim alia tum nutrientia, tum opiata immiſſa ſunt. Expertus pluries in ſpasmus, deglutationem integro die plane impediante, enematibus, unciis 5. 6. lactis, laudani gr. 3. 4. parati, mirandos effectus, idem tentavi, ſed fruſtra. Incaſſum quoque pluries injectum in anum oleum. Nec juvere multæ ſiccæ cucurbitæ ad guttur & maxillam pluries, ac numeroſæ, admotæ. Acria cataplaſmata, veſicantia ad eun-

dem locum, ut & alibi adhibita, sine effectu constante. Imo tumor intra triduum avellanæ magnitudine repullulavit; qui, consilio habito, denuo ad periosteum, majore tamen quam prius dolore, excindebatur. Febris vere ardens juncta post binos a prima operatione dies fuit, cum pulsu durissimo. Spatio sex dierum durante illa, sanguis quinquies ad notabilem copiam deductus, semper crustam densissimam gessit, ægerque diu noctuque caloris intolerabilitatem conquestus est; interea dum Thermometrum, bis die octo minutis adhibitum, passim 98. aut 99. gradum, semel modo 100. notaret: ultimis quinque diebus paucæ duntaxat urinæ guttulæ prodierunt: nono die periit.

Anatome notanda hæc dedit. Tribus diebus, minus sex horis, a morte elapsis, nemo, nisi summam vim adhibendo, maxillam vel leviter diducere potuit. Idem antea observaveram in femina, quæ a tetano maxillæ, rabida ira suscepto, in Nosocomio obierat. An igitur contractio, eaque tam valida, tanto a morte tempore, in tendinibus ac musculis perennare potuit? Totum Palatum fornicatum, Velum pendulum, Uvula, Oesophagus totus, albedinem, non ab adnata crusta, sed ab ipsa sua politissima substantia referebant. Ventriculus nonnihil reservaverat suæ villosæ tunicæ, ut etiam quibusdam in locis intestina; at vero eadem intestina hinc inde magnis inflammata plagis, coloreque purpurea, eandem habuere glabritiem.

Pinguetudo immensa in toto interno corpore , atque massa ingens pinguedinosa , ventriculum duos in saccos comprimendo dividens ; ut jam Cap. 7. Num. 4. notavi, licet homo hic nullam habuisset in vomitus propensionem . Coli ligamenta tensissima , unde idem contractum valde in longitudine, amplitudine autem expansissimum. Bilis vesica nigerrimæ bilis duas uncias continebat. Vesica urinaria prorsum vacua; unde patebat; quando urina 5. dierum spatio vix paucula excernebatur, defectum secretionis, sive ischuriam spuriam, ante mortem adfuisse. Ad mediastinum, ac pericardium, multa vasa, quæ & magna, & turgida. Paries dextri cordis tenuis admodum, crassa sinistri. Aorta a corde usque ad absolutam suam curvaturam in saccum naturali duplo ampliorem dilatata erat. Polypi crassi in utraque majori arteria ; polypus ex arteria in cor pendulus, bulbi instar, exterius flavus, coagulatus, interius autem cavus, ac sanguine purpurascens, omninoque fluido, plenus. Aspera arteria cum pulmonibus bona. Cartilago thyroidea plane ossea. Reliqua viscera, partesque sanissimæ.

Quod jam ad os tibiæ adtinet, tres supra illud eminentias exiguas, cum periosteo haud cohærentes, sed in cellulositate libere locatas, deprehendimus: os autem tibiæ ipsum tophum pollicis lati magnitudine habuit. Osse ferra diviso, bona medulla, bonaque ossis interna superficies.

Num.

346 PROBLEMATATA ET DIFFICULTATES.

Nunquid lapis infernalis afficiundo nervum in tumore, sic alios in corpore nervos affecit, ut, causa ablata, nervi, tendinesque, & muscoli, contractionem suam perpetuarint? Imo ad expletos fere tres a morte dies in maxilla continuarint? Et postremum hoc, quibus demum physiologiæ legibus explicabimus?

§. X. PROBLEMA NONUM.

HUjus anni 27. Martii Expertissimus & Eruditissimus Medicus *Guarin* copiam mihi fecit cadaveris juvenis 19. ann. qui elapsis exinde 5. septimanis ad Nosoc. *Fr. Misericordiae*, cujus vigilantissimus Physicus est, delatus, debilis, vix anteaactorum memor, sui morbi anamnesim dare non potuit; id unice deplorans, quod præ miseranda rerum omnium egestate in has calamitates incidisset. In hac debilitate dextro latere doluit, difficulter animam duxit, tussim frequentem habuit, pulsumque celerem, ac debilem; sitibundus, alvo obstructus. Prudenti remediorum usu spatio octidui recreari primo visus, anxietate dein ingenti correptus est, & 12. anxietatis hora expiravit.

Aperto abdomine, peritonæum hic lineam, ibi tres, quatuorve, crassum, ceterum album, granulosum, tuberosum, ubique. Omentum non inveniebamus. An ideo tam crassum peritonæum, quod omentum a nexu suo cum colo & ven-

ventriculo solutum, in unam informem membranam cum illo degeneraverit? Quidquam tamen, omento simile, veluti extensum, atque connatum, cum intestinis, apparuit nobis; verum minime omentum fuit, cum marsupii instar æque tegeret intestina ad dorsum, quam ad anteriora, arcte cum illis ubique coeuns. Probe autem & lente producto examine, vidimus clare externam omnium intestinorum tunicam ab intestinis omnibus secessisse, & cum vicini intestini tunica secedente coaluisse. Erat autem tunicæ externæ secessus in toto intestini cujusque ambitu. Quando enim uno in loco perfcideram hanc extimam tunicam, digito sub illa potui perambulare circum totum intestinum, ipsiusque intestini ex hac vagina educti portionem adtrahens, evaginavi omnia intestina ex sua tunica externa, sine vel minima laceratione. Stupentes omnes nunc mirum casum, mesenterium dein & mesocolon contemplabamur: in illis mirabamur hunc laminas ut utriusque sic abire in vaginam hanc, seu tunicam olim externam intestinorum, ut nonnisi una videretur eademque membrana. Utque superficies tunicæ intestinalis obsita erat innumeris ubique flavis granulis, ita & mesenterium ac mesocolon. Verbo dixerim nullam differentiam inter mesenterium & mesocolon ab una parte, & extimam intestinorum tunicam, jam ablatis intestinis adparuisse, præterquam quod laminæ illorum cellulositæ unitæ essent, hujus vero a se invicem liberæ.

beræ. Proinde clare demonstrabatur id, quod Anatome docet, tunicam externam a mesenterio & mesocolo intestinis dari; 2. Ligamenta coli ab hac tunica nasci, manserant enim in illa hæc; evaginato autem colo, levis modo tensio, minorque tantummodo extensilitas, quo in loco affuerant ligamenta, aderat. Quod porro in principio ideam unitæ membranæ, omenti instar, universam anteriorem intestinorum molem posterioremque tegentis apparuerat, id inde natum asse posthac intelleximus, quod tunica hæc externa, pluribus in locis lacera, cum lacera parte vicinæ intestini tunicæ, coivisset, hincque unicam atque æquabilem membranam repræsentaret. Unde intestina, in parte a mesenterio averfa, sua hac tunica destituta erant; & prope Mesenterium ab eadem sine cohæfione contegebantur.

Intestinorum longitudinem definire difficile, hincque variare in hac definienda videmus Anatomicos. Si Mesenterio separantur, longiora brevioraque erunt, prout plus minus de Mesenterio adhæserit. Estque in homine uno præ alio differentia quandoque magna. Cæterum vix differret mensura multorum; nisi proprio errore nostro differentiam mensurarum ingentem statueremus. Id ut evitetur, notities requiritur varietatis ulnarum pedumque apud varias gentes. In pedibus paucior est diversitas, quam ut notabilem differentiam in longis corporibus mensurandis inducat, quemadmodum
osten-

ostendi. Hinc quando v. g. *Glissonius* tenuibus dat 33. pedes, *Garengeotte* 22., statuendum est, aut *Glissonii* hominem multum ab eo *Garengeotti* differre, aut *Glissonium* Intestina curatius a *Mesenterio* solvisse. Ubi vero Autores longitudinem ulnis definiunt, accuratius attendendum est. *Hollandicam* v.g. ulnam *Viennensis* $\frac{1}{4}$. excedit; *Parisiensis* $\frac{1}{2}$. *Viennensem*. Optimam mensurandi facultatem evaginata nostra Intestina dabant: elongatiora quidem extrahendo facta, primum ad naturalem amplitudinem aere inflabantur. Tenuia æquabant 12. ulnis *Viennensibus*, crassa sesquiulnæ: habebant igitur una sumpta 31. pedes *Viennenses*. Differentia autem pedis *Viennensis* cum aliis alibi notata fuit.

Si igitur homo sit 5. pedum, & intestina ejus 31. pedes longa sint, habebitur paulo plus quam sextupla longitudo intestinorum, quam quæ est hominis. Porro ipsi homines ratione Intestinorum inter sese differre queunt, idque naturaliter (neque de monstrosa brevitæ in Chirurgia *Dionis* descripta, aut de similibus, hic sermo est); adeoque quintuplo aut sextuplo Intestinorum longitudo major, quam corporis, unde desumpta sunt, definita a variis Autoribus, haud multum a nostra observatione differt.

Præcipue autem hic quæritur, cujusnam generis hic morbus fuit? quoque nomine appellandus? Quantum mihi nota Historia medica est, similem nondum reperi. Qualisnam Intestino-

stinorum maxime crassorum, actio, qua, datis ad id remediis, pluries sese ante mortem evacuaverint? Qua de causa genita hæc universalis intestinorum, ab externa sua tunica, solutio? Cur nulla inde læsio nata, aut affectio observata Intestinorum? Malum enim antiquum fuisse, absoluta omni in loco separatio tunicæ ab intestinis; firma tunicæ externæ, in locis mutui contactus, cohæsiō talis, ut unam modo membranam referret; abunde evicerunt.

§. XI. PROBLEMA DECIMUM.

Femina Lue Venerea affecta magnum corpus intra dilatatissimam Vaginam, ex eadem vix propendens, gessit. Sex septimanis in *Pasmanniano* Nosocomio fuit, alvum bonam (quod præprimis notandum) semper habuit ibidem, morbi autem gravitate circa medium Januarii hujus anni obiit. Uterum, Vaginam, Intestina, expertissimus ibidem Physicus *Collin* mihi ad publicam demonstrationem misit.

Ileum intestinum utero arctissime unitum erat, ope duri tumoris, pugnum virilem magni, in Intestini parte a Mesenterio averfa hærentis, idemque ideo ultra pugni magnitudinem extendentis. Nulla tamen prava symptomata hinc orta fuere; cum Intestini pars, Mesenterio nexa, canale sufficienter amplo transitum Chylo concederet. Fuit hernia intestinalis intra Vaginam, qualem *Garengeotte*, aliique notarunt. Igitur
femi.

PROBLEMATA ET DIFFICULTATES. 351
femina hæc cum tumore pugni magnitudinis in
ipso Ilei cavo, cum hernia Intestinali Vaginam,
sine ullis lethalibus alterutrius morbi symptoma-
tibus, longo admodum tempore vixit.

In Hernia ejusmodi, ubi portio intestini ita
intercepta est, ut quæ intra abdomen portio sit,
libera maneat apertamque viam Chylo aut fe-
cibus conciliet, mortem toties, post omnia Her-
niæ incarceratæ symptomata, ortam vidimus;
idque, ut videtur, a producta aut inflammatio-
ne, aut spasmo, a parte constricta ad eam, quæ
libera est. Hic pars Ilei intestini pugni magni-
tudinis tumorem habuit, cum utero intime,
lateque concrevit, & ab uteri latere in Vagina
pendit. Cur nunquam affecti adeo graviter &
monstrose intestini, cur nunquam Herniæ Va-
ginalis, symptomata apparuerint? Prævideo, qui
problematis solutionem tenere se autument; sed
rogatos eosdem volo, an ipsi, si multos casus
præcticos Ileorum & Herniarum viderint, sibi-
met tali solutione satisfaciant?



C A P U T XVII.

De Calculo vesicæ Urinariæ, & Lithotomia.

§. I. Quinam aut nullam, aut notabilem, aut integram quietem, in calculi tormentis, ab Aqua Calcis, & Uva Ursi, adipiscantur. An, qui nullam, his dissuadenda sectio, ob degenerem viscerum suorum conditionem? Comuni modernorum methodo instituta sectio, dissuadenda sane; quæ vero methodo Fratris Cosmi, suadenda, eo quod non periculosa, & qui post illam moriuntur, non ab illa pereant, sed quod morbus ipsorum jam lethalis existat. Unde data hac prognosi videtur posse tuto institui. Occasio cur in Nosocomio hæc celebris fuerit. §. II. Prima sectio cum ambigua admodum prognosi instituta; cujus occasione ipsa Methodus exacte enarratur, cum omnibus cautelis in eadem observantis, ratione patientis, operatoris, adjutorum. Mors patientis, & Anæstome. Observata necessaria ex cadavere petita in Methodi laudem. Historia secunda fortunatam sectionem habet. Historia tertia sequitur, ubi in congenito malo, prognosi ambigua formata, sectio optima fuit; sed puris perenni confectione a degeneratione partium nata, & effluxu, vulnus post se longo tempore apertum reliquit. Historia quarta exhibet sectionem in

con-

congenito quoque, ut videtur, malo, quæ post
ambiguam prognosin, felicissima fuit. Et quin-
ta historia in connata Lithiasi perfectam se-
ctionem refert. Historia sexta in desperato fe-
re casu ingens a sectione levamen, non perfe-
ctam tamen curam, habet. Historia septima,
omni ex parte felicissima, licet morbus conge-
nitus videatur. Historia octava Casum refert
pueri ante annum communi methodo, hoc ipso
anno bis secundum eam Fr. Cosmi, secti, ubi
comparatione facta inter symptomata, quæ hic
puer a sectione modernorum primum, & nunc,
ab eadem methodo Fr. Cosmi bis instituta,
habuit. Simul hujus præstantia præ illa pa-
tet. Historia nona felicem omnino curam refert.
Historia decima optimam quoque curationem
continet, sed ob quandam in methodo muta-
tionem, quæ communi modernorum sectioni la-
terali similis erat, symptomatibus comitatan-
gravioribus. §. III. ex omnibus antedictis 23.
Scholia sequuntur, quæ agunt de variis secan-
di methodis, deque ea Fr. Cosmi dicta, tum
de variis in tota cura observandis, de urina,
glutine, pure calculosorum.

§. I. **D**E hoc morbo *Austriæ* Endemio, ple-
beis tamen, quam nobilioribus fa-
miliariore, ut in omnibus hujus Operis Parti-
bus egi, ita ob experimentorum crebritatem de
eodem hoc capite iterum fuisse agere decrevi. Ac
primo quidem loco, quæ toties antea dixi, repe-

tam: iteratis experimentis liquido constare 1. Plures numero homines esse, quibus aut Aqua Calcis cum Sapone, aut Uva Urſi, ejusmodi levamen afferant, ut cum præſente calculo ſint adeo ſani, & in functionibus ſuis, præſertim Oupoietica, adeo valentes, quam ſi prorsum liberi a calculo eſſent. 2. Dari nonnullos, quos ad tempus quidem, haud vero conſtanter, levant. 3. Non paucos quoque reperi, quibus ne hilum quidem opitulentur. Hos ultimos repetitis experimentis didici nonnullas habere partes, Veſicam, puta, aut Ureteres, aut Re- nes, aut horum plures ſimul, ſic a ſtatu ſano degeneres, ut reſtitui nequeant, hincque remedio dato vel non dato, antiquas ærumnas continuent. Qua eadem in cauſa, eoſdem Lithotomia ſaneſcere poſſe nego, quod hæc calculum auferendo, degeneres notabiliter partes non reintegret.

Hiſne igitur ſectionem diſſuadebimus? Pro- ſecto ſi a ſectione multi pereant, ut Diaria ſectionum luculenter demonſtrant, parvum illud ſolamen, quod nonnulli inde percipiunt, ut vi- tam paullo minus miſeram ad tempus protra- hant, mortemque procraftinent, non poteſt ac- celeratæ multorum æquiparari pernicipi. At vero ſi talis ſit ſecandi methodus, ut vix inde, niſi penitus deſperati moriantur; ſi ea ſit ſectionis fortuna, ut etiam ii, quibus degeneres utcum- que hæ partes, vel inſigne levamen habeant, vel etiam in integrum reſtituantur; ſi denique
illud

illud artis emolumentum sit, ut calculus nullo cum vitæ periculo educat; erit sectio fere omnibus commendanda. Quinimo cum longetius est calculi cruciatu liberari, ablato, quam remanente calculo, erit hæc præstantissima secandi ars quibuscunque symptomatum curandarum methodis præferenda.

Porro ejusmodi est secandi methodus *Fratri Cosmi*. Quod ne precario asseruisse videar, hujus methodi historiam paucis adornabo.

Aderat hac hyeme cum *Regia Principe Lotharingia* ejusdem Consiliarius & Chirurgus *Cambon*, vir in omnibus fere, quæ perfectum Chirurgum formant instructissimus scientia, peritia, dextertate, probitate. Narrabat mihi se hanc normam secandi primo *Parisis* sub auspiciis Reverendi Autoris feliciter exercuisse, posteaque alibi frequentius. Exhibebat mihi famosum illum, quem *absconditum* vocant, cultrum Autoris examinandum. Noveram autem contradictiones, quas *Cosmus* a parte haud incelebrium in Arte Magistrorum, ac si ars ejusdem perniciosissima foret, perferendas habuerit. Extat in hanc rem liber, cui titulus: *Receuil de Pieces importantes sur l'Operation de la Taille, faite par le Lithotome caché, Paris 1751.* in quo de hac re utrinque deceptatur. Porro experimenta, in vivis facta, eo tempore pauciora extabant, quam ut Autor methodum suam contra vehementes Adversariorum clamores sartam tectam præstaret. Verum curæ, quas sane numerose egregius

Cambon feliciter perfecerat, convincebant me de methodi præstantia. Unde humaniter ab ipso petivi, ut suam in Nosocomio nostro dexteritatem vellet exercere; id quod cum lubenter annuisset; operam dedi ut in urbe, in suburbiis, in vicinioribus pagis, sufficiens Calculosorum numerus colligeretur, quorum historiæ ordine sequuntur. Præsentia sua operationes istas cohonestarunt sæpe celeberrimi in Arte Viri, Magnificus Rector de Fetzer, Ill. Præses L. B. Van Swieten, Spectabilis Decanus Dietmann, omnes Magnifici Dni Archiatri, semel quoque SS. MM. Oculista dexterrimus Wincel, ac multi alii Medici & Chirurghi.

HISTORIA I.

N. Keller, biennis infans, stranguriam dudum jam passus, 26. Aug. 1757. ad me adductus est. Cum Dno *Leber* illum examinans asperum calculum detexi. Dedi *Uvam Ursi* a granis 4. de die incipiendo, & augendo sensim ad grana 40., interpositis ob miserandos infantis ejulatus paregoricis: exiguum initio levamen fuit, deinceps vero insigne; ita ut annos 1758. 1759. tolerabilissime transegerit, modo remedium aliquando non negligeret. Contigit autem ut Autumno 1760. quotidiana febre, & anxietate pectoris laborans, spatio 10. dierum in Nosocomio detineretur, eoque tempore *Uvam Ursi* minime assumens, urinam tamen sanorum more opti-

optime, crebriorem tamen & pauciorē, redderet; idque post hac, parentibus eum repetentibus redditus, integro mensis spatio continuaret. Exinde vero malum remedio haud ultra obediit. Unde degenerationem partium jam præsentem, & ni caveretur, futuram demum irreparabilem metuens, obtuli hunc puerum, nunc quinquennem, secundum D. *Cambon*, id præfatus, quod metuerem ne forsitan malum jam incurabile esset; quod tamen, cum & tuta adeo & blanda ejus methodus esset, nihil nos periclitaremur, efficiundo, ut minus miser, tardiusque puer moreretur.

Igitur purgatione prægressa, & ventre etiam paucis ante operationem horis enemate eluto, D. *Cambon* operationem fecit 15. Dec. 1660. En autem methodum.

Operator in pulvinari mensæ imposito locat puerum, capite paulum elato, manuum carpis laqueo ciffam arabicam 8 referente, cum tibiis molliter ligatis, & femoribus versus abdomen, sed extrorsum, utrinque ab apto famulo detentis; sic ut anus tangat marginem tabellæ. Inducit primo Itinerarium dictum, crena in dorso suo excavatum, & adhuc, pro nōre, ejusdem apice se facit de calculi præsentia certiorē. Versus sinistrum latus tunc inclinat Itinerarium, quasi tuber ossis ischii sinistri quæsiturus. Deinde dat perito Assistenti illud sic firmatum, & dorso suo ad sinistram perinæi latus ablique appressum, manu firma tenendum. No-

tandum tamen os ischii præter propter tantum dirigere itinerarium , nam non diverso modo in sexu , sed in sexu virili etiam , tuber ischii nunc remotius , nunc propius , abest a media pube , vel coxyge .

Rebus sic præparatis digito quærit locum itinerarii , digitoque supra illud posito , operator facit cultello communi aperturam in elevatiore parte , donec cultello suo tangat nudam itinerarii crenam , & apice cultri in crena firmato , ducit cultrum per integumenta per aliquot lineas , oblique deorsum , quo viam paret sequenti instrumento .

Reposito primo cultro , apprehendit cultrum , lithotomum occultum vocatum , qui prius adaptatus est ad angustiores , amplioremve sectionem , prout major minorve calculus judicatur , aut junior est , adultiorve is , cui operatio fit . Numeri sunt notati in ambitu hexagoni manubrii illius instrumenti , quod in hoc cultro occulto vice vaginæ fungitur . Numeri hi designant , 5. lineas , 7. lineas , 9. lineas , 11. lineas , 15. lineas longitudinis faciendi vulneris . Manubrium gladioli , in vagina reclusi , tunc adaptatur ad numerum requisitum , & notatum in manubrio instrumenti vaginalis .

Hoc facto , apex cultri lithotomi occulti per factam aperturam adplicatur ad crenam itinerarii . Operator cum cultro lithotomo quærit apicem itinerarii , ubi crena ejus repagulum , sive aggerem habet , impedientem ne cultri lithotomi apex , aut exeat ultra , aut elabatur ex crena .

na . Jam igitur habens suum punctum certitudinis , quod in vesica sit , eoque ejus , quo oportet loco , educit itinerarium ex vesica . Dirigit tunc cultrum lithotomum in vulnere , ut gibbum ejus dorsum ad inferiora spectet , & ut anterior cultri , seu potius ejusdem vaginæ , pars , suum punctum fixum ad os pubis habeat . Hæcque omnia ita dirigit , ut simul manubrium circiter horizontaliter ponatur . Et ubi primo totum cultrum ita tenet , ut dorso acuties recta deorsum vertatur , tunc ad lineæ latitudinem circiter leniter inflectit manubrium superiore sua parte introrsum , versus medium pubis , ut culter scissurus sit in illa obliqua linea , in qua prior sectio viam jam monstrat , quæque sic oblique versus tuber Ischii dirigitur . Firmiter tunc manubrium majus seu vaginæ , tenens , premit manubrium gladioli , qui gladiolus , dum operator instrumentum ad se trahit , exacte tot linearum vulnus facit , quam antea definitum fuerat , scindendo sic ab interioribus extrorsum versus .

Via igitur ampla jam patet . Per illam forceps inducitur , digito in vulnus misso viam monstrante , vel inducto conductore , & calculus quæritur . A principio operationis , id est , ab inductione itinerarii , tria minuta elapsa erant , quartumque minutum calculi explevisseteductio , ni adeo friabilis is fuisset , ut in grumos faceretur . Hinc grumis quærendis , educendisque , adhuc quatuor minuta præterlabebantur . Cum

360 DE CALCULO VESICÆ URINARIÆ
vix se moveret tota operatione, vix clamaret
infans, exemplum dedit insensibilitatis in parte
sensibilissima, absque conclusione, quod vesica,
musculi, nervi, cutis, non sentiant. Pro more
fomentum olei rosacei ventri imponebatur; sed
venter unquam nec tumuit, nec doluit. Nulla
facta est vulneris deligatio, ut esset liberum
stillicidium urinæ, liber exitus relictorum forsi-
tan ramentorum calculi. Suasi aliquoties fieri
injectiones olei lini cum aq. hord. quo ea ra-
menta certius eximerentur. Emulla paregorica
dedi per plures dies. Suasu quoque Operatoris
dedi quavis hora unc. iij. aq. hord. & omni
trihorio totidem juris carnis sine pane, post diem
tertium panadellam. Hæc in omnibus ægris no-
stris exacte observavimus, cum optimus Opera-
tor sæpe assereret sine multo admodum potu,
& tali diluto nutrimento, non raro symptoma-
ta prava observari, quæ alioqui non observa-
rentur. Si res pro votis cedat, sensim dantur
post 8. diem carnes teneriores, & legumina.

Interim febris continua remittens perpetuo
aderat: quæ cum die 10. adhuc continuaret,
imo augesceret, communi consilio cortex pe-
ruvianus dabatur, cui ob vermium symptomata
semen fantonici additum est. Et vermes quidem
teretes tres excrevit, febrim autem jugiter ha-
buit. Respiratio nunquam ipsi aut ante opera-
tionem, nisi ante tres menses in morbo, aut
post operationem, impedita fuit; nec ulla un-
quam tussis. Verum per urethram non minxit
unquam,

unquam, nisi bis pauxillum, ex quo operatio facta fuit. Febre demum totus consumebatur, & quatuor ultimis vitæ diebus respirationem cum roncho habebat, anxius maxime erat, ita ut quovis momento alium corporis situm quæreret, tandem 60. ab operatione die obiit.

Cum Operatore, Chirurgo nostro, aliisque præsentibus, Anatomen feci. Cicatrix formata vulneris sex septem lineas æquabat; punctulum modo in cicatrice apertum erat, per quod jugeratur urinae stillicidium. Patuit tunc evidenter factam esse sectionem per totum vesicæ collum, ita ut superior ejus pars leviter tangeret vesicæ cavum, inferior pars principium urethræ prope collum. Sit mihi fas nunc in supino cadavere secundum situm naturalem loqui, & inferiorem vocare urethram, superiorem vesicam: quamquam paullo ante inverso ordine has partes nominaverim, dum jacente ægro in mensa, femoribus ad abdomen reflexis, operationem explicarem.

Igitur cultellus ordinarius facit sectionem supra crenam itinerarii in principio urethræ, principioque colli vesicæ. Culter lithotomus in hanc aperturam inductus, perscindit collum totum, & in hoc puero, cum culter lithotomus ad vulnus septem modo linearum adaptatus esset, portionem duntaxat parvam vesicæ. Porro dum idem culter lithotomus in vesica positus, ab interioribus exteriora versus omnia æquabiliter perscindit, simul æquabilissime transcindit totam prostatam.

In

In vesica porro ne grumulus quidem calculi supererat. Quia vero impossibile fuit in operatione omne grumofum simul & semel cochleari auferre, fateri oportet hanc methodum, qua post sectionem vulnus sibi dimittatur, ea saltem de causa laudandam esse, quod, libero per vulnus urinæ effluxu, quævis calculi diffracti ramenta, imo & alter, si affuerit, calculus, commode integreque exeant. Eandemque ob causam repetitas in vesica injectiones utiles esse.

Obliquitas sectionis, prout exposita est, si in cadavere examinatur, evitat exacte Rectum intestinum, modo id non turgat. Hinc recte cura habenda ante operationem, ut illud purgatione, enematibusque, a fœcibus & flatibus rite expurgatum, adeoque ut flaccidum sit. Alioqui fatendum est, hac secandi norma Rectum rarissimo casu posse lædi. Cum sæpius ex Nosocomio civico nobis cadavera compararemus, ut in iisdem hanc methodum exercentes, videremus ejusdem effectus, semel nobis hicce casus contigit. *Franconiana* methodo vesicam supra pubem incidentes, calculum duos pollices in majori, unum in minori diametro habentem, eidem imposuimus, vulnus consuimus, Operationem cultro lithotomo occulto secundum exactas regulas perfecimus. Erat corpus adulti, & magnus calculus: hinc gladiolum aptavimus ad 15. lineas. At minus foramen fuit, quam ut tantæ molis calculus, una cum forcipe transiret. Apertura cultello tribus lineis producta, lapis edu-

educebatur. Curatissime tunc effectum sectionis per omnes discissas partes examinantes, invenimus Rectum, quod antea evacuatum non esset, percissum fuisse. Quare Recti intestini probe evacuandi cura religiosissime semper est observanda. Equidem asseverabat operator id se necdum vidisse unquam, qui hanc operationem tam in mortuis, quam in vivis, octuagesies & quater jam peregisset. Attamen quod nobis in hoc cadavere contigit, contingere pluries potest, si cura evacuandi negligatur.

Iteratis cadaverum experimentis, & tunc, & postea sæpius, didicimus eos, qui in operatione femora dirigant, multum posse ad faciliorem, difficilioremque calculi educationem facere. Si crus sic gubernent, ut genu ducatur multum extrorsum, spatium inter tuber ischii & ossa pubis, angustatur; sin vero genu introrsum magis ducatur, hoc spatium ampliatur. Observatio hæc videtur attentionem in operando mereri.

Vesica urinaria tam parva erat, ut duarum unciarum calculum vix potuisset comprehendere crassitudinem ceterum trium linearum fere ubique habebat, unde etiam compactissima fuit. Similes calculosorum vesicas prioribus Partibus plures descripsi. Nunquid dudum tam parva ac crassa vesica fuit? aut demum post operationem sic reddita est? Utrique sententiæ militent rationes. Ita eam dudum fuisse, ut negemus, operatio videtur suadere, in qua varia instrumen-
ta

ta vix moveri potuisse apparet, si adeo & contracta, & præ crassitie vix dilatanda vesica fuisset. Attamen cum vesica calculum unciarum duarum fere potuerit continere, parvusque adeo hic calculus fuerit, ut omnia collecta ramenta pondus 71. gran. non excederent, spatium utique ad admittendum itinerarium, & cultrum lithotomum, iisque eductis forcipem, qui certe leviter modo intravit, adfuisse videtur. Potuit ergo vesica fuisse tam parva ante operationem; sed reapse tam parvam, contractamque eandem ante operationem jam fuisse, arguunt sequentia. 1. Quod calculi sectio non soleat sic redde-
re vesicam. 2. Quod vesicas ita contractissimas invenerimus in calculosis non sectis. 3. Quod in morbo ante tres menses in Nosocomio observato, commode quidem puer, sed exigua tamen copia, urinam redderet. 4. Quod injectio post operationem ilico facta, copiae licet paucissimæ, ex parvo siphunculo, & tunc, & semper, actutum exsiliret. Unde si puer in vivis mansisset, habuisset profecto semper id vitium, ut non diu retinuisset urinam, etiam si externum vulnus probe claudi potuisset. Sed quoque vesica adeo & contracta, & crassa, inepta videtur fuisse ad bonam cicatricem formandam; unde etiam videtur perpetuo fistulosus futurus fuisse, si vixisset.

Ad reliquam Anatomien quod spectat, erant glandulæ mesenterii numerosissimæ, durissimæ. Ingens pancreas unus scirrhus. Hepar cum mul-
tis

tis tuberculis siccum ac durum. Parvis scirrhis llen plenus. Pulmo dexter non nisi unus scirrhus; sinister in quadam mollitudine innumeros scirrhos gessit. Ad Tracheæ dichotomiam glandulæ scirrhosæ castaneæ magnitudinis. Itidem thymus. Exsangue & macilentissimum corpus univcrsum.

Ut ex anamnesi constitit, tussi ac febre ante operationem non laboravit, nisi quando per paucos dies ante tres menses ægrotaverat. Inter operationem pueri torositatem omnes mirabamur. Ergo spatio 60. dierum, quibus ab operatione vixit, degeneratio hæc videtur probabiliter nata. Utique in sano etiam corpore Febris diuturnior omnia solida fluidaque pervertendo, lethales facit obstructions, scirrhos, &c. An vesicæ vulnus, ob callositatem in integrum incurabile, ab acrimonia exstillantis urinae alcalinae continuo irritatum? imo an acris hæc urina ad cellulosa vulneris labia resorpta, hanc non potuerit generare febrim? maxime primo mense, quando magna erant labia vulneris?

HISTORIA II.

Puer decennis in *Laxemburgo* calculi symptomatibus a quadriennio laboraverat. Præstantissimus *Lauter* loci Medicus, quem optimæ spei virum immatura mors hisce diebus sustulit, Uvam ursi ipsi dedit. Negligentissime ea æger
usus

usus vix levamen inde percepit. 22. Dec. 1760. D. *Cambon* sua methodo fecuit illum. Tria minuta effluxere a principio, usque ad forcipis inductionem. Verum calculus tum levis (pondus enim 52. gran. modo fuit) & echinatus, hirtus innumeris pinnis 2. 3. lineas longis, vix forcipe tenendus, undecim minutorum operationem fecit. Ejulavit, & vociferatus est hicce eo vehementius, quo minus prior. Sed & vociferabatur, jam ad inductionem itinerarii, ut vix quatuor hominibus esset continendus. Primis quatuor ab operatione horis dolores acerbos conquerebatur, exinde vero semper se doloris cujuscumque expertem esse testabatur. Venter nunquam intumuit, non induruit, non doluit. Tota ejus cura fuit, ut prioris. 25. Dec. nonnihil sanguinis vulnere, urethra, & naribus simul effluxit, at brevi siluit. Optime jugiter habuit, optime dormivit, appetiit, egeffit. Vulnus diu apertum mansit; licet operator a 3. Jan. 1761. suasisset puerum, vulnere manu clauso ad mingendum per urethram adjuvare; deinde finiente Jan. & ineunte Febr. labia vulneris lapide infernali tangi, puerumque ligatis ad se femoribus sedere jussisset. Febr. 6. demum clausum fuit. Toto autem tempore quo ante & post clausum vulnus minxit, urinam semper pallidam, ac fœrentem, sæpe opacam, sæpe simul cum glutine calculosorum onustam, reddidit. Tandem gluten, & fœtor urinæ defuit, sed copiam ejus non nisi unc. j. simul emisit.

Tri-

Triduo diarrhœam passus, usu ~~risi~~ cum myrobalano; & vespertina theriaca, convaluit. 21. Febr. perfecte sanus ac torosus puer domum rediit, & perfecte etiamnum valet.

HISTORIA III.

Ignatius Stigler 10. ann. ex quo meminit, semper plus minus in mictu doluit. Septem anni nunc sunt, quod parentes ad auctos dolores ipsi aquam petroselini longo tempore bibendam dederint, quod primo aliquid, postmodum nihil attulit opis. Exinde in Orphanotrophio susceptus, integroque inibi moratus quinquennio, delatus est ad Nosocomium *S. Marci*, curandus. Vim uvæ ursi frustra ibidem spatio 9. mensium expertus est. Tandem illum a me petitem, ad nostrum Nosocomium optimus *Reichberger* misit; mox ineunte hoc, quo vivimus, anno.

Secundum hunc *D. Cambon* proposui, curam licet veritus sive incertam, sive inutilem. Quippe augmentum diuturni mali mortem demum illaturum; hinc methodum ejus blandam posse institui, cum ex ejusdem frequenti experientia mortis periculum non augeatur, nisi forte in rariore casu, quemadmodum ille Historiæ primæ: cæterum inde mortem fere præsentem procrastinari, hominumque tormenta tolli, plurimumve mitigari. Non juvantem autem operationem non methodo, sed degeneribus oportere tribui partibus. Annuit igitur ille, & 7. Jan. 1761.

1761. illum spatio quatuor minutorum perfectissime secuit. Suspicionem majoris calculi culter lithotomus ad vulnus undecim linearum adaptabatur. Verum neque hoc sufficiens, ad 2. 3. lineas inter extractionem calculi ultra dilatatum est. Calculus fuit ponderis unc. 2. & $5 \frac{1}{2}$ dragm.

Nullus quidem tumor, aut dolor ventris, sed febris continua mox post operationem adfuit, impedita valde deglutitione comitata, quæ demum die 5. critice soluta per diarrhœam. Octiduo integro bene habuit. Sequuta tunc est febris continua remittens, vespere semper ingravescens, quam demum Cortice oportuit moderari. Post 18. ab operatione diem hæc febris cessavit. Cum vulnus crudissimum maneret, continuavi usum Corticis; ea spe ut, quemadmodum alibi, ita quoque hic, bonam suppurationem in vulnere generaret. At incassum. Nec tamen destiti a cortice, ne urina putridissima, in plicis labiorum vulneris stagnans, atque resorpta, febrem novam generaret, & ut contra hanc putredinem sanguinem condirem.

Nihilominus, bene valente puero, vulnus haviat semper, & fistulam in perinæo produxit; quæ penitus perfecta mensis dein spatio perfecte curata est. Superest autem semper parva in vulnere apertura, per quam urina perpetuo exstillat. Scarificationes, pulveres sarcotici, lapis infernalis, fasciis femora juncta, quæ auxilia in Hist. 2. juverant, hic frustra fuerunt; tandem

dem vero ineunte Sept. ulcus claudi cepit, jamque septimana sexta, qua hæc scribo, clausum manet.

HISTORIA IV.

Joannes Georgius Sick 14. annorum, a parentibus rescit, se ab incunabilis minxisse arenas. Ipse quoque ab 1. vel 2. retro annis meminit doloris lumborum, magnique in mejendo ardoris & doloris. Calculus detectus est. Jan. 12. idem operator eum spatio septem minutorum calculo secuit. Passim observavimus ad tertium, quartumve minutum forcipem jam in vesica esse, reliquum temporis quærendo, tenendoque calculo, impendi. Calculus parvus, oblongus, asper, granulofus, ponderis granorum 50.

Vix per horam doluit, febre caruit, ventrem nec durum, nec dolentem unquam habuit. Ab ipso die operationis per urethram minxit, primo libram sanguinis, sequentibus diebus sanguinem dilutum, octavo die urinam sine ullo sanguine, cum albo sedimine, & rubra, aut flava arena, nunquam vero mucum calculosorum. Intra 14. dies vulnus clausum fuit. Febr. 7. sanus repetivit domum.

HISTORIA V.

Carolus Heigner 20. annos natus, accessit me 3. Jan. 1761. narrans se ex quo meminerit,
 Tom. II. A a cum

cum ardore & dolore minxisse, frequenter veras habuisse strangurias, ab intensiore motu corporis urinas reddidisse rubras, cæterum pallidas, ac glutinosas. Explorando calculum deteximus. Quamvis in morbo fere congenito vix quid a medicamentis sperarem, animus tamen fuit, quid uva ursi præstaret, explorare. Ad irrita 14. dierum conamina, juvenem in Nosocomium demum recepi. Jan. 19. operator spatio trium minorum integræ perfecit operationem. Calculus ovalis fuit, planus, ponderis unc. $1\frac{1}{2}$. dr. $\frac{1}{2}$. hæmorrhagia magna successit. Conus ex agarico formatus vulnere immissus & affixus, opium largiter datum, hæmorrhagiam sensim sic stiterunt, ut intra 24. horas plane sileret, nec ad remotum post 48. horas apparatus rediret. Die 23. Jan. cum dolore expressit vulnere fragmenta duo, quæ in operatione soluta a calculo fuerant. Minxitque per urethram unc. 2. urinæ, gluten tenacissimum, foetidissimumque habentis. Eodem hoc die, & sequentibus, de molesto admodum in inguine dolore conqueritur, quem quidem ante operationem adfuisse, jam vero multo validiorem esse, testatur. Parva in inguine glandula indurata adparuit, Jan. 25. plura fragmenta vulnere emisit, veluti calculi externa putamina, cum dolore, & tantilla hæmorrhagia. Postea pectus tussicula cepit quati; sed dato decocto pectorali tussis cessit. Incepit a 29. Jan. libras 2. urinæ per urethram mittere, minus foetidæ, minus glutinosæ. Prima Febr. tumor ac dolor

dolor in inferiore scroti parte, a latere sectionis, altera die magna inflammatio. Cataplasma adhibetur. 3. Febr. abscessus maturus adparet. Aperitur. Effluit pus per decem dies. 14. Febr. totum curatum est. Urina copiosa tunc urethra prodiit, vix gluten, nisi diu stetisset, habens. Vulnus ad 20. ab operatione diem clausum fuit. 21. Febr. sanus abivit, seque postea bene valentem aliquoties exhibuit.

HISTORIA VI.

Matthias Kolb 57.annor. sutor, primum adiit me 21. Jul. 1760. Stranguriose minxerat a 2 $\frac{1}{2}$. annis, subinde sanguinem excreverat, albumque sabulosum, ac tenax admodum sedimentum; quibus tenesmi atque prolapsus intestini adjunxerant se se. Calculum explorando non invenimus. Uva ursi malum tolerabile gessit, usque ad finem Octobris. Ex eo ultra non juvit. Magnum atque scabrum nunc deteximus calculum. Usque ad 7. Jan. 1761. nunc cum levamine, nunc sine eo, varia assumsit: Uvam ursi in decocto, in pulvere, emulsa, mucagines, opium. Tunc, consilio cujusdam cepit uti semicochleari Raphani hortensis rasi, misti cum oleo olivarum, quotidie. Triduo hoc usus, convenit me, solamen narraturus. Continueret, suasi. Binorum mensium spatio tolerabiliter inde se habens, demum in priores incidit miseras, vires amisit, ac facie ex pallido lividus fiebat.

Idem hic vir a 22. retro annis cæcas ut vocant hæmorrhoidas passus, ab ultimo biennio habuit easdem fluentes, hocque jam tempore a continuis vesicæ tenesmis fere perpetuas. Conclufi ex omnibus, quod toties auditoribus de eo monueram, systēma urinosum pessime in illo degenerasse a statu sano, & demum lenta morte consumendum videri; unicum, sed anceps admodum, superesse remedium, sectionem. Hanc methodo enarrata peractam vix quid habere periculi, imo potius dare spem palliandi egregiam, quemadmodum casus docuerat. His sub conditionibus operationem *D. Cambon* proposui.

24. Martii calculum extraxit 4. minutorum spatium, lithotomi gladiolo ad 15. gradum adaptato. Calculus, circularis, planus, gibbus ab una parte, ab altera leviter excavatus, ruber, granulofus, pondere unc. j. & scrup. ij. Sub operatione hæmorrhagia, intruso cono Agarici mox quidem cessavit, sed bihorio post rediit copiosa. Arteriam intercipere animus erat, at vero invenire eam impossibile fuit. An quod nimis interna? Mictus tum urinæ, tum sanguinis, æque per urethram, quam per vulnus, eo ac sequenti die animadversus, forte id inueret. Fecimus proinde quod potuimus, & tandem intruso, ac bene affirmato, vulnere cono Agarici, & liberaliter per epicrasim dato opio, hæmorrhagiam brevi stitimus, eamque penitus curatam esse, dum quarto die propter fætorem immanem urinæ apparatus solvebatur, læti vidimus. Verum quod
do-

dolebamus, jam per vulnus omnis, nulla per urethram urina fluxit. Unde quoque inflammatio, & continua excoriatio scroti, interfeminei, natiumque, quamcunque curam diu noctuque nos, ægrorumque adhiberent custodes. Hinc nascentibus ubique gangrænis oportuit continuo mederi. Diathesis ad calculum in hoc homine terribilis! gluten putridissimum ad plicas angulosque vulneris crudi adhærens, spatio nycthemeri in veros abiverat lapillos; quemadmodum etiam collectum gluten in charta emporetica in crassam abibat ac calcaream materiem. Cum demum averruncandæ gangrænæ ultra non essemus; corticem peruvianum dedimus, malum superavimus, & diu post curationem continuavimus, cum hoc remedium tam belle ferret, eoque cacochymiam fædam pulchre superaret. Cum cortice fiebant quoque detergentes in vesicam injectiones. Labiis vulneris digestivum, aut mel rosaceum, cortice peruviano mista, adplicabantur. Præter varia autem unguenta ad vicinarum partium gangrænâ præcavendam, plurimum profuit lotio ex aq. samb. libr. j. & una uncia acet. Lithargyrii. Tandem post continuas curas & sollicitudines nostras vulnus minui cepit, urina putridissima per urethram reddi, Maji 4. vulnus coire vesicæ, & paucis postea diebus vulnus integrum. Domum rediit 14. Maji Sæpius posthæc me convenit, corticem repetiturus, quod inde adeo mirifice se refici & roborari perciperet, sanitatem sat bonam testatus, nisi quod crebro cogeretur

374 DE CALCULO VESICÆ URINARIÆ
mingere. Stranguriam postea conquerenti uvam
urli dedi.

Palliatio mali sane tam pulchra est, & fortunata, quam potuisset unquam expectari. Præcipue si consideremus etiam fluentes hæmorrhoidas, Rectique prolapsum, tunc quoque non amplius observari.

HISTORIA VII.

Sebastianus Niedermayer, quintum annum agens, die 28. Martii in Nosocomium illatus est. Narraverunt parentes hunc suum filium signa in mejendo doloris ab ipsa nativitate dedisse, deinde, biennem illum, pisi magnitudine minxisse calculum; exinde duobus circiter annis liberum fuisse a quocunque symptomate, verum jam ab anni spatio se tam misere habere, ut urinam redderet uno tempore sanguineam, alio tempore plane glutinosam, ac putridissimam, tandemque a continuis mejendi conatibus, & tenesmis, intestini recti pateretur ab octiduo prolapsum. Examine constitit calculum adesse.

Cum optimus *Cambon* abitum meditaretur, petivi, ut liceret Chirurgis nostris, ejusdem sub auspicio, calculum secare. Quod ille, pro eo, quo est, candore, mox mihi annuit. D. *Leber* hunc puerum perfecte secuit. Calculus quidem magnus erat, sed pumicosissimus, intra forcipem grumescens. Collecta fragmenta una cum
cor-

corpore calculi septem scrup. pondere æquabant.

Puer a prima hora operationis nec doluit, nec ægrotavit, optime appetivit, tota die in lecto luit, urinam brevi per urethram misit, quæ primo glutine multo, eoquæ fœtente, deinde paucò, prodibat. Vulnus 20. die clausum est. Die 25. sanus suis tradebatur parentibus.

HISTORIA VIII.

N. Osfeld anno 1760. Maji 26. in nostro Nosocomio feliciter calculum sectus fuerat a *D. Leher*; prout tota sectionis historia Part. 5. data est. Abundantia muci & puris perpetua urinarum, nephritica pueri dispositio, me coegerunt, ut 4. mensibus illi, in Nosocomio servato, uvam ursi darem. Tandem cum perfecte ab hisce liber Patri redderetur, adhuc monui, eo medicamento uteretur perpetuo. Hinc per omnia sanus vixit usque ad Martium 1761. quando post neglectum medicamenti hujus denuo pati inciperet, peteretque eosdem sibi pulveres dari. Incassum sumfit. Aprilis 10. cathetere eum explorantes, nihil deteximus præ summa vesicæ constrictione: Qua altero die laxata, calculum invenimus. Aprilis 13. *D. Homburg* Chirurgus SS. MM. sub auspiciis *D. Cambron* sectionem egregie fecit. Cicatrix antiqua sponte viam monstrabat. Iterum hic dissiliens calculus cum collectis gru-

mis grana 71. pependit . Puer a fine primi diei optime se habuit, nullum eorum symptomatum passus, quæ in prima Sectione eum perpeffum esse Part. V. narravi . Pro more vesicam quotidie eluimus . Cumque jam ab octiduo nihil grumorum ultra exiret, & injectionis materies redeuns puram doceret vesicam, tentare Chirurgus voluit, an sicco plumaceolo, emplastroque desuper, clausum, curatumque demum vulnus, nos non eximeret ab ærumnis, quas in ægro Num. 2. Num. 3. & maxime Num. 6. ob calculosam diathesin antiquam observaveramus. Res pro votis successit. Vulnus 13. die coaluit. Nulla symptomata superfuere .

Notari meretur in priore sectione vulnus illico clausum fuisse plumaceolo & emplastro, & demum 21. die coaluisse; nunc vero 5^{to}. die ab imposito emplastro. Interim curatus denuo lumborum conqueritur dolorem.

Hinc quia metus erat ne brevi novus ex rene descenderet calculus, dedi uvam ursi, sed mense Julio rediit ad nos, præsentis in vesica calculi questurus symptomata . Examine factò calculus in vesica deprehensus est 18. Augusti . Verum aiebat puer, quod nunquam antea, se ab omni prorsus lumborum dolore nunc liberum esse. Quia nunc spes major integræ curæ affulgebat, die Aug. 21. purgante, & 22. enemate alvus ipsi eluta est, & eodem die Chirurgus noster eum methodo eadem calculo liberavit. Trium minutorum spatio omnia per-

fe.

fecisset, sed primo retardabat calculi fragmentum cochleari detectum secundo alter calculus. Unde decem minuta infumta sunt. Via jam bis aperta proderat inventione sua facili oberat valde duriore cicatrice. Calculus prior rubellus dr. j. & gr. 4. pependit; alter 52. grana.

Per octo horas ab operatione doluit, postea autem nox tranquilla successit. Sequentie die modica febris duntaxat, & quisquam vulneris ardor adfuit, ceterum bene se habuit, & appetitum testatus est. A die tertia nulla amplius febris. Die 5. & 6. multa urina per urethram reddita est, quæ glutinis quid perpetuo habebat; tandem vero gluten fere defecit. Die 8. cum omnia in vesica nitida esse injectio testaretur, vulnus emplastro clausum est. Die 12. id consolidatum fuit, & puer domum potuit repetere.

HISTORIA IX.

Franciscus Domijanitsch 9. annos & 4. menses natus, 21. Apr. 1761. allatus est nobis, a biennio stranguriosus, postquam Calculum pisi magnitudinis minxisset. Calculum eum nunc habere cathetere mox deprehendimus. Cum *D. Cambon* cum *Sua Regia Celsitudine* profectus in *Belgium* esset, *D. Leber* hunc puerum eadem methodo felicissime secuit, spatio 5. minutorum; licet calculum longitudine primo arreptum, dimittere, latitudineque deinde capien-

378 DE CALCULO VESICÆ URINARIÆ
piendum, quærere deberet. Ponderis fuit unc.j.
& gr. 45. Febricitavit puer parumper, sudavitque prima die, noctem optimam habuit, sequenti die poterat sanus dici, vesicam Chirurgus bis die probe eluit, & quarto die plumaceolo sicco, & emplastro, textit; unde factum est, ut octava post sectionem die penitus clausum esset. Pallida quidem toto eo tempore urina fuit, purulentique quidquam sæpe habuit, nunquam vero gluten calculosorum. Intra duas septimanas potuit abire.

HISTORIA X.

Simon Senis annor. 4., totidemque mensium, 27. Aprilis 1761. adducitur. Biennium erat, quod cum dolore mingere cepisset; annus, quod tolerabiliter habuisset. Quippe anno abhinc elapso Mater eum ad ædes *D. Leber* adduxerat, qui calculum explorans, invenit illum in vesicæ sphinctere, principioque hærentem urethræ, catheteris autem apice repulit in vesicam. Matri proposuit sectionem, sed cum repulso calculo puer nulla calculi signa fere unquam haberet, risit Mater posthac Chirurgi consilium. Jam vero 27. Aprilis eum ad Nosocomium duxit; utpote quem ab octiduo antiquæ vexarent ærumnæ.

Calculo invento, 29. April. sectus est consueta methodo, ea tantum differentia, ut primo vulnere facto jam non culter occultus adhiberetur,

tur, sed prior culter integram perficeret sectionem, perinde atque in communi sectione laterali fit. Calculus granorum 35. spatio septem modo minorum exfectus est. Ast plus inde, quam a cultro occulto, videtur perpeffus. Dolor, inflatum scrotum, inflammatumque, febris magna, valida deinde scroti suppuratio, cum octiduo vexarunt. Eo vero elapso cito convaluit, & vulnus tunc linteo carpto, & emplastro, tegi ceptum, quatrIduo postea consolidatum fuit. Pallida quidem sed vix glutinosa urina. Post. 3. septimanas abivit.

§. III. Qui attenta mente considerat enarratas hasce undecim sectiones, is legendo dissertationem Gallicam supra laudatam, quæ hinc vituperat illinc laudat, *Fratri Cosmi* methodum, haud ultra, arbitror, hæsitabit, an illam sit laudaturus. Equidem poterat exemplorum raritas ante 10. annos lectores fluctuantes reddere; præfens vero eorundem crebritas, tum egregii *Cambon* experientia, tum frequenti nostri Nosocomii exemplo demonstrata, omnem hæsitantem animam firmat, & de præstantia hujus methodi præ omnibus aliis secandi modis, abunde convincit. Si enim sine præjudicio omnes consideremus effectus aliarum methodorum, adeoque etiam *ultimæ correctæ lateralis*, eosque cum effectibus hujusce conferamus, vix ultra extitutum quempiam credimus, qui hanc non præferat illis, qui hanc non semper adhibeat.

1. Enim præparatio brevis est. Haud infumimus

380 DE CALCULO VESICÆ URINARIÆ
mus menses ad humores immutandos, ad repa-
randa solida. Hæc namque vitia, manente cau-
sa, non curantur, imo temporis lapsu pejoran-
tur; causa autem ablata, vel cessant si cura in-
tegra est, vel saltem mitigantur, si vita brevi
alioquin collapsura, nunc prolongetur. Plethora
vix unquam hic venæ sectionem suadet, raro
quippe præsens: Remedium purgans, & unum,
alterumve enema, totam præparationem fa-
ciunt.

2. Breve, quo fit, tempus eam commendat
cum maxime. In quacunque methodo remora-
tur operationem calculi friabilitas; in omni
methodo calculum extrahere difficile est, quan-
do oblongioris figuræ ille, juxta longitudinem
arripitur, quando nimia levitate vix uno loco
consistit, quando figura hirta ac echinea, ut in
Hist. 2., vix se finit capi, quando major est,
quam ut per factum vulnus educatur, quando
ad fundum trianguli quem forcipes faciunt, di-
labens, prehensusque, apices forficum ita a se
mutuo dimoveat, ut educi tanta nequeant lati-
tudine, denique quando hæmorrhagia notabilior
contigit. Sed hæc ut communia omnibus me-
thodis, nihil contra nostram faciunt. Unde his-
ce exceptis, est hanc methodum Itinerario,
cultello, Lithotomo occulto, Conductore, &
Forcipe, 3. 4. 5. minutorum spatium passim ab-
solvi. Quin & ipsa infortunia nonnisi duplum
exegisse spatium enarratæ convicere historiæ.
Certe vel ideo sua se se brevitæ hæc metho-
dus

duſ commendat, & ad illam amplectendam cogit, quia 1^{mo}. vitæ, commodique, mortalium arbitri non ſumus, ſed miniſtri, & promotores, & conſervatores, adeoque conſcientia & humanitate conſtringimur, ad dolores illorum tum mitigandos, tum abbreviandos. 2^{do} Quia quo & gravius & diutius hi dolent, eo graviores febres, eo tetriora ſymptomata, metuenda habemus. Ita ut ſi hæc methodus aliis modo par foret, dictas ob cauſas ceteris eſſet præferenda.

3. Nec in ſuis *D. Cambon*, nec nos in noſtris unquam vel minimum ventris dolorem, duritiem, tumorem, invenimus; quod tamen adeo frequens in aliis methodis eſt, & poſt inflammationem Veſicæ, vulneris, integumentorum, muſculorum, morte haud raro terminatur.

4. Febrim pauci notabilem, aut durabilem, habuere; iique modo, qui non ſimpliciter calculo, ſed degenerare viſcerum fabrica laborabant. Ceterum per aliquot horas leviffime duntaxat febricitarunt.

5. Bis in hac Methodo hæmorrhagiam habuimus; verum 1^{mo} nulla methodus eſt, maxime lateralis, in qua hæc non contingat aliquando. 2^{do} Levi negotio eandem ſtitimus: laudandus iterum hic *Agaricus*.

6. In his qui ſimpliciter calculo laborarunt, urina cito, copioſeque, per urethram fluxit 1. 2. 3. die, vulnere quamvis aperto.

7. Me.

7. Methodus vulnus apertum servandi præstantissima videtur, ne quid aut calculosi, aut grumosi sanguinis, remaneat in vesica, quod novo calculo basim præstaret. Juvenis Hist. 5. sic per vices calculi veluti putamina vulnere expulit, alioqui permanfura. Et vesica illius qui N. I. sectus, ac mortuus est, tam nitida a morte reperta est, ut quamvis calculus in illa penitus diffractus fuisset, ne minimum tamen ejusdem superesset.

1. Posse nihilominus vulnus, quando per octiduum vesica quotidie probe eluta est, adeoque ita expurgata, ut heterogenei nihil superesse possit, sicco plumaceolo, & emplastro tegi; tum ut eo citius omnis per urethram urina redatur, tum ut vulnus maturius coeat, hominesque citius convalescant.

9. Nunquam vidimus cannula opus fuisse, qua vulnere immissa urina transiret. Effluxit quippe illa in nostris jugiter sine cannula. Equidem acris admodum urina, assiduoque his effluens gluten, metum quibusdam incutere callosorum labiorum possunt; sed an continua cannulæ frictio idem quoque non faciat? Urina acris hæmorrhagiæ formidinem; at vero an mechanica cannulæ frictio eidem producendæ non est apta nata? Utique quod in his, quibus totus morbus calculus esset, nec callositas, neque post primum diem animadversa hæmorrhagia furit, modo labia vulneris melle rosaceo sæpe innungerentur, cannula in illis opus non esse judicavimus.

10. Ligatura mollis genuum ne divaricent, in omnibus nostris adhibita, urinæ fluxum, ac ramentorum calculi exitum, nunquam impedit: ut merito vanus eorum metus sit, qui id ligatis impediri cruribus suspicati sint.

11. Non modo instrumentorum paucitas, temporisque brevitās, tormenta operationis abbreviant, sed etiam eadem reddunt longe mitiora. Culter lithotomus occultus bene inductus, & ad os pubis, ut ad punctum fixum affirmatus, dum uno, eodemque momento incipit perfcindere cervicem vesicæ, vesicæ ipsius partem, prostatam, musculum transversalem penis, seu transversum Perinæi, pinguedinem, cutem, epidermidem, tam æquabiliter, & haud interrupte, omnia transcendit, ut totum vulnus duo æqualissima plana habeat, & nullam fibram trahat, dilaceretve. Præstat sane hac sola de causa omnibus aliis instrumentis, ut ut subtiliter, ingenioseque, a magnis in arte viris, excogitatis. Præstat experimento in hist. 10. instituto, ut ibidem patuit. Quippe effectus docent vulnus (ceteris paribus) sufficienter ampliatum, citius curari, minus doloris in operatione, minus symptomatum post eandem creare, quam vulnera, quæ quod exiliora sint, magnam extensionem ac dilacerationem pati debent: id quod in *apparatu magno ac laterali* passim observatur, dum calculus utcunque major est. Et licet in *apparatu parvo* idque in pueris, calculus facile in Perinæo secatur, dum ille digitis in intestino

Recto

384 DE CALCULO VESICÆ URINARIÆ
Recto impositis ad interfemineum adprimitur ;
tamen quia nonnunquam asperior calculus (ut
v. g. ille Hist. 2.) inæqualem ac dilacerantem
integumentorum ac Vesicæ sectionem facit, un-
de prava symptomata nasci debent ; quia deni-
que blanda tutæque per sese *Fratris Cosmi Me-*
thodus, hisce exempta incommodis est, erit etiam
in pueris præferenda *apparatus parvo* seu dictæ
Celsi methodo .

12. Pag. 173. monui rarissimi casus Intesti-
ni Recti , Lithotomo occulto transcissi , quo
infortunio adversarii hanc methodum criminan-
tur , Verum id nobis in cadavere contingebat,
haud elutis primo Intestinis , intrusoque in ve-
sicam supra pubem tantæ molis filice , ut vul-
nus 15. linearum adhuc dilatandum fuerit .
Quoties cunque autem sive in vivis sive in ca-
daveribus, cum ista præcautione , hanc opera-
tionem fecimus, nunquam id contigit nobis .
Ut proinde tot experimentis suffulti audacter
pronuntiemus inanem eorum formidinem esse ,
qui instrumento hoc aut non usi , aut perpe-
ram usi , illud veluti Rectum facile perscin-
dens, dum hoc proba elutione flaccescit , cri-
minati sunt .

13. In moderandis in tabula secandorum cru-
ribus , notabilis observatio , quam in cadaveri-
bus didicimus prodesse potest , prout enarrata
habetur . Quod in cadavere , hoc in nobis pos-
sumus examinare dum lecto jacentes, femore in
ventrem reflexo, varios edimus motus : experi-
mur

mur mox utcumque angustius esse spatium inter pubem & tuber ischii, genu multum extrorsum flexo; spatium vero mox latescere utcumque, dum genu versus umbilicum ducitur.

14. Positio horizontalis Calculosorum, cum exiguo tantum sub capite pulvinari, dum secantur, semiverticali videtur præferenda; quamvis hæc, præsertim in *apparatu magno*, eligitur, & a pluribus in *sectione laterali*, commendatur. Moles intestinorum *magis* in spinam, *minus* in peritonæi expansionem, quæ vesicam tegit, incumbere videtur: quin & splenis, ventriculi, jecorisque pondus, minus in intestina premit. Hinc eandem positionem in nostris perpetuo servavimus.

15. Errorem fateri debeo, in quo olim verfabar. Tom. I. Cap. 35. Intestini Recti prolapsus, veluti unam de causis, sectionem procrastinantibus, considerabam, notabam: at vero jam ægrorum frequentia me convicit, etiam graves Intestini prolapsus tenesmis a calculo excitatis deberi, impedimento in sectione non esse; educto autem calculo brevi cessare, & nullo ferme auxilio curari, quo tempore ægri propter sectionem jacent, & blande nutriti, alternoque aut tertio die enemate expurgati, fœces duras minime coacervant.

16. Nunquam approbare potuimus scrupulosam plurimorum tum Autorum, tum Operatorum timiditatem, qua, calculo olim quidem

386 DE CALCULO VESICÆ URINARIÆ
detecto, jam vero, dum itinerarium immittitur, neutiquam percepto, operationem conficere nolunt. Si enim ab una parte frequentem illam experientiam consideremus, qua uno die invenitur, altero non invenitur calculus; si ab altera parte noscamus eundem semel bene, manifestoque, repertum, non posse aut deliquescere, aut aliorsum aufugere; non est cur totam hanc lugubrem scenam repetere velimus, ægrum minus forsitan dispositum, ad subeundam sectionem, postliminio inventuri. Profecto semel de eo certi, operationem non distulimus, etiamsi illum paulo ante non perciperemus.

Equidem, fateor, contingere nobis posset, ut calculus perceptus quidem olim, sed vel postica parte in uretere detentus (ut casus habet *Tom. I. Cap. 26.*) vel ex sacculo privato tantum leviter eminens, suaeque mole major, sic illo in sacco inclusus, ut extrahi inde non posset; qualis viri militaris calculus, de quo *Tom. I. Cap. 26.* sed quia id ante certo sciri nequit, & quia si calculus in operatione percipitur, operatio semper instituitur, hinc observationes illæ extraordinariæ nihil hic immutare possunt. Frequenti exploratione didicimus esse calculos liberos, qui quotiescumque explorantur, eodem fere loco perpetuo detegantur: esse alios pariter liberos, qui nunc altius, nunc depressius locati deprehendantur. Ut postremi hi, ita calculi firmiter adhæren-

tes,

tes, in expansiore vesica remotius, in contractiore propius, detegentur, sine ullo signo adhesionem testante. Ergo, ut dixi, regula certa id detegendi non adest, & habet hic casus extraordinarius eandem quavis in methodo difficultatem.

17. Urinam Calculosorum pallidam esse passim observavimus. An id ab alcali calculi? Uti que urinæ sanæ acida fossilia rubedinem conciliant; sal aut liquor, alcalinus pallorem: Dixi *sanæ urinæ*: nam si homo prius quædam medicamenta sumserit, potest color ab affusis ad urinam rebus mire variari. Sed calculo sectione educto, in omnibus nostris urina pallida perpetuo fuit, etiam curato dudum vulnere. An igitur id a glutine, quod in vesica cum calculo copiosum aderat, & adhuc dudum adest? Attamen is qui (Hist. 1.) a morte examinatus est, & glutinis nihil in vesica habebat, & urinam semper pallidam, fætidamque, reddiderat. Suspiciabitur forte quisquam a Renum calculis urinas nota alcalina imbui: sed ille idem, de quo nunc sermo est, cum nitida vesica nitidos, liberosque a calculo, aut pure, renes habuit.

18. Quod Part. V. de glutine Calculosorum in calcaream abeunte materiem dixi, id hoc anno constanter novis vidi experimentis confirmatum; imo ut ex Hist. 6. patuit, in labiis vulneris stagnans gluten, maxime circa labiorum commissuram, in lapillos calcareos

388 DE CALCULO VESICÆ URINARIÆ
abiverat. Quid autem proprie illud gluten est?
In charta emporetica liquefcit, tranfitque, ut
concreta calx fere fola fuperfit. Si aeri hoc glu-
ten exponatur in vitro, difparet quoque omne
humidum fola calce fuperfite. Ergo non eft
de natura mucii, quod collæ infar indurefcit.
Fors eft aliquid, quod ex vefica fecretum fe
unit cum ramentis terreftribus, quæ a folidis
abrafa noftris, urina continentur; quodque dein
calculo in ambitum adplicatum, putamina illa
format, quæ toties calculis humanis, alia aliis
incumbentia, circum creta inveniuntur, quæque
etiam toties in fectione calculi ab eodem in-
ter forcipes feperantur. An pulveres, qui fal-
fo dictum Lithonripticon Stepfenianum ingre-
diuntur, apti quoque funt, qui cum humori-
bus, ipfa in vefica fecretis, in laminas calca-
reas abeant, calculo accrefcant, putaminum-
que in morem ad uncias & libras excernan-
tur, dum interea ipfe calculus perfiftens ut erat,
educendus fectione eft; vide Part. 5. Cap. 5.
hujus exemplum.

19. Cur dantur Calculofi, quibus vix ullum
adpareat in urina gluten? Videtur hic impedi-
ta humoris de quo Num. 18. in vefica fcrete-
tio; ita ut abrafa folidorum ramenta partim
cum calculo concrefcant, partim urinis expel-
lantur. Si qua datur in Phyficis adtractio, li-
quor veficæ fecretus haberet tunc fortem vim
hæc ramenta attrahendi, quam calculus quo-
que

que tunc per se haberet: absente illo liquore, Calculus solus attraheret, quantum posset.

An omnium Calculosorum gluten in calcem abit? Part. 5. non ausus fui id asserere. Hoc anno innumera experimenta mihi constanter hoc phænomenon dedere; uno alterove excepto ubi parum admodum ejus adfuit. Hinc hucusque respondeo, in multiplicibus meis experimentis omnium calculosorum mucum plus minus calcis exhibuisse; id tamen contingere posse, ut quis multorum experimentorum occasione gaudens, incideret in nonnullos calculosos, quibus hoc phænomenon forte deesset. Experimenta mea multiplicia observationis frequentiam docent; contrariam forte aliorum observationem non explodunt.

20. Quam est observationum fertilis historia calculi? Cernimus ex omnibus antedictis majores calculos nonnunquam sibi viam per urethram pandere, hominemque ad tempus notabile exemptum vivere dolore; minores e contrario in hanc viam nunquam impelli, & perpetuo cruciari. Advertimus exiles admodum calculos tam vehementes, diuturnosque creare dolores, tenesmos, Recti prolapsus, mucum calcareum, urinam & putridissimam & pallidissimam, summamque vitæ intolerabilitatem, quam unquam producere queunt calculi majores.

21. Si calculus, ut in *Hist.* 10. ex collo vesicæ intra eandem repulsus, anno integro ita latuit, ut vix ulla sui signa dederit; si idem
anno

anno illo elapso, tormenta calculi resuscitet, jam non iterum in collum pulsus sed manens in vesica; nonne verisimilitudo crescit problematicis, quod Part. V. sub ipsum capitis 5. finem, proposui?

22. Dictus *Osfeld* Hist. 8. intra septemdecim menses ter calculo a nobis sectus est, & ultima vice gemino calculo. Absentia doloris ad lumbos, qui olim illi familiaris integram forsitan salutem promittit; fors fallax spes, novos calculos dabit. Eo in casu historiam renovare poterit Mercatoris, qui narrante *Volkammero* M. N. C. Dec. 2. Obser. 177. jam quater a peritissimo Lithotomo sectus, singulo anno novum calculum secandum afferret. Porro hoc incommodum est cuique Methodo commune. Nos saltem certi sumus, enarrato hoc nostro agendi modo, nihil in vesica restitare posse calculosi; adeoque si novus iterum adsit, eum vel novam plane creaturam esse vel ex renibus fuisse delapsum. Hinc non mirarer, quod decies & ultra idem homo indigeret sectione. Simile quid subolfaciens *Aretaeus* Lib. 2. Cur. Chron. Cap. 3., Calculorum, inquit, procreationem e foecunda sterilem reddere nemo potest: „
 „ ρητέρον μὲν γὰρ μήτηρν ἀπὸ τῆς ἐνυχί, ἢ
 „ νεφρὸς ἀφαιρῶντας ἀλίδας. Facilius est enim
 „ uterum sterilem efficere, quam calculiferos re-
 „ nes ita disponere, ut eosdem haud generent
 „ ultra. ” Igitur ter quaterque beatum genus humanum, quod nunc quotiescumque opus fuerit, adeo facile eo hoste queat liberari!

F I N I S.







